

PLENO DO PARLAMENTO

7 de fevereiro de 2017
10.00 horas

ÍNDICE

Páx.

Convocatoria do Pleno	1	
Relación de membros da Cámara	7	
Listado para votación	9	
Punto 1. Textos lexislativos	12	
Debate e votación do ditame, emitido pola Comisión 3. ^a , Economía, Facenda e Orzamentos, sobre o Proxecto de lei de medidas fiscais, administrativas e de ordenación (09/PL-000002, doc. núm. 1969)		
Publicación da iniciativa, BOPG n.º 24, do 03.12.2016		
Publicación da corrección de erros, BOPG n.º 26, do 07.12.2016		
Publicación de emendas ao articulado, BOPG n.º 46, do 17.01.2017		
Publicación do informe de Ponencia, BOPG n.º 54, do 27.01.2017		
Punto 2. Comparecencias en Pleno	15	
2.1 1130 (10/CPP-000001).....	16	
Da Sra. conselleira de Medio Ambiente e Ordenación do Territorio, por petición propia, para informar das liñas xerais de actuación do seu departamento		
Publicación da iniciativa, BOPG n.º 15, do 16.11.2016		
2.2 1131 (10/CPP-000002)		
Da Sra. conselleira de Infraestructuras e Vivenda, por petición propia, para informar das liñas xerais de actuación do seu departamento		
Publicación da iniciativa, BOPG n.º 15, do 16.11.2016.....		18
Punto 3. Mocións.....	20	
3.1 4149 (10/MOC-000010).....	21	
Grupo Parlamentario dos Socialistas de Galicia		
Fernández Leiceaga, Xoaquín María		
Sobre a posición que debe defender o Goberno galego en relación coa reforma do modelo de financiamento autonómico prevista para o ano 2017 (Moción, a consecuencia da Interpelación nº 2294, publicada no BOPG nº 32, do 21.12.1016, e debatida na sesión plenaria do 24.01.2017)		
3.2 4173 (10/MOC-000011)	26	
Grupo Parlamentario de En Marea		
Rodríguez Estévez, David e Quinteiro Araújo, Paula		
Sobre as medidas que debe adoptar o Goberno galego e as demandas que debe realizar ao Goberno central en relación co sector lácteo (Moción, a consecuencia da		

Interpelación nº 1334, publicada no BOPG nº 21, do 29.11.1016, e debatida na sesión plenaria do 24.01.2017)

3.3 4174 (10/MOC-000012) [29](#)

Grupo Parlamentario de En Marea

Chao Pérez, Luca

Sobre as actuacións que debe levar a cabo o Goberno galego para a prevención da violencia de xénero nas escolas (Moción, a consecuencia da Interpelación nº 2491, publicada no BOPG nº 43, do 12.01.1017, e debatida na sesión plenaria do 24.01.2017)

3.4 4186 (10/MOC-000013) [32](#)

Grupo Parlamentario dos Socialistas de Galicia

Losada Álvarez, Abel Fermín

Sobre as demandas que debe realizar o Goberno galego ao Goberno central e as actuacións que debe levar a cabo en relación coa execución da liña de alta velocidade ferroviaria en Galicia (Moción, a consecuencia da Interpelación nº 1044, publicada no BOPG nº 18, do 23.11.1016, e debatida na sesión plenaria do 24.01.2017)

Punto 4. Proposicións non de lei en Pleno [35](#)

4.1 647 (10/PNP-000038)

Grupo Parlamentario dos Socialistas de Galicia

Torrado Quintela, Julio e Blanco Rodríguez, Noela

Sobre o impulso polo Goberno galego dun plan inicial de reversión do copagamento farmacéutico, así como o establecemento dun calendario de medidas para a súa eliminación, de xeito progresivo, para os doentes do Sergas

Publicación da iniciativa, BOPG n.º 10, do 09.11.2016 [36](#)

4.2 744 (10/PNP-000056)

Grupo Parlamentario Popular de Galicia

López Crespo, Carlos Enrique e 3 máis

Sobre a actuación que debe levar a cabo o Goberno galego para a adecuación dos coeficientes redutores da idade de xubilación ás características da actividade marítimo-pesqueira de Galicia

Publicación da iniciativa pola vía de urxencia, BOPG n.º 10, do 09.11.2016 [40](#)

4.3 2254 (10/PNP-000202)

Grupo Parlamentario de En Marea

Solla Fernández, Eva

Sobre as actuacións que debe levar a cabo o Goberno galego en relación coa Lei 1/2012, do 29 de febreiro, de medidas temporais en determinadas materias do emprego público da Comunidade Autónoma de Galicia, así como o V Convenio colectivo único

Publicación da iniciativa, BOPG n.º 32, do 21.12.2016 [44](#)

4.4 2397 (10/PNP-000220)

Grupo Parlamentario do Bloque Nacionalista Galego

Prado Cores, María Montserrat e 5 máis
Sobre a actuación que debe levar a cabo o Goberno galego e a demanda que debe realizar ao Goberno central en relación coa causa iniciada por mariñeiros pertencentes á asociación Long Hope nos tribunais de Noruega para o recoñecemento do seu dereito a percibir dese Estado as súas pensións de xubilación
Publicación da iniciativa, BOPG n.º 36, do 28.12.2016 [47](#)

4.5 3015 (10/PNP-000263)
Grupo Parlamentario do Bloque Nacionalista Galego
Pontón Mondelo, Ana Belén e 5 máis
Sobre as actuacións que debe levar a cabo o Goberno galego en relación cos depósitos de pneumáticos usados existentes en Galicia
Publicación da iniciativa, BOPG n.º 48, do 19.01.2017 [52](#)

4.6 3410 (10/PNP-000293)
Grupo Parlamentario de En Marea
Quinteiro Araujo, Paula e Rodríguez Estévez, David
Sobre as modificacións que debe introducir o Goberno galego no Decreto 37/2006 para evitar a precariedade laboaral na que se atopa o persoal contratado para o Servizo de prevención e defensa contra os incendios forestais por tres meses ao ano
Publicación da iniciativa, BOPG n.º 53, do 26.01.2017 [57](#)

4.7 3551 (10/PNP-000298)
Grupo Parlamentario dos Socialistas de Galicia
Vilán Lorenzo, Patricia e Díaz Villoslada, Juan Manuel
Sobre a avaliación polo Goberno galego dos investimentos e as infraestruturas xudiciais en Galicia, así como a execución na súa totalidade, no ano 2017, do Plan de infraestruturas xudiciais 2010-2015
Publicación da iniciativa, BOPG n.º 53, do 26.01.2017 [61](#)

4.8 3563 (10/PNP-000300)
Grupo Parlamentario Popular de Galicia
García Míguez, María Ángeles e 6 máis
Sobre a realización de xestións polo Goberno galego diante do Concello co fin de adoptar as medidas necesarias para evitar o peche do Centro de información á Muller de Pontecaldelas
Publicación da iniciativa, BOPG n.º 53, do 26.01.2017 [64](#)

Punto 5. Interpelacións..... [67](#)

5.1 1318 (10/INT-000046)
Grupo Parlamentario de En Marea
Sánchez García, Antón e 13 máis
Sobre a política do Goberno galego en materia de pobreza enerxética
Publicación da iniciativa, BOPG n.º 21, do 29.11.2016 [68](#)

5.2 1429 (10/INT-000053)
Grupo Parlamentario dos Socialistas de Galicia

Díaz Villoslada, Juan Manuel e Vilán Lorenzo, Patricia Sobre a política do Goberno galego en materia de emprego público <i>Publicación da iniciativa, BOPG n.º 21, do 29.11.2016</i>	73
--	--------------------

5.3 3797 (10/INT-000134) Grupo Parlamentario do Bloque Nacionalista Galego Presas Bergantiños, Noa, e 5 máis Sobre a política do Goberno galego en relación coa dificultades das familias para o pagamento do recibo da luz <i>Publicación da iniciativa, BOPG n.º 53, do 26.01.2017</i>	79
---	--------------------

Punto 6. Preguntas para resposta oral do Presidente da Xunta..... [83](#)

6.1 4246 (10/POPX-000013) Grupo Parlamentario do Bloque Nacionalista Galego Pontón Mondelo, Ana Belén Sobre a defensa polo Goberno galego dos intereses de Galicia	84
--	--------------------

6.2 4273 (10/POPX-000014) Grupo Parlamentario dos Socialistas de Galicia Fernández Leiceaga, Xoaquín María Sobre a opinión do Goberno galego respecto da recente evolución das implantacións da industria auxiliar do automóbil en Galicia	86
---	--------------------

6.3 4277 (10/POPX-000015) Grupo Parlamentario de En Marea Villares Naveira, Luis Sobre a actuación que vai levar a cabo o Goberno galego en relación co incumprimento dos prazos e trazados dos novos accesos ferroviarios a Ourense	88
---	--------------------

Punto 7. Preguntas ao Goberno..... [90](#)

7.1 3467 (10/POP-000408) Grupo Parlamentario do Bloque Nacionalista Galego Presas Bergantiños, Noa e 5 máis Sobre a valoración do Goberno galego respecto das medidas barralladas polo Goberno central en relación coa situación das persoas afectadas pola comercialización de préstamos hipotecarios coa inclusión de cláusulas chan <i>Publicación da iniciativa, BOPG n.º 53, do 26.01.2017</i>	91
---	--------------------

7.2 3602 (10/POP-000422) Grupo Parlamentario dos Socialistas de Galicia Vilán Lorenzo, Patricia e 3 máis Sobre o coñecemento polo Goberno galego dos problemas detectados no funcionamento da estación depuradora de augas residuais en probas de Ribeira <i>Publicación da iniciativa, BOPG n.º 53, do 26.01.2017</i>	96
---	--------------------

7.3 2891 (10/POP-000304)	
--------------------------	--

Grupo Parlamentario dos Socialistas de Galicia Fernández Fernández, Raul e 3 máis Sobre as consecuencias da anulación da licencia de obras de uso hoteleiro no castelo de Monterrei no contrato de explotación con Paradores de España <i>Publicación da iniciativa, BOPG n.º 43, do 12.01.2017</i>	99
7.4 3674 (10/POP-000433) Grupo Parlamentario de En Marea Chao Pérez, Luca e 2 máis Sobre as razóns do Goberno galego para non realizar en período non lectivo as obras que se están a levar a cabo no CEIP Ramón de la Sagra da Coruña <i>Publicación da iniciativa, BOPG n.º 53, do 26.01.2017</i>	102
7.5 3478 (10/POP-000425) Grupo Parlamentario Popular de Galicia Núñez Centeno, Aurelio Alonso e 5 máis Sobre evolución dos datos da enfermidade gripal no inverno 2016-2017 en Galicia	105
7.6 4247 (10/PUP-000048) Grupo Parlamentario do Bloque Nacionalista Galego Prado Cores, María Montserrat Sobre as razóns da demora do Goberno galego na substitución das agullas facilitadas polo Sergas para a administración de insulina aos doentes afectados pola diabetes	108
7.7 2790 (10/PUP-000283) Grupo Parlamentario Popular de Galicia Rodríguez Arias, Marta e 5 máis Sobre as medidas adoptadas pola Xunta de Galicia para atender as familias obxecto dun desafiuamento <i>Publicación da iniciativa, BOPG n.º 43, do 12.01.2017</i>	111
7.8 3531 (10/PUP-000413) Grupo Parlamentario dos Socialistas de Galicia Burgo López, María Concepción e 4 máis Sobre as intencións da Xunta de Galicia respecto da concertación de prazas na Rede pública de residencias e centros de día creada pola Deputación Provincial de Lugo <i>Publicación da iniciativa, BOPG n.º 53, do 26.01.2017</i>	114
7.9 4276 (10/POP-000050) Grupo Parlamentario de En Marea Villares Naveira, Luis e 13 máis Sobre as previsións do Goberno galego respecto da ampliación, ata os doce meses, do período de contratación subvencionable, nas subvencións dirixidas ás entidades locais para a contratación temporal de persoas en situación ou risco de exclusión social preceptoras da Risga	118
7.10 4233 (10/POP-000047)	



Grupo Parlamentario Popular de Galicia

González Vázquez, José e 5 máis

Sobre as medidas e axudas que está a impulsar o Goberno galego para a
vertebración do sector lácteo

..... [122](#)

A Presidencia, de conformidade co disposto no artigo 53 do Regulamento do Parlamento, resolveu convocar o Pleno do Parlamento para realizar sesión o próximo día 7 de febreiro de 2017, ás 10:00 horas, no pazo do Parlamento.

De acordo coa Xunta de Portavoces e a Mesa, na reunión do día 31 de xaneiro de 2017, a orde do día da sesión é a seguinte:

Punto 1. Texto legislativo

Debate e votación do ditame, emitido pola Comisión 3.^a, Economía, Facenda e Orzamentos, sobre o Proxecto de lei de medidas fiscais, administrativas e de ordenación (09/PL-000002 doc. núm. 1969)

Publicación da iniciativa, BOPG n.º 24, do 03.12.2016

Publicación da corrección de erros, BOPG n.º 26, do 07.12.2016

Publicación de emendas ao articulado, BOPG n.º 46, do 17.01.2017

Publicación do informe de Ponencia, BOPG n.º 54, do 27.01.2017

Punto 2. Comparecencias en pleno

2.1 1130 (10/CPP-000001)

Da Sra. conselleira de Medio Ambiente e Ordenación do Territorio, por petición propia, para informar das liñas xerais de actuación do seu departamento

Publicación da iniciativa, BOPG n.º 15, do 16.11.2016

2.2 1131 (10/CPP-000002)

Da Sra. conselleira de Infraestruturas e Vivenda, por petición propia, para informar das liñas xerais de actuación do seu departamento

Publicación da iniciativa, BOPG n.º 15, do 16.11.2016

Punto 3. Mocións

3.1 4149 (10/MOC-000010)

Grupo Parlamentario dos Socialistas de Galicia

Fernández Leiceaga, Xoaquín María

Sobre a posición que debe defender o Goberno galego en relación coa reforma do modelo de financiamento autonómico prevista para o ano 2017 (Moción a consecuencia da Interpelación nº 2294, publicada no BOPG n.º 32, do 21.12.2016 e debatida na sesión plenaria do 24.01.2017)

3.2 4173 (10/MOC-000011)

Grupo Parlamentario de En Marea

Rodríguez Estévez, David e Quinteiro Araújo, Paula

Sra. deputada/ Sr. deputado do Parlamento de Galicia

Sobre as medidas que debe adoptar o Goberno galego e as demandas que debe realizar ao Goberno central en relación co sector lácteo (Moción a consecuencia da Interpelación nº 1334, publicada no BOPG nº 21, do 29.11.2016 e debatida na sesión plenaria do 24.01.2017)

- 3.3 4174 (10/MOC-000012)
Grupo Parlamentario de En Marea
Chao Pérez, Luca

Sobre as actuacións que debe levar a cabo o Goberno galego para a prevención da violencia de xénero nas escolas (Moción a consecuencia da Interpelación nº 2491, publicada no BOPG nº 43, do 12.01.2017 e debatida na sesión plenaria do 24.01.2017)

- 3.4 4186 (10/MOC-000013)
Grupo Parlamentario dos Socialistas de Galicia
Losada Álvarez, Abel Fermín

Sobre as demandas que debe realizar o Goberno galego ao Goberno central e as actuacións que debe levar a cabo en relación coa execución da liña de alta velocidade ferroviaria en Galicia (Moción a consecuencia da Interpelación nº 1044, publicada no BOPG nº 18, do 23.11.2016 e debatida na sesión plenaria do 24.01.2017)

Punto 4. Propositions non de lei en Pleno

- 4.1 647 (10/PNP-000038)
Grupo Parlamentario dos Socialistas de Galicia
Torrado Quintela, Julio e Blanco Rodríguez, Noela
Sobre o impulso polo Goberno galego dun plan inicial de reversión do copagamento farmacéutico, así como o establecemento dun calendario de medidas para a súa eliminación, de xeito progresivo, para os doentes do Sergas
Publicación da iniciativa, BOPG n.º 10, do 09.11.2016

- 4.2 744 (10/PNP-000056)
Grupo Parlamentario Popular de Galicia
Carlos Enrique, López Crespo e 3 máis
Sobre a actuacións que debe levar a cabo o Goberno galego para a adecuación dos coeficientes redutores da idade de xubilación ás características da actividade marítimo- pesqueira de Galicia.
Publicación da iniciativa pola vía de urxencia, BOPG n.º 10, do 09.11.2016

- 4.3 2254 (10/PNP-000202)
Grupo Parlamentario de En Marea
Solla Fernández, Eva

Sobre as actuacións que debe levar a cabo o Goberno galego en relación coa Lei 1/2012, do 29 de febreiro, de medidas temporais en determinadas materia do emprego público da Comunidade Autónoma de Galicia, así como o V Convenio colectivo único
Publicación da iniciativa, BOPG n.º 32, do 21.12.2016

4.4

2397 (10/PNP-000220)

Grupo Parlamentario do Bloque Nacionalista Galego
Prado Cores, María Montserrat e 5 máis

Sobre a actuación que debe levar a cabo o Goberno galego e a demanda que debe realizar ao Goberno central en relación coa causa iniciada por mariñeiros pertencentes á asociación Long Hope nos tribunais de Noruega para o recoñecemento do seu dereito a percibiren dese Estado as súas pensións de xubilación

Publicación da iniciativa, BOPG n.º 36, do 28.12.2016

4.5

3015 (10/PNP-000263)

Grupo Parlamentario do Bloque Nacionalista Galego
Pontón Mondelo, Ana Belén e 5 máis

Sobre as actuacións que debe levar a cabo o Goberno galego en relación cos depósitos de pneumáticos usados existentes en Galicia

Publicación da iniciativa, BOPG n.º 48, do 19.01.2017

4.6

3410 (10/PNP-000293)

Grupo Parlamentario de En Marea

Quinteiro Araújo, Paula e Rodríguez Estévez, David

Sobre as modificacións que debe introducir o Goberno galego no Decreto 37/2006 para evitar a precariedade laboral na que se atopa o persoal contratado para o Servizo de prevención e defensa contra os incendios forestais por tres meses ao ano

Publicación da iniciativa, BOPG n.º 53, do 26.01.2017

4.7

3551 (10/PNP-000298)

Grupo Parlamentario dos Socialistas de Galicia

Vilán Lorenzo, Patricia e Díaz Villoslada, Juan Manuel

Sobre a avaliación polo Goberno galego dos investimentos e as infraestruturas xudiciais en Galicia, así como a execución na súa totalidade, no ano 2017, do Plan de infraestruturas xudiciais 2010-2015

Publicación da iniciativa, BOPG n.º 53, do 26.01.2017

4.8

3563 (10/PNP-000300)

Grupo Parlamentario Popular de Galicia

García Míguez, María Ángeles e 6 máis

Sobre a realización de xestións polo Goberno galego diante do Concello co fin de adoptar as medidas necesarias para evitar o peche do Centro de

Información á Muller de Pontecaldelas
Publicación da iniciativa, BOPG n.º 53, do 26.01.2017

Punto 5. Interpelacións

- 5.1 1318 (10/INT-000046)
Grupo Parlamentario de En Marea
Sánchez García, Antón e 13 máis
Sobre a política do Goberno galego en materia de pobreza enerxética
Publicación da iniciativa, BOPG n.º 21, do 29.11.2016
- 5.2 1429 (10/INT-000053)
Grupo Parlamentario dos Socialistas de Galicia
Díaz Villoslada, Juan Manuel e Vilán Lorenzo, Patricia
Sobre a política do Goberno galego en materia de emprego público
Publicación da iniciativa, BOPG n.º 21, do 29.11.2016
- 5.3 3797 (10/INT-000134)
Grupo Parlamentario do Bloque Nacionalista Galego
Presas Bergantiños, Noa e 5 máis
Sobre a política do Goberno galego en relación coas dificultades das familias para o pagamento do recibo da luz
Publicación da iniciativa, BOPG n.º 53, do 26.01.2017

Punto 6. Preguntas para resposta oral do Presidente da Xunta

- 6.1 4246 (10/POPX-000013)
Pontón Mondelo, Ana Belén
Grupo Parlamentario do Bloque Nacionalista Galego
Sobre a defensa polo Goberno galego dos intereses de Galicia
- 6.2 4273 (10/POPX-000014)
Grupo Parlamentario dos Socialistas de Galicia
Fernández Leiceaga, Xoaquín María
Sobre a opinión do Goberno galego respecto da recente evolución das implantacións da industria auxiliar do automóbil en Galicia
- 6.3 4277 (10/POPX-000015)
Grupo Parlamentario de En Marea
Villares Naveira, Luis
Sobre a actuación que vai levar a cabo o Goberno galego en relación co incumprimento dos prazos e trazados dos novos accesos ferroviarios a Ourense

Punto 7. Preguntas ao Goberno

- 7.1 3467 (10/POP-000408)
Grupo Parlamentario do Bloque Nacionalista Galego
Presas Bergantiños, Noa e 5 máis
Sobre a valoración do Goberno galego respecto das medidas baralladas polo Goberno central en relación coa situación das persoas afectadas pola comercialización de préstamos hipotecarios coa inclusión de cláusulas chan
Publicación da iniciativa, BOPG n.º 53, do 26.01.2017
- 7.2 3602 (10/POP-000422)
Grupo Parlamentario dos Socialistas de Galicia
Vilán Lorenzo, Patricia e 3 máis
Sobre o coñecemento polo Goberno galego dos problemas detectados no funcionamento da estación depuradora de augas residuais en probas de Ribeira
Publicación da iniciativa, BOPG n.º 53, do 26.01.2017
- 7.3 2891 (10/POP-000304)
Grupo Parlamentario dos Socialistas de Galicia
Fernández Fernández, Raúl e 3 máis
Sobre as consecuencias da anulación da licenza de obras de uso hoteleiro no castelo de Monterrei no contrato de explotación con Paradores de España
Publicación da iniciativa, BOPG n.º 43, do 12.01.2017
- 7.4 3674 (10/POP-000433)
Grupo Parlamentario de En Marea
Chao Pérez, Luca e 2 máis
Sobre as razóns do Goberno galego para non realizar en período non lectivo as obras que se están a levar a cabo no CEIP Ramón de la Sagra da Coruña
Publicación da iniciativa, BOPG n.º 53, do 26.01.2017
- 7.5 3478 (10/POP-000425)
Grupo Parlamentario Popular de Galicia
Núñez Centeno, Aurelio Alfonso e 5 máis
Sobre evolución dos datos da enfermidade gripal no inverno 2016-2017 en Galicia
- 7.6 4247 (10/PUP-000048)
Grupo Parlamentario do Bloque Nacionalista Galego

Prado Cores, María Montserrat

Sobre as razóns da demora do Goberno galego na substitución das agullas facilitadas polo Sergas para a administración de insulina aos doentes afectados pola diabetes

- 7.7 2790 (10/POP-000283)
Grupo Parlamentario Popular de Galicia
Rodríguez Arias, Marta e 5 máis
Sobre as medidas adoptadas pola Xunta de Galicia para atender as familias obxecto dun desafiuzamento
Publicación da iniciativa, BOPG n.º 43, do 12.01.2017
- 7.8 3531 (10/POP-000413)
Grupo Parlamentario dos Socialistas de Galicia
Burgo López, María de la Concepción e 4 máis
Sobre as intencións da Xunta de Galicia respecto da concertación de prazas na Rede pública de residencias e centros de día creada pola Deputación Provincial de Lugo
Publicación da iniciativa, BOPG n.º 53, do 26.01.2017
- 7.9 4276 (10/PUP-000050)
Grupo Parlamentario de En Marea
Villares Naveira, Luis e 13 máis
Sobre as previsións do Goberno galego respecto da ampliación, ata os doce meses, do período de contratación subvencionable, nas subvencións dirixidas ás entidades locais para a contratación temporal de persoas en situación ou risco de exclusión social preceptoras da Risga
- 7.10 4233 (10/PUP-000047)
Grupo Parlamentario Popular de Galicia
González Vázquez, José e 5 máis
Sobre as medidas e axudas que está a impulsar o Goberno galego para a vertebración do sector lácteo.

O que lle comunico para o seu coñecemento e a súa convocatoria a devandita reunión.

Santiago de Compostela, 31 de xaneiro de 2017

Miguel Ángel Santalices Vieira

Presidente

Asinado dixitalmente por:

Miguel Ángel Santalices Vieira, Presidente na data 31/01/2017 14:28:01

Sra. deputada/ Sr. deputado do Parlamento de Galicia

RELACIÓN DE MEMBROS DE PLENO DO PARLAMENTO

POR ORDE ALFABÉTICA

Luis Manuel Álvarez Martínez	S
María Encarnación Amigo Díaz	P
María Ángeles Antón Vilasánchez	P
Raquel Arias Rodríguez	P
Silvestre José Balseiros Guinarte	P
Xosé Luís Bará Torres	BNG
Magdalena Barahona Martín	EM
Moisés Blanco Paradelo	P
Noela Blanco Rodríguez	S
María de la Concepción Burgo López	S
Marcos Cal Ogando	EM
Diego Calvo Pouso	P
Francisco Casal Vidal	EM
Jaime Castiñeira Broz	P
Luca Chao Pérez	EM
Francisco José Conde López	P
María de los Ángeles Cuña Bóveda	EM
Juan Manuel Díaz Villoslada	S
Teresa Egerique Mosquera	P
Raúl Fernández Fernández	S
César Manuel Fernández Gil	P
Xoaquín María Fernández Leiceaga	S
Martín Fernández Prado	P
María Ángeles García Míguez	P
Carlos Gómez Salgado	P
José González Vázquez	P
José Manuel Lago Peñas	EM
Carlos Enrique López Crespo	P
Abel Fermín Losada Álvarez	S
Beatriz Mato Otero	P
Juan José Merlo Lorenzo	EM
Antonio Mouriño Villar	P
María Guadalupe Murillo Solís	P
Marta Nóvoa Iglesias	P
Aurelio Alfonso Núñez Centeno	P
Alberto Núñez Feijóo	P
José Alberto Pazos Couñago	P
José Manuel Pérez Seco	S
María Luisa Pierres López	S
Ana Belén Pontón Mondelo	BNG
María Montserrat Prado Cores	BNG
Paula Prado del Río	P
Noa Presas Bergantiños	BNG
Pedro Puy Fraga	P
Rosa María Quintana Carballo	P

Paula Quinteiro Araújo	EM
José Antonio Quiroga Díaz	S
José Manuel Rey Varela	P
José Luis Rivas Cruz	BNG
Olalla Rodil Fernández	BNG
Marta Rodríguez Arias	P
María Julia Rodríguez Barreira	P
David Rodríguez Estévez	EM
Matilde Begoña Rodríguez Rumbo	S
Marta María Rodríguez-Vispo Rodríguez	P
Cristina Isabel Romero Fernández	P
Alfonso Rueda Valenzuela	P
Antón Sánchez García	EM
Miguel Ángel Santalices Vieira	P
Carmen Santos Queiruga	EM
Eva Solla Fernández	EM
Miguel Ángel Tellado Filgueira	P
María Dolores Toja Suárez	S
Julio Torrado Quintela	S
Daniel Luís Varela Suanzes-Carpegna	P
Sandra Vázquez Domínguez	P
Paula Vázquez Verao	EM
Daniel Vega Pérez	P
Patricia Vilán Lorenzo	S
Luis Villares Naveira	EM

Relación de deputadas e deputados do Parlamento de Galicia X Lexislatura

(actualizada 01 de febreiro de 2017)

Para votación por chamamento

APELIDOS E NOME	GP	SI	NON	ABST
1. Álvarez Martínez, Luís Manuel	S			
2. Amigo Díaz, María Encarnación	P			
3. Antón Vilasánchez, María Ángeles	P			
4. Balseiros Guinarte, Silvestre José	P			
5. Bará Torres, Xosé Luís	BNG			
6. Barahona Martín, Magdalena	EM			
7. Blanco Paradelo, Moisés	P			
8. Blanco Rodríguez, Noela	S			
9. Cal Ogando, Marcos	EM			
10. Casal Vidal, Francisco	EM			
11. Castiñeira Broz, Jaime	P			
12. Chao Pérez, Luca	EM			
13. Cuña Bóveda, María de los Ángeles	EM			
14. Díaz Villoslada, Juan Manuel	S			
15. Egerique Mosquera, Teresa	P			
16. Fernández Fernández, Raúl	S			
17. Fernández Gil, César Manuel	P			
18. Fernández Leiceaga, Xoaquín María	S			
19. Fernández Prado, Martín	P			
20. García Míguez, María Angeles	P			
21. Gómez Salgado, Carlos	P			
22. González Vázquez, José	P			
23. Lago Peñas, José Manuel	EM			
24. López Crespo, Carlos Enrique	P			
25. Losada Álvarez, Abel Fermín	S			
26. Merlo Lorenzo, Juan José	EM			
27. Mouriño Villar, Antonio	P			
28. Murillo Solís, Maria Guadalupe	P			
29. Nóvoa Iglesias, Marta	P			
30. Nuñez Centeno, Aurelio Alfonso	P			
31. Pazos Couñago, José Alberto	P			

32. Pérez Seco, José Manuel	S			
33. Pierres López, María Luisa	S			
34. Pontón Mondelo, Ana Belen	BNG			
35. Prado Cores, María Montserrat	BNG			
36. Prado del Río, Paula	P			
37. Presas Bergantiños, Noa Olalla	BNG			
38. Puy Fraga, Pedro	P			
39. Quinteiro Araújo, Paula	EM			
40. Quiroga Díaz, José Antonio	S			
41. Rivas Cruz, José Luis	BNG			
42. Rodil Fernández, Olalla	BNG			
43. Rodríguez Arias, Marta	P			
44. Rodríguez Barreira, María Julia	P			
45. Rodríguez Estévez, David	EM			
46. Rodríguez Rumbo, Matilde Begoña	S			
47. Rodríguez-Vispo Rodríguez, Marta María	P			
48. Romero Fernández, Cristina Isabel	P			
49. Sánchez García, Antón	EM			
50. Santos Queiruga, Carmen	EM			
51. Tellado Filgueira, Miguel Ángel	P			
52. Toja Suárez, María Dolores	S			
53. Torrado Quintela, Julio	S			
54. Varela Suanzes-Carpegna, Daniel Luís	P			
55. Vázquez Domínguez, Sandra	P			
56. Vázquez Verao, Paula	EM			
57. Vega Pérez, Daniel	P			
58. Vilán Lorenzo, Patricia	S			
59. Villares Naveira, Luís	EM			

DEPUTADAS E DEPUTADOS MEMBROS DA XUNTA DE GALICIA

60. Quintana Carballo, Rosa María	P			
61. Rey Varela, José Manuel	P			
62. Conde López, Francisco José	P			
63. Mato Otero, Beatriz	P			

64. Rueda Valenzuela, Alfonso	P			
65. Núñez Feijoo, Alberto	P			
DEPUTADAS E DEPUTADOS DA MESA DO PARLAMENTO				
71. Burgo López, María de la Concepción	S			
72. Arias Rodríguez, Raquel	P			
73. Solla Fernández, Eva	EM			
74. Calvo Pouso, Diego	P			
75. Santalices Vieira, Miguel Ángel	P			

Reunión do Pleno do Parlamento
Día: 07.02.2017 Hora: 10:00
Orde do día

1. Texto lexislativo

Reunión do Pleno do Parlamento
Día: 07.02.2017 Hora: 10:00
Orde do día

- 1.0 Debate e votación do ditame, emitido pola Comisión 3.^a,
Economía, Facenda e Orzamentos, sobre o Proxecto de lei de
medidas fiscais, administrativas e de ordenación (09/PL-
000002 doc. núm. 1969)

VID. SEPARATA NÚM. 1

PLENO DO PARLAMENTO

7 de febreiro de 2017

10.00 horas

Debate e votación do ditame elaborado pola Comisión 3.^a, Economía e Facenda e Orzamentos sobre o Proxecto de Lei de medidas fiscais, administrativas e de ordenación (doc. núm. 1969, 10/PL-000002)

Publicación da iniciativa, BOPG n.º 24, do 03.12.2016

Publicación de corrección de erros, BOPG n.º 26, do 07.01.2017

Publicación de emendas ao articulado, BOPG n.º 46, do 17.01.2017

Publicación informe da Ponencia, BOPG n.º 54, do 27.01.2017

Publicación do ditame da Comisión, BOPG n.º 58, do 02.02.2017

Publicación de emendas e votos particulares, BOPG n.º 58, do 02.02.2017

Separata núm. 1

1. Procedementos parlamentarios**1.2. Procedementos de natureza normativa****1.1.2. Propostas de normas****1.1.2.1. Proxectos de proposicións de lei****1.1.2.1.1. Proxectos de lei****Ditame emitido pola Comisión 3ª, Economía, Facenda e Orzamentos, sobre o Proxecto de lei de medidas fiscais, administrativas e de ordenación**

A Comisión 3ª, Economía, Facenda e Orzamentos, na reunión do 30 de xaneiro de 2017, adoptou os seguintes acordos:

Aprobación do ditame da Comisión

- 1969 (10/PL-000002)

Presidencia da Xunta de Galicia

Proxecto de lei de medidas fiscais, administrativas e de ordenación

BOPG n.º 24, do 03.12.2016

Santiago de Compostela, 31 de xaneiro de 2017

Miguel Ángel Santalices Vieira

Presidente

Ditame emitido pola Comisión 3ª, Economía, Facenda e Orzamentos, sobre o Proxecto de lei de medidas fiscais, administrativas e de ordenación

A Comisión 3ª, Economía, Facenda e Orzamentos, na sesión do día 30 de xaneiro de 2017, á vista do Informe elaborado pola Ponencia sobre o Proxecto de lei de medidas fiscais, administrativas e de ordenación, de conformidade co disposto nos artigos 116 e seguintes do Regulamento do Parlamento de Galicia, aprobou o seguinte:

DITAME

Texto articulado

EXPOSICIÓN DE MOTIVOS**I**

Os orzamentos requiren para a súa completa aplicación a adopción de diferentes medidas, unhas de carácter puramente executivo e outras de carácter normativo, que, pola súa natureza, deben adoptar rango de lei e que, como precisou o Tribunal Constitucional, non deben integrarse nas leis anuais de orzamentos xerais senón en leis específicas.

O debate doutrinal acerca da natureza das chamadas leis de acompañamento foi resolto polo Tribunal Supremo, que configurou este tipo de normas como leis ordinarias cuxo contido está plenamente amparado pola liberdade de configuración normativa da que goza o lexislador e que permiten unha mellor e máis eficaz execución do programa do Goberno nos distintos ámbitos en que desenvolve a súa acción.

Desde esta perspectiva, tendo presente a actividade que desenvolve a Comunidade Autónoma de Galicia, cuxos obxectivos se explicitan na Lei de orzamentos xerais da Comunidade Autónoma para o ano 2017, e co obxecto de contribuír a unha maior eficacia e eficiencia destes, o presente anteproxecto de lei contén un conxunto de medidas referidas a diferentes áreas de actividade que, con vocación de permanencia no tempo, contribúen á consecución de determinados obxec-

tivos de orientación plurianual perseguidos pola Comunidade Autónoma a través da execución orzamentaria.

Este é o fin dunha norma cuxo contido esencial o constitúen as medidas de natureza tributaria, aínda que se incorporan outras de carácter e organización administrativos.

II

Esta norma legal contén catro títulos: o primeiro dedicado ás medidas fiscais; o segundo, ás medidas de carácter administrativo; o terceiro, á ordenación do sistema de transporte público regular de viaxeiros; e o cuarto, ás medidas provisionais de ordenación urbanística. O título I consta de dous capítulos, relativos o primeiro aos tributos cedidos e o segundo aos tributos propios. O título II consta de nove capítulos, dedicados, respectivamente, á función pública, medidas financeiras, procedemento administrativo, economía e industria, agricultura, innovación, mar e servizos sociais. O título III consta de catro capítulos, dedicados, respectivamente, ao obxecto e réxime de competencias, ao transporte público regular de uso xeral, á integración e coordinación de servizos nunha rede de transporte integrada e ao réxime económico e tarifario dos servizos de transporte. O título IV consta de dous capítulos, o primeiro dedicado ás disposicións xerais e o segundo, ao procedemento de aprobación do instrumento de planificación. Tamén contén seis disposicións adicionais, unha disposición transitoria, cinco disposicións derogatorias e cinco derradeiras.

Polo que atinxe ás medidas fiscais, abordadas no título primeiro, cómpre sinalar as seguintes:

En canto aos tributos cedidos, o capítulo I deste título recolle dous artigos nos que se modifican o imposto sobre transmisións patrimoniais onerosas e actos xurídicos documentados e a taxa fiscal sobre xogos de sorte, envite ou azar.

En relación co imposto sobre transmisións patrimoniais onerosas e actos xurídicos documentados, elimínanse as seguintes deducións e bonificacións:

— A bonificación aplicable, na modalidade de transmisións patrimoniais e de actos xurídicos documentados, ás operacións derivadas do Plan de dinamización económica de Galicia previsto para as áreas da Costa da Morte e de dinamización prioritaria de Lugo e Ourense.

— A dedución aplicable, na modalidade de transmisións patrimoniais, ás concesións ou autorizacións administrativas relativas ás enerxías renovables.

— A bonificación aplicable, na modalidade de actos xurídicos documentados, ás operacións relacionadas con vivendas protexidas ao abeiro da lexislación da Comunidade Autónoma de Galicia.

Con estas derogacións trátase de adecuar o texto refundido das disposicións legais da Comunidade Autónoma en materia de tributos cedidos aos cambios normativos e xurisprudencias acaecidos con posterioridade á aprobación das deducións e bonificacións en cuestión, dado que non son de aplicación na práctica.

Neste mesmo imposto establécese un beneficio fiscal consistente nunha dedución na cota do 100 % co obxectivo de fomentar a adquisición de vivenda naquelas zonas do territorio galego que se atopen despoboadas, coa finalidade de promover o asentamento con carácter permanente, cos conseguintes beneficios que isto supón para o contorno. Por este motivo, este beneficio fiscal aplícase ás vivendas que van ter a condición de habituais para o adquirente, e aplícase a distintos colectivos obxecto de protección, como mozos, familias numerosas e discapacitados. A medida tamén introduce límites con respecto ao patrimonio do adquirente e ao valor da vivenda, introducindo así medidas de progresividade e capacidade económica para o seu desfrute.

No que atinxe á taxa fiscal sobre xogos de sorte, envite ou azar, homoxeneíza as normas de xestión na normativa do xogo no relativo á liquidación e pagamento da súa taxa fiscal no tocante aos pagamentos á conta.

Polo que se refire aos tributos propios, no capítulo II recóllese, en primeiro lugar, un artigo dedicado ás taxas administrativas onde se establece, por un lado, a elevación dos tipos das taxas de contía fixa nun 1 %, e, por outro, as modificacións introducidas na Lei 6/2003, do 6 de decembro, de taxas e prezos, que obedecen ben á creación de novas taxas ou ben á modificación das vixentes. Destaca polo seu impacto económico a elevación da tarifa do canon por obras hidráulicas de regulación xestionadas pola Administración hidráulica da Comunidade Autónoma de Galicia, que para o ano 2017 ascende a 0,017 €/m³.

Polo que respecta ao canon da auga, modifícase o tipo de gravame da parte variable nas augas termais e mariñas destinadas a uso terapéutico.

En canto ás medidas administrativas que se recollen no título II, cómpre destacar:

No capítulo dedicado á función pública, modifícanse varios preceptos da Lei 2/2015, do 29 de abril, do emprego público de Galicia. Así, a modificación do artigo 89 incorpora a obrigatoriedade de concursar para o persoal funcionario que está desempeñando un posto en adscrición por motivos de saúde ou rehabilitación, dado que o está a ocupar de forma provisional. A modificación do artigo 96 permite maior versatilidade e mobilidade para o persoal funcionario pertencente ás escalas, promovendo a promoción deste persoal a outros postos distintos aos da súa escala de orixe. A modificación do artigo 104 ten como finalidade incluír na Lei do emprego público de Galicia a previsión legal contida no artigo 59 da Lei 13/2015, do 24 de decembro, de medidas fiscais e administrativas, segundo o cal o persoal funcionario procedente das fusións dos concellos que se realicen no ámbito da Comunidade Autónoma se transfire e se integra na Administración autonómica, regulando así un procedemento de adscrición aos corpos e escalas da Comunidade Autónoma. A disposición adicional primeira da lei modifícase para incorporar que, cando se toma como referencia do desfrute dos permisos a localidade, esta veña referida ao termo municipal de residencia do persoal funcionario. Coa modificación da disposición adicional oitava e novena modifícanse algunhas das escalas e especialidades existentes, así como as funcións que ten asignadas e a titulación correspondente para o acceso a estas, adaptándoas aos novos graos existentes, e, por outra parte, tamén se crean outras novas escalas. A disposición adicional décima modifícase para adaptar as titulacións ao marco español de cualificacións para a educación superior das ramas de coñecemento que están reguladas no Real decreto 1954/1994, do 30 de setembro, sobre homologación de títulos aos do Catálogo de títulos universitarios oficiais, creado polo Real decreto 1497/1987, do 27 de novembro, e consolidado a 1 de agosto de 2011. A modificación da disposición transitoria terceira unicamente clarifica a redacción actual da lei. Por último, engádense a esta lei dúas disposicións transitorias debido á necesidade de manter un réxime transitorio para o persoal laboral temporal que desempeñe funcións de persoal funcionario e para o persoal laboral afectado pola creación de escalas.

O marco xeral establecido de funcionarización, creación de escalas e modificación do vínculo laboral é consecuencia directa tanto do acordo de bombeiros forestais e a súa segunda actividade (asinado coa CIG, CC.OO., CSIF e UGT) como do acordo aprobado na Comisión de Persoal —co voto a favor desas mesmas organizacións sindicais— para a integración do persoal do Consorcio Galego de Servizos de Igualdade e Benestar no Convenio colectivo único do persoal laboral da Xunta de Galicia do pasado mes de setembro.

Neste capítulo tamén se modifica a Lei 1/2012, do 29 de febreiro, de medidas temporais en determinadas materias de emprego público da Comunidade Autónoma de Galicia, para clarificar que a reserva de posto de traballo unicamente abarca aqueles que están afectados polos procesos de consolidación de emprego ao amparo do V Convenio colectivo e o persoal laboral temporal que ocupe postos con anterioridade ao 1 de xaneiro de 2005 e só para aqueles postos de persoal laboral.

Tamén en materia de función pública, modifícase a Lei 16/2010, do 17 decembro, de organización e funcionamento da Administración xeral e do sector público, para regular a integración do persoal laboral fixo das entidades instrumentais como persoal laboral da Administración xeral

da Comunidade Autónoma de Galicia e a aplicación do convenio colectivo único ao persoal laboral temporal.

Por último, introdúcese na lei un artigo ante a necesidade de que a Consellería de Sanidade poida prover un posto de traballo dunha concreta clase da escala de saúde pública, excepcionalmente e de maneira temporal, mediante unha comisión de servizos voluntaria de persoal funcionario doutra clase da mesma escala, sempre e cando a titulación exixida para o acceso á clase orixinal sexa a mesma que a requirida para o posto de traballo de que se trate.

O capítulo II, dedicado ao réxime financeiro, divídese en dúas seccións. Na sección 1ª, «Tesouro», recóllense varias modificacións do título IV do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro.

Estas modificacións teñen por obxecto adecuar o contido desta lei á Lei 16/2010, do 17 de decembro, de organización e funcionamento da Administración xeral e do sector público autonómico de Galicia, para acadar un maior control e unha mellor xestión de todos os recursos financeiros que constitúen a Tesouraría da Comunidade Autónoma de Galicia.

Ademais, introdúcese un artigo 91 *bis* no que se regula a prescrición dos depósitos e garantías en efectivo constituídos na Caixa Xeral de Depósitos da Comunidade Autónoma.

A sección 2ª, «Xestión orzamentaria», recolle unha modificación no artigo 14.2 da Lei 2/2011, do 16 de xuño, de disciplina orzamentaria e sustentabilidade financeira, coa finalidade de que non xurdan dúbidas acerca da habilitación normativa suficiente para que se regulen por orde da Consellería de Facenda, como consecuencia do seu carácter estritamente técnico e cambiante, o contido e o alcance da memoria que debe acompañar os expedientes de autorización de investimentos do sector público autonómico que incorporen unha previsión do gasto corrente.

O capítulo dedicado ao procedemento administrativo divídese en catro seccións, dedicadas, respectivamente, á Administración dixital, ao réxime sancionador e prazos de procedementos administrativos, á adecuación normativa e ao réxime administrativo.

A sección 1ª, dedicada á Administración dixital, ten como finalidade dar cumprimento á Lei 39/2015, do 1 de outubro, do procedemento administrativo común das administracións públicas, e á Lei 40/2015, do 1 de outubro, de réxime xurídico do sector público. O desenvolvemento efectivo destas leis fai necesario avanzar cara á eliminación de compartimentos estancos na información da tramitación administrativa para acadar un espazo único de información ao cidadán coa súa situación administrativa de xeito claro e transparente, e nomeado nesta proposta como «Carpeta do cidadán». Impulsa a compartición de información e de documentos que permitan eliminar redundancias, duplicidades e peticións innecesarias cara ao cidadán, e promove o uso das notificacións electrónicas fronte ás notificacións en papel, que se materializarán a través do Sistema de notificacións electrónicas de Galicia.

A sección 2ª consta de catro artigos. O primeiro destes artigos recolle unha modificación do artigo 53 da Lei 9/2013, do 19 de decembro, do emprendemento e da competitividade económica de Galicia, relativo a infraccións graves en materia de espectáculos públicos e actividades recreativas. Tamén modifica a Lei 3/2012, do 2 de abril, do deporte de Galicia, para recoller unha modificación nunha infracción moi grave en materia de deportes. Os restantes artigos regulan os prazos para notificar unha serie de procedementos. Así, os prazos no procedemento sancionador en materia de transporte marítimo de persoas en augas interiores de Galicia, os prazos para notificar as resolucións dos procedementos de desafuizamento administrativo e de adxudicación de vivendas protexidas de promoción pública e os prazos para notificar as resolucións sancionadoras en materia sanitaria.

A sección 3ª deste capítulo, «Adecuación normativa», recolle catro artigos. Regúlase nos dous primeiros artigos a previsión dun prazo máximo de seis meses para resolver e notificar os procedementos sancionadores de competencia da Comunidade Autónoma, que rexerá en todos aqueles nos que a súa normativa específica, legal ou regulamentaria, non preveña un prazo concreto. En canto á determinación do inicio do cómputo da prescrición das sancións impostas en

resolucións que foron obxecto de recursos pendentes de resolver no momento da entrada en vigor das leis 39/2015, do 1 de outubro, do procedemento administrativo común das administracións públicas, e 40/2015, do 1 de outubro, de réxime xurídico do sector público, cómpre darlle cumprimento ao establecido no punto 3 do artigo 30 da Lei 40/2015, de conformidade co cal o prazo previsto para a prescrición da sanción comezará a contarse desde o día seguinte a aquel en que finalice o prazo previsto para a resolución do recurso, e o anterior, tendo en conta o principio de norma máis favorable que rexe no dereito sancionador, unido este ao carácter de normativa básica da lexislación citada, e, en particular, o disposto no punto 2 do artigo 26 da Lei 40/2015, cando dispón que «as disposicións sancionadoras producirán efectos retroactivos cando favorezan o presunto infractor ou o infractor, tanto no referido á tipificación da infracción como á sanción e aos seus prazos de prescrición, aínda respecto de sancións pendentes de cumprimento ao entrar en vigor a nova disposición», así como ao principio de seguridade xurídica que debe rexer en todo procedemento administrativo. Igualmente, cómpre incluír unha referencia expresa ao cómputo do prazo de prescrición no que atinxe á reposición da legalidade, dada a relevancia, alcance e autonomía da referida obriga respecto da propia sanción, máis alá da integración de ambas, sanción e restitución, nunha mesma resolución por razóns de economía procesual.

O terceiro dos artigos desta sección modifica a Lei 2/2012, do 28 de marzo, galega de protección xeral das persoas consumidoras e usuarias. A finalidade da regulación proposta é incorporar unha disposición adicional sexta á Lei 2/2012, co fin de determinar como lei especial a regulación establecida naquela lei, con dous apartados. O primeiro apartado é o referido á Lei 39/2015, con fundamento na previsión da disposición adicional primeira desta última lei; e o segundo establece a súa relación coa Lei 40/2015, considerando a regulación da Lei 2/2012 como de desenvolvemento das bases no eido da potestade sancionadora da citada Lei 40/2015. En ambos os supostos garántese o obrigado respecto á lexislación básica.

O último dos artigos regula o silencio administrativo en procedementos en materia de persoal.

A última sección deste capítulo consta de tres artigos. O primeiro deles, e de acordo co criterio seguido polo Estado en varios artigos da Lei 40/2015, do 1 de outubro, de réxime xurídico do sector público, e con base nas competencias de autoorganización da Administración autonómica, regula a responsabilidade aplicable aos membros dos consellos de administración das sociedades mercantís públicas autonómicas ou do padroado das fundacións do sector público, designados pola Administración xeral ou polos entes instrumentais, que será asumida directamente pola Administración ou ente designante. O mesmo criterio aplícase aos membros das entidades ou órganos liquidadores dun ente do sector público autonómico. O segundo regula a ordenación das competencias de execución da Comunidade Autónoma respecto do control metrolóxico de instrumentos en servizo, establecendo a forma de realizar a devandita actividade e as consecuencias na execución do contrato de concesión actualmente existente. O último dos artigos regula unha modificación na Lei 14/1985, do 23 de outubro, reguladora dos xogos e apostas de Galicia.

En materia de vivenda, introdúcese unha modificación no articulado da Lei 8/2012, do 29 de xuño, de vivenda de Galicia, prevéndose a posibilidade de que as persoas propietarias ou usufrutuarias de vivendas que residan no ámbito dunha actuación desenvolta polo Instituto Galego da Vivenda e Solo (IGVS) e que non sexan compatibles coa nova ordenación poidan acceder ás parcelas destinadas a vivendas unifamiliares ou ás vivendas protexidas resultantes da actuación excepciónándoas do cumprimento dos requisitos de acceso ás vivendas protexidas.

O capítulo dedicado á economía e industria consta de tres seccións: minaría, consumo e comercio interior.

A sección 1ª, dedicada á minaría, regula nun artigo a modificación de varios preceptos da Lei 3/2008, do 23 de maio, de ordenación da minaría de Galicia. Coa modificación proposta faise efectiva a constitución do Censo Catastral Mineiro de Galicia no Catastro Mineiro de Galicia, ademais de garantir o acceso público ao Rexistro Mineiro, axilizar as tramitacións, permitindo a

emisión de certificados telematicamente, e incrementar a seguridade xurídica tanto para concesionarios como para solicitantes.

A sección 2ª, dedicada ao consumo, modifica o concepto de consumidor na Lei 2/2012, do 28 de marzo, galega de protección xeral das persoas consumidoras e usuarias.

A sección 3ª, dedicada ao comercio interior, modifica o artigo relativo á composición da Comisión Consultiva prevista na Lei 13/2010, do 17 de decembro, de comercio interior de Galicia.

O capítulo VI, «Agricultura», consta de dúas seccións, unha de montes e outra de estrutura agraria.

Na sección de montes, modifícanse varios preceptos da Lei 7/2012, do 28 de xuño, de montes de Galicia. Así, regúlase o aproveitamento dos produtos característicos dos terreos forestais naqueles predios que teñen a consideración de solo rústico de protección agropecuaria; facilítase a aprobación de deslindamentos entre montes veciñais en man común e propiedades particulares, de xeito que as propiedades queden mellor definidas; permítese que se regulen por decreto as plantacións de eucaliptos e doutras especies, de xeito que se controle a súa utilización nos lugares onde sexa conveniente desde os puntos de vista económico, ambiental e de ordenación do territorio e da paisaxe; clarifícase o concepto de documento de adhesión, cuxas características serán definidas mediante orde da consellaría competente como consecuencia de tratarse dunha materia técnica suxeita a unha realidade cambiante, de xeito que se acelere a súa implantación nas parcelas forestais de pequena superficie e que estas melloren canto antes a calidade da súa xestión; clarifícase que o outorgamento de autorizacións administrativas, xa sexan expresas ou presuntas, se concederá sen prexuízo de terceiros propietarios ou titulares de dereitos de aproveitamento; facilítase a cancelación de consorcios ou convenios en montes nos que, pola súa casuística especial, non resulta viable redactar e aprobar un instrumento de ordenación ou de xestión; recoñécese a validez dos títulos inscritos no rexistro da propiedade; facilítase a actualización dos lindeiros dos montes veciñais en man común, de xeito que as propiedades queden mellor definidas; e, por último, permítese, de xeito excepcional, o aproveitamento de parcelas situadas no interior de montes veciñais en man común aos particulares que as plantaron a título individual.

A sección dedicada á estrutura agraria introduce unha serie de modificacións na Lei 4/2015, do 17 de xuño, de mellora da estrutura territorial agraria de Galicia. Así, as modificacións teñen por obxecto clarificar o proceso de avaliación dos requisitos necesarios para acadar os criterios recollidos no artigo 2 da Lei e da publicidade e consulta a terceiros interesados, fixar con maior claridade o que constitúe a dotación para cada un dos fondos que se constitúan cos predios que a entidade xestora do Banco de Terras de Galicia xestiona e, por último, incrementar o tempo para que os titulares vexan recollidos, no proceso de concentración ou reestruturación parcelaria, os cambios de titularidade que se produzan. Así mesmo, incorpora un artigo na lei para establecer o réxime de propiedade e cesión en precario dos predios da masa común de reestruturación parcelaria, ao carecer de regulación ao respecto, unha disposición adicional para regular as distancias de explotacións gandeiras porcinas a cascos urbanos e unha disposición transitoria que regula a coordinación catastral.

O capítulo VII, dedicado á innovación, introduce, por un lado, unha modificación na Lei de racionalización do sector público autonómico para regular a contratación pública de innovación co fin de dar visibilidade e impulso ao novo procedemento de contratación recollido na Directiva 2014/24/UE e dirixida a todos os poderes adjudicadores do sector público autonómico galego. Por outro, regula a participación das empresas, entidades e particulares na investigación en saúde, mediante achegas económicas dirixidas ao financiamento finalista de proxectos de I+D neste ámbito.

O capítulo VIII, «Mar», consta de dúas seccións, a primeira dedicada á materia de portos e a segunda, á pesca.

En materia de portos, introduce unha nova disposición transitoria na Lei 5/1994, do 29 de novembro, de creación do ente público Portos de Galicia, para regular a ampliación das concesións portuarias outorgadas pola Comunidade Autónoma de Galicia con anterioridade á entrada en vigor da Lei 18/2014, do 15 de outubro, de aprobación de medidas urxentes para o crecemento, a competitividade e a eficiencia.

En materia de pesca, introduce unha serie de modificacións na Lei de pesca de Galicia.

A primeira amplía o prazo da duración da concesión para o exercicio da actividade da acuicultura, tanto en zona marítima como en zona marítimo-terrestre, a un máximo de cincuenta anos, coa finalidade de adaptala á normativa estatal e de permitir que un titular poida exercer a actividade da acuicultura durante todo o tempo que teña a concesión para o dominio público marítimo-terrestre.

A segunda amplía o prazo de vixencia das concesións experimentais na zona marítima e marítimo-terrestre para a realización de proxectos de investigación ou de proxectos que introduzan innovacións substanciais na explotación, nos artefactos e nas especies a cinco anos, xa que o prazo actual de tres anos resulta, en moitas ocasións, unha limitación importante para levar a termo os proxectos.

A terceira engade unha disposición adicional á Lei de pesca de Galicia, para regular a prórroga extraordinaria dos títulos habilitantes para o exercicio da acuicultura, garantindo unha maior seguridade xurídica á actividade da acuicultura e unha maior continuidade aos establecementos produtivos autorizados na Comunidade Autónoma galega.

En materia de servizos sociais, introdúcense dous preceptos. O primeiro establece o réxime de cofinanciamento nos servizos prestados polo Consorcio Galego de Servizos de Igualdade e Benestar ou ente que o substitúa en colaboración cos concellos e mancomunidades.

Regúlase un novo modelo de cofinanciamento para a prestación dos servizos de escolas infantís e centros de día que xestiona na actualidade ou que pase a xestionar no futuro o Consorcio de Servizos da Igualdade e Benestar en colaboración coas entidades locais para garantir a sustentabilidade financeira dos servizos e homoxeneizar as súas condicións en garantía da seguridade xurídica, en consonancia co Acordo marco asinado pola Consellería de Política Social coa Fe-gamp o 11 de maio de 2016.

Todo o anterior, co obxectivo de garantir a sustentabilidade financeira dos servizos que se prestan a través do Consorcio Galego de Servizos de Igualdade e Benestar ou ente que o substitúa, en colaboración cos concellos e mancomunidades, e de homoxeneizar as súas condicións en garantía da seguridade xurídica.

En segundo lugar, cómpre modificar o artigo 16 da Lei 13/2008, do 3 de decembro, de servizos sociais de Galicia, co obxecto de establecer de forma máis clara e precisa o concepto e contido en xeral da Historia social única electrónica. Establécese a obrigatoriedade de incorporar a información necesaria á Historia social única electrónica por parte das distintas entidades que conforman o Sistema galego de servizos sociais.

O título III regula a ordenación do sistema de transporte público regular de viaxeiros. A Lei 10/2016, do 19 de xullo, de medidas urxentes de actualización do sistema de transporte público de Galicia, marcou as actuacións que deberán seguir os poderes públicos para lograr a súa adaptación á evolución das necesidades da sociedade en materia de mobilidade.

Neste sentido, a referida lei configura o Plan de transporte público de Galicia como o instrumento mediante o cal se establece a ordenación dos servizos de transporte público regular da competencia da Administración xeral da Comunidade Autónoma, así como a coordinación do conxunto de servizos de transporte público que se desenvolvan na nosa Comunidade Autónoma. E, ademais, en relación con este instrumento esencial para a planificación do futuro do sistema de transporte público galego, a propia lei establece o procedemento e os prazos para a súa aprobación, así como as normas transitorias de garantía da prestación de servizos no período transito-

rio, é dicir, o que transcorrerá ata a aprobación do Plan e a posterior licitación dos servizos de transporte que o dito plan estableza.

Fixados a través desta norma o procedemento, os criterios e os principios que as administracións deberán seguir cara á modernización e adaptación do sistema de transporte público, procede agora avanzar neste proceso de transformación e completar a dita regulación legal co establecemento de disposicións normativas dirixidas a regular as actuacións que a Administración deberá adoptar para a implantación do novo mapa de servizos de transporte, incluso durante o actual período transitorio.

Cos anteriores obxectivos, na Lei incídese na clarificación dos ámbitos de actuación das diferentes administracións públicas galegas, así como, fundamentalmente, no establecemento de actuacións de coordinación, colaboración e cooperación nos seus respectivos ámbitos de actuación cara á máxima optimización dos recursos dispoñibles e á potenciación das vantaxes do sistema de transporte público para o conxunto da poboación.

Regúlase o réxime de establecemento de novos servizos, non só a través do Plan de transporte público de Galicia, senón tamén con antelación á súa propia aprobación e adxudicación consono co que establece o Regulamento CE 1370/2007, do 26 de outubro, facilitando así unha transición progresiva e, por tanto, máis doada tanto para os sectores empresariais como para as propias persoas usuarias.

Por outra parte, no ámbito das competencias da Xunta de Galicia, a racionalización da actuación dos diferentes departamentos acadará o seu máximo nivel mediante a integración de diferentes servizos de transporte, o que, ademais de poñer ao dispor do conxunto da poboación un sistema de transporte público atractivo e de habituar na súa utilización os usuarios do futuro, resulta axeitado para evitar duplicidades de servizos en zonas con escasa demanda, cos conseguintes aforros en custos ambientais e económicos.

Así, configúrase a rede de transporte público regular de viaxeiros por estrada de uso xeral como estrutura básica da contratación que realiza a Xunta de Galicia, e dítanse regras para a progresiva integración dos diferentes servizos nun sistema único de transporte público. Neste sentido, resulta tamén preciso regular un procedemento extraordinariamente áxil que permita ás administracións responder de xeito inmediato ás novas e imprevisibles demandas de transporte, que deberán ser atendidas sen dilación, máxime cando se produzan vinculadas ao exercicio de dereitos esenciais, como o de acceso á educación.

Por outra parte, en canto ao réxime de tarifas do sistema de transporte público, fíxase unha regulación adaptada ás peculiaridades da nosa Comunidade Autónoma e ás previsións da propia lei en relación coa integración de servizos de transporte público e coa previsible concorrència nun mesmo vehículo e servizo de usuarios con características específicas e atencións especiais. Ademais, tamén neste eido se avanza na coordinación do sistema galego de transporte público mediante a previsión de protocolos técnicos de interconexión dos sistemas de pagamentos e de información que oferten as diferentes administracións.

O último dos títulos regula as medidas provisionais de ordenación urbanística. Cómpre dotar de certeza e seguridade xurídica a cidadanía e os distintos operadores no eido urbanístico, sen prexuízo do máis absoluto respecto ás resolucións xudiciais. Ante o baleiro legal existente, procede acometer a regulación da forma de actuar nos casos en que, tras a declaración de nulidade do planeamento urbanístico, «reviva» un planeamento anterior que non responde nin ao actual modelo de cidade nin ás necesidades urbanísticas existentes, e cuxa aplicación resulta incompatible co logro dos obxectivos de benestar socioeconómico que deben impulsar as actuacións públicas. E impulsar o desenvolvemento urbanístico, habilitando para o efecto a tramitación *ad hoc*, no caso de anulación do instrumento de ordenación ou da normativa de ordenación provisional, dun procedemento no que, sen eludir as sentenzas recaídas, poida ordenarse a correspondente tramitación procedemental de xeito eficiente, e acurtando na medida do posible os prazos previstos.

O texto conta con seis disposicións adicionais. As dúas primeiras están relacionadas co sistema de transporte público regular de viaxeiros de Galicia. A primeira regula os instrumentos para a coordinación en materia de transporte público e integración de servizos de transporte. A segunda, denominada «vehículos autorizados para a prestación de servizos de transporte», atende a previsión da implantación progresiva de fórmulas flexibles de explotación adaptadas ás necesidades reais da poboación, resultando preciso que zonas do territorio cun escaso nivel de demanda poidan ser atendidas mediante vehículos de tamaño reducido, especialmente indicados para fórmulas de explotación baixo demanda.

A terceira das disposicións adicionais regula o prazo para a posta en marcha das emisións e o pagamento da taxa do servizo de comunicación audiovisual de televisión correspondentes ás adxudicacións transformadas en licenzas. A aparición nestes últimos anos de novas plataformas tecnolóxicas cunha cota de penetración no mercado do audiovisual cada vez máis significativa, capaces de competir directamente coas televisións tradicionais, vai ter unha incidencia determinante na repartición publicitaria na medida en que se incrementan os soportes a través dos cales se visibilizan os contidos publicitarios, fonte principal de financiamento das televisións autonómicas e locais.

Esta conxuntura de dinamismo tecnolóxico, que ten a imaxe en movemento como elemento vertebrador da información e do entretemento, así como o cambio de circunstancias producido desde o momento do outorgamento dos títulos administrativos e a necesidade de viabilizar e de poñer en marcha o servizo de comunicación audiovisual de televisión, aconsellan ampliar en catro anos o prazo previsto nos artigos 38 e 40 da Lei 12/2014, do 22 de decembro, de medidas fiscais e administrativas. Esta ampliación permitirá contar cun tempo suficientemente amplo ata que se clarifique o futuro destes servizos de comunicación audiovisual, co fin de non frustrar a súa viabilidade.

A cuarta integra o corpo de letrados do Consello Consultivo na escala de letrados da Xunta de Galicia.

A quinta regula a supresión do Centro Informático para a Xestión Tributaria, Económico-Financeira e Contable, cuxas funcións serán asumidas pola Axencia para a Modernización Tecnolóxica de Galicia.

A última das disposicións adicionais autoriza a creación da Axencia Galega da Industria Forestal, adscrita á consellaría competente en materia de economía.

O texto contén unha disposición transitoria que regula a situación transitoria do persoal funcionario de carreira que ocupe postos de traballo de letrado no Consello Consultivo de Galicia no momento da entrada en vigor desta lei.

Establécense tamén cinco disposicións derogatorias. A primeira deroga o Decreto 149/2008, do 26 de xuño, polo que se regula o procedemento de autorización das instalacións de produción de enerxía eléctrica a partir da valorización enerxética da biomasa forestal primaria na Comunidade Autónoma de Galicia.

A segunda deroga o artigo 86 da Lei 12/2014, do 22 de decembro, de medidas fiscais e administrativas, como consecuencia do artigo 68 desta lei, que regula o réxime de cofinanciamento nos servizos prestados polo Consorcio Galego de Servizos de Igualdade e Benestar ou ente que o substitúa en colaboración cos concellos e mancomunidades.

A terceira deroga a Lei 10/1983, do 9 de decembro, reguladora do Consello Asesor de RTVE en Galicia, e dissolve o Consello Asesor de Radio e Televisión Española en Galicia.

A cuarta deroga os artigos 19 e 20 da Lei 13/2010, do 17 de decembro, do comercio interior de Galicia.

A quinta deroga, no momento en que se proceda á extinción do Centro Informático para a Xestión Tributaria, Económico-Financeira e Contable, a disposición adicional quinta da Lei 2/1998,

do 8 de abril, de medidas tributarias, de réxime orzamentario, función pública, organización e xestión.

Hai cinco disposicións derradeiras. A primeira delas modifica o artigo 11 do Decreto 89/2016, do 30 de xuño, polo que se regula a creación, o uso e o acceso á Historia social única electrónica. O Decreto 89/2016 establece como ficheiro no que se recolle a información de carácter persoal do sistema de Historia social única electrónica o de «xestión de servizos sociais», do que é titular a consellaría competente en materia de servizos sociais. A análise xurídica da cuestión da titularidade e o emprego da información da Historia social única electrónica recomenda dispor dun ficheiro de datos de carácter persoal específico para a Historia social única electrónica. Por último, introdúcese unha cláusula de salvagarda de rango para incluír a previsión expresa de conservación da vixencia do Decreto 89/2016 en todo o que non se opoña á Lei, para maior seguridade xurídica.

A segunda modifica o Decreto 130/2013; por un lado, o artigo 5, co obxecto de atender e axustar a explotación dos portos deportivos á demanda e ocupación de cada instalación, en concreto tendo en conta as temporadas habituais de alta e baixa ocupación/demanda, e, por outro, a disposición transitoria primeira, ampliando en tres anos máis o prazo de adaptación das concesións administrativas sobre portos ou zonas portuarias de uso náutico-deportivo a este decreto.

A terceira modifica a Lei 3/2014, do 24 de abril, do Consello Consultivo de Galicia. En concreto, modifícase a regulación da Secretaría Xeral e da Secretaría do Pleno e Seccións, e a regulación referente aos letrados.

A cuarta modifica a disposición transitoria segunda da Lei 2/2016, do 10 de febreiro, do solo de Galicia, para clarificar o réxime de competencias na adaptación do planeamento e evitar dúbidas aplicativas, garantindo así que se respecte o réxime competencial para a aprobación dos plans que derivan da dita lei.

A quinta regula a entrada en vigor da Lei.

Remata o proxecto con dous anexos. O anexo I regula o réxime de cofinanciamento para escolas infantís e centros de día xestionados a través do Consorcio Galego de Servizos de Igualdade e Benestar ou ente que o substitúa, como consecuencia do artigo 68 desta lei. O anexo II contén unha relación de definicións e clasificacións aplicables ao transporte público axeitadas para a correcta interpretación da norma e nas que se incorporan ao sistema de transporte público fórmulas de prestación tales como o transporte baixo demanda ou os contratos mixtos ou zonais.

TÍTULO I

Medidas fiscais

CAPÍTULO I

Tributos cedidos

Artigo 1. Imposto sobre transmisións patrimoniais e actos xurídicos documentados

Un. Elimínanse as alíneas Cinco e Seis do artigos 16 e as alíneas Un e Catro do artigo 17 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto lexislativo 1/2011, do 28 de xullo, e renuméranse as restantes deducións.

Dous. Engádese unha nova alínea Sete ao artigo 16 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto lexislativo 1/2011, do 28 de xullo, co seguinte contido:

«Sete. Dedución por adquisición de vivenda habitual por discapacitados, familias numerosas e menores de 36 anos en áreas rurais.

Os contribuíntes que teñan dereito a aplicar os tipos de gravame reducidos regulados nas alíneas Tres, Catro e Cinco do artigo 14 terán dereito a unha dedución na cota do 100 % sempre que a vivenda se atope nalgunha das parroquias que teñan a consideración de zonas pouco poboadas

ou áreas rurais. Para estes efectos, unha orde da consellaría competente en materia de facenda determinará as parroquias que teñan esta consideración.»

Tres. Engádesse unha nova alínea Oito ao artigo 17 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto lexislativo 1/2011, do 28 de xullo, co seguinte contido:

«Oito. Dedución por adquisición de vivenda habitual e por constitución de préstamos hipotecarios destinados ao seu financiamento, por discapacitados, familias numerosas e menores de 36 anos, en áreas rurais.

Os contribuíntes que teñan dereito a aplicar os tipos de gravame reducidos regulados nas alíneas Tres, Catro e Cinco do artigo 15 terán dereito a unha dedución na cota do 100 % sempre que a vivenda se atope nalgunha das parroquias que teñan a consideración de zonas pouco poboadas ou áreas rurais. Para estes efectos, unha orde da consellaría competente en materia de facenda determinará as parroquias que teñan esta consideración.»

Artigo 2. Liquidación e pagamento da taxa fiscal sobre xogos de sorte, envite ou azar

Modifícase o artigo 31 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto lexislativo 1/2011, do 28 de xullo, que queda redactado como segue:

«Artigo 31. Liquidación e pagamento da taxa fiscal sobre xogos de sorte, envite ou azar

1. Os suxeitos pasivos da taxa que grava o xogo ao que se refire o punto 3 da alínea Tres do artigo 20 deberán presentar, nas condicións, forma, lugar e prazos determinados por orde da consellaría competente en materia de facenda, unha declaración por cada máquina en explotación, e deberán autoliquidar e ingresar a cota trimestral legalmente establecida que corresponda á tipoloxía e ás características da autorización da máquina.

2. Os suxeitos pasivos da taxa que grava os xogos aos que se refiren os puntos 2 e 4 da alínea Tres do artigo 20 deberán presentar, nas condicións, forma, lugar e prazos determinados por orde da consellaría competente en materia de facenda, declaración dos feitos sometidos a gravame por cada establecemento de xogo para o que teñan autorización. Estes suxeitos pasivos estarán obrigados a efectuar pagamentos á conta do importe da débeda tributaria definitiva, por aplicación do tipo de gravame sobre a base imponible provisional acumulada desde o principio do período impositivo ata o final do prazo ao que se refire o pagamento, autoliquidando e ingresando o seu importe na contía, condicións, forma, lugar e prazos determinados na orde da consellaría competente en materia de facenda.

3. Os suxeitos pasivos da taxa que grava os xogos aos que se refire o punto 1 da alínea Tres do artigo 20 deberán presentar, nas condicións, forma, lugar e prazos determinados por orde da consellaría competente en materia de facenda, declaración dos feitos sometidos a gravame. Estes suxeitos pasivos estarán obrigados a efectuar pagamentos á conta do importe da débeda tributaria definitiva, por aplicación do tipo de gravame sobre a base imponible provisional acumulada desde o principio do período impositivo ata o final do prazo ao que se refire o pagamento, autoliquidando e ingresando o seu importe na contía, condicións, forma, lugar e prazos determinados na orde da consellaría competente en materia de facenda.

4. A consellaría competente en materia de facenda aprobará, de ser o caso, os modelos mediante os cales os suxeitos pasivos deberán declarar, autoliquidar e ingresar o importe correspondente nas condicións, forma, lugar e prazos que determine regulamentariamente. A consellaría competente en materia de facenda poderá dispor que as declaracións e/ou autoliquidacións do tributo se efectúen mediante os programas informáticos de axuda que, se é o caso, se aproben. Así mesmo, poderá dispor a obrigatorioidade da súa presentación e o pagamento mediante medios telemáticos.»

CAPÍTULO II

Tributos propios

Artigo 3. *Taxas*

Un. Elévanse os tipos das taxas de contía fixa vixentes na Comunidade Autónoma de Galicia ata a cantidade que resulte da aplicación do coeficiente do 1,01 ás contías exixibles á entrada en vigor desta lei, exceptuando as tarifas que experimenten algunha modificación na contía na alínea Dous deste artigo. Este coeficiente seralles de aplicación tanto ás contías, de carácter mínimo ou máximo, como ás deducións que se establecen en todo tipo de tarifas, tanto de taxas de contía fixa como variable.

Considéranse taxas de contía fixa cando non están determinadas por unha porcentaxe sobre unha base ou esta non se valora en unidades monetarias.

Exceptúanse do incremento establecido anteriormente aquelas taxas que se recadan mediante efectos timbrados.

Dous. Introdúcense as seguintes modificacións na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, na súa redacción vixente:

1) Modifícase a letra c) da alínea 2 do artigo 40, «Bonificacións e exencións», que queda redactada como segue:

«c) Cando na instalación e na actividade obxecto de concesión ou autorización se implante un sistema de xestión medioambiental ou de xestión da calidade na prestación dos servizos e se acredite estar en posesión dunha certificación medioambiental ou de calidade, específica da concesión ou autorización, serán aplicables as seguintes bonificacións sobre o valor resultante da taxa de ocupación de terreos e augas do porto:

A) EMAS: a bonificación será do 1,5 %.

B) ISO 14001: a bonificación será do 1 %.

C) Bandeira azul: a bonificación será do 1 %.

D) Q de calidade: a bonificación será do 1,5 %.

A bonificación aplicarase anualmente logo da presentación da citada certificación.

A porcentaxe máxima de bonificación acumulada que se pode aplicar por estes apartados é dun 3,5 %.»

2) Modifícase a letra d) da alínea 2 do artigo 40, «Bonificacións e exencións», que queda redactada como segue:

«d) Cando o titular da concesión ou autorización sexa algún órgano das administracións públicas e o obxecto daquelas sexan actividades de interese social e cultural. O importe desta bonificación será do 50 % da contía correspondente.

Esta bonificación non é acumulable a descrita na letra g)».

3) Modifícase a letra f) da alínea 2 do artigo 40, «Bonificacións e exencións», que queda redactada como segue:

«f) Cando a ocupación do dominio público teña por destino a construción ou a explotación de naves de redes, sempre e cando estas naves presten un servizo xeral aos usuarios do porto, a contía da taxa correspondente a esta ocupación para os usos mencionados terá unha bonificación do 95 %.»

4) Modifícase a letra g) da alínea 2 do artigo 40, «Bonificacións e exencións», que queda redactada como segue:

«g) Nas concesións ou autorizacións de dominio público portuario outorgadas a outras administracións ou a entidades náuticas ou culturais sen ánimo de lucro para actividades de ensinanza da náutica deportiva ou de conservación ou recuperación de embarcacións tradicionais terá unha bonificación do 90 % no que se refire exclusivamente a estas actividades, sempre que non sexan obxecto de explotación económica.»

5) Modifícase a subalínea 02 da alínea 11 do anexo 1, que queda redactada como segue:

«02 Permiso de apertura e funcionamento 4.767,33»

6) Modifícase a subalínea 04 da alínea 11 do anexo 1, que queda redactada como segue:

«04 Modificación autorización instalación 2.383,71»

7) Modifícase a subalínea 05 da alínea 11 do anexo 1, que queda redactada como segue:

«05 Modificación inscrición no Rexistro de Casinos de Xogos.Outras autorizacións 476,82»

8) Engádese unha subalínea 09 á alínea 11 do anexo 1:

«09 Transmisión da autorización de instalación dun casino de xogos 2.860,43»

9) Engádese unha subalínea 10 á alínea 11 do anexo 1:

«10 Utilización nova dependencia para almacenar naipes 114,55»

10) Engádese unha subalínea 08 á alínea 17 do anexo 1:

«08 Autorización para a realización de actas de non-inicio anticipadas nas axudas destinadas ao sector da pesca, marisqueo e acuicultura 65,00»

11) Modifícase o penúltimo apartado da alínea 19 do anexo 1, que queda redactado como segue:

«Probas de aptitude para a obtención do certificado profesional de capitán de pesca

— Curso completo 120

— Por materia 35»

12) Engádese un apartado á subalínea 02 da alínea 20 do anexo 1:

«Solicitud de homologación a títulos de máster de ensinanzas artísticas 90,09»

13) Modifícase a subalínea 03 da alínea 20 do anexo 1, que queda redactada como segue:

«03 Expedición de títulos académicos e profesionais correspondentes ás ensinanzas establecidas pola LOE e dos seus duplicados

Título/Tarifas (en €)	Tarifa normal	Familia numerosa categoría xeral	Familia numerosa categoría especial	Duplicado
Bacharel	49,82	24,94	0	4,58
Técnico	20,36	10,21	0	2,36
Técnico superior	49,82	24,94	0	4,58
Título superior de Conservación e Restauración de Bens Culturais	65,26	32,64	0	6,53
Certificado de nivel avanzado de idiomas	23,90	11,97	0	2,36
Profesional de música	23,80	11,90	0	2,21
Profesional de danza	23,80	11,90	0	2,21
Título superior de Música	65,26	32,64	0	6,53
Título superior de Danza	65,26	32,64	0	6,53
Técnico deportivo	20,77	10,40	0	2,40
Técnico deportivo superior	50,81	25,45	0	4,67
Título superior de Deseño	65,26	32,64	0	6,53
Título superior de Artes Plásticas	65,26	32,64	0	6,53
Título superior de Artes Dramáticas	65,26	32,64	0	6,53»

14) Modifícase a sublínea 04 da alínea 07 do anexo 2, que queda redactada como segue:

«04 Expedición de certificados zoosanitarios e zootécnicos, incluídos os relacionados cos movementos de animais vivos e produtos de orixe animal, salvo que as tramitacións de autorizacións de traslado de animais se realicen de xeito telemático a través da Oficina Agraria Virtual da consellaría competente en materia de gandería e acuicultura (mínimo 2,88 € por cada certificación):

-Équidos, bóvidos adultos e similares (por animal)	2,40
Máximo	47,77
Ovino, caprino, porcino, tenreiros, colmeas e similares (por animal ou colmea)	0,443035
Máximo	13,28
-Leitóns, cordeiros, cabritos e animais de peletaría (por animal)	0,257245

Máximo	13,28
-Coellos e similares, galiñas e outras aves (por animal), esperma, óvulos e embrións (por unidade)	0,008862
Máximo	13,28
-Peixes vivos, gametos, ovos embrionados, crustáceos e moluscos para reinmersión, por tonelada ou fracción	1,85
Máximo	22,12
-Produtos de orixe animal, incluídos os destinados á alimentación animal (por tonelada)	2,24
Máximo	26,51
Certificado de transporte	2,85
Comprobación de carga:	
* Équidos, bóvidos e similares	124,81
* Porcino, ovino, caprino e similares	83,21
* Aves, coellos, visóns, colmeas e similares	41,60
-Esperma, óvulos e embrións (por unidade)	0,014721
Máximo	35,73»

15) Modifícase a subalínea 08 da alínea 07 do anexo 2, que queda redactada como segue:

«08 Revisión, toma de mostras e informes técnicos a petición de parte de industrias, explotacións gandeiras e operadores comerciais de animais acuáticos e explotacións de acuicultura non previstos nos programas oficiais:

-Sen saír ao campo, á industria, establecemento ou explotación	28,72
-Con saída ao campo, á industria, establecemento ou explotación	162,20
-De ser necesario saír máis dun día, por cada día de máis	133,56
De ser o caso, por foto	2,96
Visitas posteriores para verificar a adopción das medidas correctoras requiridas, por día	133,56»

16) Modifícase a subalínea 09 da alínea 07 do anexo 2, que queda redactada como segue:

«09 Autorización e rexistro de comerciantes de gando, transportistas, medios de transporte, centros de concentración de gando e operadores comerciais de animais acuáticos

- Autorización e rexistro de operadores comerciais, transportistas ou medios de transporte de gando	9,65
-Expedición da acreditación de operador comercial, transportista ou medios de transporte de gando	9,65
-Renovación da autorización de operadores comerciais de gando e de animais acuáticos, transportistas ou medios de transporte, cando así o estableza a normativa	11,27
-Expedición de duplicados da acreditación de operador comercial, transportista ou medios de transporte de gando	19,29
-Autorización de centros de concentración de gando	107,17
-Revisión e renovación anual de centros de concentración	35,73»

17) Engádese unha subalínea 08 á alínea 44 do anexo 2, co seguinte contido:

«08 Detección de Norovirus GI e GII en mostras de moluscos co método PCR en tempo real 279,05»

18) Créase a alínea 52 no anexo 2, co seguinte contido:

«52 Autorización «Mercado excelente» 300,00»

19) Modifícase a subalínea 06 da alínea 07 do anexo 3, que queda redactada como segue:

«06 Autorización de organismos notificados, laboratorios de ensaio, entidades colaboradoras de administración, entidades auditoras e de inspección e laboratorios de calibración industrial 220,44»

20) Elimínase a alínea 09 do anexo 3.

21) Elimínase a alínea 10 do anexo 3.

22) Elimínase a alínea 12 do anexo 3.

23) Elimínase a alínea 13 do anexo 3.

24) Modifícase a alínea 15 do anexo 3, que queda redactada como segue:

«15 Servizo de guindastres torre

01 Posta en servizo de guindastres torre (25+alcance en m*carga en kg/1000)

02 Modificación do rexistro (25+valor absoluto da variación do alcance en metros*valor absoluto da variación da carga en kg/1000)»

25) Modifícase a alínea 18 do anexo 3, que queda redactada como segue:

«18 Autorización de instalacións eléctricas e de gas

-Base de aplicación. Orzamento de execución material do proxecto

-Ata 3.000 €	52,50
-De 3.000,01 ata 7.500	67,50
-De 7.500,01 ata 15.000	90,00
-De 15.000,01 ata 30.000	120,00
-De 30.000,01 ata 45.000	150,00
-De 45.000,01 ata 60.000	180,00
-Por cada 6.000 € ou fracción de exceso ata 6.000.000 €	7,50
-Por cada 6.000 € ou fracción que exceda de 6.000.000 €	1,50»

No caso de denegación da autorización, devindicarase o 50 % da tarifa anterior

26) Modifícase a alínea 19 do anexo 3, que queda redactada como segue:

«19 Rexistros de instalacións afectadas por regulamentos de seguridade industrial

01 Inscripción ou modificación de importancia no rexistro de ascensores	25+(Percorrido en m*Carga do ascensor [100 kg])/2
02 Bombonas de gas	25+0,05*(Peso en kg)
03 Inscripción no rexistro de depósitos de gas	25+10*(Capacidade en m ³)
04 Inscripción no rexistro de instalacións eléctricas receptoras	25+0,6*(Pot. en kW)
05 Inscripción no rexistro de instalacións frigoríficas	25+0,6*(Pot. do compresor en kW)
06 Inscripción ou modificación no rexistro de guindastres móbiles auto-propulsados	25
07 Inscripción ou modificación no rexistro de guindastres torre	25
08 Inscripción no rexistro de instalacións térmicas nos edificios	25+0,6*(Pot. en kW térmicos)
10 Inscripción no rexistro de instalacións petrolíferas	25+3*(Capacidade en m ³)
11 Inscripción no rexistro de instalacións de protección contra incendios	25+10*Nivel de risco+0,01*(Superficie en m ²)
12 Inscripción no rexistro de instalacións receptoras de gas	25+0,2*(Pot. en kW)

13 Inscripción no rexistro de instalacións de almacenamento de produtos químicos (APQ)

-Base de aplicación. Importe da maquinaria e instalacións:

-Ata 3.000 €	35,00
-De 3.000,01 ata 7.500	45,00
-De 7.500,01 ata 15.000	60,00
-De 15.000,01 ata 30.000	80,00
-De 30.000,01 ata 45.000	100,00
-De 45.000,01 ata 60.000	120,00
-Por cada 6.000 € ou fracción de exceso ata 6.000.000 €	5,00
-Por cada 6.000 € ou fracción que exceda de 6.000.000 €	1,00

14 Inscripción no rexistro de instalacións con equipos a presión

-Base de aplicación. Importe da maquinaria e instalacións

-Ata 3.000 €	35,00
-De 3.000,01 ata 7.500	45,00
-De 7.500,01 ata 15.000	60,00
-De 15.000,01 ata 30.000	80,00
-De 30.000,01 ata 45.000	100,00
-De 45.000,01 ata 60.000	120,00
-Por cada 6.000 € ou fracción de exceso ata 6.000.000 €	5,00
-Por cada 6.000 € ou fracción que exceda de 6.000.000 €	1,00

15 Inscripción ou modificación no rexistro de instalacións eléctricas de alta tensión e de liñas eléctricas de baixa tensión

Base de aplicación. Orzamento de execución material do proxecto:

-Ata 3.000 €	35,00
-De 3.000,01 ata 7.500	45,00
-De 7.500,01 ata 15.000	60,00
-De 15.000,01 ata 30.000	80,00

-De 30.000,01 ata 45.000	100,00
-De 45.000,01 ata 60.000	120,00
-Por cada 6.000 € ou fracción de exceso ata 6.000.000 €	5,00
-Por cada 6.000 € ou fracción que exceda de 6.000.000 €	1,00

No caso de denegación da autorización, devindicarase o 50 % da tarifa anterior.

16 Inscripción ou modificación no rexistro de placas de inspeccións periódicas de equipos a presión 25

30 Modificación no rexistro de instalacións de almacenamento de produtos químicos (APQ)

-Base de aplicación. Variación en valor absoluto do importe da maquinaria e instalacións:

-Ata 3.000 €	35,00
-De 3.000,01 ata 7.500	45,00
-De 7.500,01 ata 15.000	60,00
-De 15.000,01 ata 30.000	80,00
-De 30.000,01 ata 45.000	100,00
-De 45.000,01 ata 60.000	120,00
-Por cada 6.000 € ou fracción de exceso ata 6.000.000 €	5,00
-Por cada 6.000 € ou fracción que exceda de 6.000.000 €	1,00

31 Modificación no rexistro de instalacións con equipos a presión

-Base de aplicación. Variación en valor absoluto do importe da maquinaria e instalacións:

-Ata 3.000 €	35,00
-De 3.000,01 ata 7.500	45,00
-De 7.500,01 ata 15.000	60,00
-De 15.000,01 ata 30.000	80,00
-De 30.000,01 ata 45.000	100,00
-De 45.000,01 ata 60.000	120,00

-Por cada 6.000 € ou fracción de exceso ata 6.000.000 €	5,00
-Por cada 6.000 € ou fracción que exceda de 6.000.000 €	1,00
32 Modificación no rexistro de instalacións eléctricas receptoras	$25+0,6 \times \text{valor absoluto da variación da potencia en kW}$
33 Modificación no rexistro de instalacións petrolíferas	$25+3 \times \text{valor absoluto da variación da capacidade en m}^3$
34 Modificación no rexistro de instalacións de protección contra incendios	$25+10 \times \text{valor absoluto da variación. Nivel de risco}+0,01 \times \text{valor absoluto da variación da superficie en m}^2$
35 Modificación no rexistro de instalacións frigoríficas	$25+0,6 \times \text{valor absoluto da variación da potencia do compresor en kW}$
36 Modificación no rexistro de inhalacións térmicas nos edificios	$25+0,6 \times \text{valor absoluto da variación da potencia en kW térmicos}$
37 Modificación no rexistro de depósitos de gas	$25+10 \times \text{valor absoluto da variación da capacidade en m}^3$
38 Modificación no rexistro de instalacións receptoras de gas	$25+0,2 \times \text{valor absoluto da variación da potencia en kW}$
80 Baixa nos rexistros de instalacións afectadas por regulamentos de seguridade industrial	4,87»
27) Engádese unha sublínea 15 á alínea 29 do anexo 3:	
«15 Transmisión, arrendamento ou gravame de dereito mineiro	
Base en función do tipo do dereito mineiro	
Permisos de exploración sección C) e D)	25 % da tarifa consignada na sublínea 01
Permisos de investigación sección C) e D)	25 % da tarifa consignada na sublínea 02
Concesión de explotación derivada de permiso de investigación sección C) e D)	25 % da tarifa consignada na sublínea 03

Concesión de explotación directa sección C) e D)	25 % da tarifa consignada na subalínea 04
Recursos da sección B) a excepción das augas minerais e termais	25 % da tarifa consignada na subalínea 05
Recursos da sección A)	25 % da tarifa consignada na subalínea 06»

28) Modifícase a subalínea 04 da alínea 36 do anexo 3, que queda redactada como segue:

«04 Inspección, informes e outras actuacións por petición do interesado realizadas por persoal de Inspección Pesqueira

Sen saída á industria, establecemento ou explotación	27,69
Con saída á industria, establecemento ou explotación	156,66
Con saída ao mar	184,31»

29) Modifícase a subalínea 06 da alínea 37 do anexo 3, que queda redactada como segue:

«06 Autorización administrativa doutras instalacións de produción eléctrica

-Base de aplicación. Orzamento de execución material do proxecto

-Ata 3.000 €	52,50
-De 3.000,01 ata 7.500	67,50
-De 7.500,01 ata 15.000	90,00
-De 15.000,01 ata 30.000	120,00
-De 30.000,01 ata 45.000	150,00
-De 45.000,01 ata 60.000	180,00
-Por cada 6.000 € ou fracción de exceso ata 6.000.000 €	7,50
-Por cada 6.000 € ou fracción que exceda de 6.000.000 €	1,50»

No caso de denegación da autorización, devindicarase o 50 % da tarifa anterior.

30) Modifícase a subalínea 04 da alínea 52 do anexo 3, que queda redactada como segue:

«04 Inscripción no Rexistro xeral de produtores e xestores de residuos de Galicia

- pequeno produtor de residuos perigosos (<10 t/ano)	172,95
- produtor de residuos perigosos (>10 t/ano)	172,95

- produtor de residuos non perigosos (>1.000 t/ano)	172,95
- produtor de lodos con destino á agricultura	172,95
- transportista profesional de residuos perigosos e de residuos non perigosos	172,95
- negociante para residuos perigosos e para residuos non perigosos	172,95
- axente para residuos perigosos e para residuos non perigosos	172,95»
31) Elimínase a subalínea 07 da alínea 52 do anexo 3.	
32) Elimínase a subalínea 12 da alínea 52 do anexo 3.	
33) Engádese unha subalínea 20 á alínea 52 do anexo 3:	
«20 Modificación da inscrición por ampliación do prazo de almacenamento de residuos	50,30»
34) Engádese unha subalínea 21 á alínea 52 do anexo 3:	
«21 Modificación da inscrición por recodificación de residuos producidos	150»
35) Modifícase a alínea 59 do anexo 3, eliminando a subalínea 01, que queda redactada como segue:	
«59 Informe de avaliación de ensaios clínicos con medicamentos de uso humano ou produtos sanitarios, de estudos postautorización de seguimento prospectivo e doutros estudos neste ámbito	
02 Avaliación de novos ensaios clínicos, con medicamentos de uso humano ou produtos sanitarios	2.982,00
03 Avaliación de novos estudos postautorización de seguimento prospectivo, por avaliación global	652,65
04 Modificacións relevantes aos protocolos de ensaios clínicos con medicamentos de uso humano ou produtos sanitarios aprobados	1.029,00
05 Avaliación doutros estudos non incluídos nos apartados anteriores	111,00»
36) Modifícase a alínea 68 do anexo 3, que queda redactada como segue:	
«68 Obras hidráulicas de regulación xestionadas pola Administración hidráulica da Comunidade Autónoma de Galicia, por metro cúbico de auga captado	0,017»
37) Engádese a subalínea 04 á alínea 77 do anexo 3:	
«04 Aprobación proxecto de perforación xeotérmica de moi baixa entalpía	
-Base de aplicación. Orzamento consignado no proxecto	
Ata 2.500,00 €	50,00

De 2.500,01 ata 5.000,00 €	70,00
De 5.000,01 ata 10.000,00 €	90,00
De 10.000,01 ata 20.000,00 €	110,00
De 20.000,01 ata 40.000,00 €	130,00
De 40.000,01 ata 60.000,00 €	162,20
Por cada 6.000 € ou fracción de exceso ata 6.000.000 €	7,5
Por cada 6.000 € ou fracción de exceso sobre 6.000.000 €	1,5»

38) Créase a alínea 80 no anexo 3, co seguinte contido:

«80 Revisión e verificación do cumprimento dos compromisos adquiridos polos importadores de produtos co Servizo Oficial de Inspección, Vixilancia e Regulación do Comercio Exterior (Soivre) para a súa comercialización

Sen saír ao campo	28,72
Con saída ao campo	162,20
De ser necesario saír máis dun día, por cada día de máis	133,56
De ser o caso, por foto	2,96
Visitas posteriores de verificación, por día	133,56»

39) Modifícase a letra a) da regra quinta da tarifa X-4, contida na subalínea 01 da alínea 99 do anexo 3, que queda redactada como segue:

«a) Con utilización de lonxa non concesionada ou autorizada:

Para a pesca descargada por vía marítima ou que accede ao recinto pesqueiro por vía terrestre: o 3 %.»

40) Modifícase a regra décimo cuarta da tarifa X-4, contida na subalínea 01 da alínea 99 do anexo 3, que queda redactada como segue:

«Décimo cuarta. Para potenciar a captación e consolidación de tráfico pesqueiros en cada porto, Portos de Galicia poderá aplicar bonificacións singulares sobre a contía desta tarifa a aqueles tráfico pesqueiros que sexan sensibles para a economía de Galicia ou que teñan a condición de prioritarios ou estratéxicos, de forma que poidan articularse accións comerciais axeitadas a determinados tipos de tráfico e operacións en colaboración co sector privado e a súa adaptación ás condicións de mercado.

Só terán dereito a estas bonificación os suxeitos pasivos con compromisos de tráfico relevantes pesqueiros aprobados no correspondente convenio que se subscriba, por un período máximo de tres anos, con Portos de Galicia, sempre e cando a pesca proveña de descargas realizadas en portos localizados fóra da Comunidade Autónoma de Galicia.

Os parámetros de cuantificación en relación co suxeito pasivo serán:

a) O tipo de tráfico comprometido.

b) O volume de tráfico comprometido e a súa evolución anual no período de vixencia do convenio, medido en toneladas de pesca fresca e facturación da primeira venda efectuada.

A máxima bonificación que se poderá acadar sobre a contía da tarifa será do 50 %, en función da seguinte táboa:

	Pesca descargada noutra comunidade autónoma	Pesca descargada noutros países
t descargadas/ano	Porcentaxe de bonificación	Porcentaxe de bonificación
Entre 500 t e 1.000 t	5 %	10 %
Entre 1.000 t e 1.500 t	10 %	20 %
Entre 1.501 t e 2.000 t	15 %	30 %
Máis de 2.000 t	20 %	40 %

Se o valor da pesca comprometida supera os 5.000.000 € anuais, calculado con base en prezos reais das vendas en lonxa efectuadas o ano anterior segundo a especie comprometida, á bonificación engadiráselle un novo sumando do 5 %.

Se o tráfico comprometido supera o concertado no período anterior nunha porcentaxe superior ou igual ao 10 %, sumarase ás porcentaxes anteriores un 10 % de bonificación adicional.

A bonificación resultante será a suma das porcentaxes indicadas anteriormente, e a máxima bonificación acumulada que se poderá aplicar sobre a contía da tarifa será do 50 %, que non será acumulable a outras bonificacións de aplicación a esta tarifa.»

41) Modifícase a regra décimo quinta da tarifa X-5, contida na sublínea 01 da alínea 99 do anexo 3, que queda redactada como segue:

«Décimo quinta. Para potenciar a captación e consolidación de recepción nas instalacións portuarias de embarcacións deportivas, así como para promover a difusión de Galicia no exterior, tanto de embarcacións de base como en tránsito procedentes doutros países ou comunidades autónomas, Portos de Galicia poderá, mediante a formalización dun convenio específico, aplicar bonificacións singulares sobre a contía desta tarifa a aqueles tráfico que teñan a condición de relevantes ou estratéxicos para a difusión da imaxe de Galicia, para o fomento do turismo galego ou para incrementar o grao de ocupación das instalacións náuticas, de forma que poidan articularse accións comerciais axeitadas e en reciprocidade con determinadas entidades homólogas.

Só terán dereito a estas bonificacións as entidades públicas e privadas que se comprometan a ocupar prazas de amarre, mediante embarcacións propias ou de terceiros representados por estas entidades, en portos da Comunidade Autónoma de Galicia que sexan considerados relevantes polo seu número, tempo de estadias e polo grao de ocupación do porto solicitado, e deberán formalizarse compromisos anuais no correspondente convenio con Portos de Galicia. A entidade asinante do convenio subrogarase nas obrigas de pagamentos dos suxeitos pasivos que utilicen as instalacións.

Os parámetros de cuantificación en relación co suxeito pasivo serán:

a) O número de embarcacións: se se superan 10 embarcacións/ano, aplicaríase un 10 %, e se se superan 20 embarcacións/ano, un 20 % de bonificación. Para os efectos do cálculo do cómputo

das embarcacións susceptibles de bonificación, serán tidas en conta unicamente aquelas embarcacións que non recalasen en anos anteriores nas instalacións de competencia de Portos de Galicia, agás aquelas embarcacións participantes en rutas ou circuitos náuticos considerados de interese pola súa difusión relevante da imaxe de Galicia no exterior.

b) O tempo total de estadia durante o período polo número de embarcación: se se superan 500 días de estadia pola totalidade das embarcacións sería de aplicación un 10 %, e se se superan os 1.000 días de estadia pola totalidade das embarcacións, un 20 %.

c) O grao de ocupación do porto, potenciando a ocupación de portos cun grao de ocupación medio ou baixo: se o grao de ocupación do porto é inferior ao 75 %, aplicaríaselles un 10 % de bonificación, e se é inferior a un 50 %, aplicaríaselles un 20 % de bonificación.

A bonificación resultante será a suma das porcentaxes indicadas nas letras a), b) e c) e a máxima bonificación acumulada que se poderá aplicar sobre a contía da tarifa será do 30 %, sendo acumulable a outras bonificacións de aplicación a esta tarifa.»

42) Modifícase a regra primeira da tarifa E-2, contida na sublínea 02 da alínea 99 do anexo 3, que queda redactada como segue:

«Primeira. Esta tarifa abrangue a utilización de explanadas, alpendres, pendellos, almacéns, depósitos, locais e edificios, cos seus servizos xerais correspondentes, e a lámina de auga por artefactos ou estruturas flotantes que non teñan consideración de barco, non explotados en réxime de concesión.»

43) Modifícase a regra quinta da tarifa E-2, contida na sublínea 02 da alínea 99 do anexo 3, que queda redactada como segue:

«Quinta. Para os efectos exclusivos de aplicación desta tarifa, establécese a clasificación seguinte:

Grupo A. Composto polos seguintes portos:

Zona norte: Celeiro, Burela, Ribadeo, Cedeira e Cariño.

Zona centro: Sada, Malpica, Laxe, Cabo de Cruz, Rianxo, Ribeira, Cee, Muros, Aguiño, Fisterra, Portosín e A Pobra do Caramiñal.

Zona sur: Portonovo, O Grove, Bueu, Cangas, Moaña, O Xufre, Tragove (Cambados), Vilanova e Combarro.

Grupo B. Composto polos seguintes portos:

Zona norte: Foz, San Cibrao, O Vicedo, Ortigueira e Ares.

Zona centro: Betanzos, Lorbé, Caión, Corcubión, Pontedeume, Corme, Camariñas, Muxía, Porto do Son, Portocubelo, O Freixo e O Testal.

Zona sur: Sanxenxo, Pontevedra, Aldán, Meira, Domaio, Meloxo, Baiona, A Guarda, Vilaxoán, Cambados (Santo Tomé e peirao en T) e San Vicente.

Grupo C. Restantes portos e instalacións non incluídos nos grupos anteriores.»

44) Modifícase a regra sexta da tarifa E-2, contida na sublínea 02 da alínea 99 do anexo 3, que queda redactada como segue:

«Sexta. Os espazos destinados ao tránsito e almacenamento de mercadorías ou doutros elementos clasifícanse en dúas zonas:

- Zona de manobra e tránsito: inmediata á de atracada dos buques (ata 12 m do cantil do peirao nos portos incluídos nos grupos A e B e ata 5 m nos portos incluídos no grupo C). Nesta zona non se permite o depósito de mercadorías sen autorización previa e expresa en cada caso da dirección do porto correspondente.

- Zonas de almacenamento: as restantes zonas de depósitos do porto, agás a lámina de auga.

- Zonas de lámina de auga: a ocupación da lámina de auga incluída dentro da zona de servizo do porto.»

45) Modifícase a regra sétima da tarifa E-2, contida na sublínea 01 da alínea 99 do anexo 3, que queda redactada como segue:

«Sétima. As contías, expresadas en euros, serán, por metro cadrado ou fracción e día natural ou fracción, as seguintes:

Zona de manobra e tránsito (no caso de existir autorización)	Grupo A	Grupo B	Grupo C
Días 1 ao 10	0,037035	0,024669	0,018548
Días 11 ao 20	0,113430	0,07560	0,056745
Días 21 e seguintes	0,223736	0,149178	0,111899
Zona de almacenamento	Grupo A	Grupo B	Grupo C
Superficie descuberta	0,020201	0,013467	0,010100
Superficie cuberta	0,077620	0,051726	0,038749
Zona de lámina de auga	Grupo A	Grupo B	Grupo C
A menos de 20 m do cantil	0,070691	0,047080	0,035345
A máis de 20 m do cantil	0,032311	0,021522	0,016182

Na zona de almacenamento situada a máis de 35 m do cantil do peirao dos portos incluídos nos grupos A e B aplicarase a tarifa do grupo inmediato inferior correspondente.

Na zona de lámina de auga será de aplicación a contía para menos de 20 m do cantil a todo artefacto ou estrutura aínda que se atope parcialmente a menos desta distancia.

Aos elementos mecánicos tales como guindastres ou cintas móbiles que ocupen superficie descuberta e que sirvan de apoio ás operacións de carga e descarga de mercadorías de toda índole realizadas por vía marítima, que deban estar na zona de manobra e tránsito con carácter fixo ou eventual, seranlles aplicables as contías definidas no cadro anterior para a zona de almacenamento en superficie descuberta aplicada ao grupo correspondente e á superficie ocupada polo aparello e á súa zona de manobra.

En ocupación de superficies cubertas que dispoñan de varios andares, a tarifa que se aplicará segundo o cadro anterior será o sumatorio de cada un dos andares, aplicando o 100 % dela para a planta baixa e o 50 % para os andares primeiro e seguintes, considerando en cada caso a superficie útil correspondente. No caso de que se trate de edificios de departamentos para armadores, exportadores e comercializadores relacionados coas actividades do sector pesqueiro e marisqueiro que sexan de planta baixa ou de planta baixa máis un andar, a tarifa que se aplicará será soamente o 100 % da superficie en planta baixa.

Na ocupación de tubaxes, canalizacións ou instalacións soterradas xerais do porto, a tarifa será o 50 % do que lle correspondería segundo os cadros anteriores, agás que o seu uso impida a utilización da superficie exterior. Neste caso, a tarifa sería a indicada nesta regra para a superficie

descuberta. A superficie que se considerará para canalizacións será a da proxección horizontal da tubaxe ou instalación de que se trate, cunha superficie mínima de 0,5 m² por cada metro lineal de canalización.

As contías da tarifa para as ocupacións de superficie destinadas a usos non relacionados directamente coas actividades portuarias serán as seguintes:

Zona terrestre	Grupo A	Grupo B	Grupo C
Días 1 ao 10	0,100101	0,067334	0,050504
Días 11 e seguintes	0,202020	0,134667	0,101008
Zona de lámina de auga	Grupo A	Grupo B	Grupo C
A menos de 20 m do cantil	0,70691	0,47080	0,35345
A máis de 20 m do cantil	0,32311	0,21522	0,16182

46) Modifícase a regra quinta da tarifa E-3, contida na sublínea 02 da alínea 99 do anexo 3, que queda redactada como segue:

«Quinta. As contías da tarifa por subministración de enerxía eléctrica serán as seguintes:

- Por kWh ou fracción subministrada a través das tomas propiedade de Portos de Galicia: 0,331849 €. A facturación mínima será de 3,840155 €.

- As contías da taxa para as restantes instalacións:

As bases de cálculo da taxa portuaria defínense segundo os conceptos de enerxía establecidos en referencia directa ao cálculo da factura eléctrica do mercado retalista español establecido no Real decreto 1164/2001 e, en particular, á tarifa PVPC simple dun único período 2.0A, establecida no Real decreto 216/2014, con prezos dos termos de peaxes de acceso e marxe de comercialización fixa vixentes, segundo a formulación seguinte:

Taxas E-3 no período de devindicación= (PA+EA) x Rv x IE + Ct.

Sendo:

— Concepto de potencia accesible (PA): resulta da aplicación do prezo da potencia vixente no ano natural de devindicación. Fíxase para o exercicio 2017 e seguintes unha contía de 0,1152 €/kW.día, multiplicado pola potencia dispoñible da instalación, que vén determinada polo calibre do interruptor xeral de protección da liña de acometida (kW), multiplicado polos días comprendidos no período de facturación.

No suposto de que a contía sufra variacións, tomarase a nova tarifa legalmente aprobada.

— Concepto de enerxía activa (EA): resulta da aplicación do prezo da enerxía vixente no ano natural de devindicación, multiplicado pola diferenza de lecturas do equipo de medida tomadas o primeiro día e o último do período de devindicación en kWh.

O prezo da enerxía vixente no ano natural será unha contía fixa para todo o ano natural, sendo este valor o prezo medio da enerxía publicado polo ministerio con competencia en materia de enerxía do período interanual calculado a partir do 1 de xullo. Para o exercicio 2017 este valor medio é de 0,1226 €/kWh.

No suposto de que a contía sufra variacións, tomarase a nova tarifa legalmente aprobada.

— Recarga polo volume de kWh consumidos (Rv): establécese unha recarga da tarifa base consumida comprendida entre o 2 % e o 10 %, dependendo a dita porcentaxe do consumo medio diario realizado durante o período de devindicación, segundo a seguinte táboa:

Media dos kWh consumidos ao día durante o período liquidado	Recarga (%)
Igual ou superior a 300 kWh/día	10 %
Igual ou superior a 200 kWh/día e inferior a 300 kWh/día	8 %
Igual ou superior a 100 kWh/día e inferior a 200 kWh/día	6 %
Igual ou superior a 10 kWh/día e inferior a 100 kWh/día	4 %
Igual ou superior a 5 kWh/día e inferior a 10 kWh/día	2 %

Onde:

$$Rv = 1 + \text{Recarga (\%)} / 100$$

— Imposto eléctrico (IE): sobre o concepto de potencia accesible e o concepto de enerxía activa será de aplicación a porcentaxe correspondente ao imposto eléctrico legalmente establecido polo organismo competente. O imposto eléctrico para o exercicio 2017 e seguintes é dun 5,113 %. Non obstante, no suposto de que sufra variacións durante este exercicio, adaptarase a formulación ao imposto vixente no período de devindicación.

Onde:

$$IE = 1 + \text{Gravame imposto eléctrico (\%)} / 100 = 1 + 5,113 / 100 = 1,05113$$

— Contía por posta á disposición de contador (Ct): polos traballos de conxionado, desconxionado e tramitacións administrativas de instalación e seguimento establécese unha contía fixa de 0,05 €/día en subministracións efectuadas en baixa tensión e de 0,5 €/día en subministracións efectuadas en media tensión, polos días comprendidos entre o primeiro día e o último do período de devindicación.

47) Modifícase a regra novena da tarifa E-4, contida na sublínea 02 da alínea 99 do anexo 3, que queda redactada como segue:

«Novena. As contías da tarifa por aparcamento nas zonas sinaladas expresamente para este fin serán as seguintes:

— Por cada hora ou fracción, ata un máximo de doce horas:

A) Vehículos lixeiros: 0,256011 €

B) Camións, remolques: 0,512020 €

— Por cada período de vinte e catro horas ou fraccións superiores a doce horas:

A) Vehículos lixeiros: 3,072122 €

B) Camións e remolques e outros: 6,144243 €

Prohíbese o aparcamento nas zonas non sinaladas expresamente para este fin.

Portos de Galicia poderalles autorizar aos usuarios do porto, segundo os procedementos que se establezan, o aboamento do servizo de aparcamento, que non implicará reserva de praza, nas zonas portuarias habilitadas por períodos completos mensuais, semestrais e anuais. Neste caso, as tarifas que se deben aboar polo período completo, independentemente do uso efectivo do aparcadoiro, serán as indicadas no seguinte cadro:

Período aboamento	Vehículo lixeiro	Camións, remolques e outros
Mes	46,08	92,16
Semestre	165,89	331,79
Ano	224,26	448,53

Prohíbese o aparcamento dos vehículos alleos ás actividades portuarias, agás autorización expresa en cada caso das autoridades do porto. Naqueles casos nos que se conceda a autorización, de se tratar de vehículos lixeiros, camiións ou remolques, aplicarase a tarifa dobre da indicada anteriormente, e, de se tratar de autobuses, aplicarase a tarifa tripla da indicada anteriormente para camiións e remolques.

Portos de Galicia poderá establecer concertos anuais para a liquidación desta tarifa cos concellos e outras entidades públicas, cunha redución adicional do 50 % na contía da tarifa. Os concertos estableceranse en función do tipo de servizo, do seu interese e da compatibilidade cos usos portuarios.

No suposto de que se trate dun aparcamento cuberto, a tarifa que se aplicará será a que lle corresponda en función do tipo de vehículo e do período de aboamento, multiplicada por 2 se non dispón de vixilancia específica, e multiplicada por 3 se Portos de Galicia dispón dela.»

48) Modifícase a sublínea 03 da alínea 99 do anexo 3, que queda redactada como segue:

«03 Tarifas portuarias polo exercicio de actividades comerciais, industriais e de servizos

1. A prestación por terceiros de servizos e o exercicio de actividades comerciais, industriais ou doutra natureza no ámbito portuario estarán suxeitos a autorización, que devindicará a correspondente taxa a favor da Administración portuaria.

No suposto de que as anteriores actividades impliquen a ocupación do dominio público portuario, a autorización da actividade entenderase incorporada na correspondente concesión ou autorización de ocupación do dominio público, sen prexuízo da existencia das taxas que procedan por ambos os conceptos.

2. Os elementos cuantitativos desta taxa serán o tipo, o volume de actividade e mais a utilidade obtida.

Para os efectos do cálculo da base imponible desta taxa, enténdese por importe neto da cifra anual de negocio o concepto establecido na normativa contable vixente, onde se define como o importe das vendas dos produtos e das prestacións de servizos e outros ingresos correspondentes ás actividades ordinarias desenvoltas na concesión ou autorización, deducíndolle o importe de calquera desconto, bonificación e redución, así como os impostos que, como o imposto sobre o valor engadido, deban ser obxecto de repercusión.

No caso de que o titular da concesión, autorización ou calquera outro título habilitante estea acollido ao réxime de estimación obxectiva singular por módulos do imposto sobre a renda das

persoas físicas, para a determinación do importe neto da cifra anual de negocio das actividades comerciais, industriais e de servizos considerarase que este importe será catro veces o importe do rendemento neto previo obtido da declaración do IRPF para as persoas físicas declarado polo titular.

3. A cota da taxa que se satisfará será a que resulte das seguintes disposicións:

3.1. Contías mínimas:

a) Para os efectos da súa liquidación, a contía mínima da taxa establecida nesta alínea será de 2,96 euros.

b) No caso de que a prestación dos servizos ou o exercicio das actividades comerciais ou industriais estean vinculados a unha concesión ou autorización de ocupación de dominio público portuario, a contía anual da taxa correspondente non poderá ser inferior á cota desta taxa aplicada ao tráfico ou actividade mínima anual, establecida, de ser o caso, no título habilitante da ocupación do dominio público.

3.2. A cota da taxa será a determinada nos seguintes parágrafos, sen prexuízo do disposto no apartado 3.1 anterior, segundo que a actividade sexa portuaria ou auxiliar non estritamente portuaria.

A) Actividades portuarias

1. Taxa portuaria pola prestación de servizos e actividades de manipulación de carga.

A cota da taxa por servizos e actividades de manipulación de carga establécese por unidade de carga manipulada, medida en tonelada métrica de peso bruto ou fracción en función do grupo ao que pertencen as mercadorías, de acordo co repertorio de clasificación de mercadorías que se recolle na regra vixésimo sexta da tarifa X-3:

Grupo de mercadorías	Cota da taxa (en euros)/tonelada
1	0,006095
2	0,010158
3	0,016253
4	0,026412
5	0,040633

2. Taxa portuaria pola prestación de servizos á pasaxe.

A cota da taxa pola prestación de servizos á pasaxe establécese por pasaxeiro/a e vehículo en réxime de pasaxe, en función da modalidade de pasaxe e do tipo de navegación, segundo se recolle na regra quinta da tarifa X-3 —mercadorías e pasaxeiros— contida na subalínea 01 anterior, de acordo coa seguinte táboa:

Concepto	Tipo de navegación		
	Interior, local ou de ría	Entre portos da UE	Exterior
a) Pasaxeiros			
Bloque II	0,000828	0,025472	0,076416
Bloque I	0,001660	0,070959	0,141917
b) Vehículos			
Motocicletas e vehículos ou remolques de dúas rodas	0,002032	0,004064	0,008126
Automóviles	0,010158	0,020317	0,040633
Camións, autocares e outros vehículos de transporte colectivo	0,050791	0,101584	0,203167

3. Taxa portuaria pola prestación de servizos técnico-náuticos.

a) Servizo de practicaxe.

A cota establécese por servizo prestado, en función do arqueo do buque obxecto deste, de acordo coa seguinte táboa:

Arqueo (GT)	Taxa (en euros)
Menor ou igual que 1.500 GT	2,06
Maior que 1.500 GT e menor ou igual que 3.000 GT	2,47
Maior que 3.000 GT e menor ou igual que 4.000 GT	2,88
Maior que 4.000 GT	3,30

b) Servizo de amarre e desamarre.

A cota establécese por servizo prestado, en función do arqueo do buque obxecto deste, de acordo coa seguinte táboa:

Arqueo (GT)	Taxa (en euros)
Menor ou igual que 1.500 GT	2,06
Maior que 1.500 GT e menor ou igual que 3.000 GT	2,47
Maior que 3.000 GT e menor ou igual que 4.000 GT	2,88
Maior que 4.000 GT	3,30

c) Servizo de remolque.

A cota establécese por servizo prestado, en función do arqueo do buque obxecto deste, de acordo coa seguinte táboa:

Arqueo (GT)	Taxa (en euros)
Menor ou igual que 1.500 GT	17,61
Maior que 1.500 GT e menor ou igual que 3.000 GT	21,13
Maior que 3.000 GT e menor ou igual que 4.000 GT	24,66
Maior que 4.000 GT	28,18

4. Taxa polo exercicio da actividade comercial portuaria de consignación de buques. A cota polo exercicio da actividade comercial portuaria de consignación de buques establécese por servizo prestado, en función do arqueo do buque consignado, de acordo coa seguinte táboa:

Arqueo (GT)	Taxa (en euros)
Menor ou igual que 1.500 GT	11,77
Maior que 1.500 GT e menor ou igual que 3.000 GT	14,12
Maior que 3.000 GT e menor ou igual que 4.000 GT	16,47
Maior que 4.000 GT	18,83

5. Taxa polo exercicio de actividade polo desenvolvemento de actividades portuarias inherentes á xestión e á explotación de lonxas.

A cota polo desenvolvemento de actividades portuarias inherentes á xestión e á explotación de lonxas establécese por servizo prestado, en función dos quilogramos de peixe vendido en lonxa.

O importe da taxa será de 0,0015 euros por quilogramo de peixe vendido na lonxa.

O importe da taxa anual será como máximo o 1 % da contía resultante de lle aplicar ao importe total anual de vendas efectuadas na lonxa correspondente a porcentaxe autorizada en concepto de tarifa de xestión de cobramento que se aplicará polo adxudicatario aos usuarios en concepto da prestación do servizo, e ata un máximo de 30.000 €.

6. Restantes servizos e actividades comerciais e industriais portuarias.

A cota anual da taxa polo exercicio de actividades comerciais ou industriais portuarias non previstas nos artigos anteriores establecerase por unha porcentaxe en función do importe neto da cifra anual de negocio da actividade desenvolvida no porto ao amparo da autorización, de acordo coa seguinte táboa:

Actividade desenvolvida	Tipo aplicable
Fábricas de xeo, cámaras de frío; departamentos de armadores; subministración de combustible a buques; recollida de refugалlos; medios mecánicos vinculados ás actividades portuarias, varadoiros, talleres de reparación de embarcacións e depósito de embarcacións, estaleiros; depuradoras de molusco, cetarias, viveiros, acuicultura; xestión de amarras náutico-recreativos, naves de almacenamento de mercadoría expedida por vía marítima, redes de fornecementos e comunicacións a instalacións portuarias, ensinanzas náuticas.	1 %
Naves de almacenaxe, loxística; oficinas; venda de embarcacións, efectos navaís; industrias conserveiras, transformación e manipulación da pesca, subministración de combustible a automóbiles propiedade dos usuarios do porto.	1,50 %

A anterior listaxe de actividades posúe para estes efectos un carácter indicativo e non limitativo.

Para aquelas concesións, autorizacións ou calquera outro título habilitante outorgado con anterioridade ao 12 de decembro de 2003, data de entrada en vigor desta lei, para o exercicio de actividades comerciais ou industriais portuarias previstas neste punto, a cota máxima anual da taxa será de 30.000 euros para as actividades ás que se lles aplique o tipo do 1 % e de 60.000 euros para aquelas actividades ás que se lles aplique o tipo do 1,5 %.

Ás concesións, autorizacións ou calquera outro título habilitante indicados no parágrafo anterior que sexan actualizados ou modificados respectando o prazo inicial da orixinal e manteñan o seu destino e actividade conforme os títulos habilitantes iniciais, a taxa que se lles aplicará será de acordo co indicado no parágrafo anterior.

Para aquelas concesións, autorizacións ou calquera outro título habilitante outorgados con posterioridade ao 12 de decembro de 2003, data de entrada en vigor desta lei, para o exercicio de actividades comerciais ou industriais portuarias previstas neste punto, a cota máxima anual da taxa será de 60.000 euros para as actividades ás que se lles aplique o tipo do 1 % e que veñan expresamente indicadas no punto correspondente do cadro anterior, e de 90.000 euros para aquelas actividades ás que se lles aplique o tipo do 1,5 %.

No suposto do desenvolvemento da actividade de exportación de pesca fresca en locais vinculados directamente a unha lonxa localizada nun porto da Comunidade Autónoma de Galicia, o importe da taxa será de 0,0015 euros por quilogramo de peixe declarado polo uso do local obxecto de autorización ou concesión. Tamén será de aplicación á pesca fresca descargada noutro porto da Comunidade Autónoma de Galicia que entre no porto por vía terrestre, sempre e cando se acredite o aboamento da tarifa X-4 que corresponda.

B) Actividades auxiliares non estritamente portuarias

Terán esta consideración, entre outras: locais e terrazas de hostalaría, restauración e locais comerciais con uso non estritamente portuario.

1. Instalación no dominio público portuario de terrazas de hostalaría.

A cota da taxa pola instalación no dominio público portuario de terrazas de hostalaría, que se aplicará naquelas cuxo local asociado non estea sometido ao aboamento da taxa descrita no apartado 3.2 B).2) pola totalidade da actividade desenvolva, establécese por mesa autorizada e día ou fracción en función da intensidade da actividade e da temporada do ano en que esta se desenvolva, de acordo coa seguinte táboa:

INTENSIDADE DA ACTIVIDADE	TEMPORADA		
	Alta	Media	Baixa
Alta	0,95 €	0,72 €	0,48 €
Media	0,80 €	0,60 €	0,40 €
Baixa	0,61 €	0,47 €	0,31 €

Considerarase que a intensidade da actividade é alta cando se desenvolva nos portos de: Ribadeo, Burela, Celeiro, Ortigueira, Cedeira, Ares, Sada, Muros, Noia, Portosín, Porto do Son, Aguiño, Ribeira, A Pobra do Caramiñal, Rianxo, O Carril, O Xufre, Vilanova, Cambados, O Grove, San Vicente, Portonovo, Sanxenxo, Combarro, Pontevedra, Bueu, Cangas, Moaña, e Baiona.

Considerarase que a intensidade da actividade é media cando se desenvolva nos portos de: Foz, O Barqueiro, Cariño, Pontedeume, Malpica, Corme, Laxe, Camariñas, Muxía, Fisterra, Corcubión, Portocubelo, O Freixo, Testal, Cabo de Cruz, Meloxo, Meira, Aldán, Panxón e A Guarda.

Considerarase que a intensidade da actividade é baixa cando se desenvolva nos restantes portos e instalacións non establecidos nos parágrafos anteriores.

Considerarase temporada alta os meses de xullo e agosto; temporada media, os meses de xuño e setembro; e temporada baixa, os restantes meses do ano.

No caso de que a autorización se outorgue por prazo dun ano natural, considerarase, para efectos da aplicación desta taxa, que durante a temporada baixa o período de desenvolvemento da actividade será de 60 días.

2. Restantes servizos e actividades comerciais e industriais auxiliares non estritamente portuarias.

A cota anual da taxa polo exercicio das restantes actividades comerciais ou industriais auxiliares non estritamente portuarias establécese como o 2 % do importe neto da cifra anual de negocio da actividade desenvolvida no porto ao amparo da autorización. A cota anual máxima desta taxa para aquelas concesións, autorizacións ou calquera outro título habilitante, para o exercicio dos restantes servizos e actividades comerciais e industriais auxiliares non estritamente portuarias, será de 120.000 euros.

3. A taxa será liquidada por Portos de Galicia na forma e prazos determinados regulamentariamente. Os suxeitos pasivos deberán presentar as declaracións que correspondan na forma, lugar e prazos que se determinen regulamentariamente. Os suxeitos pasivos desta taxa estarán obrigados a conservar, durante o prazo de prescrición, os xustificantes e documentos acreditativos das operacións, rendas e calquera outro elemento necesarios para determinar a débeda tributaria. Así mesmo, os suxeitos pasivos quedarán obrigados a levar os libros e rexistros que regulamentariamente se establezan.

En especial, cando para a determinación da contía da taxa sexa preciso o coñecemento do importe neto da cifra anual de negocio, os suxeitos pasivos terán as mesmas obrigas documentais e formais contables que as establecidas nas normas do imposto sobre a renda das persoas físicas e do imposto sobre sociedades.

4. A contía da taxa deberá figurar necesariamente nas condicións da autorización de actividade ou, de ser o caso, da concesión ou autorización de ocupación privativa do dominio público.

5. No suposto de que a taxa sexa exixible por adiantado, a súa contía calcularase, para o primeiro exercicio, sobre as estimacións efectuadas en relación co volume de tráfico ou de negocio e, nos exercicios sucesivos, sobre os datos reais do ano anterior.

6. Cando se utilicen procedementos de licitación pública, a cota da taxa virá determinada pola suma de dous compoñentes:

a) A cota vixente no momento da devindicación consonte o disposto no apartado 3 anterior.

b) A mellora determinada na licitación á alza polo adxudicatario da concesión, expresada na mesma unidade que a cota á que se refire a letra a) anterior.»

49) Modifícase a letra c) da sublínea 2 da alínea 02 do anexo 5, que queda redactada como segue:

«c) No caso de ocupación de obras e instalacións:

— Nas áreas destinadas a usos portuarios pesqueiros onde se desenvolvan actividades de lonxas coas súas correspondentes cámaras de frío, fábricas de xeo e naves de redes: o 2,5 % dos valores dos terreos, dos espazos de auga e das obras e instalacións, e o 25 % do valor da depreciación anual asignada.

— Nas áreas destinadas a usos portuarios pesqueiros de exportación de peixe fresco e venda en locais situados en lonxas da Comunidade Autónoma de Galicia: o 5 % dos valores dos terreos, do espazo de auga e das obras e instalacións, e o 60 % do valor da depreciación anual asignada naquelas.

— Nas áreas destinadas a outros usos portuarios pesqueiros, usos portuarios relacionados co intercambio entre modos de transporte, os relativos ao desenvolvemento de servizos portuarios e aos servizos básicos a prestar nunha instalación náutico-deportiva: o 5 % dos valores dos terreos, do espazo de auga e das obras e instalacións, e o 100 % do valor da depreciación anual asignada naquelas.

No suposto de edificacións propiedade da Administración destinadas a estacións marítimas, ou instalacións para o servizo ao tráfico de pasaxeiros, aplicarase o gravame do 5 % a toda a instalación, incluso naqueles espazos destinados a actividades complementarias desta.

— Nas áreas destinadas a actividades auxiliares ou complementarias das actividades portuarias, incluídas as loxísticas, de almacenaxe e os servizos comerciais que correspondan a empresas industriais ou comerciais: o 6 % dos valores dos terreos, do espazo de auga e das obras e instalacións, e o 100 % do valor da depreciación anual asignada.

— Nas áreas destinadas a usos que non estean relacionados directamente coas actividades portuarias, ou complementarias ou auxiliares das portuarias: o 7 % dos valores dos terreos, do espazo de auga e das obras e instalacións, e o 100 % do valor da depreciación anual asignada.

Para os efectos da aplicación deste artigo, consideraranse actividades relacionadas co intercambio dos modos de transporte e servizos portuarios os seguintes: servizo de practicaxe; servizos técnico-náuticos; servizo á pasaxe, incluídas estacións marítimas e instalacións para o servizo de pasaxeiros; servizo de manipulación e transporte de mercadoría; e servizo de recepción de refugallo xerados polos buques.

Así mesmo, consideraranse servizos básicos a prestar nunha instalación náutico-deportiva os seguintes: amarre e desamarre, servizo de duchas, vestiarios e lavandaría, servizo de subministración de auga e enerxía, servizo contra incendios, vixilancia e seguridade, servizos administrativos da instalación náutica, servizos de información, servizos de correo e comunicacións e servizo de vixilancia e control das instalacións.

De xeito xeral, ás edificacións que teñan antigüidade superior á súa vida útil, aplicaráselles o 25 % do valor da depreciación anual asignada, sobre unha vida útil remanente que será, como má-

ximo, un terzo da vida útil inicial asignada. A vida útil será fixada na taxación efectuada para os efectos con base na normativa vixente de aplicación.»

50) Modifícase a sublínea 02 da alínea 05 do anexo 5, que queda redactada como segue:

«02 Aproveitamento especial do dominio público viario

Constitúe a base imponible a utilidade derivada do aproveitamento especial do dominio público viario. Para estes efectos, establécese como base imponible a que se obtén da seguinte fórmula:

$$B_i = L \cdot \left(B_s + \frac{B_a}{n} \right) \cdot C_d \cdot C_u \cdot C_e$$

Onde:

— B_i = base imponible.

— L = lonxitude (m) do servizo que discorre por dominio público viario.

— B_s = base sectorial, que adopta os seguintes valores en función do tipo de actividade:

* Distribución de electricidade de tensión menor ou igual a 30 kV: 1,58 €/m.

* Distribución de electricidade de tensión maior a 30 kV: 2,45 €/m.

* Transporte de electricidade de tensión maior a 30 kV: 4,94 €/m.

* Distribución de hidrocarburos: 1,58 €/m²

* Transporte de hidrocarburos: 18,57 €/m

* Telefonía e telecomunicacións: 2,91 €/m

* Abastecemento de auga: 1,61 €/m.

* Saneamento: 4,07 €/m.

— B_a = base adicional para o caso de servizos executados a través de canalizacións de titularidade da Administración autonómica, que adopta un valor de 1,00 €/m nese caso, sendo nula en caso contrario.

— n = número de suxeitos pasivos diferentes que empregan a mesma canalización.

— C_d = coeficiente de densidade de poboación, calculado segundo a fórmula seguinte:

$$C_d = \sqrt{\frac{\phi_m}{\phi_G}} \leq 2$$

Onde:

— ϕ_m = densidade de poboación (hab/km²) do termo municipal en que se sitúe o servizo, segundo as cifras oficiais de poboación a 1 de xaneiro do ano anterior ao de devindicación da taxa.

— ϕ_G = densidade de poboación (hab/km²) da Comunidade Autónoma de Galicia, segundo as cifras oficiais de poboación a 1 de xaneiro do ano anterior ao de devindicación da taxa.

— C_u = coeficiente pola situación urbanística do solo, que adopta os seguintes valores:

- 1,00 en solo en situación urbanizada.

- 0,75 en solo en situación rural.

— C_e = coeficiente pola clasificación da estrada:

- 1,20 no caso de autoestradas, autovías, corredores e vías rápidas.

- 1,00 no caso do resto de estradas da rede primaria básica non incluídas na categoría anterior.
- 0,80 no caso de estradas da rede primaria complementaria.
- 0,60 no caso de estradas da rede secundaria.

O tipo de gravame aplicable nos supostos de aproveitamento especial será do 50 %.»

Artigo 4. *Canon da auga*

Modifícase a alínea 3 do artigo 59 da Lei 9/2010, do 4 de novembro, de augas de Galicia, que queda redactada como segue:

«3. O tipo de gravame da parte variable nas augas termais e mariñas destinadas a uso terapéutico será de 0,0085 euros por metro cúbico.»

TÍTULO II

Medidas administrativas

CAPÍTULO I

Función pública

Artigo 5. *Concurso*

Modifícase o punto 2 do artigo 89 da Lei 2/2015, do 29 de abril, do emprego público de Galicia, que queda redactado como segue:

«2. Os concursos para a provisión de postos de traballo poden convocarse para a xeneralidade dos postos de traballo vacantes, para postos de traballo dun determinado ámbito ou para postos de traballo concretos, en atención ás necesidades do servizo. En todo caso, non se incluírán nelles os postos de traballo que teñan adscrito persoal funcionario de carreira por motivos de saúde ou rehabilitación ou por motivos de violencia de xénero.

Non obstante, o persoal funcionario de carreira que estea adscrito por motivos de saúde ou rehabilitación a un posto de traballo en distinta localidade á que teña o seu destino definitivo estará obrigado a participar nos concursos de provisión, para postos adecuados ao seu corpo ou escala, que se convoquen e solicitar todos os postos situados na mesma localidade do posto ao que figure adscrito provisionalmente.

O incumprimento desta obriga determinará o cesamento no posto no que figure adscrito por motivos de saúde ou rehabilitación.

O disposto nesta alínea será de aplicación en exclusiva aos postos de persoal funcionario de administración xeral e especial. No caso do persoal funcionario da Administración de xustiza, persoal docente ou persoal estatutario do sistema de saúde, non será de aplicación directa, e observarse a súa regulación específica.»

Artigo 6. *Comisión de servizos voluntaria*

Modifícase a alínea 2 do artigo 96 da Lei 2/2015, do 29 de abril, do emprego público de Galicia, que queda redactada como segue:

«2. En todo caso, para o desempeño dun posto de traballo en comisión de servizos voluntaria, o persoal funcionario deberá pertencer ao corpo ou escala e reunir os demais requisitos que estableza a correspondente relación de postos de traballo.

Non obstante, para a consecución da eficacia na prestación dos servizos e a eficiencia dos recursos humanos dispoñibles, o persoal funcionario de carreira poderá ocupar, con carácter temporal, mediante comisión de servizos voluntaria, un posto de traballo correspondente a unha escala de administración xeral ou especial sempre que posúa a titulación requirida para o acceso á escala correspondente ao posto de traballo e pertenza ao mesmo grupo ou subgrupo de clasificación. En todo caso, outorgarase prioridade ao persoal funcionario de carreira que pertenza á mesma escala do posto que sexa obxecto de cobertura.»

Artigo 7. *Mobilidade interadministrativa*

Engádesse un novo punto 4 *bis* ao artigo 104 da Lei 2/2015, do 29 de abril, do emprego público de Galicia, co seguinte contido:

«4 *bis*. O persoal funcionario de carreira pertencente á escala de Administración local con habilitación de carácter nacional do subgrupo A1 que, como consecuencia das medidas de fomento para as fusións de municipios ou para a incorporación voluntaria a outros, opte por ser transferido á Comunidade Autónoma de Galicia, integrárase plenamente na organización da función pública autonómica, no corpo superior da Administración xeral da Comunidade Autónoma de Galicia, e seralle de aplicación o disposto no artigo 97 desta lei.»

Artigo 8. *Definicións*

Modifícase a letra c) da disposición adicional primeira da Lei 2/2015, do 29 de abril, do emprego público de Galicia, que queda redactada como segue:

«c) Localidade: o correspondente termo municipal. Para efectos de permisos, entenderase por termo municipal o da residencia do persoal funcionario. Exceptúase o caso do persoal estatutario, para o cal esta expresión se entende que fai referencia á correspondente área de saúde, agás no caso dos permisos por falecemento, accidente ou enfermidade graves, hospitalización ou intervención cirúrxica dun familiar, no cal se aplicará o réxime xeral previsto no primeiro inciso desta alínea.»

Artigo 9. *Escalas e especialidades dos corpos de Administración xeral da Comunidade Autónoma de Galicia*

Un. Modifícase, no punto 1 da disposición adicional oitava da Lei 2/2015, do 29 de abril, do emprego público de Galicia, a escala superior de seguridade e saúde no traballo, que queda redactada como segue:

Denominación	Especialidades	Sub-grupo	Funcións	Titulación
Escala superior de seguridade e saúde no traballo	Seguridade no traballo	A1	Exercicio dos labores técnicos en materia de prevención de riscos laborais, de acordo co disposto na lexislación de prevención de riscos laborais e, en particular, nos artigos 7.1 e 9.2 da Lei 31/1995, do 8 de novembro, de prevención de riscos laborais, ou na norma que a substitúa, nas áreas, respectivamente, de seguridade no traballo, hixiene industrial e ergonomía e psicosocioloxía aplicada, sen prexuízo das funcións que, en materia mineira, exerza o persoal funcionario con competencias en materia de prevención de riscos laborais da consellaría competente nesta área	Arquitecto, graduado ou máster que habilite para o exercicio da profesión de arquitecto, enxeñeiro ou máster nunha titulación que habilite para o exercicio da profesión de enxeñeiro, e título de técnico con formación en nivel superior, nas tres disciplinas preventivas, consonte establece o Regulamento dos servizos de prevención, aprobado polo Real decreto 39/1997, do 17 de xaneiro, ou pola norma que o substitúa
	Hixiene industrial			Licenciado ou graduado en Bioloxía, licenciado ou graduado en Química ou licenciado en Farmacia ou graduado nunha titulación que habilite para a profe-

				sión de farmacéutico, e título de técnico con formación en nivel superior, nas tres disciplinas preventivas, consonte establece o Regulamento dos servizos de prevención, aprobado polo Real decreto 39/1997, do 17 de xaneiro, ou pola norma que o substitúa
	Ergonomía e psico-socioloxía aplicada			Licenciado ou graduado nunha titulación de calquera rama e título de técnico con formación en nivel superior, nas tres disciplinas preventivas, consonte establece o Regulamento dos servizos de prevención, aprobado polo Real decreto 39/1997, do 17 de xaneiro, ou pola norma que o substitúa

Dous. Modifícase, na alínea 3 da disposición adicional oitava da Lei 2/2015, do 29 de abril, do emprego público de Galicia, a escala de axentes de inspección, que queda redactada como segue:

Denominación	Especialidades	Subgrupo	Funcións	Titulación
Escala de axentes de inspección	Consumo	C1	- Apoio aos labores encomendados aos inspectores de consumo	Bacharel ou técnico
	Vixilancia de estradas		- Vixilancia do estado de conservación e explotación dos elementos que integran o dominio público viario, das obras dirixidas pola Axencia Galega de Infraestruturas e das obras ou outros usos realizados nas zonas de protección das estradas por terceiros. - Denuncia ou informe de calquera incumprimento ou anomalía - Vixilancia do cumprimento da normativa vixente en materia de seguridade viaria, do medio ambiente e da seguridade e prevención de riscos laborais - Elaboración de partes de servizo, boletíns de denuncias, informes e demais documentos relacionados coas súas funcións - Cantas outras funcións compatibles co	

			seu nivel e coñecementos lle indique o seu superior	
	Mobilidade		- Control e vixilancia do cumprimento da norma en materia de transporte terrestre e marítimo en augas interiores - Realización da inspección nas instalacións de empresas que realicen actividades de transporte ou de formación en materia de transportes, en estacións de transporte ou en toda clase de vías terrestres - Constatación de feitos que poidan ser constitutivos de infracción e formulación de actas de infracción - Elaboración de informes nos expedientes que se requiran - Cualificación de feitos constitutivos de infraccións e tramitación de expedientes sancionadores - Asesoramento aos intervenientes no sector do transporte para facilitar o cumprimento da legalidade - Elaboración de estatísticas de inspeccións, denuncias e infraccións relacionadas coas tarefas de inspección - Realización das tarefas administrativas que deriven das súas funcións	

Tres. Engádese unha alínea 3 *bis* na disposición adicional oitava da Lei 2/2015, do 29 de abril, do emprego público de Galicia, co seguinte contido:

«3 *bis*. No corpo auxiliar existen as seguintes escalas e especialidades:

Denominación	Especialidades	Subgrupo	Funcións	Titulación
Escala de persoal de servizos xerais (PSX)		C2	- Administrativa e de apoio á xestión - Recepción, portaría, atención e información aos usuarios. Apertura e peche dos centros ou unidades. Funcións de mantemento e apoio ás funcións xerais - Limpeza, lavandaría, mantemento e apoio ás funcións xerais - Apoio en cociña e comedor segundo o centro e o tipo de servizo - Calquera outra de análogo contido ou que teña relación coas funcións anteriores	Graduado en ESO ou equivalente

Artigo 10. *Escalas e especialidades dos corpos de Administración especial da Comunidade Autónoma de Galicia*

Un. Modifícanse, na alínea 1 da disposición adicional novena da Lei 2/2015, do 29 de abril, do emprego público de Galicia, a escala de arquitectos, a escala de ciencias e a escala de inspección urbanística, que quedan redactadas como segue:

Denominación	Especialidades	Grupo	Funcións	Titulación
Escala de arquitectos		A1	Estudo, xestión, execución, proposta e inspección de carácter facultativo superior, de acordo coa titulación exixida e coas funcións concretas asignadas ao desempeño do correspondente posto de traballo	Arquitecto, graduado ou máster nunha titulación que habilite para o exercicio da profesión de arquitecto
Escala de ciencias	Bioloxía	A1	Estudo, xestión, execución, proposta e inspección de carácter facultativo superior, de acordo coa titulación exixida e coas funcións concretas asignadas ao desempeño do correspondente posto de traballo	Licenciado ou graduado nunha titulación da rama de ciencias
	Química			
	Ciencias do mar			
Escala de inspección urbanística	Técnica	A1	Estudo, xestión, tramitación e proposta de resolución dos resultados da actividade de inspección e control do cumprimento da normativa urbanística nos actos de edificación e uso do solo que se realicen na Comunidade Autónoma	Arquitecto ou enxeñeiro de Camiños, Canais e Portos, graduado ou máster nunha titulación que habilite para o exercicio da profesión de arquitecto ou máster nunha titulación que habilite para o exercicio da profesión de enxeñeiro de Camiños, Canais e Portos
	Xurídica			Licenciado ou graduado en Dereito

Dous. Engádesse, na alínea 3 da disposición adicional novena da Lei 2/2015, do 29 de abril, do emprego público de Galicia, a escala de brigadistas, co seguinte contido:

Denominación	Subgrupo	Funcións	Titulación
Escala de brigadista	B	Coordinación do persoal para previr, combater e extinguir incendios de natureza forestal, así como vixilancia e mantemento dos labores de prevención. Coordinación en situacións de emerxencia nas áreas rurais e forestais e colaboración cos responsables dos servizos de protección civil no amparo de persoas e bens ante a incidencia dos incendios forestais. Así mesmo, deberá conducir cando o demanden as necesidades do servizo, polo que debe estar en posesión do carné de conducir B	Técnico/a superior en Xestión e Organización de Recursos Naturais e Paisaxísticos ou formación profesional de segundo ou grao equivalente

Tres. Engádese unha alínea 4 *bis* na disposición adicional novena da Lei 2/2015, do 29 de abril, do emprego público de Galicia, co seguinte contido:

«4 *bis*. No corpo de auxiliares de carácter técnico de Administración especial créanse as seguintes escalas e especialidades:

Denominación	Especialidades	Subgrupo	Funcións	Titulación
Escala de auxiliares de clínica		C2	- Todas aquelas actividades que, sen ter un carácter profesional sanitario, veñen facilitar as funcións do médico e do enfermeiro ou axudante técnico- sanitario	Titulación que habilite para a realización das funcións inherentes a esta escala
Escala de xerocultor			Asistir o usuario/a na realización das actividades básicas e instrumentais, tanto sociais como sanitarias, da vida cotiá que non poida realizar por el mesmo, por mor da súa discapacidade, e efectuar aqueles traballos encamiñados á súa atención persoal do seu contorno. En xeral, todas aquelas actividades que lle sexan encomendadas e que estean incluídas no exercicio da súa profesión e preparación técnica	Titulación que habilite para a realización das funcións inherentes a esta escala

Escala de bombeiro/a forestal	Operador/a de datos	C2	Manexo dos medios materiais para o tratamento da información tendentes á execución dos sistemas operativos dos Spdcif. Cando as circunstancias o requiran, poderán ser dedicados a outras funcións administrativas vinculadas á prevención e defensa contra incendios forestais	Graduado/a en ESO ou equivalente
	Emisorista / Vixiante fíxo		Realización das transmisións para asegurar unha adecuada comunicación dos avisos, ordes ou instrucións dentro do servizo. Cando as circunstancias o requiran, poderán ser dedicados a outras funcións administrativas vinculadas á prevención e defensa contra incendios forestais	
	Persoal condutor		Previr, combater e extinguir incendios de natureza forestal, así como vixilancia e mantemento dos labores de prevención. Atención en situacións de emerxencia nas áreas rurais e forestais e colaboración cos servizos de protección civil no amparo de persoas e bens ante a incidencia dos incendios forestais Labores silvícolas preventivos de diminución da combustibilidade das masas forestais e obras de construción, mellora e mantemento da infraestrutura. Ademais, conducirá vehículos dedicados ao transporte das cuadrillas e materiais do servizo, polo que debe estar en posesión do carné de conducir B e C	

Escala de oficial 2º mecánico/a de máquinas de defensa contra incendios forestais		C2	Persoal que, tendo os coñecementos que correspondan de mecanización, se ocupa das reparacións e mantemento dos vehículos e da maquinaria que se poidan realizar e dos medios dos parques de maquinaria dos servizos de prevención e defensa contra incendios forestais. Así mesmo, deberá conducir vehículos, traslado de vehículos avariados, e outras tarefas de similares características, polo que debe estar en posesión do carné de conducir B	Titulación que habilite para a realización das funcións inherentes a esta escala
--	--	-----------	---	---

Artigo 11. *Adscrición a ramas de coñecemento das titulacións a que se refire a disposición adicional quinta para efectos do previsto nas alíneas primeira e segunda das disposicións adicionais oitava e novena*

Modifícase a disposición adicional décima da Lei 2/2015, do 29 de abril, do emprego público de Galicia, que queda redactada como segue:

«Disposición adicional décima. *Adscrición a ramas de coñecemento das titulacións a que se refire a disposición adicional quinta para efectos do previsto nas alíneas primeira e segunda das disposicións adicionais oitava e novena*

Para os efectos do previsto nas alíneas primeira e segunda das disposicións adicionais oitava e novena, as titulacións a que se refire a disposición adicional quinta quedan adscritas ás distintas ramas de coñecemento do seguinte xeito:

a) Artes e humanidades

Subgrupo A1:

Licenciado en Documentación

Licenciado en Antropoloxía Social e Cultural

Licenciado en Belas Artes

Licenciado en Filoloxía (alemá, árabe, catalá, clásica, eslava, francesa, galega, hebrea, hispánica, inglesa, italiana, portuguesa, románica, vasca)

Licenciado en Filosofía

Licenciado en Xeografía

Licenciado en Historia

Licenciado en Historia da Arte

Licenciado en Historia e Ciencias da Música

Licenciado en Humanidades

Licenciado en Lingüística

Licenciado en Teoría da Literatura e Literatura Comparada

Licenciado en Tradución e Interpretación

Subgrupo A2:

Diplomado en Biblioteconomía e Documentación

b) Ciencias

Subgrupo A1:

Licenciado en Bioloxía

Licenciado en Bioquímica

Licenciado en Ciencias Ambientais

Licenciado en Ciencias do Mar

Licenciado en Ciencias e Técnicas Estatísticas

Licenciado en Física

Licenciado en Xeoloxía

Licenciado en Matemáticas

Licenciado en Química

Licenciado en Enoloxía

Subgrupo A2:

Diplomado en Estatística

c) Ciencias da saúde

Subgrupo A1:

Licenciado en Ciencia e Tecnoloxía dos Alimentos

Licenciado en Farmacia

Licenciado en Medicina

Licenciado en Veterinaria

Licenciado en Odontoloxía

Licenciado en Psicoloxía

Subgrupo A2:

Diplomado en Enfermaría

Diplomado en Fisioterapia

Diplomado en Logopedia

Diplomado en Nutrición Humana e Dietética

Diplomado en Óptica e Optometría

Diplomado en Podoloxía

Diplomado en Terapia Ocupacional

d) Ciencias sociais e xurídicas

Subgrupo A1:

Licenciado en Administración e Dirección de Empresas

Licenciado en Ciencias Actuariais e Financeiras

Licenciado en Ciencias do Traballo
Licenciado en Ciencias Políticas e da Administración
Licenciado en Comunicación Audiovisual
Licenciado en Dereito
Licenciado en Economía
Licenciado en Investigación e Técnicas do Mercado
Licenciado en Pedagogía
Licenciado en Periodismo
Licenciado en Psicopedagogía
Licenciado en Publicidade e Relacións Públicas
Licenciado en Socioloxía
Licenciado en Ciencias da Actividade Física e o Deporte

Subgrupo A2:

Diplomado en Ciencias Empresariais
Diplomado en Educación Social
Diplomado en Xestión e Administración Pública
Diplomado en Relacións Laborais
Diplomado en Traballo Social
Diplomado en Turismo
Mestre

e) Enxeñaría e arquitectura

Subgrupo A1:

Arquitecto
Enxeñeiro aeronáutico
Enxeñeiro de Camiños, Canais e Portos
Enxeñeiro de Materiais
Enxeñeiros de Minas
Enxeñeiro de Telecomunicación
Enxeñeiro en Automática e Electrónica Industrial
Enxeñeiro en Electrónica
Enxeñeiro en Xeodesia e Cartografía
Enxeñeiro en Organización Industrial
Enxeñeiro xeólogo
Enxeñeiro industrial
Enxeñeiro naval e oceánico
Enxeñeiro en Informática
Enxeñeiro químico

Enxeñeiro agrónomo
Enxeñeiro de Montes
Licenciado en Máquinas Navais
Licenciado en Náutica e Transportes Marítimos
Licenciado en Radioelectrónica Naval

Subgrupo A2:

Arquitecto técnico
Enxeñeiro técnico agrícola
Enxeñeiro técnico forestal
Enxeñeiro técnico informático
Enxeñeiro técnico aeronáutico
Enxeñeiro técnico industrial
Enxeñeiro técnico de Minas
Enxeñeiro técnico naval
Enxeñeiro técnico de Telecomunicación
Enxeñeiro técnico en Topografía
Enxeñeiro técnico en Obras Públicas
Enxeñeiro técnico en Deseño Industrial
Diplomado en Máquinas Navais
Diplomado en Navegación Marítima
Diplomado en Radioelectrónica Naval»

Artigo 12. *Persoal laboral temporal que desempeñe postos de traballo de persoal funcionario*

Engádesse unha disposición transitoria primeira *bis* á Lei 2/2015, do 29 de abril, do emprego público de Galicia, co seguinte contido:

«Disposición transitoria primeira *bis*. *Persoal laboral temporal que desempeñe postos de traballo de persoal funcionario*

1. A aprobación das correspondentes relacións de postos de traballo polo Consello da Xunta de Galicia de acordo coas previsións do punto 2 da disposición transitoria primeira determinará, de acordo co establecido nos artigos 26 e 38 desta lei, a transformación en postos de traballo de natureza funcional daquelles postos vacantes que viñan sendo desempeñados por persoal laboral temporal.

O persoal laboral indicado poderá seguir desempeñando as súas funcións, de acordo co establecido nos apartados seguintes desta disposición.

2. Coa finalidade de facer posible o cumprimento das normas establecidas nesta lei en canto aos postos que deben ser cubertos por persoal funcionario, os principios de organización, racionalización e ordenación do persoal, así como para homoxeneizar o réxime xurídico e condicións de traballo aplicables a este, co fin de facilitar unha eficaz prestación dos servizos públicos, a Administración expedirá un nomeamento de natureza funcional interina, no correspondente corpo ou escala de clasificación, ao persoal laboral temporal que, de acordo co establecido no apartado anterior, ocupe postos previstos como de natureza funcional nas relacións de postos de traballo, sempre que reúna os requisitos para a ocupación do posto e fora seleccionado como

laboral temporal segundo os procedementos de acceso á condición de laboral temporal establecidos pola normativa vixente.

Este nomeamento requirirá a aceptación do persoal interesado e suporá a novación da relación xurídica existente coa Administración, sen solución de continuidade na prestación dos servizos, e a transformación daquela nun vínculo xurídico de natureza funcional interina, rexido pola presente lei. Cando as retribucións do persoal laboral sexan diferentes ás correspondentes ao réxime funcional, logo da negociación coas organizacións sindicais presentes na Mesa Xeral de Empregados Públicos e de acordo sempre co principio de estabilidade orzamentaria, por decreto do Consello da Xunta de Galicia estableceranse as condicións e os prazos da equiparación retributiva.

3. No caso de que a relación de postos de traballo prevexa a amortización do posto, de acordo coas necesidades de organización do servizo público, nos casos en que o persoal interesado non acepte o nomeamento interino previsto no apartado anterior, ou este non fose procedente de acordo co nel indicado, e co fin do cumprimento dos principios establecidos neste, a Administración procederá a efectuar os trámites legais tendentes á extinción da relación laboral, sempre de acordo co establecido na lexislación laboral e coas consecuencias, incluídas as indemnizatorias, establecidas nela.

4. Os postos de traballo que pasen a ser desempeñados por persoal funcionario interino como consecuencia dos procesos establecidos na presente disposición quedarán suxeitos á súa convocatoria nos concursos de traslados e aos procesos selectivos de persoal funcionario da Xunta de Galicia.

5. As necesidades de cobertura temporal que xurdan despois da transformación dos postos de traballo previstos nesta disposición serán realizadas a través do sistema de listas para a cobertura de postos reservados a persoal funcionario.»

Artigo 13. *Postos directivos na Administración xeral da Comunidade Autónoma de Galicia*

Modifícase a alínea 4 da disposición transitoria terceira da Lei 2/2015, do 29 de abril, do emprego público de Galicia, que queda redactada como segue:

«4. O persoal funcionario de carreira que a partir da entrada en vigor da presente lei acceda aos postos directivos a que fai referencia esta disposición manterase na situación de servizo activo, con reserva do posto de traballo que ocupe con carácter definitivo no momento do nomeamento, se o devandito posto se obtivo mediante concurso.»

Artigo 14. *Postos ocupados por persoal laboral afectados pola creación de escalas*

Engádesse unha disposición transitoria décimo sexta na Lei 2/2015, do 29 de abril, do emprego público de Galicia, co seguinte contido:

«Disposición transitoria décimo sexta. *Postos ocupados por persoal laboral afectados pola creación de escalas*

1. O persoal laboral fixo que na entrada en vigor desta lei estea desempeñando postos de traballo afectados pola creación das escalas de Administración xeral e especial poderá seguir desempeñándoos.

2. Entrementres non se realicen as adaptacións necesarias para a provisión dos postos de traballo por persoal funcionario mencionados no apartado anterior, poderán seguir sendo provistos con persoal laboral.»

Artigo 15. *Provisión de postos de traballo e mobilidade*

Modifícase o artigo 7 da Lei 1/2012, do 29 de febreiro, de medidas temporais en determinadas materias de emprego público da Comunidade Autónoma de Galicia, que queda redactado como segue:

«Artigo 7. Provisión de postos de traballo e mobilidade

Non serán ofertados nos concursos de traslados os postos de persoal laboral afectados pola disposición transitoria décimo cuarta do texto refundido da Lei da función pública de Galicia, aprobado polo Decreto lexislativo 1/2008, do 13 de marzo, e pola disposición transitoria décima do V Convenio colectivo de persoal laboral da Xunta de Galicia, mentres non se realicen os procesos selectivos a que se refiren as ditas disposicións.»

Artigo 16. Integración do persoal laboral fixo das entidades instrumentais como persoal laboral da Administración xeral da Comunidade Autónoma de Galicia e aplicación do convenio colectivo único ao persoal laboral temporal

Modifícase a disposición adicional décimo primeira da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, que queda redactada como segue:

«Disposición adicional décimo primeira. Integración do persoal laboral fixo das entidades instrumentais como persoal laboral da Administración xeral da Comunidade Autónoma de Galicia e aplicación do convenio colectivo único ao persoal laboral temporal

1. O Consello da Xunta de Galicia, mediante decreto, poderá establecer os procedementos que habiliten a progresiva integración como persoal laboral da Administración xeral da Comunidade Autónoma de Galicia do persoal laboral fixo das entidades instrumentais ás que lles sexa aplicable esta lei que non estea sometido á normativa xeral de función pública ou ao convenio colectivo do persoal da Xunta de Galicia.

O establecemento dos devanditos procedementos e das referidas condicións de integración será negociado coas organizacións sindicais presentes na Mesa Xeral de Empregados Públicos.

A integración do persoal das entidades instrumentais do ámbito sanitario rexerase pola súa normativa específica.

2. Así mesmo, para homoxeneizar o réxime xurídico e condicións de traballo aplicables ao persoal, poderá negociarse coas organizacións sindicais presentes na Mesa Xeral de Empregados Públicos de Galicia a aplicación do Convenio colectivo único do persoal laboral da Xunta de Galicia ao persoal laboral temporal das entidades indicadas no primeiro parágrafo do apartado anterior que ocupe postos de traballo que sexa necesario manter. As condicións e prazos nas que se adecuarán as retribucións deste persoal ao convenio colectivo único serán iguais ás correspondentes ao persoal laboral fixo do ente que se integre como persoal laboral da Administración xeral da Comunidade Autónoma de Galicia.»

Artigo 17. Persoal licenciado ou diplomado da escala de saúde pública e administración sanitaria

O persoal funcionario de carreira licenciado ou diplomado da escala de saúde pública e administración sanitaria poderá ocupar con carácter temporal, mediante comisión de servizos voluntaria, postos de traballo dunha clase diferente á que pertenza, dentro da referida escala, sempre que a titulación de acceso da súa clase orixinaria sexa a mesma que a requirida para o acceso á clase correspondente ao posto de que se trate. En todo caso, outorgarase prioridade ao persoal funcionario que pertenza á mesma clase do posto que sexa obxecto de cobertura.

Artigo 17 bis. Negociación coas organizacións sindicais

Cando as decisións da Administración ditadas en aplicación das potestades de organización recoñecidas no presente título produzan consecuencias que teñan repercusión sobre as condicións de traballo dos empregados públicos recollidas no artigo 153 da Lei 2/2015, do 29 de abril, do emprego público de Galicia, procederá a negociación destas condicións coas organizacións sindicais de acordo co disposto na indicada lei.

CAPÍTULO II
Réxime financeiro
Sección 1ª. Tesouro

Artigo 18. Concepto

Modifícase o artigo 87 do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, que queda redactado como segue:

«Artigo 87. *Concepto*

1. Constitúen a Tesouraría da Comunidade Autónoma de Galicia todos os recursos financeiros, sexan diñeiro, valores, créditos e os demais produtos das operacións de endebedamento da súa Administración xeral, organismos autónomos, axencias públicas autonómicas, entidades públicas empresariais e entidades públicas instrumentais de consulta ou asesoramento, que se xeren tanto por operacións orzamentarias como extraorzamentarias.

2. As dispoñibilidades da Tesouraría e as variacións que poidan sufrir están suxeitas ao réxime de intervención e deben ser rexistradas de conformidade coas normas de contabilidade pública. Poderán establecerse procedementos especiais de anotación en conta para aqueles movementos internos de efectivo entre as distintas contas operativas da Tesouraría que determine o conselleiro competente en materia de facenda.»

Artigo 19. Funcións

Modifícase o artigo 88 do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, que queda redactado como segue:

«Artigo 88. *Funcións*

Son funcións propias da Tesouraría:

- a) A xestión recadatoria dos recursos e o pagamento das obrigas da Administración xeral da Comunidade Autónoma e das entidades públicas instrumentais sinaladas no artigo anterior.
- b) Instrumentar e servir ao principio de unidade de caixa, mediante a centralización de todos os fondos e valores xerados por operacións orzamentarias e extraorzamentarias.
- c) Distribuír no tempo e no territorio as dispoñibilidades de diñeiro para a satisfacción puntual das obrigas da Comunidade Autónoma.
- d) Velar pola obtención da axeitada rendibilidade dos recursos dispoñibles da Comunidade Autónoma sen menoscabo dos fins propios da Tesouraría.
- e) Responder dos avais contraídos pola Comunidade Autónoma conforme as disposicións desta lei.
- f) As demais funcións que deriven ou se relacionen coas anteriores enumeradas.»

Artigo 20. Situación dos fondos da Comunidade Autónoma

Modifícase o artigo 89 do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, que queda redactado como segue:

«Artigo 89. *Situación dos fondos da Comunidade Autónoma*

1. Con carácter xeral a Tesouraría da Comunidade Autónoma situará os fondos públicos no Banco de España ou nas entidades de crédito e aforro que operen en Galicia, en contas das que, en todo caso, posuira a titularidade.

2. A Tesouraría da Comunidade Autónoma poderá instrumentar todas aquelas operacións activas que considere convenientes para manter a adecuada rendibilidade dos fondos ao seu cargo, guiada en todo caso polo principio de seguridade na súa colocación.

3. O réxime xeral de autorizacións para a situación e colocación de fondos, a natureza das contas, o control e a disposición dos fondos e dos servizos de colaboración que se vaian concertar coas entidades financeiras indicadas no punto anterior establecerao a consellaría competente en materia de facenda.»

Artigo 21. *Situación dos fondos das entidades públicas instrumentais*

Modifícase o artigo 90 do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, que queda redactado como segue:

«Artigo 90. *Situación dos fondos das entidades públicas instrumentais*

1. Os fondos dos organismos autónomos, das axencias públicas autonómicas e das entidades públicas empresariais, así como das entidades públicas instrumentais de consulta e asesoramento, situaranse en contas diferenciadas coa autorización expresa da consellaría competente en materia de facenda e baixo o control da Tesouraría, utilizando rúbricas que conteñan a denominación xeral de «Entidades públicas instrumentais da Comunidade Autónoma de Galicia», tendo a consideración, para todos os efectos, de fondos da propia Tesouraría.

2. Os ditos fondos poderán estar situados no Banco de España ou noutras entidades de crédito e aforro que operen en Galicia, e necesitarán autorización expresa da consellaría competente en materia de facenda para a apertura de cada conta e para a determinación das súas condicións de funcionamento, logo de solicitude motivada e con expresión da finalidade da súa apertura.

A Tesouraría da Comunidade Autónoma poderá solicitar do órgano administrativo xestor calquera dato tendente a comprobar o cumprimento das condicións nas que se autorizou a apertura da conta e poderá ordenar a súa cancelación ou suspender a súa utilización se se comproba que non subsisten as condicións que motivaron a autorización de apertura.

3. As entidades financeiras indicadas no punto anterior teñen para coa Tesouraría da Comunidade Autónoma, á súa solicitude, as mesmas obrigas de información que para coas consellarías e as entidades públicas instrumentais titulares das contas abertas nelas.

4. A consellaría competente en materia de facenda poderá propoñerlle ao Consello da Xunta que as operacións de ingreso e de ordenación e realización material do pagamento das entidades públicas instrumentais ás que lles sexa de aplicación o disposto neste artigo as realice a dirección xeral competente en materia de Tesouraría, para o cal se establecerá o correspondente procedemento.

5. O disposto no presente artigo será tamén de aplicación ás entidades públicas instrumentais a que fai referencia a disposición transitoria terceira da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, que aínda non adaptasen a súa regulación ás determinacións do título III da citada lei.»

Artigo 22. *Ingresos e medios de pagamento*

Modifícase o artigo 91 do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, que queda redactado como segue:

«Artigo 91. *Ingresos e medios de pagamento*

1. Os ingresos a favor da Tesouraría poderán realizarse no Banco de España, nas caixas da propia Tesouraría ou das súas entidades colaboradoras, ou ben nas que se habiliten nas entidades públicas instrumentais ás que se fai referencia no artigo anterior.

2. Os medios de pagamento admisibles polas caixas da Tesouraría poderán consistir en diñeiro de curso legal, cheques nominativos, xiros, transferencias ou calquera outro medio de pagamento legalmente establecido. A consellaría competente en materia de facenda establecerá as condicións que terán que cumprir e o momento no que en cada caso se producirá a liberación da débeda.

3. A Tesouraría poderá darlles cumprimento ás súas obrigas por calquera dos medios de pagamento a que se fai referencia no punto anterior.»

Artigo 23. Prescripción dos depósitos e garantías en efectivo constituídos ante a Caixa Xeral de Depósitos da Comunidade Autónoma

Engádesse un novo artigo 91 *bis* no texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, co seguinte contido:

«Artigo 91 *bis*. *Prescripción dos depósitos e garantías en efectivo constituídos ante a Caixa Xeral de Depósitos da Comunidade Autónoma*

Os depósitos e garantías en efectivo constituídos na Caixa Xeral de Depósitos da Comunidade Autónoma respecto dos cales non se realice xestión ningunha por parte dos interesados no exercicio do seu dereito de propiedade prescribirán a favor da Facenda da Comunidade Autónoma no prazo de vinte anos.»

Artigo 24. Fluxos financeiros

Modifícase o artigo 92 do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, que queda redactado como segue:

«Artigo 92. *Fluxos financeiros*

Para unha mellor xestión da Tesouraría e unha adecuada análise do seu funcionamento, deberase elaborar trimestralmente un cadro de seguimento dos fluxos financeiros derivados da actividade do sector público autonómico afectado polo disposto neste título, no marco das previsións dun orzamento monetario.»

Sección 2ª. Xestión orzamentaria

Artigo 25. Xestión orzamentaria

Modifícase a alínea 2 do artigo 14 da Lei 2/2011, do 16 de xuño, de disciplina orzamentaria e sustentabilidade financeira, que queda redactado como segue:

«2. As consellarías e as entidades instrumentais do sector público autonómico deberán elaborar unha adecuada planificación dos investimentos públicos que pretenden realizar a medio prazo, axustándose aos obxectivos estratéxicos de cada un dos programas orzamentarios que xestionan, á sustentabilidade dos servizos públicos e aos seus escenarios plurianuais de gasto.

Para tal efecto, os expedientes de autorización de investimentos do sector público autonómico, ou a modificación orzamentaria que os financie, deberán ir acompañados dunha memoria, co alcance e contido que se estableza por orde da consellaría competente en materia de facenda, na que se cuantifique o custo total do investimento e as implicacións no gasto corrente dos exercicios futuros que o seu normal funcionamento implica.»

CAPÍTULO III

Procedemento administrativo

Sección 1ª. Administración dixital

Artigo 26. Información administrativa do cidadán

Un. Para dar cumprimento ao desenvolvemento da Lei 39/2015, do 1 de outubro, do procedemento administrativo común das administracións públicas, a Carpeta do cidadán da Administra-

ción xeral e das entidades do sector público autonómico configúrase como o conxunto de información e documentos en formato electrónico relativos ás relacións administrativas coas persoas interesadas. A dita carpeta estará dispoñible para a persoa interesada na sede electrónica da Xunta de Galicia (<https://sede.xunta.gal>) e nas canles que se establezan.

Dous. A Carpeta do cidadán, co obxectivo de dar cumprimento ao dereito de información e orientación ao interesado, tanto persoas físicas como xurídicas, nos procedementos administrativos, nos termos establecidos na Lei 39/2015, ofrecerá, entre outros servizos, información personalizada aos cidadáns e persoas xurídicas do estado de tramitación dos seus expedientes na Administración xeral e nas entidades do sector público autonómico, dos seus asentos rexistrals, das transmisións de datos entre administracións relativas aos seus expedientes ou dos seus datos e documentos recollidos pola Administración. Así mesmo, permitirá a realización de distintos trámites administrativos, así como o acceso aos documentos dos seus expedientes.

Tres. Os distintos órganos e entidades que integran a Administración xeral e o sector público autonómico garantirán a permanente actualización da información e contidos da Carpeta do cidadán. Para os efectos do disposto no presente artigo, quedan autorizadas as cesións e comunicacións dos datos de carácter persoal necesarios para dar cumprimento ao devandito dereito do interesado.

Catro. Así mesmo, estes órganos e entidades poderán acceder ao contido da Carpeta do cidadán co obxecto de garantir o dereito dos interesados de non achegar documentación que xa conste en poder da Administración, así como para prestar servizos de asistencia ao cidadán na relación coa Administración, sempre que o interesado expresase o seu consentimento para que sexan consultados ou obtidos eses documentos.

De conformidade coa normativa básica estatal, presumirase que a consulta ou obtención de documentos que estean en poder da Administración é autorizada polo interesado, salvo que conste no procedemento a súa oposición expresa ou que a lei especial aplicable requira consentimento expreso.

Cinco. De conformidade coa normativa en materia de protección de datos, os datos persoais relativos á Carpeta do cidadán serán incluídos nun ficheiro cuxa finalidade é a xestión dos servizos da Carpeta do cidadán.

Seis. O previsto no presente artigo será de aplicación sen prexuízo do disposto na disposición adicional primeira da Lei 39/2015, do 1 de outubro, do procedemento administrativo común das administracións públicas, e do previsto na Lei 58/2003, do 17 de decembro, xeral tributaria.

Artigo 27. *Sistema de notificacións electrónicas de Galicia*

Un. As notificacións da Administración xeral e do sector público autonómico serán preferentemente electrónicas, conforme os termos da lexislación básica estatal, e realizaranse na sede electrónica da Xunta de Galicia ou no enderezo electrónico habilitado único que a Administración pública galega pon á disposición da cidadanía a través do Sistema de notificacións electrónicas de Galicia.

Dous. O enderezo de referencia do Sistema de notificacións electrónicas de Galicia é <https://notifica.xunta.gal/>. O acceso ao sistema estará tamén dispoñible no portal web institucional da Xunta de Galicia (www.xunta.gal), e na sede electrónica (<https://sede.xunta.gal>).

A xestión tecnolóxica do Sistema de notificacións electrónicas corresponderá á Axencia para a Modernización Tecnolóxica de Galicia, ou órgano ou entidade que asuma as súas competencias. Corresponderá a cada órgano ou entidade da Administración xeral e do sector público autonómico a súa aplicación á xestión dos distintos procedementos administrativos do seu ámbito de competencia.

Logo da autorización do Consello da Xunta de Galicia, a Axencia para a Modernización Tecnolóxica de Galicia poderá modificar os enderezos electrónicos de referencia do sistema mediante a publicación no *Diario Oficial de Galicia* dunha resolución que estableza os novos enderezos.

Tres. O Sistema informará os interesados dos requirimentos técnicos cos que deben contar para garantir o adecuado acceso ao Sistema, sendo responsabilidade dos interesados contar cos medios axeitados para isto.

Catro. Nos casos de non funcionamento do sistema por razóns de imposibilidade técnica no envío ou posta á disposición, derivada de caso fortuíto, forza maior ou outras incidencias técnicas, as notificacións que se teñan que realizar na sede electrónica da Xunta de Galicia ou no enderezo electrónico habilitado único, mentres non se restableza o sistema, poderán efectuarse, a xuízo do órgano que tramite o procedemento, e atendendo ao cumprimento dos prazos de resolución e ás circunstancias concorrentes, por medios non electrónicos, de acordo co establecido na lexislación básica, en calquera lugar adecuado para tal fin, en papel ou por calquera medio que permita ter constancia da recepción polo interesado ou polo seu representante, así como da data, da identidade e do contido do acto notificado.

Cinco. Para os efectos do acceso ao contido das notificacións polos interesados, o sistema informará das indisponibilidades do servizo planificadas, así como das interrupcións non planificadas derivadas de incidencias técnicas do sistema. O sistema proverá os interesados que así o soliciten do oportuno xustificante electrónico de indisponibilidade que exprese os períodos de interrupción, para os efectos, de ser o caso, da súa presentación polo interesado no correspondente procedemento e da xustificación ante o órgano competente para a súa tramitación da imposibilidade de cumprimento dos prazos dentro deste e a petición da súa ampliación, se así procede.

Seis. En todo caso, de acordo co establecido na normativa básica estatal, con independencia do medio utilizado, as notificacións serán válidas sempre que permitan ter constancia do seu envío ou posta á disposición, da recepción ou acceso polo interesado ou polo seu representante, das súas datas e horas, do contido íntegro e da identidade fidedigna do remitente e destinatario desta. A acreditación da notificación efectuada incorporarase ao expediente.

Sete. Os criterios de obrigatoriedade da notificación electrónica a través do Sistema de notificacións electrónicas de Galicia previstos nesta lei serán de aplicación para os expedientes administrativos iniciados a partir da entrada en vigor da Lei 39/2015, do 1 de outubro, do procedemento administrativo común das administracións públicas.

Artigo 28. Interesados que non están obrigados a relacionarse a través de medios electrónicos coa administración

Un. Os interesados que non estean obrigados, de acordo coa normativa básica, a relacionarse por medios electrónicos coa Administración poderán solicitar a creación do seu enderezo habilitado único a través do Sistema de notificacións electrónicas de Galicia, mediante os modelos normalizados dispoñibles para estes efectos no propio sistema, para os efectos de recibir a partir dese momento as notificacións a través de medios electrónicos en calquera procedemento administrativo tramitado pola Administración xeral e do sector público autonómico.

Dous. En particular, nos procedementos iniciados por solicitude do interesado, cando o interesado elixa no modelo normalizado de solicitude que a notificación nese procedemento se practique por medios electrónicos, a Administración creará o seu enderezo habilitado único.

Tres. A creación do seu enderezo electrónico habilitado nos casos dos dous puntos anteriores implicará que as notificacións que deban cursarse co interesado se realizarán preferentemente por vía electrónica, de acordo co establecido na normativa básica, sen prexuízo do seu dereito a decidir e a comunicar en calquera momento á Administración pública, mediante os modelos normalizados dispoñibles no sistema para o efecto, que as notificacións sucesivas se deixen de practicar por medios electrónicos. En particular, nos sucesivos procedementos iniciados por solicitude do interesado, a notificación en cada un deles practicarase polo medio sinalado para o efecto por aquel no modelo normalizado de solicitude.

Catro. Para os efectos do disposto na lexislación básica, a Administración autonómica, no momento en que se teña que practicar a un interesado dos previstos neste artigo unha notificación

en papel, porá tamén á disposición do interesado, a través da sede electrónica, o contido da notificación para que poida acceder a este de forma voluntaria, e poderá dar de alta de oficio o enderezo electrónico habilitado do interesado no caso de que non o teña. A información relativa a esta cuestión poderá incluírse na notificación en papel.

Cinco. Os modelos normalizados do Sistema de notificacións electrónicas de Galicia a que se refiren as alíneas Un e Tres deste artigo serán establecidos pola Axencia para a Modernización Tecnolóxica de Galicia, ou órgano ou entidade que asuma as súas competencias, mediante a súa posta á disposición en formato electrónico no propio sistema, e serán de uso obrigatorio para os interesados.

A aprobación dos modelos normalizados de solicitude nos concretos procedementos iniciados por solicitude do interesado a que se refiren as alíneas Dous e Tres corresponderá ao órgano competente en cada procedemento, tras o cumprimento dos trámites establecidos regulamentariamente para a habilitación de procedementos electrónicos.

Artigo 29. Interesados que están obrigados a relacionarse a través de medios electrónicos coa Administración

Un. No caso de interesados que, de acordo coa normativa básica, estean obrigados a relacionarse a través de medios electrónicos coa Administración, deberán crear e manter o seu enderezo electrónico habilitado único a través do Sistema de notificacións electrónicas de Galicia, para todos os procedementos administrativos tramitados pola Administración xeral e o sector público autonómico. En todo caso, a Administración xeral poderá de oficio crear o indicado enderezo, para os efectos de asegurar o cumprimento polos indicados interesados da súa obriga de relacionarse por medios electrónicos.

Dous. En particular, nos procedementos iniciados por solicitude dos interesados previstos neste artigo, deberá optarse en todo caso no modelo normalizado de solicitude pola notificación por medios electrónicos, sen que sexa válida para eles, nin produza efectos no procedemento, unha opción diferente.

Tres. Nos procedementos iniciados de oficio, nos casos en que os interesados previstos neste artigo non creasen o seu enderezo electrónico habilitado único, este será creado de oficio pola Administración xeral, de acordo co indicado na alínea Un, e practicaranse nel as correspondentes notificacións. O órgano competente para a tramitación do procedemento, para os efectos de facilitar a posta á disposición das canles de acceso necesarias e dos sistemas e aplicacións previstos nesta lei, poderá practicar unha comunicación en papel no seu domicilio, recordando ao interesado a súa obriga de relacionarse por medios electrónicos coa Administración, informándoo da creación de oficio do enderezo electrónico habilitado único e da forma de acceso ao sistema e indicando que ten dispoñible nela a notificación electrónica, así como das consecuencias legais do non-acceso no tempo establecido na lexislación básica. Así mesmo, cando á Administración xeral e do sector público autonómico lle conste o seu enderezo de correo electrónico e/ou dispositivo electrónico, adicionalmente á comunicación en papel a Administración poderá avisalo neles do envío ou posta á disposición da notificación.

Artigo 30. Obrigatoriedade de relacionarse a través de medios electrónicos coa Administración para determinados procedementos

Un. De acordo coa lexislación básica, regulamentariamente poderá establecerse a obriga de relacionarse a través de medios electrónicos coa Administración para determinados procedementos e certos colectivos de persoas físicas respecto dos cales, por razón da súa capacidade económica, técnica, dedicación profesional ou outros motivos, quede acreditado que teñen acceso e dispoñibilidade dos medios electrónicos necesarios.

Dous. En particular, nos procedementos para a concesión de axudas e subvencións, as correspondentes bases reguladoras poderán establecer a indicada obriga, sempre que se xustifique nelas a concorrencia das circunstancias indicadas no punto anterior, de acordo coa memoria que para o efecto se inclúa no procedemento seguido para a súa aprobación.

Artigo 31. Colaboración con outras administracións públicas e interoperabilidade do Sistema de notificacións electrónicas de Galicia

Un. O Sistema de notificacións electrónicas de Galicia estará dispoñible para outras administracións públicas, e, en especial, para as administracións locais galegas e entes públicos instrumentais dependentes delas, nos termos que se acorden con elas, permitindo a existencia dun enderezo electrónico habilitado único. En particular, nos convenios de adhesión ao sistema poderá preverse a existencia dunha compensación económica para o órgano xestor do sistema polos gastos que deriven da colaboración.

Dous. O Sistema de notificacións electrónicas de Galicia preverá os mecanismos necesarios para a interoperabilidade das notificacións con outras administracións ou sistemas de notificacións en uso noutras administracións públicas do Estado.

Artigo 32. Adaptación e actualización dos modelos normalizados de tramitación

Os modelos normalizados aplicables na tramitación de procedementos, para a súa utilización en papel ou en formato electrónico, poderán ser modificados co obxecto de mantelos adaptados e actualizados e, en particular, co obxecto de adaptalos ao establecido nesta lei. Para estes efectos, será suficiente a publicación dos modelos adaptados ou actualizados na sede electrónica da Xunta de Galicia, onde estarán permanentemente accesibles para todas as persoas interesadas, sen que sexa necesaria a súa nova publicación no *Diario Oficial de Galicia*.

Sección 2ª. Réxime sancionador e prazos de procedementos administrativos

Artigo 33. Infraccións administrativas

Un. Engádese unha nova alínea 1 *bis* ao artigo 53 da Lei 9/2013, do 19 de decembro, do emprendemento e da competitividade económica de Galicia, co seguinte contido:

«1 *bis*. O exceso nos horarios establecidos para os establecementos e actividades a que se refire o título III, capítulo III, sección 2ª da presente lei.»

Dous. Modifícase a letra n) do artigo 116 da Lei 3/2012, do 2 de abril, do deporte de Galicia, que queda redactado como segue:

«n) A obstrución ou resistencia reiterada ao exercicio da función inspectora ou da función de control da Administración deportiva sobre as entidades deportivas.»

Artigo 34. Prazos no procedemento sancionador en materia de transporte marítimo de persoas en augas interiores de Galicia

O prazo máximo para ditar e notificar a resolución do procedemento sancionador en materia de transporte marítimo de persoas en augas interiores de Galicia será dun ano, contado desde a data do acordo de incoación do procedemento.

Artigo 35. Prazos para ditar e notificar as resolucións de diversos procedementos en materia de vivenda

Engádese unha disposición adicional décimo novena á Lei 8/2012, do 29 de xuño, de vivenda de Galicia, co seguinte contido:

«Disposición adicional décimo novena. *Prazos para ditar e notificar as resolucións de diversos procedementos en materia de vivenda*

As resolucións dos procedementos de desafuzamento administrativo e de adxudicación de vivendas protexidas de promoción pública deberán ditarse e notificarse no prazo máximo dun ano.»

Artigo 36. Prazos para ditar e notificar as resolucións de diversos procedementos en materia de sanidade

Engádesse unha alínea 8 no artigo 39 da Lei 8/2008, do 10 de xullo, de saúde de Galicia, que queda redactada como segue:

«8. O prazo máximo para ditar e notificar as resolucións sancionadoras por infraccións en materia sanitaria será de nove meses, sempre e cando non exista unha norma específica reguladora do procedemento de que se trate que estableza un distinto.»

Sección 3ª. Adecuación normativa

Artigo 37. Disposicións de adecuación da normativa da Comunidade Autónoma de Galicia en materia sancionadora á Lei 39/2015, do 1 de outubro, do procedemento administrativo común das administracións públicas, e á Lei 40/2015, do 1 de outubro, de réxime xurídico do sector público

Un. O prazo máximo para resolver e notificar os procedementos sancionadores competencia da Administración xeral da Comunidade Autónoma e das súas entidades públicas instrumentais será de seis meses, contados desde o ditado do acordo de inicio, salvo aqueles casos nos que a normativa legal ou regulamentaria reguladora do procedemento estableza un prazo específico diferente. Esta previsión será de aplicación a todos os procedementos sancionadores iniciados a partir da entrada en vigor desta lei.

Dous. En relación cos recursos interpostos fronte a resolucións administrativas sancionadoras, presentados e non resoltos con anterioridade á entrada en vigor da Lei 39/2015, do 1 de outubro, e da Lei 40/2015, do 1 de outubro, de acordo co indicado na normativa básica, e, en particular, co disposto nos artigos 26.2 e 30.3 da citada Lei 40/2015, o prazo previsto para a prescrición da sanción comezará a contarse desde o día seguinte a aquel en que finalice o prazo legalmente previsto para a resolución do dito recurso, aínda que o prazo en cuestión finalizase con anterioridade á entrada en vigor das dúas leis mencionadas, e con independencia do previsto na lexislación sectorial para os procedementos sancionadores de que se trate, cando a dita lexislación sexa anterior ás citadas leis de procedemento administrativo común das administracións públicas, e de réxime xurídico do sector público.

Tres. En caso de tratarse de resolucións administrativas sancionadoras e de restitución da legalidade urbanística, o acto administrativo que resolva o recurso interposto fronte ás ditas resolucións e que dispoña, se é o caso, a prescrición da sanción do acordo co establecido no punto anterior, deberá pronunciarse expresamente sobre o acto administrativo de restitución da legalidade segundo a normativa aplicable e, en particular, tendo en conta os prazos de prescrición indicados nela para a dita restitución, sen que a estes prazos lles sexa aplicable o previsto neste artigo para os prazos de prescrición da sanción.

Artigo 38. Recursos interpostos contra resolucións de expedientes sancionadores e de reposición da legalidade por infraccións reguladas na normativa en materia de costas cometidas na zona de servidume de protección do dominio público marítimo-terrestre pendentes de resolución á entrada en vigor da Lei 39/2015, do 1 de outubro, do procedemento administrativo común das administracións públicas, e da Lei 40/2015, do 1 de outubro, de réxime xurídico do sector público

Un. En consonancia coa lexislación básica estatal, nos recursos interpostos contra resolucións de expedientes sancionadores e de reposición da legalidade por infraccións reguladas na normativa en materia de costas cometidas na zona de servidume de protección do dominio público marítimo-terrestre, o prazo previsto para a prescrición da sanción comezará a contarse desde o día seguinte a aquel en que finalice o prazo legalmente previsto para a resolución do recurso, aínda que o prazo en cuestión finalizase con anterioridade á entrada en vigor da Lei 39/2015, do 1 de outubro, do procedemento administrativo común das administracións públicas, e da Lei 40/2015, do 1 de outubro, de réxime xurídico do sector público.

Dous. Nos supostos sinalados no apartado anterior, nos recursos pendentes de resolución, o prazo de prescrición de quince anos, en consonancia co disposto na Lei 2/2013, do 29 de maio, de protección e uso sustentable do litoral, que modifica o artigo 95 da Lei estatal 22/1988, do 28 de xullo, de costas, en canto á reposición ou restitución da legalidade comezará a computarse desde que a Administración ditou o acto no que se acordou a obriga de restitución.

Tres. A resolución administrativa que resolva os recursos nos supostos previstos no presente artigo acordará de oficio a prescrición da sanción imposta, de ser o caso, e deberá pronunciarse expresamente sobre a prescrición da obriga de restitución da legalidade segundo o indicado no punto anterior.

Catro. Nas obras, edificios, construcións ou instalacións afectados situados dentro da servidume de protección indicada no punto anterior, e sempre que resulte compatible coa lexislación básica estatal, só poderán realizarse, logo da solicitude de autorización do órgano autonómico competente en materia de zona de servidume de protección, obras imprescindibles para a conservación e o mantemento do uso preexistente, sen que poidan incrementar o valor expropiatorio. Na resolución que declare a prescrición recollerase expresamente a suxeición ao réxime específico establecido neste artigo.

Artigo 39. Aplicación da normativa en materia de protección dos consumidores da Lei 2/2012, do 28 de marzo, galega de protección xeral das persoas consumidoras e usuarias

Engádesse unha nova disposición adicional sexta á Lei 2/2012, do 28 de marzo, galega de protección xeral das persoas consumidoras e usuarias, co seguinte contido:

«Disposición adicional sexta

1. Ao amparo do disposto na disposición adicional primeira da Lei 39/2015, do 1 de outubro, do procedemento administrativo común das administracións públicas, o réxime sancionador regulado na Lei 2/2012, do 28 de marzo, galega de protección xeral das persoas consumidoras e usuarias, rexerase por esta lei especial por razón da materia en canto regule trámites adicionais ou distintos do procedemento administrativo común ou non exixa algún dos trámites previstos na Lei 39/2015. Todo isto sen prexuízo do obrigado respecto á lexislación básica.

2. Á vista do disposto no artigo 1 da Lei 40/2015, do 1 de outubro, de réxime xurídico do sector público, o réxime sancionador regulado na Lei 2/2012, do 28 de marzo, galega de protección xeral das persoas consumidoras e usuarias, rexerase por esta lei especial por razón da materia como desenvolvemento das bases da potestade sancionadora reguladas na Lei 39/2015. Todo isto sen prexuízo do obrigado respecto á lexislación básica. En todo caso, a remisión prevista no artigo 30 da Lei 40/2015 ás leis que establezan as infraccións e sancións en canto á súa prescrición deberá entenderse referida á regulación prevista para estes efectos na Lei 2/2012.»

Artigo 40. Silencio administrativo en determinados procedementos en materia de persoal

Nos procedementos iniciados por solicitudes ou reclamacións en materia de persoal, con contido retributivo, formulados polos empregados públicos da Administración xeral e do sector público autonómico de Galicia que teñan repercusión no capítulo I do orzamento de gastos da Comunidade Autónoma, o silencio administrativo producirá efectos desestimatorios.

Sección 4ª. Réxime administrativo

Artigo 41. Responsabilidades dos membros dos consellos de administración das sociedades mercantís públicas autonómicas ou dos padroados das fundacións públicas autonómicas ou membros das entidades ou órganos liquidadores dun ente do sector público autonómico

Engádesse unha nova disposición adicional décimo quinta á Lei 16/2010, do 17 de decembro, de organización e funcionamento da Administración xeral e do sector público autonómico de Galicia, co seguinte contido:

«Disposición adicional décimo quinta. *Responsabilidades dos membros dos consellos de administración das sociedades mercantís públicas autonómicas ou dos padroados das fundacións públicas autonómicas ou membros das entidades ou órganos liquidadores dun ente do sector público autonómico*

1. A responsabilidade que lles corresponda ás autoridades e persoal ao servizo da Administración xeral e do sector público autonómico de Galicia como membro do consello de administración das sociedades mercantís públicas autonómicas ou do padroado das fundacións públicas autonómicas será directamente asumida pola Administración ou ente do sector público que o designou.

2. A Administración ou ente do sector público autonómico poderá exixir de oficio ao que designou como membro do consello de administración ou do padroado a responsabilidade en que incorrese polos danos e perdas causados nos seus bens ou dereitos cando concorrese dolo, ou culpa ou negligencia graves, conforme o previsto nas leis administrativas en materia de responsabilidade patrimonial.

3. A responsabilidade que lles corresponda ás autoridades e persoal ao servizo da Administración xeral e do sector público autonómico de Galicia como membro da entidade ou órgano liquidador dun ente do sector público autonómico será directamente asumida pola Administración ou ente do sector público que o designou, quen poderá exixir de oficio a tal designado a responsabilidade que, de ser o caso, corresponda cando concorrese dolo, ou culpa ou negligencia graves, conforme o previsto nas leis administrativas en materia de responsabilidade patrimonial.»

Artigo 42. *Ordenación das competencias de execución da Comunidade Autónoma respecto do control metrolóxico de instrumentos en servizo*

Un. As actividades relacionadas co control metrolóxico de instrumentos en servizo de competencia da Comunidade Autónoma de Galicia serán exercidas pola propia Administración autonómica ou, se é o caso, polos organismos autorizados de verificación metrolóxica que se designen, de acordo co previsto no artigo 8.5 da Lei 32/2014, do 22 de decembro, de metroloxía, e no artigo 8, puntos 1 e 6, do Real decreto 244/2016, do 3 de xuño, polo que se desenvolve a dita lei.

Dous. A Administración autonómica poderá realizar as ditas actividades:

a) Directamente, a través dos órganos da Administración xeral con competencias en materia de industria ou mediante as entidades instrumentais que teñan o carácter de medios propios instrumentais e servizos técnicos.

b) Indirectamente, mediante contrato, de conformidade coa lexislación de contratos do sector público.

Tres. Como consecuencia do indicado nos puntos anteriores, continuará a execución do contrato, actualmente existente, de xestión de servizos públicos, na modalidade de concesión, consistente no control metrolóxico de diversos equipos de medida na fase de instrumentos en servizo no ámbito territorial da Comunidade Autónoma de Galicia. O anterior enténdese sen prexuízo da actuación, no territorio autonómico, de organismos autorizados de verificación metrolóxica que poidan designarse, de acordo co réxime imposto pola normativa estatal en materia de control metrolóxico.

Catro. No caso de que a efectiva realización, no ámbito territorial da Comunidade Autónoma de Galicia, de actividades de verificación metrolóxica por organismos autorizados de verificación metrolóxica designados conforme o procedemento previsto na Lei 32/2014, do 22 de decembro, de metroloxía, e no Real decreto 244/2016, do 3 de xuño, polo que se desenvolve a dita lei, supoña un desequilibrio económico acreditado do contrato ao que se alude no punto 3 desta disposición, o concesionario poderá solicitar o restablecemento do equilibrio económico. Neste caso, comprobada polo órgano de contratación a existencia dun desequilibrio económico, este adoptará as medidas procedentes para o restablecemento do equilibrio económico do contrato, conforme o disposto na lexislación de contratos do sector público. As ditas medidas poderán consistir

na modificación das tarifas que deben aboar as persoas usuarias, na redución do prazo do contrato ou, en xeral, en calquera modificación das cláusulas de contido económico incluídas no contrato, de xeito que este poida seguir desenvolvéndose co mesmo equilibrio económico existente no momento da súa celebración.

O indicado anteriormente entenderase sen prexuízo da posibilidade de modificar o contrato de acordo cos límites da lexislación de contratos do sector público, ou da súa resolución, se nin o reequilibrio económico nin a modificación contractual foren posibles.

As anteriores medidas, limitadas ao estrito marco contractual, entenderanse sen prexuízo da responsabilidade patrimonial, se é o caso, polos danos derivados da aplicación do novo marco normativo en materia de metroloxía, que será exixible, cando se dean os supostos constitucionais e legais para o seu exercicio, ante os órganos competentes.

Artigo 43. *Autorización administrativa*

Modifícase a letra f) do artigo 6 da Lei 14/1985, reguladora dos xogos e apostas de Galicia, que queda redactada como segue:

«f) Apostas que sexan expresión ou consecuencia do resultado dun acontecemento previamente determinado, de desenlace incerto e alleo ás persoas apostantes.»

CAPÍTULO IV

Vivenda

Artigo 44. *Solo para vivendas protexidas*

Engádesse unha alínea 3 ao artigo 72 da Lei 8/2012, do 29 de xuño, de vivenda de Galicia, co seguinte contido:

«3. No suposto de que o Instituto Galego da Vivenda e Solo, no desenvolvemento dunha actuación de solo residencial, adquira ou permute vivendas incompatibles coa nova ordenación, as persoas propietarias ou usufrutuarias, sempre que residan nestas vivendas, poderán acceder directamente ás parcelas de uso residencial para construción de vivenda unifamiliar ou ás vivendas protexidas que se promovan no ámbito sen necesidade de ter que cumprir os requisitos de acceso a estas vivendas, que deberán, en todo caso, destinar a residencia habitual e permanente.»

CAPÍTULO V

Economía e industria

Sección 1ª. Minaría

Artigo 45. *Catastro Mineiro de Galicia*

Un. Modifícase a alínea 2 do artigo 9 da Lei 3/2008, do 23 de maio, de ordenación da minaría de Galicia, que queda redactada como segue:

«2. Os datos reflectidos no Rexistro Mineiro de Galicia incorporaranse ao Catastro Mineiro de Galicia, que constituirá información de apoio para a xestión interna e a definición da política mineira da Comunidade Autónoma. A xestión do Catastro Mineiro de Galicia corresponde á Cámara Oficial Mineira de Galicia.»

Dous. Renuméranse as actuais alíneas 1 e 2 do artigo 14 da Lei 3/2008, do 23 de maio, de ordenación da minaría de Galicia, como 2 e 3, e engádesse unha nova alínea 1, que queda redactada como segue:

«1. Para a elaboración de instrumentos de planificación con incidencia na minaría teranse en conta as solicitudes e os dereitos mineiros outorgados ou concedidos no territorio da Comunidade Autónoma de Galicia, para o cal será obrigatorio solicitar un certificado do Catastro Mineiro de Galicia.»

Tres. Engádesse unha nova disposición adicional quinta á Lei 3/2008, do 23 de maio, de ordenación da minaría de Galicia, co seguinte contido:

«Disposición adicional quinta. *Censo Catastral Mineiro*

O Censo Catastral Mineiro de Galicia, xestionado pola Cámara Oficial Mineira de Galicia, constitúese no Catastro Mineiro de Galicia ao que fai referencia o artigo 9.»

Sección 2ª. Consumo

Artigo 46. Concepto de consumidor

Modifícase a alínea 1 do artigo 3 da Lei 2/2012, do 28 de marzo, galega de protección xeral das persoas consumidoras e usuarias, que queda redactada como segue:

«1. Para os efectos desta norma, son consumidores as persoas físicas que actúen cun propósito alieo á súa actividade comercial, empresarial, oficio ou profesión.

Son tamén consumidores, para os efectos desta norma, as persoas xurídicas e as entidades sen personalidade xurídica que actúen sen ánimo de lucro nun ámbito alieo a unha actividade comercial ou empresarial.

Non obstante o anterior, en todo caso, terá a condición de consumidor aquela persoa ou entidade que teña a dita consideración segundo o Dereito da Unión Europea ou a norma de transposición deste ao ordenamento xurídico interno, así como toda persoa, física ou xurídica, pública ou privada, calquera que sexa a súa nacionalidade ou residencia, que adquiere ou utiliza, ou á cal se lle oferta, como destinatario final, un ben, calquera que sexa a súa natureza, ou un servizo, calquera que sexa a forma e a actividade en que consista, incluídos aqueles servizos de adquisicións, depósitos ou peñor de bens ou dereitos dos consumidores e calquera que sexa a natureza, pública ou privada, individual ou colectiva, daqueles que os produzan, importen, faciliten, fornezan ou expidan, sempre que o seu destino final sexa o seu uso persoal, familiar ou colectivo, alieo a unha actividade empresarial, profesional ou artesanal.»

Sección 3ª. Comercio interior

Artigo 47. Consello Galego de Economía e Competitividade

Un. Modifícase o artigo 18 da Lei 13/2010, do 17 de decembro, do comercio interior de Galicia, que queda redactado como segue:

«Artigo 18. *Consello Galego de Economía e Competitividade*

1. O Consello Galego de Economía e Competitividade, creado pola Lei 9/2013, do 19 de decembro, do emprendemento e da competitividade económica de Galicia, exercerá as seguintes funcións específicas en materia de comercio:

a) Emitir ditames sobre aquelas cuestións que, no ámbito das políticas públicas con incidencia na actividade comercial, lle sexan consultadas polo Consello da Xunta de Galicia ou pola consellaría con competencia en materia de comercio.

b) Formular as propostas e suxestións que se estimen convenientes para o fomento e a mellora do tecido comercial galego.

c) Elaborar a proposta de resolución das autorizacións comerciais autonómicas de conformidade co previsto no punto 5 do artigo 32.

d) Calquera outra función que, de ser o caso, se estableza regulamentariamente.

2. As funcións indicadas no punto anterior serán exercidas polo Consello a través do Comité Executivo de Comercio Interior e Exterior, con excepción da función prevista na letra d), para o exercicio da cal se constituirá unha Comisión Consultiva, da que formarán parte, ademais da persoa que ocupe a presidencia do Comité Executivo de Comercio Interior e Exterior, os seguintes membros do Consello:

- A persoa representante da Federación Galega de Municipios e Provincias.
- A persoa representante do Consello Galego de Consumidores e Usuarios.

Completarase a composición da Comisión Consultiva cos seguintes membros designados pola persoa que exerza a presidencia do Consello Galego de Economía e Competitividade, por proposta da consellaría de procedencia :

- Dúas persoas representantes da consellaría competente en materia de comercio.
- Dúas persoas representantes da consellaría competente en materia de urbanismo, ordenación do territorio e medio ambiente.
- Unha persoa representante da consellaría competente en materia de infraestruturas.

A secretaría da Comisión Consultiva corresponderá a unha persoa funcionaria da dirección xeral competente en materia de comercio, que actuará como tal con voz e sen voto.»

Dous. Modifícase a alínea 5 do artigo 32 da Lei 13/2010, do 17 de decembro, do comercio interior de Galicia, que queda redactada como segue:

«5. Completado o expediente coa documentación exixida nos puntos anteriores, remitirase á Comisión Consultiva prevista no punto 2 do artigo 18 da presente lei, co obxecto de que efectúe a proposta de resolución. A Comisión Consultiva poderá, neste trámite, solicitar ampliación ou aclaración dos informes emitidos.»

CAPÍTULO VI Agricultura

Sección 1ª. Montes

Artigo 48. *Concepto de monte ou terreo forestal*

Un. Modifícanse a letra e) da alínea 2 e a alínea 3 do artigo 2 da Lei 7/2012, do 28 de xuño, de montes de Galicia, que quedan redactadas como segue:

«e) Os terreos rústicos de especial protección agropecuaria, sen prexuízo do establecido no apartado seguinte deste artigo e no artigo 61 desta lei.»

«3. En todas as categorías de solo rústico de especial protección os aproveitamentos forestais rexeranse polo disposto nesta lei en todo aquilo en que non se lles aplique a súa normativa específica.»

Artigo 49. *Do procedemento de deslindamento de montes veciñais con propiedades particulares*

Modifícase o parágrafo primeiro da alínea 1 do artigo 54 da Lei 7/2012, do 28 de xuño, de montes de Galicia, que queda redactado como segue:

«1. A comunidade propietaria presentará á Administración forestal, logo do acordo da súa asemblea xeral, unha proposta coa liña de deslindamento, fundamentada histórica e legalmente, entre o monte veciñal e as propiedades privadas particulares, que se pretende adoptar. O servizo competente en materia de montes da correspondente xefatura territorial emitirá un informe técnico relativo a esta proposta nun prazo máximo de seis meses.»

Artigo 50. *Condicións que deben cumprir as repoboacións forestais*

Modifícase o artigo 67 da Lei 7/2012, do 28 de xuño, de montes de Galicia, que queda redactado como segue:

«Artigo 67. *Condicións que deben cumprir as repoboacións forestais*

1. Quedan prohibidas as repoboacións forestais en solo urbano, de núcleo rural, no solo urbanizable e no rústico de especial protección agropecuaria, agás os casos expresamente recollidos nesta lei e nos terreos urbanizables aos que, de acordo coa disposición transitoria primeira da

Lei 2/2016, do 10 de febreiro, do solo de Galicia, se lles aplique o disposto nesa lei para o solo rústico.

2. Queda prohibida a sementeira ou a plantación, mesmo de pés illados, en todo terreo forestal ou agrícola e nas zonas de influencia forestal definidas na Lei 3/2007, do 9 de abril, de prevención e defensa contra os incendios forestais de Galicia, con exemplares do xénero *Acacia* e calquera outro sen aproveitamento comercial relevante que se determine mediante orde da consellaría competente en materia de montes.

3. As repoboacións ou as sementeiras nos cultivos enerxéticos en terreo forestal regularanse por orde da consellaría competente en materia de montes.

4. Quedan prohibidas as reforestacións e as novas plantacións intercaladas co xénero *Eucalyptus* naquelas superficies poboadas por especies do anexo 1, mesmo con posterioridade ao seu aproveitamento ou á súa afectación por un incendio forestal. Esta prohibición non será aplicable nos casos de rexeneración posterior á plantación ou rexeneración, en piso inferior ou sotobosque, de especies do anexo 1.

5. As novas plantacións que se realicen co xénero *Eucalyptus* superiores ás 5 hectáreas precisarán de autorización da Administración forestal. Non será aplicable ás masas preexistentes de *Eucalyptus* nos supostos de reforestación ou rexeneración desa superficie, ou que estean incluídas na planificación dun instrumento de ordenación ou de xestión forestal aprobado pola Administración.

6. Nos ámbitos territoriais nos que non existan plans de ordenación de recursos forestais aprobados, poderán regularse mediante decreto a xestión, as reforestacións e as novas plantacións de especies forestais non incluídas nos modelos silvícolas previstos no artigo 76.3 desta lei e aprobados por orde da consellaría competente en materia de montes.

7. En todo caso, as repoboacións forestais estarán suxeitas aos supostos previstos na Lei 21/2013, do 9 de decembro, de avaliación ambiental, e na Lei 9/2013, do 19 de decembro, do emprendemento e da competitividade económica de Galicia.

8. A repoboación forestal en montes catalogados de utilidade pública e nos montes patrimoniais priorizará as especies do anexo 1, e terá como obxectivo preferente o protector, ambiental e social, agás que na aplicación de programas de mellora e produción xenética sexa precisa a utilización doutras especies.»

Artigo 51. *Dos instrumentos de ordenación ou de xestión forestal: categorías*

Engádese a letra d) da alínea 2 do artigo 79 da Lei 7/2012, do 28 de xuño, de montes de Galicia, que queda redactada como segue:

«d) Referentes de boas prácticas e modelos silvícolas ou de xestión forestal orientativos: terán a condición de instrumentos de xestión forestal, para a xestión e o aproveitamento dos montes. Estarán baseados na análise das especies existentes, e nas súas quendas de corta cando as ditas especies sexan arbóreas. Así mesmo, garantirán que non se poña en perigo a persistencia dos ecosistemas e que se manteña a capacidade produtiva dos montes. A súa estrutura, contido, forma de adhesión, comunicación á Administración forestal e consecuencias do seu incumprimento serán desenvolvidos mediante orde da consellaría competente en materia de montes, e non lles serán de aplicación os artigos 80, 81 e 82 desta lei.»

Artigo 52. *Autorizacións administrativas*

Engádese unha nova disposición adicional quinta á Lei 7/2012, do 28 de xuño, de montes de Galicia, co seguinte contido:

«Disposición adicional quinta. *Autorizacións administrativas*

As autorizacións outorgadas ao abeiro desta lei entenderanse concedidas, en todo caso, deixando a salvo o dereito de propiedade e sen prexuízo de terceiros.»

Artigo 53. Montes con consorcios ou convenios coa Administración

Modifícase a disposición transitoria novena da Lei 7/2012, do 28 de xuño, de montes de Galicia, que queda redactada como segue:

«Disposición transitoria novena. *Montes con consorcios ou convenios coa Administración*

1. Os consorcios ou convenios de repoboación coa Administración forestal existentes nos montes no momento da entrada en vigor desta lei serán obxecto de:

a) Cancelación de oficio nun prazo que rematará o 31 de decembro de 2021, nos casos seguintes:

— Montes que non presenten saldo debedor na data de entrada en vigor desta lei ou en calquera momento dentro do prazo máximo estipulado.

— Montes catalogados de dominio público que pasen a xestionarse de acordo co establecido no artigo 34 e seguintes desta lei.

— Montes que non consigan os fins para os cales se subscribíse o convenio ou o consorcio por causas relacionadas co estado legal, forestal, administrativo ou económico do monte.

b) Finalización nun prazo que rematará o 31 de decembro de 2021, momento en que deberá asinarse un contrato temporal de xestión pública. No caso de non se formalizar o dito contrato no prazo establecido, o titular do monte deberá aboar o saldo debedor do convenio ou consorcio finalizado á Comunidade Autónoma, podendo para isto aboalo nun único pagamento ou a través dun plan de devolución plurianual. No caso de non se producir o aboamento total ou da cota anual disposta no dito plan, procederase á súa anotación preventiva, en concepto de carga real, das cantidades debidas á Comunidade Autónoma de Galicia, no correspondente rexistro da propiedade, e non poderán ter axudas ou beneficios de ningún tipo mentres non regularicen a súa situación nos termos previstos nesta lei.

2. Previamente á cancelación do convenio ou consorcio, a Administración forestal aprobará un instrumento de ordenación ou de xestión forestal, consonte o artigo 81, que garanta a continuidade da xestión forestal sustentable. Exceptúanse do anterior os montes que non consigan os fins para os cales se subscribíse o convenio ou o consorcio, cando no momento da entrada en vigor desta lei carecesen de masas arboradas.

3. O novo contrato de xestión pública, se procede dun convenio ou dun consorcio finalizado, considerará, como primeira partida do anticipo reintegrable de novo contrato, a diferenza entre a suma das partidas de gastos sufragados pola Administración forestal e os ingresos do consorcio ou do convenio, aplicando a partir dese momento o réxime previsto para a contabilización.

4. Sen prexuízo do anterior, considerarase liquidado o saldo debedor dos convenios ou consorcios que sexan obxecto de finalización ou de cancelación cando os seus titulares constitúan, ou pasen a formar parte, dunha sociedade de fomento forestal.

5. Para os efectos contables, as débedas dos consorcios realizados pola Administración forestal serán condonadas polo importe a que ascendía a dita conta no momento da clasificación do monte como veciñal en man común.

6. As cancelacións referidas no punto 1 desta disposición transitoria publicaranse no *Diario Oficial de Galicia* e na páxina web da consellaría competente en materia de montes.

7. Nas cancelacións referidas no punto 1 desta disposición transitoria, cando veñan motivadas por non terse conseguido os fins para os cales se subscribiu o convenio ou o consorcio, e sempre que a causa non sexa atribuíble ao seu titular, considerarase que os predios se atopan libres de cargas, liquidándose o saldo debedor do convenio ou consorcio coa Comunidade Autónoma.

8. Entenderanse extinguidos, sen mais trámite, os convenios e consorcios existentes en superficies que contén cun acordo de concentración parcelaria firme. No caso de que na inscrición dos títulos de concentración no rexistro da propiedade conste expresamente que os predios se atopan

libres de cargas, o saldo debedor do convenio ou consorcio coa Comunidade Autónoma considerárase liquidado.»

Artigo 54. *Revisión de esbozos de montes veciñais en man común*

Modifícase a disposición transitoria décimo terceira da Lei 7/2012, do 28 de xuño, de montes de Galicia, que queda redactada como segue:

«Disposición transitoria décimo terceira. *Revisión de esbozos de montes veciñais en man común*

1. Os esbozos de montes veciñais integrados nun expediente que, pola súa antigüidade, non reúnan as características de fiabilidade e precisión que exigen as novas técnicas topográficas poderán ser obxecto de revisión total ou parcial, axustándose e completándose con aqueles datos e documentos que se consideren necesarios, en particular os requiridos para a súa inmatriculación no rexistro da propiedade.

2. Para estes efectos, o xurado provincial de montes veciñais en man común, de oficio ou por instancia de parte, poderá solicitar á Administración forestal unha proposta coa revisión e elaboración da cartografía actualizada do monte veciñal en man común. Na proposta non poderán incluírse parcelas que figuren inmatriculadas no rexistro da propiedade a favor de persoas físicas ou xurídicas distintas á comunidade veciñal de montes.

3. Unha vez aceptada a proposta polo xurado, poñerase en coñecemento da comunidade propietaria e publicarase no *Diario Oficial de Galicia* para o resto de posibles interesados.

4. Aceptada a revisión, poderase proceder á marcaxe dos montes veciñais, que en todo caso se axustará ao plano que resulte da dita revisión. A marcaxe poderá ser realizada de oficio pola propia Administración forestal ou por instancia das comunidades propietarias.

5. Se durante a revisión ou a marcaxe se suscitan cuestións relativas á propiedade, poñerase fin ao procedemento, dentro do perímetro cuestionado, sen máis trámites. Este acordo de finalización e arquivo parcial do procedemento non será susceptible de impugnación na vía administrativa, sen prexuízo da facultade dos interesados de acudir á vía xurisdiccional civil, por ser esta a competente para dirimir tal controversia.»

Artigo 55. *Aproveitamentos individuais en montes veciñais en man común*

Engádesse unha nova disposición transitoria décimo quinta á Lei 7/2012, do 28 de xuño, de montes de Galicia, co seguinte contido:

«Disposición transitoria décimo quinta. *Aproveitamentos individuais en montes veciñais en man común*

1. Para os únicos efectos do que establece o artigo 92 desta lei, poderanse considerar persoas titulares dos aproveitamentos forestais, por unha soa vez, aqueles individuos que, antes da entrada en vigor desta lei, plantasen parcelas situadas dentro de montes veciñais en man común de xeito público, pacífico e non interrompido.

2. Para poder levar a cabo este tipo de aproveitamentos individuais en montes veciñais en man común será indispensable que a persoa interesada e a comunidade veciñal de montes formalicen un acordo de cesión dos dereitos de aproveitamento sobre a parcela, que deberá elevarse a escritura pública e na que deberá figurar necesariamente:

— O acordo favorable ao dito acto da asemblea xeral da comunidade.

— O recoñecemento, por ambas as dúas partes, de que a propiedade dos terreos corresponde á comunidade veciñal de montes.

— O canon ou renda que percibirá a comunidade veciñal de montes. Para o seu cálculo deberán terse en conta todos os anos do prazo total da cesión, desde o inicio da plantación.

— A renuncia, por parte do particular, a calquera dereito individual que puido ter sobre a parcela, unha vez rematado o aproveitamento.

3. En ningún caso se poderán regularizar aproveitamentos individuais en montes veciñais en man común cando as plantacións se leven a cabo despois da entrada en vigor desta lei.»

Sección 2ª. Estrutura agraria

Artigo 56. Avaliación do cumprimento dos obxectivos xerais

Un. Elimínase a alínea 3 do artigo 7 da Lei 4/2015, do 17 de xuño, de mellora da estrutura territorial agraria de Galicia.

Dous. Modifícanse as alíneas 4, 5 e 6 do artigo 7 da Lei 4/2015, do 17 de xuño, de mellora da estrutura territorial agraria de Galicia, que quedan redactadas como segue:

«4. O servizo provincial elaborará un informe razoado de avaliación que será publicado na sede electrónica da consellaría competente en materia de desenvolvemento rural, tras a realización dunha consulta a todas as persoas físicas ou xurídicas interesadas que permita coñecer a súa opinión sobre a iniciativa e as propostas de mellora.

5. No caso dunha actuación de reestruturación parcelaria de carácter público, de obterse unha avaliación positiva, a dirección xeral competente en materia de desenvolvemento rural poderá someter a zona ao procedemento de estudo previo de iniciación sinalado no artigo 9.

6. Nas actuacións de reestruturación de predios de vocación agraria polas persoas particulares, de obterse unha avaliación positiva, poderase proceder directamente conforme o disposto no artigo 48.»

Artigo 57. Réxime en precario dos predios da masa común

Engádesse un novo artigo 33 bis á Lei 4/2015, do 17 de xuño, de mellora da estrutura territorial agraria de Galicia, co seguinte contido:

«Artigo 33 bis. Réxime en precario dos predios da masa común

1. Os predios da masa común, que xorden coa aprobación do acordo, serán de titularidade da Xunta de Galicia, e mentres dure o proceso de reestruturación parcelaria permanecerán adscritos á consellaría competente en materia de desenvolvemento rural, a cal exercerá sobre eles todas as potestades, incluída a súa adxudicación en propiedade, consecuencia das necesidades da reordenación da propiedade.

2. A consellaría competente en materia de desenvolvemento rural, unha vez resoltos os recursos de alzada e cantas outras cuestións se presenten contra o acordo de reestruturación parcelaria, poderá remitir ao concello ou concellos onde radique a zona obxecto do proceso unha listaxe dos predios da masa común co fin de que este, mediante a oportuna publicidade no taboleiro de anuncios, as poña á disposición dos interesados para solicitar a súa cesión en precario en tanto os citados predios non pasen a ser titularidade da entidade xestora do Banco de Terras.

3. O concello remitirá as solicitudes presentadas á dirección xeral competente en materia de desenvolvemento rural, que propondrá, á vista do informe do servizo provincial, o outorgamento en precario do predio de que se trate.

O acordo da consellaría mediante o cal se outorgue a cesión do predio en precario recollerá as condicións e duración desta.»

Artigo 58. Masa común

Modifícanse os puntos 6 e 7 do artigo 34 da Lei 4/2015, do 17 de xuño, de mellora da estrutura territorial agraria de Galicia, que quedan redactadas como segue:

«6. A entidade xestora do Banco de Terras constituirá, cos ingresos obtidos da xestión dos predios sinalados no punto 4 e daqueles ingresos procedentes dos predios que xa forman parte do seu patrimonio e que se cualifiquen como aptos para os seus fins, un fondo para cada zona de concentración ou reestruturación parcelaria, con destino a melloras estruturais na zona. A forma de xestión dese fondo desenvolverase regulamentariamente.

7. A titularidade do resto dos bens e dos dereitos que constitúen a masa común e que a entidade xestora do Banco de Terras de Galicia cualifique como non aptos para os seus fins, incluídos aqueles predios que á entrada en vigor desta lei xa constituían a masa común e non se cualifiquen como aptos para os fins da entidade xestora do Banco de Terras de Galicia, corresponderá ao concello ou concellos en que se levou a cabo a concentración ou reestruturación parcelaria. Os beneficios xerados pola xestión ou alleamento deses predios reverterán en melloras estruturais para cada parroquia afectada pola zona de concentración ou reestruturación parcelaria, proporcionalmente á superficie achegada por cada unha delas.»

Artigo 59. *Tramitación da documentación*

Modifícase o punto 3 do artigo 41 da Lei 4/2015, do 17 de xuño, de mellora da estrutura territorial agraria de Galicia, que queda redactada como segue:

«3. Firmes as bases, só serán tramitadas solicitudes de cambio de titularidade de parcelas de achega ata o momento da aprobación do acordo e cando ese cambio afecte a totalidade das parcelas achegadas por unha persoa titular e a transmisión se faga integramente a outra, coa excepción dos cambios derivados de sentenzas xudiciais firmes, que serán tramitadas en calquera caso. En todo caso, a persoa titular adquirente quedará subrogada na posición da anterior persoa titular, coas limitacións, deberes e obrigas que resulten do proceso.

No caso de falecemento dun titular e cando exista partición da herdanza, procederase á tramitación do cambio de titularidade ata a firmeza do acordo, sempre e cando esta partición afecte predios de substitución íntegros. En todo caso, a persoa titular adquirente quedará subrogada na posición da anterior titular, coas limitacións, deberes e obrigas que resulten do proceso.»

Artigo 60. *Distancias de explotacións gandeiras porcinas a cascos urbanos*

Engádesse unha disposición adicional cuarta á Lei 4/2015, do 17 de xuño, de mellora da estrutura territorial agraria de Galicia, co seguinte contido:

«Disposición adicional cuarta. *Distancias de explotacións gandeiras porcinas a cascos urbanos*

Para os efectos da aplicación das condicións mínimas de localización recollidas para as novas explotacións porcinas na normativa básica estatal relativa ás medidas de ordenación sanitaria e zootécnica daquelas, e de acordo co sistema de asentamento poboacional propio de Galicia, entenderase por «casco urbano» os asentamentos de poboación suficiente e efectiva constitutivos de núcleos de poboación formados, na data de solicitude do título habilitante correspondente da nova explotación porcina por, polo menos, 10 edificacións de uso residencial, con separación entre elas inferior aos 25 metros, que estean formando rúas, prazas e outras vías urbanas e que constitúan un conxunto no que teñan a súa residencia polo menos 100 persoas. Non se considerarán, polo tanto, incluídos no concepto de «casco urbano» outro tipo de asentamentos de poboación que non cumpran conxuntamente coas ratios de poboación e edificacións anteriormente sinaladas, nin as vivendas illadas dispersas, nin os asentamentos poboacionais en diseminado constitutivos de núcleos rurais.

A distancia sinalada na normativa de referencia medirase entre a edificación con uso residencial do «casco urbano» máis preta da explotación e o peche sanitario desta.»

Artigo 61. *Coordinación catastral*

Engádesse unha disposición transitoria sexta á Lei 4/2015, do 17 de xuño, de mellora da estrutura territorial agraria de Galicia, co seguinte contido:

«Disposición transitoria sexta. *Coordinación catastral*

1. Ao abeiro do artigo 9.b) da Lei hipotecaria, e de acordo coa normativa hipotecaria, procederase á conversión gráfica dos datos alfanuméricos dos predios de substitución das zonas nas que, á entrada en vigor desta lei, o seu acordo sexa firme ou se outorgase a acta de reorganización da propiedade, sempre e cando non se inscribisen no rexistro da propiedade os títulos dos predios de substitución.

2. A resolución de autorización da conversión gráfica, unha vez acordada pola dirección xeral competente por razón da materia, será obxecto de notificación individual así como de publicación mediante aviso inserto no *Diario Oficial de Galicia*, na web da consellaría e no diario de maior tirada da provincia, así como nos lugares de costume. Contra a dita resolución poderase recorrer consonte o disposto na Lei 39/2015, do 1 de outubro, do procedemento administrativo común das administracións públicas.

3. Terase dereito a compensación no caso de que, como consecuencia da antedita conversión, a atribución das persoas interesadas quede por debaixo do valor reducido correspondente a cada persoa titular, para o cal se empregarán os predios da masa común da zona que sexan necesarios, aínda que sexan titularidade da entidade xestora do Banco de Terras.

4. As actuacións a que se refiren os puntos anteriores deberán levarse a cabo dentro do prazo dos cinco anos seguintes á entrada en vigor desta lei.»

CAPÍTULO VII

Innovación

Artigo 62. *Contratación pública de innovación*

Modifícase o artigo 28 da Lei 14/2013, do 26 de decembro, de racionalización do sector público autonómico, que queda redactado como segue:

«Artigo 28. *Contratación pública de innovación*

1. Co obxecto de promover a mellora dos servizos públicos mediante a incorporación de bens e servizos innovadores, así como o fomento da innovación empresarial, os poderes adxudicadores da Administración xeral da Comunidade Autónoma de Galicia e do seu sector público incentivarán, na medida en que sexa posible, a presentación de solucións innovadoras nas licitacións que promovan.

Para tal efecto, ponderarán, na elaboración dos pregos e no resto da documentación contractual, a utilización de criterios de adxudicación e de prescricións técnicas que favorezan a presentación de solucións innovadoras.

2. Antes de iniciar un procedemento de contratación pública de innovación, os poderes adxudicadores da Administración xeral da Comunidade Autónoma de Galicia e do sector público deberán realizar consultas do mercado con vistas a preparar a contratación e informar os operadores económicos acerca dos seus plans e dos seus requisitos de contratación.

Para iso, os poderes adxudicadores poderán, por exemplo, solicitar ou aceptar o asesoramento de expertos ou autoridades independentes ou de participantes no mercado, que poderá utilizarse na planificación e o desenvolvemento do procedemento de contratación, sempre que o devandito asesoramento non teña por efecto falsear a competencia e non dea lugar a vulneracións dos principios de non-discriminación e transparencia.

En concreto, cando un candidato ou licitador, ou unha empresa vinculada a un candidato ou a un licitador, asesore o poder adxudicador no contexto destas consultas previas do mercado, os citados poderes adxudicadores tomarán medidas adecuadas para garantir que a participación destes posibles candidatos ou licitadores non falsee a competencia, entre as cales incluírán a comunicación aos demais candidatos e licitadores da información pertinente intercambiada no marco da participación do candidato, licitador ou empresas vinculadas a estes na preparación do procedemento de contratación, ou como resultado dela, e o establecemento de prazos adecuados para a recepción das ofertas.

O candidato ou o licitador en cuestión só será excluído do procedemento cando non haxa outro medio de garantir o cumprimento do principio de igualdade de trato. Antes de proceder á devandita exclusión, daráselles aos candidatos ou licitadores a oportunidade de demostrar que a súa participación na preparación do procedemento de contratación non pode falsear a competencia.

3. Os órganos ou entidades competentes en materia de innovación no sector público autonómico colaborarán coas unidades de contratación do sector público na procura de solucións innovadoras, ben a través dos procedementos de contratación previstos na lexislación de contratos do sector público, ben a través da contratación precomercial, prevista no artigo 4.1.r) do texto refundido da Lei de contratos do sector público, aprobado polo Real decreto lexislativo 3/2011, do 14 de novembro.

4. De acordo co disposto na Directiva 2014/24/UE do Parlamento Europeo e do Consello, do 26 de febreiro de 2014, sobre contratación pública e pola que se deroga a Directiva 2004/18/CE, os poderes adxudicadores da Administración xeral da Comunidade Autónoma de Galicia e do seu sector público poderán establecer unha asociación para a innovación con un ou varios adxudicatarios, que terá como finalidade o desenvolvemento de produtos, servizos ou obras innovadores e a compra ulterior das subministracións, servizos ou obras resultantes, sempre que correspondan aos niveis de rendemento e aos custos máximos acordados entre os poderes adxudicadores e os participantes.

Para tales efectos, e sen prexuízo do que se dispoña na lexislación básica de contratos do sector público de transposición da regulación comunitaria, a asociación para a innovación articularase a través de contratos mixtos de servizos de investigación e desenvolvemento e contratos de subministracións, servizos ou obras resultantes da investigación, de acordo co disposto no Real decreto lexislativo 3/2011, do 14 de novembro, polo que se aproba o texto refundido da Lei de contratos do sector público, e adxudicados mediante o procedemento de diálogo competitivo.

Os contratos de servizos de investigación e desenvolvemento estruturaránse en fases sucesivas, seguindo a secuencia das etapas do proceso de investigación e innovación, fixarán uns obxectivos intermedios que deberán alcanzar o/os adxudicatario/s e proverán o pagamento da retribución en prazos adecuados.

Sobre a base deses obxectivos, os poderes adxudicadores poderán decidir, ao final de cada fase, rescindir a asociación para a innovación ou, no caso dunha asociación para a innovación con varios socios, reducir o número de socios mediante a resolución dos contratos individuais, sempre que o poder adxudicador indicase nos pregos da contratación que pode facer uso destas posibilidades e as condicións en que pode facelo.

4 bis. A Xunta de Galicia enviará ao Parlamento con periodicidade anual un informe sobre os procedementos da contratación pública de innovación, en termos de investimentos e actuacións realizados, no ámbito do sector público autonómico.»

Artigo 63. Proxectos de I+D liderados polo sector público autonómico

Engádesse un novo capítulo á Lei 5/2013, do 30 de maio, de fomento da investigación e da innovación de Galicia, co seguinte contido:

«CAPÍTULO VI

Proxectos de I+D no ámbito do sector público autonómico

Artigo 35. Achea de fondos privados ao desenvolvemento de proxectos de I+D no ámbito do Sistema público de saúde de Galicia

Un. A Administración xeral da Comunidade Autónoma de Galicia e o seu sector público promoverá a participación das empresas, entidades e particulares na investigación, desenvolvemento tecnolóxico e innovación a través da realización por estes de achegas económicas, que serán tratadas como finalistas e estarán dirixidas ao financiamento de proxectos de I+D polo Sistema público de saúde Galicia, que permitan a súa valorización e transferencia de resultados.

Dous. Para estes efectos, cada consellaría ou, de ser o caso, entidade instrumental competente xestionará tales achegas económicas de acordo con criterios de transparencia e eficiencia baseados en informes periódicos sobre o volume económico achegado, o destino do investimento e o impacto xerado. A elección dos proxectos financiábles e a contía deste financiamento corresponderá en todo caso á Administración pública e será coherente co Plan galego de investigación

e innovación en vigor, así como coa Estratexia de especialización intelixente de Galicia correspondente. Deberá contar previamente co informe da Axencia Galega de Innovación, de conformidade co disposto na disposición adicional sétima desta lei.

Tres. A participación das empresas e particulares articularase a través da formalización de convenios de colaboración coa respectiva consellaría ou, de ser o caso, entidade instrumental competente, nos que se concretará o importe da achega e o programa a que se destinará. A formalización do convenio de colaboración implicará a aceptación dos valores de compromiso co desenvolvemento de Galicia, a aposta pola investigación, a transferencia de tecnoloxía e a economía baseada no coñecemento, así como a relevancia do impacto social en cada un dos ámbitos dos proxectos de I+D.

Catro. Esta achega deberá buscar para as entidades ou particulares adheridos un retorno eminentemente social, polo que non implicará a obtención dun retorno económico pola achega realizada ou unha participación nos resultados económicos do resultado da investigación. Tampouco conferirá dereito preferente á realización de investimentos posteriores precisos para a comercialización dos proxectos financiados con cargo a tales achegas económicas.

En razón da axuda económica para a realización das actividades descritas neste precepto, as consellarías ou, de ser o caso, entidades instrumentais competentes comprometeranse, de acordo co que se estableza nos convenios de colaboración, a difundir a participación das entidades colaboradoras no desenvolvemento das actividades financiadas.

Cinco. Os convenios de colaboración establecerán os mecanismos que garantan para os achegantes a información precisa sobre as actividades realizadas con cargo a tales achegas, os proxectos financiados e os resultados obtidos.

Artigo 36. Potenciación do desenvolvemento tecnolóxico e reinvestimento de beneficios obtidos no marco de proxectos de I+D.

Un. A Administración xeral da Comunidade Autónoma de Galicia e o seu sector público, coa finalidade de fomentar a investigación e o desenvolvemento tecnolóxico, o investimento nos resultados da investigación e a súa valorización, así como de lograr a mellora dos servizos públicos que ten encomendados, poderá dispor da realización de novos investimentos ou reinvestir os beneficios obtidos, nas condicións que se pacten, coas empresas titulares de dereitos de propiedade intelectual e industrial adxudicatarias de contratos públicos no marco da contratación pública de innovación nos que a Administración xeral da Comunidade Autónoma ou o seu sector público dispoña dunha participación nos beneficios derivados da súa comercialización e os dereitos de propiedade intelectual e industrial permanezan total ou parcialmente no adxudicatario.

Dous. Para estes efectos, á vista do plan de evolución e desenvolvemento tecnolóxico dos produtos obtidos, así como doutras melloras identificadas para alcanzar resultados de mercado que as empresas titulares dos dereitos de propiedade intelectual presenten, e logo dunha análise da viabilidade e do mercado a través dun procedemento obxectivo coa participación de expertos independentes, a Administración xeral da Comunidade Autónoma de Galicia e o seu sector público poderá, nas condicións que se pacten, formalizar operacións de financiamento dos indicados desenvolvementos tecnolóxicos, a cambio dunha participación nos beneficios resultantes da súa comercialización acorde coas cantidades achegadas. Tales operacións deberán contar previamente co informe da Axencia Galega de Innovación, de conformidade co disposto na disposición adicional sétima desta lei.

Tres. Así mesmo, entre as condicións do financiamento figurará, en todo caso, o dereito de uso ilimitado e de modificación pola Administración xeral da Comunidade Autónoma de Galicia, ou, se é o caso, da correspondente entidade instrumental, sobre os novos bens e tecnoloxías desenvolvidos, aínda que esta capacidade de uso e desenvolvemento sobre os resultados non será empregada, en ningún caso, con fins comerciais pola Administración xeral e o seu sector público directamente ou por acordo con terceiros.

Catro. Para os efectos previstos neste artigo, poderase crear un proxecto de gasto para o desenvolvemento tecnolóxico que incluíra os produtos dos beneficios derivados dos contratos públicos formalizados no marco dos proxectos referidos no punto Un, os beneficios obtidos das operacións de financiamento previstas neste artigo, así como as cantidades que poidan ser orzadas, de ser o caso, pola Administración xeral da Comunidade Autónoma de Galicia ou o seu sector público autonómico.

Cinco. As previsións deste artigo, así como as operacións do proxecto de gasto, poderán estenderse aos contratos formalizados no marco da contratación pública de innovación levada a cabo pola Administración xeral da Comunidade Autónoma e do seu sector público, nas condicións que se prevexan nos correspondentes pregos.»

CAPÍTULO VIII

Mar

Sección 1ª. Materia de portos

Artigo 64. *Ampliación do prazo das concesións portuarias outorgadas pola Comunidade Autónoma de Galicia con anterioridade á entrada en vigor do Real decreto lei 8/2014, do 4 de xullo, de aprobación de medidas urxentes para o crecemento, a competitividade e a eficiencia*

Engádesse unha nova disposición transitoria sexta á Lei 5/1994, do 29 de novembro, de creación do ente público Portos de Galicia, co seguinte contido:

«Disposición transitoria sexta. *Ampliación do prazo das concesións portuarias outorgadas pola Comunidade Autónoma de Galicia con anterioridade á entrada en vigor do Real decreto lei 8/2014, do 4 de xullo, de aprobación de medidas urxentes para o crecemento, a competitividade e a eficiencia*

1. O prazo inicial das concesións outorgadas pola Comunidade Autónoma de Galicia con anterioridade á entrada en vigor do Real decreto lei 8/2014, do 4 de xullo, de aprobación de medidas urxentes para o crecemento, a competitividade e a eficiencia, poderá ser ampliado a petición do concesionario pola Administración portuaria competente, tendo en conta o disposto no artigo 49 da Lei 22/1988, do 22 de xullo, de costas, e demais normativa de aplicación, sempre que o concesionario se comprometa, polo menos, á realización de investimentos relevantes para o porto ou o sistema portuario galego.»

2. O investimento mínimo que o concesionario deberá efectuar será do cinco por cento (5 %) do valor das instalacións obxecto de concesión. Enténdese este como o correspondente ao inicialmente previsto na concesión (orzamento de execución material).

Para a súa consideración como obras computables como «investimentos relevantes», deberán reunir algún dos seguintes requisitos:

- a) Non deben estar previstas no título concesional orixinal.
- b) Aqueles investimentos realizados polo concesionario que non estean incluídos no título concesional e que non sexan computados para os efectos de prórrogas previamente adoptadas.
- c) Investimentos novos que se vaian executar desde a ampliación do prazo da concesión.

Así mesmo, as obras que se vaian realizar deberán mellorar algún dos seguintes aspectos:

- a) Produtividade.
- b) Eficiencia enerxética.
- c) Calidade ambiental.
- d) Operacións portuarias.
- e) Introducción de novas tecnoloxías.

f) Novos procesos que incrementen a competitividade.

g) Responsabilidade social corporativa e mellora social e da poboación.

As obras que se realicen deberán ser aprobadas expresamente por Portos de Galicia, con base na normativa vixente de aplicación, segundo as características da obra proposta.

3. A ampliación ou prórroga do prazo da concesión non poderá ser superior á metade do prazo máximo de vixencia establecido na lexislación estatal para as concesións sobre dominio público portuario nos portos de interese xeral.

A ampliación da concesión determinará a modificación das condicións desta, incluíndose os novos compromisos adquiridos e o momento da súa execución, que deberán ser aceptados polo concesionario con anterioridade á resolución sobre o seu outorgamento.

As obras deberán executarse integramente no prazo equivalente á metade do prazo de ampliación ou nos primeiros catro anos seguintes ao comezo da ampliación concedida ao concesionario. Corresponde aos servizos técnicos de Portos de Galicia verificar o cumprimento desta obriga, para o que deberá estenderse, por solicitude do concesionario, a correspondente acta de recoñecemento final das obras que xustificasen a ampliación.

O incumprimento da obriga de executar as obras e investimentos no prazo establecido, así como a execución parcial ou defectuosa, dará lugar á caducidade do título de ampliación da concesión e de modificación da concesión, se é o caso.

4. Os concesionarios interesados en exercer a opción de prórroga ou ampliación do prazo de concesión de acordo co establecido nesta disposición poderán facelo no prazo de dous anos desde a entrada en vigor da presente disposición transitoria.

Para a ampliación do prazo, o concesionario deberá presentar unha solicitude, á que deberá achegar:

a) Identificación da concesión a que se refire a solicitude.

b) Memoria na que se expliquen detalladamente os compromisos que asume o concesionario se se lle outorga a ampliación do prazo, así como xustificación dela.

c) Proposta dos investimentos realizados ou que se van realizar, cunha memoria descritiva e os prazos previstos para a súa execución, de ser o caso.

d) Memoria económico-financeira de viabilidade da concesión ampliada, de acordo cos compromisos que se pretenden cumprir.

e) Declaración responsable de que os compromisos de investimento se executarán nos prazos fixados.

Analizada a documentación presentada, os servizos técnicos de Portos de Galicia procederán a verificar o cumprimento dos requisitos e obrigas sinalados. No caso de que non estiver completa a documentación ou for insuficiente, requirirase o concesionario para que o emende no prazo de quince días.

Completada a documentación, a Dirección de Portos de Galicia emitirá o seu informe sobre a solicitude para o seu traslado ao órgano competente para acordar o procedente sobre o outorgamento da ampliación do prazo da concesión.

A resolución de concesión e a fixación do prazo deberán motivarse tendo en conta:

a) O tempo restante de vixencia da concesión.

b) O volume de investimento realizado durante a vixencia da concesión e autorizado por Portos de Galicia, de ser o caso.

c) O volume de investimento novo comprometido.

d) A vida útil do investimento tanto realizado como novo.

e) A memoria económico-financeira da concesión no momento do seu outorgamento e no momento da solicitude de ampliación de prazo.

Así mesmo, para as concesións de portos deportivos e de instalacións en zonas portuarias de uso náutico-deportivo destinadas á prestación de servizo ás embarcacións deportivas e de lecer, a fixación do prazo da ampliación motivarase conforme os criterios anteriores, en función do investimento incluído no proxecto de investimento que sirva de base para a ampliación da concesión do prazo, considerando o orzamento, incluído o IVE, que será segundo o cadro seguinte, e considerando a coherencia do citado investimento co exposto nos apartados anteriores:

INVESTIMENTO	ANOS
Menos 50.000 €	5
50.001-100.000 €	10
100.001-200.000 €	15
200.001-400.000 €	20
Máis de 400.001€	25

O outorgamento ou a denegación da ampliación ten carácter discrecional, sen prexuízo da obriga de motivar as razóns de outorgamento ou denegación.

A resolución de outorgamento da ampliación de prazo da concesión será publicada no *Diario Oficial de Galicia*, facendo constar, cando menos, a información relativa ao obxecto, ao prazo e ao titular da concesión.

5. A ampliación do prazo da concesión non será tida en conta para os efectos da valoración do rescate, da revisión da concesión ou da indemnización por calquera causa a concesionarios e non alterará a situación xurídica existente respecto das obras e instalacións executadas polo concesionario que, á entrada en vigor do Real decreto lei 8/2014, do 4 de xullo, de medidas urxentes para o crecemento, a competitividade e a eficiencia, revertesen á Autoridade Portuaria, así como da taxa de ocupación que corresponda exixir polo seu uso. Respecto das obras e instalacións que non revertesen, será de aplicación o réxime previsto legalmente.

6. Os concesionarios que con anterioridade á entrada en vigor da presente disposición presentasen unha solicitude de ampliación e se atopen en tramitación poderán optar no prazo dun ano, que se contará desde a entrada en vigor da presente disposición, entre a continuación do procedemento de acordo coa lexislación anterior, ou a mellora voluntaria da solicitude, para os efectos de adaptala á nova regulación, conservándose os actos e trámites cuxo contido non se vise alterado pola nova regulación.»

Sección 2ª. Pesca

Artigo 65. *Duración das concesións*

Un. Modifícase o artigo 53 da Lei 11/2008, do 3 de decembro, de pesca de Galicia, que queda redactado como segue:

«Artigo 53. *Duración*

As concesións outorgaranse por un período máximo de dez anos, prorrogables por períodos de dez de se demostrar a rendibilidade e o bo uso da explotación, ata un máximo de cincuenta anos, por pedimento da persoa concesionaria, e cunha antelación mínima de tres meses ao vencemento da concesión.»

Dous. Modifícase o artigo 61 da Lei 11/2008, do 3 de decembro, de pesca de Galicia, que queda redactado como segue:

«Artigo 61. *Duración da concesión*

As concesións outorgaranse por un período de dez anos, prorrogables por períodos de dez, ata un máximo de cincuenta anos, por pedimento da persoa concesionaria.»

Artigo 66. *Concesións experimentais*

Un. Modifícase o primeiro parágrafo do artigo 56 da Lei 11/2008, de 3 de decembro, de pesca de Galicia, que queda redactado como segue:

«Con carácter experimental, e nunca por un período superior aos cinco anos, poderase outorgar unha concesión experimental na zona marítimo-terrestre para a realización de proxectos de investigación ou de proxectos que introduzan innovacións substanciais na explotación, nos artefactos e nas especies, nas condicións que regulamentariamente se establezan.»

Dous. Modifícase o primeiro parágrafo do artigo 65 da Lei 11/2008, de 3 de decembro, de pesca de Galicia, que queda redactado como segue:

«Con carácter experimental, e nunca por un período superior aos cinco anos, poderase outorgar unha concesión experimental na zona marítima para a realización de proxectos de investigación ou de proxectos que introduzan innovacións substanciais na explotación, nos artefactos e nas especies, nas condicións que regulamentariamente se establezan.»

Artigo 67. *Prórroga extraordinaria dos títulos habilitantes para o exercicio da acuicultura*

Engádesse unha disposición adicional décimo cuarta á Lei 11/2008, do 3 de decembro, de pesca de Galicia, co seguinte contido:

«Disposición adicional décimo cuarta. *Prórroga extraordinaria dos títulos habilitantes para o exercicio da acuicultura*

1. Os titulares de establecementos de acuicultura que ocupen dominio público marítimo-terrestre poderán solicitar, sempre e cando o título fose outorgado antes da entrada en vigor da Lei 2/2013, do 29 de maio, de protección e uso sostible do litoral, perante o órgano competente en materia de acuicultura, a prórroga extraordinaria do título habilitante antes de que finalice a vixencia da última prórroga outorgada.

A solicitude da prórroga extraordinaria do título habilitante para o exercicio da acuicultura presentárase cunha antelación máxima de seis meses ao vencemento do prazo de vixencia do permiso de actividade.

Excepcionalmente, por causas debidamente xustificadas, e sempre que non fose expresamente extinguido o título que habilita o exercicio da actividade, o titular do establecemento poderá presentar a solicitude fóra dos prazos establecidos nos parágrafos anteriores.

2. A duración da prórroga extraordinaria será a mesma e abranguerá o mesmo período que a outorgada polo órgano competente estatal en materia de ocupación demanial, e en ningún caso poderá exceder de cincuenta anos.

O prazo máximo establecido no presente artigo poderá ampliarse nunha quinta parte nos supostos establecidos no artigo 175 do Regulamento xeral de costas e sempre e cando o órgano competente en materia de ocupación demanial outorgase previamente a devandita ampliación.

3. A solicitude da prórroga extraordinaria dos títulos habilitantes incursos nun procedemento de extinción non suspenderá os efectos deste. En todo caso, a resolución de extinción será causa suficiente de denegación da solicitude da prórroga extraordinaria do título habilitante.

4. O establecido na presente disposición adicional non será de aplicación aos títulos habilitantes de actividade da acuicultura en zonas de servizo dos portos nin aos titulares de permisos de actividade experimental.»

CAPÍTULO IX

Servizos sociais

Artigo 68. Réxime de cofinanciamento nos servizos prestados polo Consorcio Galego de Servizos de Igualdade e Benestar ou ente que o substitúa en colaboración cos concellos e mancomunidades

Un. O sistema de cofinanciamento dos servizos que se presten nas escolas infantís e nos centros de día xestionados polo Consorcio Galego de Servizos de Igualdade e Benestar ou entidade que se subroga nos seus dereitos e obrigas establecidos nos instrumentos de colaboración cos concellos e mancomunidades con fundamento nas competencias que sobre esta materia teñen atribuídas pola normativa vixente as entidades locais, rexerase polo disposto nos apartados seguintes deste artigo, coa finalidade de garantir a sustentabilidade financeira dos servizos que se prestan a través do Consorcio Galego de Servizos de Igualdade e Benestar, en colaboración cos concellos e mancomunidades, e de homoxeneizar as súas condicións en garantía da seguridade xurídica. Todo en consonancia co acordo marco asinado pola Consellería de Política Social coa Federación Galega de Municipios e Provincias.

Dous. As cantidades que corresponda aboar ás entidades locais derivadas do réxime de cofinanciamento previsto neste artigo terán a consideración de débedas firmes, líquidas e exixibles, e poderán ser obxecto de compensación coa participación daquelas no Fondo de Cooperación Local, de acordo co disposto na súa regulación.

Cando o obrigado ao pagamento for unha mancomunidade de municipios, os concellos integrantes serán responsables solidarios, na parte que corresponda segundo a súa porcentaxe de participación na correspondente mancomunidade, das débedas xeradas ao Consorcio ou ente que o substitúa polo non-pagamento das débedas.

Tres. Para establecer a participación dos concellos e mancomunidades no cofinanciamento das escolas infantís e dos centros de día aplicarase o disposto no anexo I desta lei, cuxas condicións serán aplicables con efectos do 1 de xaneiro de 2017.

Catro. O Consorcio ou ente que o substitúa expedirá semestralmente as liquidacións derivadas do réxime de cofinanciamento correspondentes ás entidades locais, nas que se indique o número de usuarios e as cantidades aplicables de acordo co establecidos no anexo I desta lei. As entidades locais deberán aboalas no prazo de tres meses. Nos casos de discrepancia na contía, se non se acada acordo na comisión de seguimento establecida nos convenios formalizados no seu día, o Consorcio ou ente que o substitúa ditará resolución motivada e fixará a contía, sen prexuízo de que a entidade local poida recorrer na vía xurisdiccional contencioso-administrativa.

Cinco. O réxime de cofinanciamento previsto nesta disposición e no anexo I será aplicable aos convenios xa subscritos polas entidades locais e o Consorcio Galego de Servizos de Igualdade e do Benestar e, así mesmo, será aplicable ás entidades locais que non teñan convenio asinado pero respecto das que o Consorcio asumise ou asuma a xestión dos centros localizados no territorio dos ditos concellos. En ambos os casos será aplicable unha vez que transcorra o prazo de tres meses desde a entrada en vigor desta norma, salvo que dentro dese prazo as entidades locais remitan o acordo adoptado polo órgano competente da entidade local no que se opte polo mantemento do réxime xurídico e de cofinanciamento que derive do convenio no seu día formalizado. Neste último caso, o Consorcio procederá á exixencia, polas vías legais procedentes, das cantidades íntegras pendentes de pagamento segundo o réxime que derive do correspondente convenio, sen prexuízo do seu dereito a resolver o convenio por incumprimento.

Seis. As entidades locais que se acollan ao réxime de cofinanciamento establecido no presente artigo para a xestión das escolas infantís e dos centros de día a través do Consorcio Galego de Servizos de Igualdade e Benestar ou ente que o substitúa poderán acollerse a unha nova liquidación das cantidades pendentes de pagamento, de acordo cos novos criterios económicos fixados nesta lei, aplicados con carácter retroactivo aos anos anteriores.

Sete. Para os anteriores efectos, o Consorcio ou ente que o substitúa revisará no prazo dun ano desde a aprobación desta lei todas as liquidacións correspondentes aos anos anteriores practicadas e que foron remitidas aos concellos.

Oito. Ás entidades locais que opten por esta fórmula, unha vez aprobadas as novas liquidacións, aplicaráselles unha bonificación equivalente á metade da cantidade resultante. Co pagamento da citada cantidade daranse por cumpridas as obrigas pendentes co Consorcio.

Establecerase un prazo de fraccionamento para o pagamento desas novas liquidacións de 5 anos, a solicitude do concello, que podería ampliarse naqueles supostos excepcionais en que a situación económica do concello o requira por estar inmerso nun plan de axuste. En todo caso, a aqueles concellos que xa aboaron total ou parcialmente as liquidacións de anos anteriores compensaráselles nas liquidacións futuras os saldos que resulten de aplicación de acordo con esas revisións.

Artigo 69. *Historia social única electrónica*

Modifícase o artigo 16 da Lei 13/2008, do 3 de decembro, de servizos sociais de Galicia, que queda redactado como segue:

«Artigo 16. *Continuidade dos niveis de actuación social*

1. A relación entre servizos sociais comunitarios e servizos sociais especializados responderá a criterios de complementariedade, de acción coordinada para a consecución de obxectivos comúns ou de actuación conxunta, coa finalidade de conseguir a continuidade e complementariedade das intervencións que deban aplicarse desde os distintos niveis de actuación.
2. Existirá un único expediente social básico no ámbito dos servizos sociais comunitarios, no que quedarán recollidas todas as intervencións e os servizos prestados á persoa usuaria nos diferentes niveis de actuación do Sistema galego de servizos sociais.
3. Para os efectos do establecido no punto anterior, os servizos sociais especializados incorporarán protocolos de retorno da información aos servizos sociais comunitarios que aseguren a actualización da información no expediente social básico.
4. Regulamentariamente, estableceranse os procedementos de recollida e tratamento de información das persoas usuarias do sistema, garantindo, en todo caso, a confidencialidade dos datos de carácter persoal.
5. A Xunta de Galicia creará a Historia social única electrónica como conxunto de información e documentos en formato electrónico nos que se conteñen os datos, as valoracións e as informacións relevantes sobre a situación e a evolución da atención social das persoas usuarias do Sistema galego de servizos sociais ao longo do seu proceso de intervención, así como a identificación dos ou das profesionais e dos servizos ou prestacións que interviñeron sobre este. A Historia social única electrónica deberá, así, conter a suficiente, axeitada, pertinente e necesaria información para documentar o proceso de intervención social da persoa usuaria. Respecto dos datos de carácter persoal e en cumprimento do principio de calidade, soamente se recollerán na Historia social única electrónica aqueles axeitados, pertinentes, non excesivos e necesarios para documentar o dito proceso de intervención social.

Para dar cumprimento ao indicado no parágrafo anterior, as distintas entidades que integran o Sistema galego de servizos sociais, dentro das que se inclúen, ademais das administracións públicas galegas, as entidades privadas recollidas no punto 2 do artigo 29 da presente lei, deberán incorporar á Historia social única electrónica a información e os documentos que a conforman,

nos termos que regulamentariamente se establezan, autorizándose para o efecto, en virtude desta lei, a recollida, o tratamento e a cesión dos datos de carácter persoal necesarios para documentar o proceso de intervención social, coa finalidade dunha xestión máis eficaz e sostible do Sistema galego de servizos sociais e da consecución da continuidade e complementariedade das intervencións entre os distintos niveis de actuación.

Xunto co anterior, e co fin de garantir a globalidade e continuidade da intervención social, autorízase a cesión dos datos de carácter persoal que, conforme o disposto anteriormente, deban formar parte da Historia social única electrónica, por parte dos órganos, entidades e organismos con competencias sobre outros sistemas de protección, no marco estrito e para os efectos unicamente da tramitación dos procesos de intervención social. Para estes efectos, os órganos, entidades e organismos responsables dos ficheiros de orixe dos datos incluídos na Historia social única electrónica serán responsables da corrección e calidade deles, sen prexuízo das responsabilidades do cesionario.

Autorízase o acceso á Historia social única electrónica no ámbito da intervención profesional no Sistema galego de servizos sociais, tanto polos e polas profesionais de atención como polo persoal de xestión e servizos, así como para a acción inspectora de carácter público. En todo caso, o acceso limitarase ao contido necesario, axeitado e pertinente, en atención ás concretas funcións encomendadas.

Así mesmo, de acordo coa repartición de competencias en materia de protección social, autorízase o acceso e o emprego daquela información contida na Historia social única electrónica que sexa necesaria e proporcionada aos fins das actuacións dos correspondentes procesos de intervención social e dunha adecuada atención integral por parte dos órganos, entidades ou organismos competentes noutros sistemas de protección distintos do Sistema galego de servizos sociais.

As incorporacións á Historia social única electrónica de información procedente de sistemas de protección distintos do Sistema galego de servizos sociais, así como o acceso á información incluída na Historia social única electrónica por parte dos órganos, entidades e organismos competentes en tales sistemas de protección, de acordo co establecido nos parágrafos anteriores, realizaranse con pleno respecto á normativa de protección de datos e conforme o previsto nos protocolos normalizados que aprobe o Consello da Xunta de Galicia e que se formalicen entre os órganos, organismos e entidades implicados. Nos ditos protocolos concretaranse os datos obxecto de cesión, no marco dos programas de intervención social, atendendo aos principios de calidade dos datos, necesidade e proporcionalidade, para os distintos ámbitos de información que conforman a Historia social única electrónica. Os ditos protocolos serán obxecto de publicación no *Diario Oficial de Galicia*.

6. A Historia social única electrónica terá carácter público e confidencial, e respectará os dereitos das persoas usuarias ao acceso ao seu expediente persoal e a obter copia del, garantindo que esta historia será empregada para a intervención profesional e para a acción inspectora de carácter público nos termos previstos nesta lei. Calquera outro acceso á información contida na Historia social única electrónica realizarase nos termos e cos requisitos exixidos pola normativa reguladora de protección de datos de carácter persoal e no resto da normativa que resulte de aplicación.

Non obstante o indicado no parágrafo anterior, o dereito de acceso da persoa usuaria á Historia social única electrónica non poderá exercerse en prexuízo do dereito de terceiras persoas á confidencialidade dos datos que consten nela recollidos en interese da intervención da persoa usuaria, nin en prexuízo do dereito dos e das profesionais participantes na intervención, os cales poderán opoñer ao dereito de acceso a reserva da súas anotacións subxectivas.»

TÍTULO III

Ordenación do sistema de transporte público regular de viaxeiros

CAPÍTULO I

Obxecto e réxime de competencias

Artigo 70. *Obxecto e alcance*

Un. O presente título establece a ordenación do sistema de transporte público regular de viaxeiros de Galicia, complementando a regulación do Plan de transporte público de Galicia realizada pola Lei 10/2016, do 19 de xullo, de medidas urxentes para a actualización do sistema de transporte público de Galicia.

Nesta materia, as disposicións da presente lei resultarán de aplicación aos servizos de transporte público de viaxeiros que se desenvolvan integramente no territorio da Comunidade Autónoma. Entenderase que o transporte transcorre integramente en Galicia cando neste ámbito territorial desenvolva a totalidade das súas relacións de tráfico.

Dous. Incorpórase como anexo II desta lei a relación de definicións e a clasificación dos tipos e modalidades de transporte.

Artigo 71. *Competencias e organización administrativa no ámbito do transporte por estrada*

Un. As administracións públicas de Galicia con competencia e responsabilidade na planificación, ordenación, adxudicación e xestión dos servizos de transporte público regular regulados nesta lei son:

- a) A Administración xeral da Xunta de Galicia, que exercerá con plenitude e consonte co previsto no ordenamento xurídico as competencias que estatutariamente corresponden á Comunidade Autónoma de Galicia e, en concreto, as de impulso e aprobación do Plan de transporte público de Galicia e a de coordinación do sistema integrado de transporte público no territorio da Comunidade Autónoma. Neste ámbito, a Xunta de Galicia exercerá as competencias de planificación, ordenación, coordinación, control, inspección e sanción dos servizos de transporte público de ámbito autonómico.
- b) Os concellos, que, en relación cos tráfico dos seus respectivos ámbitos territoriais, posúen competencias de planificación, ordenación, coordinación, control, inspección e sanción dos servizos de transporte público de persoas de ámbito local.
- c) As áreas metropolitanas, que posuirán as competencias atribuídas nas súas respectivas leis de creación.

Dous. O exercicio das respectivas competencias en materia de transporte público por parte das diferentes administracións públicas fundamentarase nos principios de boa fe, confianza lexítima e lealdade institucional, e nos de cooperación, colaboración e coordinación, e procurarán a máxima racionalización, eficacia no cumprimento dos obxectivos marcados e eficiencia na asignación e utilización dos recursos públicos e dos medios de transporte.

Tres. No ámbito da Xunta de Galicia, corresponde á consellaría con competencia en materia de transporte público velar polo correcto funcionamento dos transportes aos que se refire a presente lei, e exercer as funcións de planificación, ordenación, coordinación, control, inspección e sanción, se é o caso, dos servizos públicos de persoas dos que é titular, calquera que sexa o modo en que se xestionen.

Para o exercicio destas funcións, a consellaría con competencia en materia de transporte público asumirá as funcións de órgano de contratación do conxunto de servizos de transporte público regular contratados pola Xunta de Galicia, consonte a programación e as excepcións que, se é o caso, acorde o Consello da Xunta de Galicia ou estableza o Plan de transporte público de Galicia. En tanto non se produza a dita asunción plena desta función e respecto, en todo caso, dos supostos que o Consello da Xunta de Galicia acorde excepcionar, os respectivos departamentos

manterán as funcións de órgano de contratación dos servizos que se refiran aos seus ámbitos de actuación, co conxunto de facultades propias deste.

CAPÍTULO II

O transporte público regular de uso xeral

Artigo 72. *Establecemento de servizos*

Un. A prestación dos servizos regulares permanentes de transporte de persoas de uso xeral ou mixtos será precedida da correspondente resolución administrativa sobre o establecemento ou creación dos ditos servizos e de aprobación do correspondente proxecto para a súa prestación. No ámbito da Administración xeral da Comunidade Autónoma corresponde á consellaría competente en materia de transportes a adopción desta resolución.

Dous. O dito establecemento ou creación serán acordados pola Administración, por iniciativa propia ou de persoa interesada.

Mediante a aprobación do Plan de transporte público de Galicia considerarase adoptado o acordo de establecemento e creación dos servizos que prevexa o dito plan, sen prexuízo da aprobación dos proxectos de explotación por parte da Administración consonte co que nesta lei se establece.

Tamén se considerará xustificado o acordo de establecemento ou creación nos servizos que, incluso antes da aprobación do Plan de transporte público de Galicia, se planifiquen co obxectivo de garantir a continuidade na explotación de tráfico nos que concorran as circunstancias que prevé o artigo 5.5 do Regulamento (CE) 1370/2007 do Parlamento Europeo e do Consello, do 23 de outubro, sobre os servizos públicos de transporte de viaxeiros por ferrocarril e estrada e polo que se derrogan os regulamentos (CEE) 1191/69 e (CEE) 1107/70 do Consello, cuxa explotación se prevexa coas limitacións temporais que establece o dito precepto. Esta norma resultará de aplicación aínda cando o novo servizo supoña unha reordenación en profundidade dos servizos abandonados ou en risco de abandono, incluso coa introdución, supresión ou modificación substancial dos tráfico que neles se prevían ou coa inclusión de novas modalidades de prestación dos servizos, como servizos baixo demanda ou servizos integrados.

Igualmente, a Administración poderá acordar o establecemento doutros servizos, non previstos expresamente no Plan de transporte público de Galicia, que resulten coherentes coa súa planificación xeral e que se propoña implantar cunha duración temporalmente limitada, ben para a satisfacción de demandas puntuais de transporte, ben para a validación de solucións de mobilidade innovadoras, ou para a experimentación, limitada no tempo ou no territorio, de alternativas non previstas inicialmente na planificación de transporte.

Artigo 73. *Prestación de servizos regulares permanentes de transporte de persoas de uso xeral*

Un. Os transportes públicos regulares de persoas de uso xeral teñen o carácter de servizos públicos de titularidade da Administración e poden ser utilizados, sen discriminación, por calquera persoa que o desexe nas condicións que establece esta lei e demais normativa de aplicación.

Dous. Como regra xeral, a prestación dos mencionados servizos será levada a cabo pola empresa á que a Administración lle adxudique o correspondente contrato de xestión do servizo público de transporte, baixo o principio de risco e ventura na súa explotación.

Non obstante, a Administración poderá optar pola xestión directa dos servizos de transporte público, a través dos seus propios medios ou de organismos e entes instrumentais dependentes, cando considere esta modalidade como a máis axeitada ao interese xeral en función da súa natureza e características, especialmente nos casos de ausencia de licitadores interesados na prestación dos servizos, de interrupción ou de risco inminente de tal situación.

Tres. O contrato de xestión de cada servizo determinará o seu prazo de duración atendendo ás súas características e aos prazos de amortización dos activos achegados polo adxudicatario que resulten necesarios para a súa prestación e que sexan utilizados con exclusividade ou de xeito

predominante nesta. En todo caso, consonte o disposto na lexislación da Unión Europea reguladora da materia, a duración dos contratos non poderá ser superior a dez anos.

Non obstante, cando resulte necesario atendendo ás condicións de amortización dos indicados activos, a duración do contrato poderá prolongarse durante un período non superior á metade do período orixinalmente establecido.

Os contratistas de servizos de transporte público teñen en todo caso a obriga contractual de continuaren na explotación do servizo ata que culmine o procedemento de adxudicación que se estableza para darlle continuidade ao servizo público, co límite temporal, en canto á súa obrigatoriedade, de doce meses, que se contarán desde a data do vencemento do contrato ou, de ser o caso, daquela en que se faga efectiva a execución da resolución que lle puxese fin. A continuidade na explotación indicada neste apartado realizarase nas mesmas condicións económicas, contractuais e xurídicas que se lle aplicasen ao contrato nese momento, e producirase nos termos previstos na Lei 16/1987, do 30 de xullo, de ordenación dos transportes terrestres, e na súa normativa de desenvolvemento, así como, nos casos que esta establece, na Lei 10/2016, do 19 de xullo.

Catro. Os servizos de transporte público regular de persoas de uso xeral ou mixtos adxudicáranos a Administración co carácter de exclusivos, de conformidade co disposto na normativa comunitaria e na normativa estatal básica, nos termos que preveña o Plan de transporte público de Galicia e os correspondentes proxectos de explotación e pregos de licitación, os cales poderán definir supostos ou ámbitos territoriais nos que a exclusividade dos tráfico sexa compartida entre dous ou máis servizos públicos, fixando as condicións de coordinación entre eles.

Cinco. Sen prexuízo da posibilidade de promover ou participar en calquera momento en actuacións interadministrativas de colaboración para a mellora e o fomento do sistema de transporte público, o exercicio pleno da competencia sobre transporte público e o establecemento de novos servizos locais, por parte dos concellos e demais entidades locais que no momento da entrada en vigor desta lei non dispoñan de servizos de transporte público colectivo da súa competencia, requirirán da comunicación previa ao órgano competente sobre os servizos autonómicos con, cando menos, doce meses de antelación ao vencemento do prazo legalmente establecido para a aprobación do Plan de transporte público de Galicia, ou, unha vez aprobado este, coa mesma antelación respecto das datas que se preveñan para a aprobación das súas revisións.

A mesma regra indicada no apartado anterior resultará de aplicación en relación cos tráfico que asuman, efectivamente, as áreas metropolitanas con posterioridade á entrada en vigor desta lei.

Cando nos termos dos apartados anteriores unha administración local comunique á Administración autonómica a súa intención de establecer un servizo de transporte de ámbito local, esta excluírá dos proxectos de licitación que elabore as relacións de tráfico dese ámbito territorial. Non obstante, o órgano autonómico competente para a aprobación do indicado proxecto de explotación poderá acordar a explotación coordinada de determinados tráfico cando esta supoña unha mellora na oferta para as persoas usuarias pola coincidencia dos itinerarios ou dos tráfico dos diferentes servizos ou cando a dita exclusión poida poñer en risco a sustentabilidade do propio servizo autonómico.

Nestes supostos, o órgano autonómico competente en materia de transporte, oída a entidade local correspondente, establecerá os criterios de coordinación de tarifas, horarios e calendarios das expedicións correspondentes a servizos autonómicos e locais que atendan conxuntamente as ditas relacións de tráfico. Igualmente, as administracións competentes poderán convenir a explotación indistinta destes servizos, de xeito que os servizos local e autonómico atendan, total ou parcialmente, o conxunto dos seus respectivos tráfico.

Artigo 74. Contratos de xestión de servizos públicos de transporte de persoas

Un. Os contratos de xestión de servizos públicos de transporte de persoas serán definidos polos correspondentes proxectos de explotación dos servizos, que, nos supostos de adxudicación me-

diante un procedemento aberto, servirán de base dos pregos de condicións que se regulan neste mesmo artigo.

Os proxectos de explotación serán elaborados directamente pola Administración ou por un particular. No suposto de elaboración por un particular, este deberá presentar un anteproxecto completo ao órgano da Administración que resulte competente para a súa aprobación, quen discrecionalmente poderá tomalo en consideración e proceder á súa tramitación, ponderando para tal fin a súa integración co sistema de transporte público ou cos traballos de planificación en desenvolvemento ou programados. En calquera caso, a Administración poderá requirir do promotor que o anteproxecto sexa emendado ou completado coa información adicional que estime conveniente para a axeitada definición do servizo. A Administración adoptará o correspondente acordo no prazo de tres meses, que se contarán desde a presentación completa do anteproxecto do servizo, logo do cal, de non ter adoptado acordo a Administración, o interesado poderá entender que este é desfavorable á toma en consideración do servizo.

Os proxectos de explotación someteranse á información pública durante un prazo de dez días, no cal o proxecto estará dispoñible para calquera interesado na páxina web da correspondente administración de transportes. Simultaneamente, daráselles audiencia durante o mesmo prazo aos concellos nos cales, no proxecto do servizo, se establezan puntos ou localidades de parada.

Analizadas as alegacións recibidas, a Administración de transportes competente acordará a aprobación do correspondente proxecto de servizo, se é o caso.

No ámbito da Xunta de Galicia, os proxectos de servizos públicos de transporte de persoas que deban ser sometidos a un procedemento de licitación aberto corresponderán á consellaría competente en materia de transportes.

Dous. Os pregos de condicións que rexerán o contrato tomarán como base o proxecto de explotación aprobado pola Administración, e fixarán as condicións de prestación do servizo.

Os pregos regularán as condicións de prestación dos servizos incorporando, en todo caso, as seguintes:

- a) Os tráficos que definen o servizo, así como o seu itinerario, expedicións, calendarios e horarios ou franxas horarias de servizo, cando resulten pertinentes, e o prazo de duración do contrato.
- b) As condicións mínimas de solvencia técnica, profesional e económica que, se é o caso, deberá cumprir o contratista coa finalidade de que resulte garantida a adecuada prestación do servizo de que se trate de xeito continuado.
- c) Os medios materiais dos que deberá dispoñer o contratista para a prestación do servizo, e as súas características, tales como vehículos ou medios e sistemas tecnolóxicos precisos para a explotación do servizo e a obtención de información deste por parte da Administración.
- d) O réxime económico que resulte de aplicación ao contrato, incluíndo, de ser posible, as tarifas de usuario que se prevexa aplicar e as tarifas de equilibrio do contrato, e outras compensacións pola prestación do servizo que resulten de aplicación, indicando os parámetros sobre cuxa base deberán ser calculados.
- e) O compromiso do contratista de someterse á arbitrase da Xunta Arbitral de Transportes de Galicia en relación con calquera controversia coas persoas usuarias relacionadas coa prestación do servizo, ou cos titulares de infraestruturas de transporte que deba utilizar o servizo en relación cos canons, tarifas ou prezos que deba aboar pola dita utilización.
- f) O réxime de penalidades que, se é o caso, resulte de aplicación por unha deficitaria prestación do servizo ou por incumprimentos contractuais, e as condicións nas que o contratista estará obrigado a indemnizar as persoas usuarias polos danos que lles deriven dos incumprimentos contractuais.

Artigo 75. Adxudicación dos contratos de xestión de servizos públicos de transporte de persoas

Un. Os contratos de xestión de servizos públicos de transporte regular de persoas de uso xeral adxudicaranse, con carácter xeral, mediante un procedemento aberto no que todo empresario que acade os requirimentos de solvencia que fixen os correspondentes pregos poderá presentar unha proposición. En calquera caso, deberán desestimarse as ofertas que establezan condicións desproporcionadas ou anormais, tecnicamente inadecuadas, ou que non garantan debidamente a continuidade do servizo ou a súa prestación nas condicións precisas, nos termos que definan os pregos de licitación.

Dous. Non obstante o indicado no punto anterior, a Administración poderá optar pola adxudicación directa nos supostos e nos termos establecidos pola normativa comunitaria e pola lexislación estatal de carácter básico. Igualmente, no caso de interrupción dos servizos ou de risco inminente de tal situación, ademais do procedemento de adxudicación directa que prevé a normativa comunitaria, a Administración poderá optar por establecer exixencias de prestación de determinadas obrigas de servizo público por parte doutros contratistas, que verán modificados deste xeito os seus contratos, coa garantía en todo caso do mantemento do seu correspondente equilibrio económico.

Tres. O adxudicatario do servizo deberá dispoñer de autorización que o habilite para a realización da actividade de transporte público no ámbito territorial no que se preste, nos termos que establece a normativa comunitaria e nacional na materia, e poderá subcontratar parcialmente a súa prestación nos termos que estableza o correspondente proxecto de explotación do servizo.

No caso de unións temporais de empresas, deberán dispoñer da autorización habilitante indicada no apartado anterior a totalidade das empresa que, formando parte da unión temporal, sexan as que efectivamente oferten e presten os servizos de transporte.

Artigo 76. Procedemento de adxudicación directa

Un. Nos supostos en que resulte de aplicación o procedemento de adxudicación directa, abundará con que o proxecto de explotación do servizo identifique os tráficoos que se van atender, os itinerarios, se é o caso, o calendario de prestación, as frecuencias e o réxime económico aplicable e o prazo de vixencia.

Dous. Os anteproxectos de explotación de servizos de transporte obxecto de adxudicación directa someteranse á información pública durante un prazo de dez días naturais.

Durante este prazo, as empresas e demais interesados en xeral poderán formular as alegacións que consideren en relación co contido do anteproxecto. Igualmente, as empresas con capacidade para a súa prestación poderán propoñerse para ser invitadas para a presentación de oferta.

Logo de analizar as alegacións presentadas, a Administración aprobará o proxecto de explotación do servizo e, deixando constancia no expediente de forma sucinta das razóns que xustifican a elección, remitirá invitación para presentar oferta a un mínimo de tres empresas de entre as que comunicasen o seu interese en ser invitadas, sempre que sexa posible, sinalándolles un prazo non inferior a cinco días naturais para a presentación da correspondente oferta e facilitándolles o acceso ao indicado proxecto de explotación.

A Administración analizará as ofertas que presenten as empresas invitadas, e poderá acordar a celebración dun proceso de negociación coas correspondentes empresas, logo do cal adxudicará o contrato á empresa que presente a oferta que resulte máis vantaxosa consonte as condicións e criterios fixados no proxecto de explotación e na propia invitación e formalizará con aquela o correspondente contrato de xestión do servizo de transporte público regular.

Tres. En todo caso, cando os procedementos previstos no apartado anterior queden desertos por carecer de empresas interesadas en ser invitadas, ou a Administración aprecie discrecionalmente que concorren circunstancias que non aconsellan promover a concorrência prevista nos apartados anteriores sen un grave risco de interrupción do servizo público de transporte, ou cando logo de remitir as invitacións que neles se indican ningunha empresa formule unha oferta consonte os

requirimentos exixidos pola Administración, a Administración poderá dispoñer a adxudicación directa do servizo á empresa que para tal fin seleccione, coa cal formalizará directamente un contrato de xestión do servizo público de transporte.

Catro. No caso de procedementos de adxudicación directa de contratos de xestión de servizos de transporte público regular de persoas por estrada que tramite a Administración xeral da Xunta de Galicia, corresponderá á dirección xeral competente en materia de transporte público a competencia para acordar a aplicación desta modalidade de adxudicación, a aprobación do correspondente proxecto de explotación e a adxudicación do contrato.

CAPÍTULO III

Integración e coordinación de servizos nunha rede de transporte integrada

Artigo 77. Integración de servizos de transporte

Un. Coa finalidade de acadar unha prestación racional e eficiente dos servizos de transporte, ademais das fórmulas de colaboración, cooperación e coordinación de servizos da competencia de diferentes administracións públicas reguladas nesta lei e demais normativa sectorial de aplicación, promoverase a integración de servizos dirixidos á atención de diferentes colectivos de persoas usuarias, preferentemente contratados por unha mesma administración.

Dous. Con carácter xeral, calquera administración pública galega poderá reservar prazas nos servizos de transporte público regular de uso xeral a favor dos estudantes, traballadores ou colectivos análogos, en expedicións que teñan tráfico no ámbito territorial de competencia da respectiva administración, para atender as necesidades de mobilidade desas persoas usuarias.

Nestes supostos, a administración que reserve as prazas deberá aboar pola prestación do servizo a tarifa de equilibrio contractual que estea establecida no correspondente contrato de xestión.

Artigo 78. Racionalización e integración de servizos de transporte contratados pola Xunta de Galicia

Un. No marco dos acordos para a integración dos servizos e da súa programación que adopte o Consello da Xunta de Galicia directamente ou mediante a aprobación do Plan de transporte público de Galicia, promoverase unha utilización racional da oferta de servizos de transporte público que contrata a Xunta de Galicia.

Para tal fin, promoverase a utilización da rede de transporte público regular de uso xeral por parte dos colectivos de persoas usuarias para os que a Xunta de Galicia ofrezca a prestación do servizo de transporte público, tales como estudantes ou persoas usuarias do Servizo Galego de Apoio á Mobilidade Persoal. En todo caso, manterase a prestación diferenciada dos servizos para o conxunto de persoas usuarias que, polas súas condicións específicas, non poidan facer uso dos servizos de transporte público regular de uso xeral.

Dous. O Plan de transporte público de Galicia e os proxectos que a Administración defina con antelación á súa aprobación, ou estableza con carácter experimental, garantirán a máxima cobertura territorial coa finalidade de que a rede de transporte público regular de uso xeral presente unha oferta real alternativa ás distintas redes dedicadas que actualmente mantén a Xunta de Galicia.

Igualmente, nesta planificación garantirase a atención prioritaria dos colectivos de menores e demais persoas usuarias das redes de transporte público regular de uso especial, de xeito que a oferta alternativa proposta manteña, cando menos, os mesmos niveis de calidade e prestación de servizo dos que dispoñían previamente. Os servizos integrados deberán cumprir integramente a normativa sobre condicións de seguridade no transporte de escolares e menores que lles resulte de aplicación.

Nos supostos en que a Administración da Xunta de Galicia ofrezca a prestación das relacións de mobilidade a través de servizos integrados previstos na rede de transporte público regular de uso xeral, estes medios darán satisfacción ao dereito ao correspondente servizo público de transpor-

te, sen que por parte da Administración autonómica se establezan servizos diferenciados, procedendo, se é o caso, á suspensión dos servizos dedicados que carezan de persoas usuarias.

En tanto non se produza a integración nun único órgano de contratación da competencia sobre a prestación do servizo de transporte regular de uso xeral e a xestión dos servizos de transporte dedicados, complementarios doutros ámbitos de actuación da Administración, a administración competente sobre estes últimos aboará directamente á empresa contratista o importe correspondente á tarifa de equilibrio contractual que en cada caso corresponda.

Tres. Simultaneamente á integración de servizos na rede de transporte público regular de uso xeral, no marco dos acordos de integración e da programación que estableza o Consello da Xunta de Galicia, ou da planificación de transporte que determine o Plan de transporte público de Galicia, se é o caso, fixaranse servizos de transporte mixtos nos que nun mesmo contrato se prevea a prestación de servizos de transporte regular de uso xeral xunto con servizos de transporte regular de uso especial.

Nestes supostos, os proxectos de explotación dos servizos de transporte público regular de uso xeral fixarán as compensacións económicas que se aboarán pola prestación dos diferentes servizos.

Artigo 79. Adaptación da explotación dos contratos de xestión de servizos públicos de transporte regular de uso xeral ou mixtos por razón de integración de servizos e melloras na explotación

Un. A administración poderá, en calquera momento, introducir alteracións e modificacións nas condicións de explotación dos servizos cualificados como integrados, coa finalidade de atender a demanda de transporte xerada por persoas usuarias con dereito á utilización dos servizos de transporte público que ofertase a Xunta de Galicia.

Dous. Para tal fin, identificada a existencia dunha nova demanda de servizo, abrírase de oficio por parte da administración titular do servizo de transporte un procedemento de adaptación das súas condicións de prestación, consonte as seguintes regras:

1. O órgano competente sobre o contrato ditará unha medida cautelar de carácter executivo na que disporá a súa prestación por parte da empresa contratista elixida para tal fin, consonte o previsto nos correspondentes contratos de xestión de servizos públicos de transporte. Esta medida cautelar terá carácter executivo, e será de obrigado cumprimento para o contratista, que deberá adaptar a explotación do servizo no prazo que nela se estableza.
2. Sen prexuízo do indicado carácter executivo do requirimento da Administración, desde a súa recepción o contratista disporá do prazo de dez días para a formulación de alegacións. Por este mesmo prazo, a Administración dará audiencia a calquera outro interesado.
3. Analizadas as alegacións formuladas, se for o caso, o órgano titular do servizo ditará resolución definitiva.

Tres. Mediante resolución conxunta dos departamentos da Xunta de Galicia con competencia en materia de transportes e cada un dos ámbitos sectoriais obxecto de integración, estableceranse protocolos administrativos de actuación para a recepción, validación e aprobación das novas demandas de prestación de servizos de transporte público.

Catro. Igualmente, nos termos previstos nesta lei e na normativa básica de aplicación, a mellora nas condicións de prestación do servizo público de transporte, a implantación de solucións de explotación innovadoras como a xestión baixo demanda, ou a integración de servizos de transporte, consideraranse causas de interese público xustificativas da modificación de oficio dos contratos de xestión de servizos públicos de transporte regular de uso xeral que estean en explotación, nos termos previstos no segundo parágrafo do punto 1 do artigo 3 da Lei 10/2016, do 19 de xullo, de medidas urxentes para a actualización do sistema do transporte público de Galicia, logo de audiencia do contratista.

Nestes casos, a Administración deberá prever as compensacións que resulten esenciais para, mantendo as condicións de equilibrio económico dos indicados contratos e o principio de risco e ventura que lles é propio, resarcir o contratista polas novas obrigas de servizo público que se lle impoñan.

CAPÍTULO IV

Réxime económico e tarifario dos servizos de transporte

Artigo 80. Réxime económico dos servizos de transporte

Un. Como sistema de transporte da titularidade da Administración, o réxime económico do sistema de transporte público regular de uso xeral prestado a través de empresas contratistas baséase no principio de risco e ventura do contratista, asociado ao volume de persoas usuarias acada coa prestación do servizo e a aplicación dunha tarifa de equilibrio de carácter contractual.

Dous. Nos servizos de transporte discrecional e nos servizos de transporte público regular de uso especial, o seu réxime económico será o que en cada caso establezan as partes contratantes.

Artigo 81. Réxime económico e tarifario dos servizos de transporte público

Un. No sistema de transporte público regular de uso xeral, e nos mixtos, diferénciase entre:

a) Tarifa de equilibrio contractual: importe que ten dereito a percibir a empresa contratista por cada usuario e relación de tráfico que realice, ben o perciba da propia persoa usuaria, ben o faga, total ou parcialmente, dunha administración pública ou dun terceiro.

b) Tarifa de usuario: importe efectivamente aboado pola persoa usuaria, determinado pola Administración, e que pode coincidir ou non coa tarifa de equilibrio contractual.

O cálculo das anteriores tarifas poderá basearse na multiplicación dos quilómetros percorridos pola persoa usuaria por un coeficiente tarifario, se é o caso cun importe mínimo de percepción, ou en razón do número de saltos que realice a persoa usuaria entre zonas de transporte previamente delimitadas, atendendo ás matrices aprobadas pola Administración.

Dous. A tarifa de equilibrio contractual poderá obedecer a un dos métodos de cálculo indicados no apartado anterior ou estar formada por varios deles, incluída a diferenciación da aplicable en atención ás condicións específicas ou cualificadas de prestación, como horarios fixos, dispoñibilidade de acompañante ou adaptación do itinerario ás concretas necesidades das persoas usuarias, que se lles apliquen a determinados colectivos, tal como pode acontecer no transporte integrado de escolares ou nos servizos de transporte baixo demanda.

Tres. Corresponde á Administración determinar as tarifas de usuario aplicables en cada caso, podendo facelo co carácter de fixas ou de máximas:

a) Tarifas fixas: son obrigatorias para a empresa prestadora do servizo e para as persoas usuarias.

b) Tarifas máximas: a empresa prestadora poderá ofertar tarifas inferiores á autorizada, atendendo a criterios obxectivos de promoción da mobilidade e con suxeición ao principio de non discriminación entre as persoas usuarias.

Catro. Tanto no suposto de tarifas fixas como no de tarifas máximas, a Administración poderá autorizar a comercialización de tarifas bonificadas:

a) Bonos de utilización recorrente ou para a promoción da utilización do sistema de transporte público. Estes bonos serán dirixidos ao público en xeral, e non será admisible a introdución de discriminacións por razóns de territorio ou residencia nin por razóns sociais ou doutra índole.

b) Bonos sociais, vinculados a políticas ou actuacións transversais dos poderes públicos no ámbito social, nos que se tomarán en consideración as condicións específicas das persoas usuarias ou das súas unidades familiares, tales como familias numerosas, estudantes, xubilados ou nivel de renda. En ningún caso se poderán establecer bonos sociais atendendo a criterios exclusiva-

mente territoriais, como a residencia, ou a condicións discriminatorias, como a raza, a relixión ou a opinión da persoa usuaria.

Xunto coas anteriores tarifas bonificadas poderán establecerse e xestionarse, no marco do sistema de transporte público, bonificacións adicionais promovidas pola propia administración titular do servizo ou por calquera outra administración, entidade, agrupación ou colectivo interesado na promoción do transporte público ou na prestación dun servizo ao colectivo ao que dirixan a súa actuación.

Artigo 82. Integración tarifaria e de información do sistema de transporte público de Galicia

Un. O conxunto de servizos de transporte público regular de uso xeral de Galicia integrárase nun sistema común de información dirixido a facilitar ás persoas usuarias o coñecemento do conxunto de servizos de transporte público regular ofertados polas diferentes administracións. Igualmente, as administracións colaborarán para a integración tarifaria, de xeito que os títulos de transporte ofertados por cada unha delas poidan operar indistintamente no conxunto do sistema.

Dous. Para tal fin, a Xunta de Galicia, mediante orde da consellaría competente en materia de transportes, logo do informe da Axencia para a Modernización Tecnolóxica de Galicia, establecerá os requisitos de interoperatividade dos sistemas de pagamento e de información do transporte público, que resultarán obrigatorios nos proxectos que desenvolvan o conxunto de administracións titulares de servizos de transporte regular de uso xeral. Nas mesmas condicións, o dito departamento establecerá as condicións de remisión desta información en relación con outros servizos de transporte público que contrate a Xunta de Galicia e, de xeito específico, os servizos de transporte público regular de persoas por estrada de uso especial.

TÍTULO IV

Medidas provisionais de ordenación urbanística

CAPÍTULO I

Disposicións xerais

Artigo 83. Ámbito de aplicación

Un. A regulación e mais as medidas establecidas neste título serán de aplicación naqueles supostos en que a declaración de nulidade de todo ou parte dun instrumento de planificación urbanística municipal ou dun decreto polo que se suspenda a vixencia da planificación urbanística municipal por unha sentenza firme supoña que recobre a súa vixencia un instrumento de planificación anterior que, segundo o que se establece nesta lei, non responda á realidade urbanística existente no termo municipal, xurdida ao amparo do instrumento anulado.

Estas medidas serán de aplicación, en particular, nos supostos de obsolescencia sobrevida do instrumento que recobra a súa vixencia debido á substancial modificación do marco lexislativo urbanístico recaído desde a súa aprobación, á radical mutación da normativa sectorial de aplicación ou á inadaptación do modelo existente de cidade respecto do previsto no devandito instrumento.

Dous. En todo caso, a adopción das medidas previstas no presente título deberá respectar o disposto nas sentenzas firmes que declaren a nulidade dos instrumentos de planificación urbanística ou dos decretos de suspensión, e as resolucións xudiciais recaídas na súa execución.

Tres. A adopción das medidas establecidas nesta lei entenderase sen prexuízo da posibilidade de modificar puntualmente o plan que recobra vixencia, cos requisitos previstos na lexislación vixente.

Catro. As medidas de ordenación provisional non serán de aplicación ao solo clasificado como rústico no planeamento anulado, para o cal será de aplicación o disposto na Lei 2/2016, do 10 de febreiro, do solo de Galicia, de acordo co establecido nas súas disposicións transitorias.

Cinco. En ningún caso as medidas de ordenación provisional serán de aplicación cando o instrumento de ordenación provisional para o ámbito de que se trate deba someterse á avaliación ambiental estratéxica ordinaria de acordo co establecido na normativa básica estatal.

Artigo 84. *Mantemento da seguridade xurídica*

Un. De acordo co establecido na normativa estatal, a anulación de todo ou parte dun instrumento de planificación urbanística por unha sentenza firme non afectará por si mesma a eficacia dos actos administrativos firmes que o aplicasen antes de que a anulación alcanzase efectos xerais.

Dous. Nos procedementos de revisión de oficio de actos administrativos firmes que se ditasen con fundamento en instrumentos de ordenación anulados, ponderarase, na análise sobre a procedencia ou non de acordar a suspensión da execución do acto obxecto do procedemento de revisión de oficio así como na aplicación dos límites ás facultades de revisión establecidos na lexislación básica, entre outras circunstancias, o grao de cumprimento dos deberes urbanísticos ou o grao de desenvolvemento urbanístico acadado ao amparo do instrumento anulado.

Artigo 85. *Protección do patrimonio cultural*

Para os efectos da protección do patrimonio cultural e da aplicación da Lei do patrimonio cultural de Galicia, a simple declaración de nulidade do instrumento de ordenación urbanístico non implicará a perda da condición de bens declarados de interese cultural ou de bens catalogados dos bens incluídos no catálogo do instrumento de ordenación anulado, sendo de aplicación en todo caso o réxime derivado da lexislación indicada.

CAPÍTULO II

Procedemento de aprobación do instrumento de planificación

Artigo 86. *Iniciación do procedemento de aprobación do instrumento de planificación urbanística que substitúe ao instrumento anulado. Prazos para a súa tramitación e aprobación*

Un. Para os efectos de aplicar as medidas de ordenación provisional previstas no presente título, será requisito necesario que o concello cuxo instrumento de planificación foi anulado inicie a tramitación dun novo, inicie, de ser o caso, o procedemento de contratación dos servizos técnicos ou xurídicos necesarios para a súa redacción ou ben lles encomende a realización total ou parcial do instrumento aos servizos técnicos municipais.

Dous. En todo caso, o concello que aprobe instrumentos de ordenación provisional dos previstos na presente lei deberá presentar o borrador do novo instrumento de planificación no prazo dun ano, aprobar inicialmente o novo instrumento no prazo de dous anos e aprobar provisionalmente o novo instrumento de ordenación no prazo de tres anos e seis meses. Os anteriores prazos contaránse cada un deles desde a data de publicación do acordo de aprobación definitiva do instrumento de ordenación provisional.

O cumprimento dos trámites a que fai referencia o apartado anterior dentro dos prazos sinalados para tales efectos é requisito inescusable para o mantemento da vixencia dos instrumentos de ordenación provisional aprobados de acordo co previsto na presente lei. Transcorrido calquera dos prazos sinalados sen se cumpriren os trámites previstos neste artigo, o instrumento de ordenación provisional aprobado esgotará a súa vixencia por ministerio do previsto na presente lei e quedará inmediatamente sen efecto.

Artigo 87. *Estudo da situación derivada da anulación do instrumento de ordenación en cada ámbito que se pretenda ordenar provisionalmente*

Un. Con carácter previo á adopción dun instrumento de ordenación provisional dos previstos na presente lei, realizarase un estudo específico da situación derivada da anulación do instrumento de ordenación para o ámbito que se pretenda ordenar a través do devandito instrumento provisional.

Dous. O devandito estudo e análise municipal someteranse a informe urbanístico e ambiental vinculante dos órganos competentes da Administración da Comunidade Autónoma.

Tres. O informe urbanístico pronunciarase sobre a coincidencia da ordenación provisional coa prevista para ese ámbito no instrumento de ordenación anulado e, de ser o caso, nos seus instrumentos de desenvolvemento, así como sobre a adecuación das medidas de ordenación provisional adoptadas ao previsto na presente lei.

Catro. O informe ambiental pronunciarase sobre a tramitación ambiental que se realice para a aprobación do instrumento de ordenación provisional de que se trate, de acordo co establecido na normativa básica estatal sobre avaliación ambiental e atendendo á súa específica natureza.

Cinco. Unha vez emitidos os informes anteriores, o estudo será, se é o caso, aprobado polo concello, xustificando a necesidade da adopción das medidas de ordenación provisional previstas na presente lei.

Artigo 88. *Contido do estudo*

No estudo a que se refire o artigo anterior deberá analizarse para o ámbito afectado:

— O instrumento de ordenación urbanística que recobra a súa vixencia, e a lexislación ao abeiro da cal se aprobou.

— A adecuación do instrumento de ordenación que recobra a súa vixencia á lexislación urbanística e sectorial vixente, tendo en conta o expresado no artigo seguinte, así como á realidade urbanística existente no ámbito afectado, xurdida ao abeiro do instrumento de planificación anulado.

— A proposta de aprobación dunha ordenación provisional cos límites e de acordo co procedemento previsto na presente lei.

Artigo 89. *Contido e vixencia da ordenación provisional*

Un. A ordenación provisional que se propoña para o ámbito afectado deberá ser coincidente coa prevista para ese ámbito no instrumento de ordenación anulado e, de ser o caso, nos seus instrumentos de desenvolvemento, nos termos previstos nos artigos seguintes. Só se poderán realizar as modificacións que sexan necesarias para adaptar a regulación ao contido das sentenzas xudiciais que se refiran ao ámbito afectado, ao exixido pola lexislación sectorial de acordo cos informes recaídos no procedemento e ao resultado da información pública practicada e da tramitación ambiental realizada. Igualmente, poderán realizarse as modificacións que permitan asignar usos globais axeitados para implantar novas dotacións e equipamentos, públicos ou privados, ou para implantar novas actividades económicas, empresariais ou produtivas, substituíndo o uso residencial polo uso industrial, terciario ou comercial.

Non será necesaria a adaptación dos instrumentos de ordenación provisional á Lei 2/2016, do 10 de febreiro, do solo de Galicia, e será de aplicación en todo caso esta, de acordo co disposto nas súas disposicións transitorias, segundo a data de aprobación definitiva do instrumento de ordenación anulado e a lexislación á que este estivese adaptado, circunstancia que se indicará expresamente na ordenación provisional.

Dous. A ordenación provisional, unha vez aprobada, sen prexuízo da posibilidade da súa modificación polos procedementos de modificación do plan establecidos na Lei do solo, estará en vigor ata que se substitúa pola prevista no novo instrumento de ordenación para ese ámbito ou, de ser o caso, ata que transcorra calquera dos prazos sinalados no artigo 86 da presente lei, sen se cumpriren os trámites previstos no citado artigo.

Artigo 90. *Ordenación provisional en solo clasificado como urbano e de núcleo rural no instrumento anulado*

Poderanse aprobar instrumentos de ordenación provisional para o solo urbano consolidado e de núcleo rural, coincidentes coa ordenación recollida no instrumento anulado, de acordo co indi-

cado no artigo anterior. A ordenación provisional prevista nos devanditos instrumentos será de aplicación de conformidade coas regras establecidas na disposición transitoria primeira da Lei 2/2016, do 10 de febreiro, do solo de Galicia, segundo a data de aprobación definitiva do instrumento anulado.

Artigo 91. *Ordenación provisional en ámbitos suxeitos a desenvolvemento urbanístico*

Un. No solo suxeito a desenvolvemento urbanístico de acordo co instrumento anulado e os seus instrumentos de desenvolvemento, o concello deberá xustificar a elección dos ámbitos que ordene provisionalmente a través dos instrumentos previstos na presente lei, incidindo na concorrencia dun especial interese xeral, polo seu carácter dotacional ou de equipamento público ou privado, por tratarse da planificación de espazos para actividades económicas ou áreas para actividades produtivas ou empresariais que acollan usos industriais, terciarios ou comerciais en substitución de usos residenciais, a afección a elementos fundamentais da estrutura xeral e orgánica do territorio, o seu grao de desenvolvemento, ou pola súa inclusión nun plan estratéxico municipal.

Dous. De acordo co indicado no apartado anterior, entenderase que concorre interese xeral en atención ao seu grao de desenvolvemento urbanístico, para os efectos da súa ordenación provisional no recoñecemento do grao de cumprimento dos deberes de execución do planeamento urbanístico que foron desenvolvidos de conformidade coa lexislación urbanística, sempre que acadasen no seu día a aprobación definitiva do instrumento de equidistribución e cumprisen co deber de cesión e de distribución de cargas e beneficios.

Tres. Naqueles supostos nos que o instrumento de equidistribución aprobado no seu día resulte afectado no seu contido polo disposto na ordenación provisional, deberá aprobarse un novo instrumento de equidistribución adaptado á indicada ordenación.

Catro. Naqueles supostos nos que o grao de desenvolvemento urbanístico acadado determinase a consideración do solo como urbano consolidado, o instrumento de ordenación provisional recoñecerá o indicado grao de desenvolvemento e clasificación.

Artigo 92. *Tramitación para a aprobación da ordenación provisional*

Un. A tramitación da aprobación dos instrumentos de ordenación provisional regulados no presente título axustarase ao procedemento establecido neste artigo.

Dous. Con carácter previo á aprobación inicial do documento, realizaranse os seguintes trámites:

a) O concello remitirá ao órgano ambiental a solicitude de inicio da avaliación ambiental estratéxica simplificada, á que achegará o borrador das ordenacións provisionais e o documento ambiental estratéxico, co contido establecido na lexislación vixente.

b) O órgano ambiental formulará o informe ambiental estratéxico no prazo máximo de dous meses desde a recepción da documentación indicada na alínea anterior, tras identificar e consultar ás administracións públicas afectadas e ás persoas interesadas de acordo co establecido na normativa indicada por un prazo máximo dun mes.

O órgano ambiental, tendo en conta o resultado das consultas, determinará no informe ambiental estratéxico se a ordenación provisional ten ou non efectos significativos no medio. No caso de non prever efectos significativos, a ordenación provisional poderá aprobarse nos termos que o propio informe estableza.

O informe ambiental estratéxico remitirase no prazo de quince días hábiles para a súa publicación no *Diario Oficial de Galicia* e na sede electrónica do órgano ambiental.

Tres. O órgano municipal competente procederá á súa aprobación inicial e someterao á información pública como mínimo durante vinte días, mediante anuncio que se publicará no *Diario Oficial de Galicia* e nun dos xornais de maior difusión na provincia. Así mesmo, notificaráselles individualmente a todas as persoas titulares catastrais dos terreos afectados.

Catro. Durante o mesmo tempo no que se realiza o trámite de información pública, a Administración municipal deberá solicitar das administracións públicas competentes os informes sectoriais e as consultas que resulten preceptivos. Os informes sectoriais autonómicos deberán ser emitidos no prazo máximo dun mes, transcorrido o cal, entenderanse emitidos con carácter favorable.

Se a ordenación provisional prevista foi xa obxecto dos indicados informes con anterioridade, admitirase a reprodución ou confirmación dos criterios contidos nos informes emitidos no seu día polos órganos informantes, sen prexuízo das cuestións que se poidan engadir á vista de novas circunstancias ou da aprobación de normativa posterior.

Cinco. Emitirase informe dos servizos xurídicos e técnicos municipais sobre a integridade documental do expediente, das actuacións administrativas realizadas, da calidade técnica da ordenación proxectada e da conformidade da ordenación coa presente lei.

Seis. A aprobación definitiva das ordenacións provisionais corresponderalle ao pleno do concello. Unha vez aprobadas definitivamente, as ordenacións provisionais publicaranse de acordo co establecido nos apartados 2, 3 e 4 do artigo 82 da Lei 2/2016, do 10 de febreiro, do solo de Galicia.

Disposición adicional primeira. *Instrumentos para a coordinación de servizos da Xunta de Galicia*

No marco do que establece a sección 3ª do capítulo I do título I da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o Consello da Xunta de Galicia poderá crear comisións ou órganos colexiados de coordinación en materia de transporte público e integración de servizos de transporte, para o cal ditará as oportunas disposicións de carácter organizativo.

Disposición adicional segunda. *Vehículos autorizados para a prestación de servizos de transporte*

Os titulares de contratos de xestión de servizos públicos de transporte poderán subcontratar, para a prestación de servizos de uso regular, vehículos provistos de autorizacións de transporte de persoas en vehículos de turismo previstos na Lei 4/2013, do 30 de maio, de transporte público de persoas en vehículos de turismo de Galicia, adscritas a vehículos de ata nove prazas.

Disposición adicional terceira. *Ampliación do prazo para a posta en marcha das emisións e pagamento da taxa do servizo de comunicación audiovisual de televisión correspondentes ás adxudicacións transformadas en licenzas*

O prazo para responder das obrigas e para materializar os compromisos asumidos nas ofertas presentadas e para acreditar o cumprimento das obrigas contidas no prego de bases e na normativa reguladora para a posta en marcha das emisións e pagamento da taxa, indicado nos artigos 38 e 40 da Lei 12/2014, do 22 de decembro, de medidas fiscais e administrativas, queda ampliado en catro anos, que se contarán a partir da finalización do prazo anterior.

Disposición adicional cuarta. *Supresión do corpo de letrados do Consello Consultivo de Galicia*

Un. Suprímese o corpo de letrados do Consello Consultivo de Galicia, regulado no artigo 30 da Lei 3/2014, do 24 de abril, do Consello Consultivo de Galicia.

Dous. O persoal funcionario de carreira pertencente ao indicado corpo de letrados intégrase na escala de letrados da Xunta de Galicia, do corpo superior da Administración xeral da Comunidade Autónoma, subgrupo A1, prevista no punto 1 da disposición adicional oitava da Lei 2/2015, do 29 de abril, do emprego público de Galicia, con garantía do seu grao persoal consolidado e da súa antigüidade.

Disposición adicional quinta. *Supresión do ente Centro Informático para a Xestión Tributaria, Económico-Financeira e Contable (CIXTEC)*

Un. Autorízase a supresión do Centro Informático para a Xestión Tributaria, Económico-Financeira e Contable (CIXTEC), cuxas funcións serán asumidas pola Axencia para a Modernización Tecnolóxica de Galicia (Amtega), de conformidade co que se estableza nos estatutos da dita axencia.

Dous. A supresión do Centro Informático para a Xestión Tributaria, Económico-Financeira e Contable levarase a cabo por decreto do Consello da Xunta, no que se determinará o destino dos seus bens, dereitos e obrigas, así como as medidas aplicables ao persoal funcionario e laboral que estea prestando servizos no Centro Informático para a Xestión Tributaria, Económico-Financeira e Contable no momento da supresión. Para efectos orzamentarios, esta supresión implicará a integración das partidas económicas e funcionais de gasto dos orzamentos do CIXTEC nos orzamentos da Amtega.

Disposición adicional sexta. *Axencia Galega da Industria Forestal*

Un. Mediante a presente lei autorízase a creación da Axencia Galega da Industria Forestal como axencia pública autonómica adscrita á consellaría competente en materia de economía, que ten como fins xerais e obxectivos básicos actuar como un instrumento de xestión eficiente no exercicio de funcións relacionadas co impulso da actividade económica asociada ao sector forestal, coa mellora da competitividade e da innovación das empresas do sector e coa coordinación dos centros de investigación en materia forestal.

Dous. No desenvolvemento dos seus fins, a Axencia Galega da Industria Forestal procurará os seguintes obxectivos:

- a) Identificar os diversos sectores económicos e produtivos asociados ao recurso forestal, definir os sectores estratéxicos e procurar en todo caso a compatibilidade e sustentabilidade dos diversos usos produtivos do monte.
- b) Participar na planificación e na ordenación dos aproveitamentos forestais dirixida á mellora e sustentabilidade da produción forestal, así como na mellora da xestión e aproveitamento dos recursos forestais.
- c) Mellorar a competitividade e innovación das empresas do sector forestal, con especial incidencia na segunda e seguintes fases de transformación do recurso.
- d) Coordinar os centros de investigación e tecnolóxicos vinculados á industria forestal.

Tres. Esta axencia asumirá os medios persoais e materiais que respecto dos seus fins e obxectivos corresponden na actualidade a outros departamentos, nomeadamente os correspondentes ás unidades afectadas da Consellería do Medio Rural, os cales se suprimirán nas súas estruturas no momento de creación da Axencia e quedarán integrados nela.

Catro. Mediante decreto do Consello da Xunta de Galicia procederase á súa creación, así como á aprobación dos estatutos que detallen as funcións específicas que desenvolverá.

Cinco. O seu réxime xurídico será o establecido na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

Disposición transitoria primeira. *Persoal funcionario que ocupe postos de traballo de letrado no Consello Consultivo de Galicia no momento da entrada en vigor desta lei*

O persoal funcionario de carreira que no momento de entrada en vigor desta lei estea ocupando postos de traballo que correspondían ao suprimido corpo de persoal letrado no Consello Consultivo de Galicia seguirá desenvolvendo funcións de letrado ao servizo do Consello Consultivo ata a provisión dos correspondentes postos de traballo na forma determinada no artigo 30 da Lei 3/2014, do 24 de abril, do Consello Consultivo de Galicia, na redacción dada ao dito precepto pola presente lei. Este persoal cesará no momento da provisión do posto de traballo se non obtén

a praza, e quedará á disposición do órgano competente en materia de persoal do Consello Consultivo de Galicia, quen procederá á súa adscrición provisional a un posto de traballo vacante dos correspondentes a letrados ao servizo do Consello Consultivo. De non haber posto de traballo vacante, ou cando así o aconsellen as necesidades do servizo, o Consello Consultivo comunicará á consellaría competente en materia de función pública, que procederá á adscrición provisional do indicado persoal a outros postos vacantes da escala de letrados da Xunta de Galicia, con cambio de dependencia orgánica. No caso de cambio de localidade, será preciso, ademais, a conformidade da persoa afectada.

Disposición transitoria segunda. *Atribución de funcións na Axencia para a Modernización Tecnolóxica de Galicia*

Suprimida

Disposición derogatoria primeira

Queda derogado o Decreto 149/2008, do 26 de xuño, polo que se regula o procedemento de autorización das instalacións de produción de enerxía eléctrica a partir da valorización enerxética da biomasa forestal primaria na Comunidade Autónoma de Galicia.

Quedan derogadas as demais disposicións de igual ou inferior rango que se opoñan ao establecido na presente lei.

Disposición derogatoria segunda

Queda derogado o artigo 86 da Lei 12/2014, do 22 de decembro, de medidas fiscais e administrativas.

Disposición derogatoria terceira

Queda derogada a Lei 10/1983, do 9 de decembro, reguladora do Consello Asesor de RTVE en Galicia, e queda disolto o Consello Asesor de Radio e Televisión Española en Galicia.

Disposición derogatoria terceira *bis*

Quedan derogados os artigos 19 e 20 da Lei 13/2010, do 17 de decembro, do comercio interior de Galicia.

Disposición derogatoria terceira *ter*

Queda derogada, no momento en que se proceda á extinción do Centro Informático para a Xestión Tributaria, Económico-Financeira e Contable, a disposición adicional quinta da Lei 2/1998, do 8 de abril, de medidas tributarias, de réxime orzamentario, función pública, patrimonio, organización e xestión.

Disposición derradeira primeira. *Historia social única electrónica*

Un. Modifícase o punto 1 do artigo 11 do Decreto 89/2016, do 30 de xuño, polo que se regula a creación, o uso e o acceso á Historia social única electrónica, que queda redactado como segue:

«1. De conformidade coa Lei orgánica 15/1999, do 13 de decembro, os datos persoais relativos á Historia social única electrónica serán incluídos nun ficheiro denominado «Historia social única electrónica», cuxa finalidade é a xestión da Historia social única electrónica. O órgano responsable deste ficheiro é a Secretaría Xeral Técnica da consellaría con competencias en materia de servizos sociais.»

Dous. O Decreto 89/2016, do 30 de xuño, polo que se regula a creación, o uso e o acceso á Historia social única electrónica, conserva a súa vixencia en todo o que non se opoña ao disposto na presente lei. As determinacións incluídas no punto 1 do seu artigo 11, que son obxecto de modificación nesta lei, poderán ser modificadas por normas do rango regulamentario correspondente á norma na que figuran.

Disposición derradeira segunda. *Modificación do Decreto 130/2013, do 1 de agosto, polo que se regula a explotación dos portos deportivos e das zonas portuarias de uso náutico-deportivo de competencia da Comunidade Autónoma de Galicia*

Un. Modifícase a letra e) da alínea 1 do artigo 5 do Decreto 130/2013, do 1 de agosto, polo que se regula a explotación dos portos deportivos e das zonas portuarias de uso náutico-deportivo de competencia da Comunidade Autónoma de Galicia, que queda redactada como segue:

«e) Reserva de prazas de atracada para embarcacións de paso no porto nunha porcentaxe mínima do 10 % da superficie total atribuída a prazas de atracada, sen prexuízo de que Portos de Galicia modifique esa porcentaxe en función das características, da ocupación e da localización do porto. Portos de Galicia poderá acordar que unha desas prazas, con dimensións axeitadas, quede reservada para a atracada de embarcacións afectas ao servizo oficial de inspección pesqueira da Administración xeral da Comunidade Autónoma de Galicia.»

Dous. Modifícase a disposición transitoria primeira do Decreto 130/2013, do 1 de agosto, polo que se regula a explotación dos portos deportivos e das zonas portuarias de uso náutico-deportivo de competencia da Comunidade Autónoma de Galicia, que queda redactada como segue:

«Disposición transitoria primeira. *Concesións vixentes á entrada en vigor deste decreto*

Os titulares de concesións administrativas sobre portos ou zonas portuarias de uso náutico-deportivo vixentes á entrada en vigor do presente decreto deberán adaptar o seu regulamento de explotación ás prescricións do presente regulamento nun prazo de seis anos, contados desde a entrada en vigor deste decreto.»

Tres. O Decreto 130/2013, do 1 de agosto, polo que se regula a explotación dos portos deportivos e das zonas portuarias de uso náutico-deportivo de competencia da Comunidade Autónoma de Galicia, conserva a súa vixencia en todo o que non se opoña ao disposto na presente lei. As determinacións incluídas na letra e), alínea 1, do seu artigo 5, e na súa disposición transitoria primeira, que son obxecto de modificación nesta lei, poderán ser modificadas por normas do rango regulamentario correspondente á norma na que figuran.

Disposición derradeira terceira. *Modificación da Lei 3/2014, do 24 de abril, do Consello Consultivo de Galicia*

Un. Modifícase o punto 6 do artigo 18 da Lei 3/2014, do 24 de abril, do Consello Consultivo de Galicia, que queda redactada como segue:

«6. Autorizar os gastos referentes aos servizos do Consello.»

Dous. Modifícase o artigo 22 da Lei 3/2014, do 24 de abril, do Consello Consultivo de Galicia, que queda redactado como segue:

«Artigo 22. *Secretaría Xeral e Secretaría do Pleno e Seccións*

1. O Consello Consultivo contará cunha Secretaría Xeral, á que lle corresponderá:

- a) A xefatura directa e a xestión administrativa en materia de persoal, así como do réxime interior dos servizos e dependencias do Consello, sen prexuízo da superior autoridade da Presidencia.
- b) A xestión dos créditos orzamentarios no relativo aos actos de disposición, recoñecemento da obriga e ordenamento do pagamento.
- c) A tramitación e xestión da contratación administrativa e a administración do patrimonio.
- d) A expedición de certificacións en relación coas materias cuxa xestión lle estea atribuída e a custodia da documentación que se xere no exercicio das súas funcións.

e) A asistencia á Presidencia en todos os asuntos e, singularmente, preparar e redactar, cando aquela o considere conveniente, os proxectos de ditames, informes ou propostas nos asuntos que a persoa titular da Presidencia determine.

f) Aqueloutras que lle sexan delegadas pola persoa titular da Presidencia ou lle atribúa o Regulamento de organización e funcionamento do Consello Consultivo.

2. O posto de titular da Secretaría Xeral estará asimilado no seu rango ao de alto cargo. A persoa titular da Secretaría Xeral deberá ser licenciada en Dereito, ou posuidora do título de grao en Dereito, e reunir os requisitos de solvencia profesional que sexan necesarios para o desenvolvemento da función. Será nomeada e separada libremente polo Pleno por proposta da Presidencia do Consello Consultivo.

3. As funcións da Secretaría do Pleno e das Seccións serán exercidas por quen designe a Presidencia de entre o persoal funcionario ao servizo do Consello. Ese exercicio non xerará percepción de retribucións, axudas de custo ou indemnizacións.

4. Correspóndelle á persoa que exerza a Secretaría do Pleno e das Seccións:

a) Dar fe dos actos do Consello.

b) Asistir ás sesións do Consello con voz pero sen voto e levantar e redactar as actas das sesións, visadas pola persoa titular da Presidencia.

c) Custodiar a documentación do Consello que garde relación directa co exercicio das súas funcións.

d) Elaborar a orde do día das sesións do Pleno e das Seccións, someténdoo á aprobación da Presidencia.

e) Efectuar, por orde da persoa titular da Presidencia, a convocatoria das conselleiras e conselleiros para as sesións.

f) Levar a efecto os acordos do Consello.

g) Practicar os actos de comunicación do Consello, con excepción dos que sexan realizados pola persoa titular da Presidencia.

h) Expedir certificacións dos acordos do Consello, votos particulares e demais documentos confiados á súa custodia, visadas pola persoa titular da Presidencia do Consello.

i) Facilitar copia dos expedientes ás conselleiras e conselleiros, así como ao persoal letrado a quen corresponda o seu estudo.

j) Preparar, para a súa posterior aprobación polo Pleno do Consello, o proxecto da memoria de actividades anuais.

k) Asistir o presidente en todos os asuntos en que a requira e sexa inherente á súa condición.

5. No caso de ausencia, enfermidade ou calquera imposibilidade temporal, a persoa titular da Secretaría Xeral e a persoa funcionaria designada para desempeñar as funcións da Secretaría do Pleno e das Seccións substituiranse entre si, e no último termo serán substituídas pola persoa que, exercendo funcións de letrada ou letrado do Consello, sexa designada pola Presidencia.»

Tres. Modifícase a alínea 1 do artigo 23 da Lei 3/2014, do 24 de abril, do Consello Consultivo de Galicia, que queda redactado como segue:

«1. Nas reunións do Consello Consultivo requirirase, para a validez das deliberacións e dos acordos, a presenza da persoa titular da Presidencia ou de quen legalmente a substitúa, a dun número de conselleiras ou conselleiros que, coa Presidencia, constitúan maioría absoluta, e a da persoa funcionaria designada para desempeñar as funcións de Secretaría do Pleno e das Seccións ou de quen a substitúa.»

Catro. Modifícase a alínea 2 do artigo 29 da Lei 3/2014, do 24 de abril, do Consello Consultivo de Galicia, que queda redactada como segue:

«2. Corresponde ao Consello Consultivo de Galicia establecer a organización do persoal ao seu servizo e propoñer á Xunta de Galicia a aprobación e modificación do cadro de persoal e da relación de postos de traballo, así como levar a cabo os procesos de provisión dos postos de traballo.»

Cinco. Modifícase o artigo 30 da Lei 3/2014, do 24 de abril, do Consello Consultivo de Galicia, que queda redactado como segue:

«Artigo 30. *Letrados*

1. O Consello Consultivo está asistido por persoal letrado, dependente orgánica e funcionalmente deste, ao que corresponde, baixo a dirección da Presidencia ou das conselleiras e conselleiros, as funcións de estudo dos asuntos sometidos a consulta do Consello, a preparación e redacción dos correspondentes proxectos de ditames, os informes ou propostas e as demais funcións adecuadas á súa condición que lles atribúa o Regulamento de organización e funcionamento do Consello. O número de prazas de letrado determinarase na relación de postos de traballo.

2. A provisión das prazas de letrados ao servizo do Consello Consultivo de Galicia, de acordo coa especial responsabilidade, confianza e cualificación profesional requirida, efectuarase por libre designación con convocatoria pública, de acordo co disposto na Lei 2/2015, do 29 de abril, de emprego público de Galicia, entre persoal funcionario pertencente á escala de letrados da Xunta de Galicia, do corpo superior da Administración xeral da Comunidade Autónoma, subgrupo A1, prevista no punto 1 da disposición adicional oitava da Lei 2/2015, do 29 de abril, de emprego público de Galicia. Neste caso, a dependencia orgánica e funcional do Consello Consultivo será excepción ao previsto no punto 1 do artigo 38 da Lei 4/2016, do 4 de abril, de ordenación da asistencia xurídica da Administración xeral da Comunidade Autónoma de Galicia e do seu sector público.

Así mesmo, en atención ás funcións do órgano e por razóns de especialización técnica e, de ser o caso, de acordo co que se determine na relación de postos de traballo, as prazas poderán ser cubertas por persoal pertencente a corpos de letrados da Administración xeral do Estado, da administración xeral doutras comunidades autónomas ou doutros consellos consultivos; por persoal pertencente á escala de funcionarios de administración local con habilitación de carácter nacional, subescala de secretaría; ou por persoal letrado do Parlamento de Galicia. En ningún caso esta forma de provisión suporá a adquisición de dereitos de integración na escala de letrados da Xunta de Galicia.

3. A convocatoria e a resolución dos procesos de provisión efectuados de acordo co indicado no punto anterior corresponderalle á persoa titular da Presidencia do Consello Consultivo.

4. O réxime xurídico do persoal letrado será o establecido nesta lei e no Regulamento de organización e funcionamento do Consello Consultivo. De forma supletoria, aplicarase o establecido para o persoal funcionario na lexislación de emprego público da Comunidade Autónoma de Galicia.»

Disposición derradeira cuarta. *Modificación da Lei 2/2016, do 10 de febreiro, do solo de Galicia*

Modifícase a disposición transitoria segunda da Lei 2/2016, do 10 de febreiro, do solo de Galicia, que queda redactada como segue:

«Disposición transitoria segunda. *Adaptación do planeamento*

1. Os plans aprobados provisionalmente antes da entrada en vigor desta lei poderán continuar a súa tramitación ata a súa aprobación definitiva a teor das normas procedementais e determinacións dispostas na Lei 9/2002, do 30 de decembro, de ordenación urbanística e protección do

medio rural de Galicia. A competencia para a súa aprobación rexerase polo réxime establecido na Lei 2/2016, do 10 de febreiro, do solo de Galicia.

2. Os que, nesa mesma data, xa fosen aprobados inicialmente poderán adaptarse integramente a esta lei ou continuar a súa tramitación a teor das normas procedementais dispostas na Lei 9/2002, do 30 de decembro, de ordenación urbanística e protección do medio rural de Galicia, aínda que as súas determinacións deberán adaptarse plenamente a esta lei. A competencia para a súa aprobación rexerase polo réxime establecido na Lei 2/2016, do solo de Galicia. A simple adaptación do contido do plan en tramitación ás disposicións establecidas nesta lei non implicará, por si soa, a necesidade de sometelo a nova información pública, agás cando se pretendan introducir outras modificacións que alteren substancialmente a ordenación proxectada e non sexan consecuencia da adaptación.

3. Os plans en tramitación que non alcanzasen a aprobación inicial na data de entrada en vigor desta lei deberán adaptarse plenamente a ela.»

Disposición derradeira quinta. *Entrada en vigor*

Esta lei entrará en vigor o día seguinte ao da súa publicación no *Diario Oficial de Galicia*, agás a disposición adicional terceira, que producirá efectos desde o día 1 de xaneiro de 2017.

ANEXO I

Réxime de cofinanciamento para escolas infantís e centros de día xestionados a través do Consorcio Galego de Servizos de Igualdade e Benestar ou ente que o substitúa

I. Escolas infantís

Para establecer a participación dos concellos no cofinanciamento das escolas infantís partírase do custo medio de 4.500 € praza/ano, e, dentro da dita contía, fíxase unha achega municipal de 1.500 € praza/ano, correspondente a unha terceira parte.

Nos supostos en que o concello desexa asumir o mantemento integral do centro, estimárase a súa contribución en 600 € praza/ano, polo que, neste caso, a achega final que terán que facer os concellos será de 900 € praza/ano. A contribución indicada requirirá que se acredite por parte do concello ante a dirección do centro a realización do indicado mantemento nas condicións especificadas neste artigo, e computárase con independencia do gasto real efectuado polo concello sen necesidade de xustificación documental do dito gasto.

Para aqueles concellos que asuman, de acordo cos convenios no seu día formalizados, outros servizos non recollidos no concepto de mantemento previsto neste artigo, descontárase o custo real efectivo dos ditos servizos da achega que debe realizar o dito concello. Así mesmo, no suposto de que algún concello non asuma a totalidade dos gastos de mantemento, a achega municipal incrementárase co custo que asuma o Consorcio ou ente que o substitúa por ese concepto, debidamente xustificado.

II. Centros de día

Para establecer a participación dos concellos no cofinanciamento dos centros de día situados no seu termo municipal, estímase o custo dos ditos servizos en 7.500 € praza/ano. Dentro da dita contía fíxase unha achega municipal de 2.500 € praza/ano, correspondente a unha terceira parte.

Para o cálculo anterior teranse en conta unicamente os usuarios empadroados no concello onde se localiza o centro de día. Para os efectos do cómputo, terase en conta a media de usuarios durante o ano natural inmediatamente anterior á data de liquidación.

Nos supostos de centros de día de xestión directa polo Consorcio ou ente que o substitúa, os concellos que o desexen poderán optar por un modelo análogo ao formulado para as escolas infantís, computando como unha achega do concello o mantemento do centro. De acordo co

anterior, a achega reducirase nos ditos supostos en función dos gastos efectivamente xustificádolos polos concellos

III. Conceptos incluídos no mantemento dos centros

Para os efectos do presente réxime de cofinanciamento, entenderase por mantemento do centro os seguintes servizos:

- Mantemento do edificio e exteriores, incluíndo obras e labores de mantemento do edificio preventivos e/ou correctivos, conservación e mantemento das instalacións, estrutura arquitectónica e instalacións de enxeñerías.
- Mantemento do sistema de detección, extinción e plan de evacuación do centro.
- Reparación e reposición de electrodomésticos.
- Plan de augas e tratamento antilexionela.
- Mantemento da ACS e climatización das instancias.
- Limpeza integral do centro (limpeza diaria e extraordinaria).
- Sistema de vixilancia e seguridade do centro, alarmas de seguridade e incendios.
- Subministracións de auga, electricidade, gasóleo/gas e mantemento das instalacións de acometidas de enerxías e subministracións, así como saneamento e recollida de lixo, con base na norma de medio ambiente, e dotación material para isto.
- Teléfono e ADSL.
- Mantemento dos sistemas de sinalización, localización e balizamento, de ser o caso, e mantemento dos sistemas de seguridade viaria.
- Servizos de protección civil ou aqueles outros que sexan necesarios para situacións de emerxencia.

ANEXO II

Definicións e clasificación dos servizos de transporte

1. Para os efectos desta lei enténdese por:

- a) Transporte: o sistema de medios para conducir persoas ou cousas dun lugar a outro.
- b) Transporte público: o transporte que se leva a cabo por conta allea mediante unha retribución económica.
- c) Transporte privado: o transporte que se leva a cabo por conta propia, ben a título particular, ben como actividade complementaria necesaria doutra actividade principal de empresa ou establecemento e directamente relacionada co desenvolvemento desas outras actividades.
- d) Transporte por estrada: o transporte que se realiza en vehículos automóbiles que circulen sen camiño de rodaxe fixo e sen medios fixos de captación de enerxía por toda clase de vías terrestres urbanas ou interurbanas de carácter público ou privado.
- e) Transporte colectivo de persoas: o transporte público ou privado dirixido a trasladar un grupo, determinado ou indeterminado, de persoas usuarias, e máis as súas equipaxes, vultos de man e encargos, realizado preferentemente mediante vehículos automóbiles de dez ou máis prazas.
- f) Tráfico: a relación de mobilidade existente entre dous ou máis puntos xeográficos entre os cales un servizo de transporte efectúa ou pode efectuar o traslado de persoas, das súas equipaxes, vultos de man e encargos. Con carácter xeral, os puntos xeográficos farán referencia ao conxunto da localidade ou entidade de poboación que sexa atendida por un servizo de transporte.

te, consonte co que se determine regulamentariamente e coas limitacións que poden establecer o Plan de transporte público de Galicia e os proxectos de explotación para servizos que se establezan con antelación á aprobación do plan ou de explotación experimental, aprobados nos termos desta lei.

2. Os transportes públicos de persoas clasifícanse de acordo cos seguintes criterios:

2.1. En atención ao seu ámbito:

a) Local ou urbano: o que atenda tráfico situado integramente nun mesmo termo municipal, nunha agrupación de municipios ou nunha área metropolitana con competencias en materia de transporte público regular de viaxeiros recoñecidas legalmente, segundo o caso.

b) Autonómicos ou interurbanos: cando atenda tráfico nun ámbito superior ao indicado no apartado anterior, aínda que dentro do territorio da Comunidade Autónoma. Tamén terán a consideración de autonómicos os tráfico indicados no apartado anterior que estean incluídos dentro dun servizo de transporte que, no seu conxunto, teña un ámbito superior, ou cando a Administración local competente non adopte o acordo de establecemento do servizo público de transporte local nos termos previstos nesta lei e demais disposicións legais que resulten de aplicación.

2.2. En atención á regularidade da súa prestación:

a) Transporte público regular: o que se efectúe no marco de itinerarios ou para atender tráfico preestablecidos nunha determinada zona territorial, ben con suxeición a calendarios e horarios previamente determinados, ben no marco dun modelo de xestión baixo demanda no que os itinerarios ou os horarios dos servizos, ou ambos, se configuren para satisfacer unha demanda de transporte confirmada por parte das persoas usuarias.

b) Transporte público discrecional: o transporte público de persoas que non cumpra os requisitos previstos no apartado anterior.

2.3. En atención á súa utilización, o transporte público regular pode ser:

a) De uso xeral: o dirixido a satisfacer unha demanda xeral de mobilidade e que é utilizado por calquera interesado.

b) De uso especial: o destinado a servir, exclusivamente, un grupo específico de usuarios, tales como escolares, traballadores, militares ou grupos homoxéneos semellantes.

c) Mixtos: aqueles servizos de transporte nos que se inclúa a prestación de expedicións de uso xeral xunto con outras expedicións de uso especial, contratadas todas elas por unha mesma autoridade de transporte, tales como os servizos zonais.

Enténdese por servizos zonais aqueles nos que nun único proxecto de explotación se inclúa a explotación dos servizos de transporte público regular de uso xeral e de uso especial que se definan no indicado proxecto e se desenvolvan nun determinado ámbito territorial, inclúa a totalidade deles ou aqueles determinados ou determinables mediante a aplicación dos criterios que o propio proxecto estableza.

Agás en relación co réxime xurídico aplicable a condicións específicas de prestación referidas ao transporte de grupos homoxéneos e específicos de usuarios, os servizos rexeranse polas disposicións previstas para os de uso xeral, cuxo réxime de infraccións e sancións lles resultarán de aplicación.

Santiago de Compostela, 30 de xaneiro de 2017

Abel Fermín Losada Álvarez
Presidente da Comisión

Marta María Rodríguez-Vispo Rodríguez
Secretaria da Comisión



OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.es
15702 Santiago de Compostela
Galiza

Á Mesa do Parlamento

O Grupo Parlamentar do Bloque Nacionalista Galego (BNG), a través do seu portavoz e ao abeiro do disposto no artigo 119 do Regulamento da Cámara, **MANTÉN**, para a súa **defensa en Pleno**, todas as emendas presentadas ao **Proxecto de lei de medidas fiscais e administrativas**, doc. núm. **1969**, (**10/PL-000002**), que non foron incorporadas ao Ditame da Comisión.

Santiago de Compostela, 30 de xaneiro de 2017

Asdo.: **Ana Belén Pontón Mondelo**

Portavoz do G.P. do BNG

Asinado dixitalmente por:

Ana Pontón Mondelo na data 30/01/2017 18:03:12

 Grupo Parlamentario

Á Mesa do Parlamento

Partido dos
Socialistas
de Galicia

O Grupo Parlamentario dos Socialistas de Galicia, a través do portavoz e ao abeiro do disposto no artigo 119 do Regulamento da Cámara, comunícalle a esa Presidencia que mantén, para a súa defensa en Pleno, as emendas presentadas ao Proxecto de lei de medidas fiscais e administrativas (doc. núm. 1969), agás as aprobadas ou transaccionadas.

Pazo do Parlamento, 30 de xaneiro de 2017

Asinado dixitalmente por:

Xoaquín María Fernández Leiceaga na data 30/01/2017 18:21:09



Á Mesa do Parlamento

O Grupo Parlamentar de En Marea, ao abeiro do disposto no Regulamento da Cámara, mantén, para a súa defensa en Pleno, todas as emendas presentadas ao **Proxecto de lei de medidas fiscais e administrativas**, doc. núm. **1969 (10/PL-000002)**, que non foron incorporadas ao Ditame da Comisión.

Santiago de Compostela, 30 de xaneiro de 2017.

Asdo.: Luís Villares Naveira

Voceiro do G.P. de En Marea.

Asinado dixitalmente por:

Luis Villares Naveira na data 30/01/2017 19:01:36

Texto para Pleno

PROXECTO DE LEI DE MEDIDAS FISCAIS, ADMINISTRATIVAS E DE ORDENACIÓN

Proxecto de lei: BOPG núm. 24, do 03.12.2016

Emendas: BOPG núm. 46, do 17.01.2017

Informe da Ponencia: BOPG núm. 54, do 27.01.2017

Ditame da Comisión: BOPG núm. 58, do 02.02.2017

DITAME DA COMISIÓN:

TÍTULO I

Medidas fiscais

CAPÍTULO I

Tributos cedidos

Artigo 1. Imposto sobre transmisións patrimoniais e actos xurídicos documentados

Un. Elimínanse as alíneas Cinco e Seis do artigo 16 e as alíneas Un e Catro do artigo 17 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto legislativo 1/2011, do 28 de xullo, e renuméranse as restantes deducións.

Dous. Engádese unha nova alínea Sete ao artigo 16 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto legislativo 1/2011, do 28 de xullo, co seguinte contido:

«Sete. Dedución por adquisición de vivenda habitual por discapacitados, familias numerosas e menores de 36 anos en áreas rurais.

Os contribuíntes que teñan dereito a aplicar os tipos de gravame reducidos regulados nas alíneas Tres, Catro e Cinco do artigo 14 terán dereito a unha dedución na cota do 100 % sempre que a vivenda se atope nalgunha das parroquias que teñan a consideración de zonas pouco poboadas ou áreas rurais. Para estes efectos, unha orde da consellaría competente en materia de facenda determinará as parroquias que teñan esta consideración.»

Tres. Engádese unha nova alínea Oito ao artigo 17 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto legislativo 1/2011, do 28 de xullo, co seguinte contido:

«Oito. Dedución por adquisición de vivenda habitual e por constitución de préstamos hipotecarios destinados ao seu financiamento, por discapacitados, familias numerosas e menores de 36 anos, en áreas rurais.

Os contribuíntes que teñan dereito a aplicar os tipos de gravame reducidos regulados nas alíneas Tres, Catro e Cinco do artigo 15 terán dereito a unha dedución na cota do 100 % sempre que a vivenda se atope nalgunha das parroquias que teñan a consideración de zonas pouco poboadas ou áreas

rurais. Para estes efectos, unha orde da consellaría competente en materia de facenda determinará as parroquias que teñan esta consideración.»

EMENDAS MANTIDAS:

-Do G.P. Socialistas de Galicia.
Emenda nº1, ao apartado Dous, de Adición.

Na alínea Dous, no parágrafo que empeza por "Sete. ..." débese engadir despois de: "... familias numerosas ...", a frase: "... familias con poucos recursos económicos"

-Do G.P. Socialistas de Galicia.
Emenda nº2, ao apartado Tres, de Adición.

Na alínea Tres, deste artigo, no parágrafo que empeza por "Oito", débese engadir despois de: "... familias numerosas ..." a seguinte frase: "... familias con poucos recursos económicos ..."

EMENDAS MANTIDAS:

-Do G.P. En Marea.
Emenda nº1, de Adición.

Débase engadir un artigo 1 bis) co seguinte texto:

"Modifícase o artigo 11 da Lei 15/2008, do 19 de decembro, do imposto sobre o dano medioambiental causado por determinados usos e aproveitamentos da auga encorada, que queda redactado como segue:

"Artigo 11. *Cota tributaria e tipo de gravame*

1. A cota tributaria do imposto determinase por aplicación do tipo de gravame trimestral, 3.200 euros por hm³, á base imponible.

2. A cota resultante obtida conforme a alínea anterior multiplícase polo coeficiente (1+a-b) en función do saldo bruto do aproveitamento e, de ser o caso, da potencia instalada do aproveitamento hidroeléctrico, onde:

a = será o resultado de aplicar a seguinte escala ao salto bruto medido en metros desde a cota de toma e, no seu defecto, desde o punto de coroación do encoro ata o punto de restitución e, no seu defecto, ata o leito do encoro:

Tramos do salto bruto	Por cada metro
Ata 30 m	0,0001
De 30,01 a 100 m	0,0005
De 100,01 a 300 m	0,001
De 300,01 a 600 m	0,01
De 600,01 m en adiante	0,04

b = será o resultado de aplicar, de ser o caso, a seguinte escala á potencia instalada do aproveitamento en MW:

Tramos de potencia	Por cada MW
Ata 200 MW	0,0005
De 200,01 MW en adiante	0,001

A aplicación do coeficiente anterior non poderá supoñer, de ser o caso, unha redución superior ao 25 por cento da cota inicial."

EMENDAS MANTIDAS:

-Do G.P. En Marea.
Emenda nº2, de Adición.

Débese engadir un artigo 1 ter) co seguinte texto:

"Artigo 1 ter. Implantación dun novo imposto sobre grandes propietarios de vivendas baleiras

No prazo de dous meses, o Goberno da Xunta de Galicia elaborará as propostas normativas necesarias para a implantación dun novo imposto autonómico sobre os grandes propietarios de vivendas baleiras e será aprobado polo Parlamento de Galicia."

EMENDAS MANTIDAS:

-Do G.P. En Marea.
Emenda nº3, de Adición.

Débese engadir un artigo 1 quater) co seguinte texto:

"Artigo 1 *quater*

Modifícase o artigo 4 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto legislativo 1/2011, do 28 de xullo, que queda redactado como segue:

Artigo 4. Escala autonómica ou complementaria do Imposto sobre a renda das persoas físicas.

Os tipos da escala autonómica, de aplicación á Comunidade Autónoma de Galicia, do imposto sobre a renda das persoas físicas serán os seguintes:

Base Liquidable dende	Cota íntegra euros	Resto base liquidable ata euros	Tipo aplicable porcentaxe
0	0,00	0	9,40%
12.450	1.182,75	12.450,00	11,75%
20.200	2.093,38	7.500,00	15,50%
27.700	3.255,88	7.500,00	17,00%
35.200	4.530,88	12.400,00	18,50%
47.600	6.824,88	12.400,00	21,00%
60.000	10.200,00	10.000,00	23,00%
70.000	12.600,00	20.000,00	23,50%
90.000	17.550,00	40.000,00	24,00%
130.000	26.000,00	20.000,00	24,50%
150.000	32.250,00	En diante	25,00%

As leis de orzamentos xerais da Comunidade Autónoma de Galicia poderán modificar a escala prevista neste artigo.

EMENDAS MANTIDAS:

-Do G.P. En Marea.
Emenda nº4, de Adición.

Débese engadir un novo artigo 1 *quinquies* co seguinte texto:

"Engádese un novo artigo 13 *bis* ao Texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto legislativo 1/2011, do 28 de xullo, que queda redactado como segue:

"Artigo 13 bis. Escala autonómica do imposto sobre o patrimonio

Os tipos da escala autonómica, de aplicación na Comunidade Autónoma de Galicia, do imposto sobre o patrimonio serán os seguintes:

Base liquidable ata euros	Cota íntegra euros	Resto base liquidable ata euros	Tipo aplicable porcentaxe
0	0,00	167.129,45	0,24
167.129,45	401,11	167.123,43	0,36
334.252,88	1.002,46	334.246,87	0,61
668.499,75	3.041,66	668.499,76	1,09
1.336.999,51	10.328,31	1.336.999,50	1,59
2.673.999,01	31.319,20	2.673.999,02	2,09
5.437.998,03	86.403,20	5.437.998,04	2,62
10.695.996,06	222.242,73	en diante	3,28

As leis de orzamentos xerais da Comunidade Autónoma de Galicia poderán modificar a escala prevista neste artigo."

EMENDAS MANTIDAS:

-Do G.P. En Marea.
Emenda nº5, de Adición.

Débesse engadir un novo artigo 1 *sexies* co seguinte texto:

"Artigo 1 *sexies*. Modifícase o artigo 12 da Lei 12/1995, do 29 de decembro, do imposto sobre contaminación atmosférica, e quedaría:

Artigo 12. *Cota tributaria*

1. A cota tributaria virá determinada pola aplicación da seguinte tarifa impositiva por tramos de base:

Tramos de base	Euros/tm
De 0 a 100,00 tm anuais	0
De 100,01 a 1.000,00 tm anuais	36
De 1.000,01 a 3.000,00 tm anuais	50
De 3.000,01 a 7.000,00 tm anuais	70
De 7.000,01 a 15.000,00 tm anuais	98
De 15.000,01 a 40.000,00 tm anuais	124
De 40.000,01 a 80.000,00 tm anuais	155
De 80.000,01 tm anuais en adelante	207"

DITAME DA COMISIÓN:

Artigo 2. Liquidación e pagamento da taxa fiscal sobre xogos de sorte, envite ou azar

Modifícase o artigo 31 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto lexislativo 1/2011, do 28 de xullo, que queda redactado como segue:

«Artigo 31. Liquidación e pagamento da taxa fiscal sobre xogos de sorte, envite ou azar

1. Os suxeitos pasivos da taxa que grava o xogo ao que se refire o punto 3 da alínea Tres do artigo 20 deberán presentar nas condicións, forma, lugar e prazos determinados por orde da consellaría competente en materia de facenda, unha declaración por cada máquina en explotación, e deberán autoliquidar e ingresar a cota trimestral legalmente establecida que corresponda á tipoloxía e ás características da autorización da máquina.

2. Os suxeitos pasivos da taxa que grava os xogos aos que se refiren os puntos 2 e 4 da alínea Tres do artigo 20 deberán presentar, nas condicións, forma, lugar e prazos determinados por orde da consellaría competente en materia de facenda, declaración dos feitos sometidos a gravame por cada establecemento de xogo para o que teñan autorización. Estes suxeitos pasivos estarán obrigados a efectuar pagamentos á conta do importe da débeda tributaria definitiva, por aplicación do tipo de gravame sobre a base imponible provisional acumulada desde o principio do período impositivo ata o final do prazo ao que se refire o pagamento, autoliquidando e ingresando o seu importe na contía, condicións, forma, lugar e prazos determinados na orde da consellaría competente en materia de facenda.

3. Os suxeitos pasivos da taxa que grava os xogos aos que se refire o punto 1 da alínea Tres do artigo 20 deberán presentar, nas condicións, forma, lugar e prazos determinados por orde da consellaría competente en materia de facenda, declaración dos feitos sometidos a gravame. Estes suxeitos pasivos estarán obrigados a efectuar pagamentos á conta do importe da débeda tributaria definitiva, por aplicación do tipo de gravame sobre a base imponible provisional acumulada desde o principio do período impositivo ata o final do prazo ao que se refire o pagamento, autoliquidando e ingresando o seu importe na contía, condicións, forma, lugar e prazos determinados na orde da consellaría competente en materia de facenda.

4. A consellaría competente en materia de facenda aprobará, de ser o caso, os modelos mediante os cales os suxeitos

pasivos deberán declarar, autoliquidar e ingresar o importe correspondente nas condicións, forma, lugar e prazos que determine regulamentariamente. A consellaría competente en materia de facenda poderá dispor que as declaracións e/ou autoliquidacións do tributo se efectúen mediante os programas informáticos de axuda que, se é o caso, se aproben. Así mesmo, poderá dispor a obrigatoriedade da súa presentación e o pagamento mediante medios telemáticos.»

NON SE PRESENTARON EMENDAS

DITAME DA COMISIÓN:

CAPÍTULO II

Tributos propios

Artigo 3. Taxas

Un. Elévanse os tipos das taxas de contía fixa vixentes na Comunidade Autónoma de Galicia ata a cantidade que resulte da aplicación do coeficiente do 1,01 ás contías exixibles á entrada en vigor desta lei, exceptuando as tarifas que experimenten algunha modificación na contía na alínea Dous deste artigo. Este coeficiente seralles de aplicación tanto ás contías de carácter mínimo ou máximo como ás deducións, que se establecen en todo tipo de tarifas, tanto de taxas de contía fixa como variable.

Considéranse taxas de contía fixa cando non están determinadas por unha porcentaxe sobre unha base ou esta non se valora en unidades monetarias.

Exceptúanse do incremento establecido anteriormente aquelas taxas que se recadan mediante efectos timbrados.

Dous. Introdúcense as seguintes modificacións na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, na súa redacción vixente:

1) Modifícase a letra c) da alínea 2 do artigo 40, Bonificacións e exencións, que queda redactada como segue:

«c) Cando na instalación e na actividade obxecto de concesión ou autorización se implante un sistema de xestión medioambiental ou de xestión da calidade na prestación dos servizos e se acredite estar en posesión dunha certificación medioambiental ou de calidade, específica da concesión ou autorización, serán aplicables as seguintes bonificacións sobre o valor resultante da taxa de ocupación de terreos e augas do porto:

A) EMAS: a bonificación será do 1,5 %.

B) ISO 14001: a bonificación será do 1 %.

C) Bandeira azul: a bonificación será do 1 %.

D) Q de calidade: a bonificación será do 1,5 %.

A bonificación aplicarase anualmente logo da presentación da citada certificación.

A porcentaxe máxima de bonificación acumulada que se pode aplicar por estes apartados é dun 3,5 %.»

2) Modifícase a letra d) da alínea 2 do artigo 40, Bonificacións e exencións, que queda redactada como segue:

«d) Cando o titular da concesión ou autorización sexa algún órgano das administracións públicas e o obxecto daquelas sexan actividades

de interese social e cultural. O importe desta bonificación será do 50 % da contía correspondente.

Esta bonificación non é acumulable a descrita na letra g)».

3) Modifícase a letra f) da alínea 2 do artigo 40, Bonificacións e exencións, que queda redactada como segue:

«f) Cando a ocupación do dominio público teña por destino a construción ou a explotación de naves de redes, sempre e cando estas naves presten un servizo xeral aos usuarios do porto, a contía da taxa correspondente a esta ocupación para os usos mencionados terá unha bonificación do 95 %.»

4) Modifícase a letra g) da alínea 2 do artigo 40, Bonificacións e exencións, que queda redactada como segue:

«g) Cando nas concesións ou autorizacións de dominio público portuario outorgadas a outras administracións ou a entidades náuticas ou culturais sen ánimo de lucro para actividades de ensinanza da náutica deportiva ou de conservación ou recuperación de embarcacións tradicionais terá unha bonificación do 90 % no que se refire exclusivamente a estas actividades, sempre que non sexan obxecto de explotación económica.»

5) Modifícase a subalínea 02 da alínea 11 do anexo 1, que queda redactada como segue:

«02 Permiso de apertura ou traslado 4.767,33»

6) Modifícase a subalínea 04 da alínea 11 do anexo 1, que queda redactada como segue:

«04 Modificación autorización instalación 2.383,71»

7) Modifícase a subalínea 05 da alínea 11 do anexo 1, que queda redactada como segue:

«05 Modificación inscrición no Rexistro de Casinos de Xogos 476,82»

8) Engádese unha subalínea 09 á alínea 11 do anexo 1:

«09 Transmisión da autorización de instalación dun casino de xogos 2.860,43»

9) Engádese unha subalínea 10 á alínea 11 do anexo 1:

«10 Utilización nova dependencia para almacenar naipes 114,55»

10) Engádese unha subalínea 08 á alínea 17 do anexo 1:

«08 Autorización para a realización de actas de non-inicio anticipadas nas axudas destinadas ao sector da pesca, marisqueo e acuicultura 65,00»

11) Modifícase o penúltimo apartado da alínea 19 do anexo 1, que queda redactado como segue:

«Probas de aptitude para a obtención do certificado profesional de capitán de pesca

— Curso completo 120

— Por materia 35»

12) Engádesse un apartado á subalínea 02 da alínea 20 do anexo 1:

«Solicitud de homologación a títulos de máster de ensinanzas artísticas. 90,09»

13) Modifícase a subalínea 03 da alínea 20 do anexo 1, que queda redactada como segue:

«03 Expedición de títulos académicos e profesionais correspondentes ás ensinanzas establecidas pola LOE e dos seus duplicados

Título/Tarifas (en €)	Tarifa normal	Familia numerosa categoría xeral	Familia numerosa categoría especial	Duplicado
Bacharel	49,82	24,94	0	4,58
Técnico	20,36	10,21	0	2,36
Técnico superior	49,82	24,94	0	4,58
Título superior de Conservación e Restauración de Bens Culturais	65,26	32,64	0	6,53
Certificado de nivel avanzado de idiomas	23,90	11,97	0	2,36
Profesional de música	23,80	11,90	0	2,21
Profesional de danza	23,80	11,90	0	2,21
Título superior de Música	65,26	32,64	0	6,53
Título superior de Danza	65,26	32,64	0	6,53
Técnico deportivo	20,77	10,40	0	2,40
Técnico deportivo superior	50,81	25,45	0	4,67
Título superior de Deseño	65,26	32,64	0	6,53
Título superior de Artes	65,26	32,64	0	6,53

Plásticas

Título superior de Artes Dramáticas	65,26	32,64	0	6,53
-------------------------------------	-------	-------	---	------

14) Modifícase a subalínea 04 da alínea 07 do anexo 2, que queda redactada como segue:

«04 Expedición de certificados zoosanitarios e zootécnicos, incluídos os relacionados cos movementos de animais vivos e produtos de orixe animal, salvo que as tramitacións de autorizacións de traslado de animais se realicen de xeito telemático a través da Oficina Agraria Virtual da consellaría competente en materia de gandaría e acuicultura. (mínimo 2,88 € por cada certificación):

-Équidos, bóvidos adultos e similares (por animal)	2,40
Máximo	47,77
Ovino, caprino, porcino, tenreiros, colmeas e similares (por animal ou colmea)	0,443035
Máximo	13,28
-Leitóns, cordeiros, cabritos e animais de peletaría (por animal)	0,257245
Máximo	13,28
-Coellos e similares, galiñas e outras aves (por animal), esperma, óvulos e embrións (por unidade)	0,008862
Máximo	13,28
-Peixes vivos, gametos, ovos embrionados, crustáceos e moluscos para reinmersión, por tonelada ou fracción	1,85
Máximo	22,12
-Produtos de orixe animal, incluídos os destinados á alimentación animal (por tonelada)	2,24
Máximo	26,51
Certificado de transporte	2,85
Comprobación de carga:	

* Équidos, bóvidos e similares	124,81
* Porcino, ovino, caprino e similares	83,21
* Aves, coellos, visóns, colmeas e similares	41,60
-Esperma, óvulos e embrións (por unidade)	0,014721
Máximo	35,73»

15) Modifícase a subalínea 08 da alínea 07 do anexo 2, que queda redactada como segue:

«08 Revisión, toma de mostras e informes técnicos a petición de parte de industrias, explotacións gandeiras e operadores comerciais de animais acuáticos e explotacións de acuicultura non previstos nos programas oficiais:

-Sen saír ao campo, a industria, establecemento ou explotación	28,72
-Con saída ao campo, a industria, establecemento ou explotación	162,20
-De ser necesario saír máis dun día, por cada día de máis	133,56
De ser o caso, por foto	2,96
Visitas posteriores para verificar a adopción das medidas correctoras requiridas, por día	133,56»

16) Modifícase a subalínea 09 da alínea 07 do anexo 2, que queda redactada como segue:

«09 Autorización e rexistro de comerciantes de gando, transportistas, medios de transporte, centros de concentración de gando e operadores comerciais de animais acuáticos

- Autorización e rexistro de operadores comerciais, transportistas ou medios de transporte de gando	9,65
-Expedición da acreditación de operador comercial, transportista ou medios de transporte de gando	9,65
-Renovación da autorización de operadores comerciais de gando e de animais acuáticos, transportistas ou medios de transporte, cando así o estableza a normativa	11,27
-Expedición de duplicados da acreditación de operador comercial, transportista ou medios de transporte de gando	19,29

-Autorización de centros de concentración de gando 107,17

-Revisión e renovación anual de centros de concentración 35,73»

17) Engádesse unha subalínea 08 á alínea 44 do anexo 2, co seguinte contido:

«08 Detección de Norovirus GI e GII en mostras de moluscos co método PCR en tempo real 279,05»

18) Créase a alínea 52 no anexo 2, co seguinte contido:

«52 Autorización «Mercado excelente» 300,00»

19) Modifícase a subalínea 06 da alínea 07 do anexo 3, que queda redactada como segue:

«06 Autorización de organismos notificados, laboratorios de ensaio, entidades colaboradoras de administración, entidades auditoras e de inspección e laboratorios de calibración industrial 220,44»

20) Elimínase a alínea 09 do anexo 3

21) Elimínase a alínea 10 do anexo 3

22) Elimínase a alínea 12 do anexo 3

23) Elimínase a alínea 13 do anexo 3

24) Modifícase a alínea 15 do anexo 3, que queda redactada como segue:

«15 Servizo de guindastres torre

01 Posta en servizo de guindastre torre (25+alcance en m*carga en kg/1000)

02 Modificación do rexistro (25+valor absoluto da variación do alcance en metros*valor absoluto da variación da carga en kg/1000)»

25) Modifícase a alínea 18 do anexo 3, que queda redactada como segue:

«18 Autorización de instalacións eléctricas e de gas

-Base de aplicación. Orzamento de execución material do proxecto

-Ata 3.000 €	52,50
-De 3000,01 ata 7.500	67,50
-De 7.500,01 ata 15.000	90,00
-De 15.000,01 ata 30.000	120,00
-De 30.000,01 ata 45.000	150,00
-De 45.000,01 ata 60.000	180,00
-Por cada 6.000 € ou fracción de exceso ata 6.000.000 €	7,50
-Por cada 6.000 € ou fracción que exceda de 6.000.000 €	1,50»

No caso de denegación da autorización, devindicarase o 50 % da tarifa anterior

26) Modifícase a alínea 19 do anexo 3, que queda redactada como segue:

«19 Rexistros de instalacións afectadas por regulamentos de Seguridade Industrial

01 Inscripción ou modificación de importancia no rexistro de ascensores	25+(Percorrido en m*Carga do ascensor [100 kg])/2
02 Bombonas de gas	25+0,05*(Peso en kg)
03 Inscripción no rexistro de depósitos de gas	25+10*(Capacidade en m ³)
04 Inscripción no rexistro de instalacións eléctricas receptoras	25+0,6*(Pot. en kW)
05 Inscripción no rexistro de instalacións frigoríficas	25+0,6*(Pot. do compresor en kW)
06 Inscripción ou modificación no rexistro de guindastres móbiles autopropulsados	25
07 Inscripción ou modificación no rexistro de guindastres torre	25
08 Inscripción no rexistro de instalacións térmicas nos edificios	25+0,6*(Pot. en kW térmicos)

10 Inscripción no rexistro de instalacións petrolíferas	25+3*(Capacidade en m ³)
11 Inscripción no rexistro de instalacións de protección contra incendios	25+10*Nivel de risco+0,01*(Superficie en m ²)
12 Inscripción no rexistro de instalacións receptoras de gas	25+0,2*(Pot. en kW)
13 Inscripción no rexistro de instalacións de almacenamento de produtos químicos (APQ)	
-Base de aplicación. Importe da maquinaria e instalacións:	
-Ata 3.000 €	35,00
-De 3.000,01 ata 7.500	45,00
-De 7.500,01 ata 15.000	60,00
-De 15.000,01 ata 30.000	80,00
-De 30.000,01 ata 45.000	100,00
-De 45.000,01 ata 60.000	120,00
-Por cada 6.000 € ou fracción de exceso ata 6.000.000 €	5,00
-Por cada 6.000 € ou fracción que exceda de 6.000.000 €	1,00
14 Inscripción no rexistro de instalacións con equipos a presión	
-Base de aplicación. Importe da maquinaria e instalacións	
-Ata 3.000 €	35,00
-De 3.000,01 ata 7.500	45,00
-De 7.500,01 ata 15.000	60,00
-De 15.000,01 ata 30.000	80,00
-De 30.000,01 ata 45.000	100,00
-De 45.000,01 ata 60.000	120,00
-Por cada 6.000 € ou fracción de exceso ata 6.000.000 €	5,00

-Por cada 6.000 € ou fracción que exceda de 6.000.000 € 1,00

15 Inscripción ou modificación no rexistro de instalacións eléctricas de alta tensión e de liñas eléctricas de baixa tensión

Base de aplicación. Orzamento de execución material do proxecto:

-Ata 3.000 € 35,00

-De 3.000,01 ata 7.500 45,00

-De 7.500,01 ata 15.000 60,00

-De 15.000,01 ata 30.000 80,00

-De 30.000,01 ata 45.000 100,00

-De 45.000,01 ata 60.000 120,00

-Por cada 6.000 € ou fracción de exceso ata 6.000.000 € 5,00

-Por cada 6.000 € ou fracción que exceda de 6.000.000 € 1,00

No caso de denegación da autorización, devindicarase o 50 % da tarifa anterior

16 Inscripción ou modificación no rexistro de placas de inspeccións periódicas de equipos a presión 25

30 Modificación no rexistro de instalacións de almacenamento de produtos químicos (APQ)

-Base de aplicación. Variación en valor absoluto do importe da maquinaria e instalacións:

-Ata 3.000 € 35,00

-De 3.000,01 ata 7.500 45,00

-De 7.500,01 ata 15.000 60,00

-De 15.000,01 ata 30.000 80,00

-De 30.000,01 ata 45.000 100,00

-De 45.000,01 ata 60.000 120,00

-Por cada 6.000 € ou fracción de exceso ata 6.000.000 €	5,00
-Por cada 6.000 € ou fracción que exceda de 6.000.000 €	1,00
31 Modificación no rexistro de instalacións con equipos a presión	
-Base de aplicación. Variación en valor absoluto do importe da maquinaria e instalacións:	
-Ata 3.000 €	35,00
-De 3.000,01 ata 7.500	45,00
-De 7.500,01 ata 15.000	60,00
-De 15.000,01 ata 30.000	80,00
-De 30.000,01 ata 45.000	100,00
-De 45.000,01 ata 60.000	120,00
-Por cada 6.000 € ou fracción de exceso ata 6.000.000 €	5,00
-Por cada 6.000 € ou fracción que exceda de 6.000.000 €	1,00
32 Modificación no rexistro de instalacións eléctricas receptoras	25+0,6*valor absoluto da variación da potencia en kW
33 Modificación no rexistro de instalacións petrolíferas	25+3*valor absoluto da variación da capacidade en m ³
34 Modificación no rexistro de instalacións de protección contra incendios	25+10*valor absoluto da variación Nivel de risco+0,01*valor absoluto da variación da superficie en m ²
35 Modificación no rexistro de instalacións frigoríficas	25+0,6* valor absoluto da variación da potencia do compresor en kW

36 Modificación no rexistro de inhalacións térmicas nos edificios	25+0,6*valor absoluto da variación da potencia en kW térmicos
37 Modificación no rexistro de depósitos de gas	25+10*valor absoluto da variación da capacidade en m ³
38 Modificación no rexistro de instalacións receptoras de gas	25+0,2*valor absoluto da variación da potencia en kW
80 Baixa nos rexistros de instalacións afectadas por regulamentos de seguridade industrial	4,87»
27) Engádese unha subalínea 15 á alínea 29 do anexo 3:	
«15 Transmisión, arrendamento ou gravame de dereito mineiro	
Base en función do tipo do dereito mineiro	
Permisos de exploración sección C) e D)	25 % da tarifa consignada na subalínea 01
Permisos de investigación sección C) e D)	25 % da tarifa consignada na subalínea 02
Concesión de explotación derivada de permiso de investigación sección C) e D)	25 % da tarifa consignada na subalínea 03
Concesión de explotación directa sección C) e D)	25 % da tarifa consignada na subalínea 04
Recursos da sección B) a excepción das augas minerais e termais	25 % da tarifa consignada na subalínea 05
Recursos da sección A)	25 % da tarifa

consignada na
subalínea 06»

28) Modifícase a subalínea 04 da alínea 36 do anexo 3, que queda redactada como segue:

«04 Inspección, informes e outras actuacións por petición do interesado realizadas por persoal de Inspección Pesqueira

Sen saída á industria, establecemento ou explotación	27,69
Con saída á industria, establecemento ou explotación	156,66
Con saída ao mar	184,31»

29) Modifícase a subalínea 06 da alínea 37 do anexo 3, que queda redactada como segue:

«06 Autorización administrativa doutras instalacións de produción eléctrica

-Base de aplicación. Orzamento de execución material do proxecto

-Ata 3.000 €	52,50
-De 3.000,01 ata 7.500	67,50
-De 7.500,01 ata 15.000	90,00
-De 15.000,01 ata 30.000	120,00
-De 30.000,01 ata 45.000	150,00
-De 45.000,01 ata 60.000	180,00
-Por cada 6.000 € ou fracción de exceso ata 6.000.000 €	7,50
-Por cada 6.000 € ou fracción que exceda de 6.000.000 €	1,50»

No caso de denegación da autorización, devindicarase o 50 % da tarifa anterior

30) Modifícase a subalínea 04 da alínea 52 do anexo 3, que queda redactada como segue:

«04 Inscripción no Rexistro xeral de Produtores e Xestores de Residuos de Galicia

- pequeno produtor de residuos perigosos (<10 t/ano)	172,95
--	--------

- produtor de residuos perigosos (>10 t/ano)	172,95
- produtor de residuos non perigosos (>1.000 t/ano)	172,95
- produtor de lodos con destino a agricultura	172,95
- transportista profesional de residuos perigosos e de residuos non perigosos	172,95
- negociante para residuos perigosos e para residuos non perigosos	172,95
- axente para residuos perigosos e para residuos non perigosos	172,95»

31) Elimínase a subalínea 07 da alínea 52 do anexo 3.

32) Elimínase a subalínea 12 da alínea 52 do anexo 3.

33) Engádese unha subalínea 20 á alínea 52 do anexo 3:

«20 Modificación da inscrición por ampliación do prazo de almacenamento de residuos	50,30»
---	--------

34) Engádese unha subalínea 21 á alínea 52 do anexo 3:

«21 Modificación da inscrición por recodificación de residuos producidos	150»
--	------

35) Modifícase a alínea 59 do anexo 3, eliminando a subalínea 01, que queda redactada como segue:

«59 Informe de avaliación de ensaios clínicos con medicamentos de uso humano ou produtos sanitarios, de estudos postautorización de seguimento prospectivo e doutros estudos neste ámbito

02 Avaliación de novos ensaios clínicos, con medicamentos de uso humano ou produtos sanitarios	2.982,00
--	----------

03 Avaliación de novos estudos post-autorización de seguimento prospectivo, por avaliación global	652,65
---	--------

04 Modificacións relevantes aos protocolos de ensaios clínicos con medicamentos de uso humano ou produtos sanitarios aprobados	1.029,00
--	----------

05 Avaliación doutros estudos non incluídos nos apartados anteriores	111,00»
--	---------

36) Modifícase a alínea 68 do anexo 3, que queda redactada como segue:

«68 Obras hidráulicas de regulación xestionadas pola Administración Hidráulica da Comunidade Autónoma de Galicia, por metro cúbico de auga captado	0,017»
--	--------

37) Engádese a subalínea 04 á alínea 77 do anexo 3:

«04 Aprobación proxecto de perforación xeotérmica de moi baixa entalpía

-Base de aplicación. Orzamento consignado no proxecto

Ata 2.500,00 €	50,00
De 2.500,01 ata 5.000,00 €	70,00
De 5.000,01 ata 10.000,00 €	90,00
De 10.000,01 ata 20.000,00 €	110,00
De 20.000,01 ata 40.000,00 €	130,00
De 40.000,01 ata 60.000,00 €	162,20
Por cada 6.000 € ou fracción de exceso ata 6.000.000 €	7,5
Por cada 6.000 € ou fracción de exceso sobre 6.000.000 €	1,5»

38) Créase a alínea 80 no anexo 3, co seguinte contido:

«80 Revisión e verificación do cumprimento dos compromisos adquiridos polos importadores de produtos co Servizo Oficial de Inspección, Vixilancia e Regulación do Comercio Exterior (Soivre) para a súa comercialización

Sen saír ao campo	28,72
Con saída ao campo	162,20
De ser necesario saír máis dun día, por cada día de máis	133,56
De ser o caso, por foto	2,96
Visitas posteriores de verificación, por día	133,56»

39) Modifícase a letra a) da regra quinta da tarifa X-4, contida na subalínea 01 da alínea 99 do anexo 3, que queda redactada como segue:

«a) Con utilización de lonxa non concesionada ou autorizada:

Para a pesca descargada por vía marítima ou que accede ao recinto pesqueiro por vía terrestre: o 3 %.»

40) Modifícase a regra décimo cuarta da tarifa X-4, contida na subalínea 01 da alínea 99 do anexo 3, que queda redactada como segue:

«Décimo cuarta. Para potenciar a captación e consolidación de tráfico pesqueiros en cada porto, Portos de Galicia poderá aplicar bonificacións singulares sobre a contía desta tarifa a aqueles tráfico pesqueiros que sexan sensibles para a economía de Galicia ou que teñan a condición de prioritarios ou estratéxicos, de forma que poidan articularse accións comerciais axeitadas a determinados tipos de tráfico e operacións en colaboración co sector privado e a súa adaptación ás condicións de mercado.

Só terán dereito a estas bonificación os suxeitos pasivos con compromisos de tráfico relevantes pesqueiros aprobados no correspondente convenio que se subscriba, por un período máximo de tres anos, con Portos de Galicia, sempre e cando a pesca proveña de descargas realizadas en portos localizados fóra da Comunidade Autónoma de Galicia.

Os parámetros de cuantificación en relación co suxeito pasivo serán:

- a) O tipo de tráfico comprometido.
- b) O volume de tráfico comprometido e a súa evolución anual no período de vixencia do convenio, medido en toneladas de pesca fresca e facturación da primeira venda efectuada.

A máxima bonificación que se poderá acadar sobre a contía da tarifa será do 50 %, en función da seguinte táboa:

	Pesca descargada noutra comunidade autónoma	Pesca descargada noutros países
t descargadas/ano	Porcentaxe de bonificación	Porcentaxe de bonificación
Entre 500 t e 1.000 t	5 %	10 %
Entre 1.000 t e 1.500 t	10 %	20 %
Entre 1.501 t e 2.000 t	15 %	30 %
Máis de 2.000 t	20 %	40 %

Se o valor da pesca comprometida supera os 5.000.000 € anuais, calculado con base en prezos reais das vendas en lonxa efectuadas o ano anterior segundo a especie comprometida, á bonificación engadiráselle un novo sumando do 5 %.

Se o tráfico comprometido supera o concertado no período anterior nunha porcentaxe superior ou igual ao 10 %, sumarase ás porcentaxes anteriores un 10 % de bonificación adicional.

A bonificación resultante será a suma das porcentaxes indicadas anteriormente, e a máxima bonificación acumulada que se poderá aplicar sobre a contía da tarifa será do 50 %, que non será acumulable a outras bonificacións de aplicación a esta tarifa.»

41) Modifícase a regra décimo quinta da tarifa X-5, contida na subalínea 01 da alínea 99 do anexo 3, que queda redactada como segue:

«Décimo quinta. Para potenciar a captación e consolidación de recepción nas instalacións portuarias de embarcacións deportivas así como para promover a difusión de Galicia no exterior, tanto de embarcacións de base como en tránsito procedentes doutros países ou comunidades autónomas, Portos de Galicia poderá, mediante a formalización dun convenio específico, aplicar bonificacións singulares sobre a contía desta tarifa a aqueles tráficos que teñan a condición de relevantes ou estratéxicos para a difusión da imaxe de Galicia, para o fomento do turismo galego ou para incrementar o grao de ocupación das instalacións náuticas, de forma que poidan articularse accións comerciais axeitadas e en reciprocidade con determinadas entidades homólogas.

Só terán dereito a estas bonificacións as entidades públicas e privadas que se comprometan a ocupar prazas de amarre, mediante embarcacións propias ou de terceiros representados por estas entidades, en portos da Comunidade Autónoma de Galicia, que sexan considerados relevantes polo seu número, tempo de estadias e polo grao de ocupación do porto solicitado, e deberán formalizarse compromisos anuais no correspondente convenio con Portos de Galicia. A entidade asinante do convenio subrogarase nas obrigas de pagamentos dos suxeitos pasivos que utilicen as instalacións.

Os parámetros de cuantificación en relación co suxeito pasivo serán:

- a) O número de embarcacións: se se superan 10 embarcacións/ano, aplicaríase un 10 %, e se se superan 20 embarcacións/ano, un 20 % de bonificación. Para os efectos do cálculo do cómputo das embarcacións susceptibles de bonificación, serán tidas en conta unicamente aquelas embarcacións que non recalasen en anos anteriores nas instalacións de competencia de Portos de Galicia, agás aquelas embarcacións participantes en rutas ou circuítos náuticos considerados de interese pola súa difusión relevante da imaxe de Galicia no exterior.
- b) O tempo total de estadía durante o período polo número de embarcación: se se superan 500 días de estadía pola totalidade das embarcacións sería de aplicación un 10 %, e se se superan os 1.000 días de estadía pola totalidade das embarcacións, un 20 %.
- c) O grao de ocupación do porto, potenciando a ocupación de portos cun grao de ocupación medio ou baixo: se o grao de ocupación do porto é inferior ao 75 %, aplicaríaselles un 10 % de bonificación, e se é inferior a un 50 %, aplicaríaselles un 20 % de bonificación.

A bonificación resultante será a suma das porcentaxes indicadas nas letras a), b) e c) e a máxima bonificación acumulada que se poderá aplicar sobre a contía da tarifa será do 30 %, sendo acumulable a outras bonificacións de aplicación a esta tarifa.»

42) Modifícase a regra primeira da tarifa E-2, contida na subalínea 02 da alínea 99 do anexo 3, que queda redactada como segue:

«Primeira. Esta tarifa abrangue a utilización de explanadas, alpendres, pendellos, almacéns, depósitos, locais e edificios, cos seus servizos xerais correspondentes, e a lámina de auga por artefactos ou estruturas flotantes que non teñan consideración de barco, non explotados en réxime de concesión.»

43) Modifícase a regra quinta da tarifa E-2, contida na subalínea 02 da alínea 99 do anexo 3, que queda redactada como segue:

«Quinta. Para os efectos exclusivos de aplicación desta tarifa establécese a clasificación seguinte:

Grupo A. Composto polos seguintes portos:

Zona norte: Celeiro, Burela, Ribadeo, Cedeira e Cariño.

Zona centro: Sada, Malpica, Laxe, Cabo de Cruz, Rianxo, Ribeira, Cee, Muros, Aguiño, Fisterra, Portosín e A Pobra do Caramiñal.

Zona sur: Portonovo, O Grove, Bueu, Cangas, Moaña, O Xufre, Tragove (Cambados), Vilanova e Combarro.

Grupo B. Composto polos seguintes portos:

Zona norte: Foz, San Cibrao, O Vicedo, Ortigueira e Ares.

Zona centro: Betanzos, Lorbé, Caión, Corcubión, Pontedeume, Corme, Camariñas, Muxía, Porto do Son, Portocubelo, O Freixo e O Testal.

Zona sur: Sanxenxo, Pontevedra, Aldán, Meira, Domaio, Meloxo, Baiona, A Guarda, Vilaxoán, Cambados (Santo Tomé e peirao en T) e San Vicente.

Grupo C. Restantes portos e instalacións non incluídos nos grupos anteriores.»

44) Modifícase a regra sexta da tarifa E-2, contida na subalínea 02 da alínea 99 do anexo 3, que queda redactada como segue:

«Sexta . Os espazos destinados ao tránsito e almacenamento de mercadorías ou doutros elementos clasifícanse en dúas zonas:

- Zona de manobra e tránsito: inmediata á de atracada dos buques (ata 12 m do cantil do peirao nos portos incluídos nos grupos A e B e ata 5 m nos portos incluídos no grupo C). Nesta zona non se permite o depósito de mercadorías sen autorización previa e expresa en cada caso da dirección do porto correspondente.

- Zonas de almacenamento: as restantes zonas de depósitos do porto, agás a lámina de auga.

- Zonas de lámina de auga: a ocupación da lámina de auga incluída dentro da zona de servizo do porto.»

45) Modifícase a regra sétima da tarifa E-2, contida na subalínea 01 da alínea 99 do anexo 3, que queda redactada como segue:

«Sétima. As contías, expresadas en euros, serán, por metro cadrado ou fracción e día natural ou fracción, as seguintes:

Zona de manobra e tránsito (no caso de existir autorización)	Grupo A	Grupo B	Grupo C
Días 1 ao 10	0,037035	0,024669	0,018548

Días 11 ao 20	0,113430	0,07560	0,056745
Días 21 e seguintes	0,223736	0,149178	0,111899
Zona de almacenamento	Grupo A	Grupo B	Grupo C
Superficie descuberta	0,020201	0,013467	0,010100
Superficie cuberta	0,077620	0,051726	0,038749
Zona de lámina de auga	Grupo A	Grupo B	Grupo C
A menos de 20 m do cantil	0,070691	0,047080	0,035345
A máis de 20 m do cantil	0,032311	0,021522	0,016182

Na zona de almacenamento situada a máis de 35 m do cantil do peirao dos portos incluídos nos grupos A e B aplicarase a tarifa do grupo inmediato inferior correspondente.

Na zona de lámina de auga será de aplicación a contía para menos de 20 m do cantil a todo artefacto ou estrutura aínda que se atope parcialmente a menos desta distancia.

Aos elementos mecánicos tales como guindastres ou cintas móbiles que ocupen superficie descuberta e que sirvan de apoio ás operacións de carga e descarga de mercadorías de toda índole realizadas por vía marítima, que deban estar na zona de manobra e tránsito con carácter fixo ou eventual, seranlles aplicables as contías definidas no cadro anterior para a zona de almacenamento en superficie descuberta aplicada ao grupo correspondente e á superficie ocupada polo aparello e á súa zona de manobra.

En ocupación de superficies cubertas que dispoñan de varios andares, a tarifa que se aplicará segundo o cadro anterior será o sumatorio de cada un dos andares, aplicando o 100 % dela para a planta baixa e o 50 % para os andares primeiro e seguintes, considerando en cada caso a superficie útil correspondente. No caso de que se trate de edificios de departamentos para armadores, exportadores e comercializadores relacionados coas actividades do sector pesqueiro e marisqueiro que sexan de planta baixa ou de planta baixa máis un andar, a tarifa que se aplicará será soamente o 100 % da superficie en planta baixa.

Na ocupación de tubaxes, canalizacións ou instalacións soterradas xerais do porto, a tarifa será o 50 % do que lle correspondería segundo os cadros anteriores, agás que o seu uso impida a utilización da superficie exterior. Neste caso, a tarifa será a indicada nesta regra para a superficie descuberta. A superficie que se considerará para canalizacións será a da proxección horizontal da tubaxe ou instalación de que se trate, cunha superficie mínima de 0,5 m² por cada metro lineal de canalización.

As contías da tarifa para as ocupacións de superficie destinadas a usos non relacionados directamente coas actividades portuarias serán as seguintes:

Zona terrestre	Grupo A	Grupo B	Grupo C
Días 1 ao 10	0,100101	0,067334	0,050504
Días 11 e seguintes	0,202020	0,134667	0,101008
Zona de lámina de auga	Grupo A	Grupo B	Grupo C
A menos de 20 m do cantil	0,70691	0,47080	0,35345
A máis de 20 m do cantil	0,32311	0,21522	0,16182

46) Modifícase a regra quinta da tarifa E-3, contida na subalínea 02 da alínea 99 do anexo 3, que queda redactada como segue:

«Quinta. As contías da tarifa por subministración de enerxía eléctrica serán as seguintes:

- Por KWh ou fracción subministrada a través das tomas propiedade de Portos de Galicia: 0,331849 €. A facturación mínima será de 3,840155 €.

- As contías da taxa para as restantes instalacións:

As bases de cálculo da taxa portuaria defínense segundo os conceptos de enerxía establecidos en referencia directa ao cálculo da factura eléctrica do mercado retalista español establecido no Real decreto 1164/2001 e, en particular, á tarifa PVPC simple dun único período 2.0A, establecida no Real decreto 216/2014, con prezos dos termos de peaxes de acceso e marxe de comercialización fixa vixentes, segundo a formulación seguinte:

Taxas E-3 no período de devindicación= (PA+EA) x Rv x IE + Ct.

Sendo:

— Concepto de potencia accesible (PA): resulta da aplicación do prezo da potencia vixente no ano natural de devindicación. Fíxase para o exercicio 2017 e seguintes unha contía de 0,1152 €/kW.día, multiplicado pola potencia dispoñible da instalación, que vén determinada polo calibre do interruptor xeral de protección da liña de acometida (kW), multiplicado polos días comprendidos no período de facturación.

No suposto de que a contía sufrise variacións, tomarase a nova tarifa legalmente aprobada.

— Concepto de enerxía activa (EA): resulta da aplicación do prezo da enerxía vixente no ano natural de devindicación, multiplicado pola diferenza de lecturas do equipo de medida tomadas o primeiro día e o último do período de devindicación en kWh.

O prezo da enerxía vixente no ano natural será unha contía fixa para todo o ano natural, sendo este valor o prezo medio da enerxía publicado polo Ministerio con competencia en materia de enerxía do período interanual calculado a partir do 1 de xullo. Para o exercicio 2017 este valor medio é de 0,1226 €/kWh.

No suposto de que a contía sufra variacións, tomarase a nova tarifa legalmente aprobada.

— Recarga polo volume de kWh consumidos (Rv): establécese unha recarga da tarifa base consumida comprendida entre o 2 % e o 10 %, dependendo a dita porcentaxe do consumo medio diario realizado durante o período de devindicación, segundo a seguinte táboa:

Media dos kWh consumidos ao día durante o período liquidado	Recarga (%)
Igual ou superior a 300 kWh/día	10 %
Igual ou superior a 200 kWh/día e inferior a 300 kWh/día	8 %
Igual ou superior a 100 kWh/día e inferior a 200 kWh/día	6 %
Igual ou superior a 10 kWh/día e inferior a 100 kWh/día	4 %
Igual ou superior a 5 kWh/día e inferior a 10 kWh/día	2 %

Onde:

$$Rv = 1 + \text{Recarga (\%)} / 100$$

— Imposto eléctrico (IE): sobre o concepto de potencia accesible e o concepto de enerxía activa será de aplicación a porcentaxe correspondente ao imposto eléctrico legalmente establecido polo organismo competente. O imposto eléctrico para o exercicio 2017 e seguintes é dun 5,113 %, non obstante, no suposto de que sufra variacións durante este exercicio, adaptarase a formulación ao imposto vixente no período de devindicación.

Onde:

$$IE = 1 + \text{Gravame imposto eléctrico (\%)} / 100 = 1 + 5,113 / 100 = 1,05113$$

— Contía por posta á disposición de contador (Ct): polos traballos de conexión, desconexión e tramitacións administrativas de instalación e seguimento establécese unha contía fixa de 0,05 €/día en subministracións efectuadas en baixa tensión e de 0,5 €/día en subministracións efectuadas en media tensión, polos días comprendidos entre o primeiro día e o último do período de devindicación.

47) Modifícase a regra novena da tarifa E-4, contida na subalínea 02 da alínea 99 do anexo 3, que queda redactada como segue:

«Novena. As contías da tarifa por aparcamento nas zonas sinaladas expresamente para este fin serán as seguintes:

— Por cada hora ou fracción, ata un máximo de doce horas:

A) Vehículos lixeiros: 0,256011 €

B) Camións, remolques: 0,512020 €

— Por cada período de vinte e catro horas ou fraccións superiores a doce horas:

A) Vehículos lixeiros: 3,072122 €

B) Camións e remolques e outros: 6,144243 €

Prohíbese o aparcamento nas zonas non sinaladas expresamente para este fin.

Portos de Galicia poderalles autorizar aos usuarios do porto, segundo os procedementos que se establezan, o aboamento do servizo de aparcamento, que non implicará reserva de praza, nas zonas portuarias habilitadas por períodos completos mensuais, semestrais e anuais. Neste caso, as tarifas que se deben aboar polo período completo, independentemente do uso efectivo do aparcadoiro, serán as indicadas no seguinte cadro:

Período aboamento	Vehículo lixeiro	Camións, remolques e outros
Mes	46,08	92,16
Semestre	165,89	331,79
Ano	224,26	448,53

Prohíbese o aparcamento dos vehículos alleos ás actividades portuarias, agás autorización expresa en cada caso das autoridades do porto. Naqueles casos nos que se conceda a autorización, de se tratar de vehículos lixeiros, camións ou remolques, aplicarase a tarifa dobre da indicada anteriormente, e, de se tratar de autobuses, aplicarase a tarifa tripla da indicada anteriormente para camións e remolques.

Portos de Galicia poderá establecer concertos anuais para a liquidación desta tarifa cos concellos e outras entidades públicas, cunha redución adicional do 50 % na contía da tarifa. Os concertos estableceranse en función do tipo de servizo, do seu interese e da compatibilidade cos usos portuarios.

No suposto de que se trate dun aparcamento cuberto, a tarifa que se aplicará será a que lle corresponda en función do tipo de vehículo e do período de aboamento, multiplicada por 2 se non dispón de vixilancia específica, e multiplicada por 3 se Portos de Galicia dispón dela.

48) Modifícase a subalínea 03 da alínea 99 do anexo 3, que queda redactada como segue:

«03 Tarifas portuarias polo exercicio de actividades comerciais, industriais e de servizos

1. A prestación por terceiros de servizos e o exercicio de actividades comerciais, industriais ou doutra natureza no ámbito portuario estarán suxeitos a autorización, que devindicará a correspondente taxa a favor da Administración portuaria.

No suposto de que as anteriores actividades impliquen a ocupación do dominio público portuario, a autorización da actividade entenderase incorporada na correspondente concesión ou autorización de ocupación do dominio público, sen prexuízo da existencia das taxas que procedan por ambos os conceptos.

2. Os elementos cuantitativos desta taxa serán o tipo, o volume de actividade e mais a utilidade obtida.

Para os efectos do cálculo da base imponible desta taxa, enténdese por importe neto da cifra anual de negocio o concepto establecido na normativa contable vixente, onde se define como o importe das vendas dos produtos e das prestacións de servizos e outros ingresos correspondentes ás actividades ordinarias desenvoltas na concesión ou autorización, deducíndolle o importe de calquera desconto, bonificación e redución, así como os impostos que, como o imposto sobre o valor engadido, deban ser obxecto de repercusión.

No caso de que o titular da concesión, autorización ou calquera outro título habilitante estea acollido ao réxime de estimación obxectiva singular por módulos do imposto sobre a renda das persoas físicas, para a determinación do importe neto da cifra anual de negocio das actividades comerciais, industriais e de servizos considerárase que este importe será catro veces o importe do rendemento neto previo obtido da declaración do IRPF para as persoas físicas declarado polo titular.

3. A cota da taxa que se satisfará será a que resulte das seguintes disposicións:

3.1. Contías mínimas:

a) Para os efectos da súa liquidación, a contía mínima da taxa establecida nesta alínea será de 2,96 euros.

b) No caso de que a prestación dos servizos ou o exercicio das actividades comerciais ou industriais estean vinculados a unha concesión ou autorización de ocupación de dominio público portuario, a contía anual da taxa correspondente non poderá ser inferior á cota desta taxa aplicada ao tráfico ou actividade mínima anual, establecida, de ser o caso, no título habilitante da ocupación do dominio público.

3.2. A cota da taxa será a determinada nos seguintes parágrafos, sen prexuízo do disposto no apartado 3.1 anterior, segundo que a actividade sexa portuaria ou auxiliar non estritamente portuaria.

A) Actividades portuarias

1. Taxa portuaria pola prestación de servizos e actividades de manipulación de carga.

A cota da taxa por servizos e actividades de manipulación de carga establécese por unidade de carga manipulada, medida en tonelada métrica de peso bruto ou fracción en función do grupo ao que pertencen as mercadorías, de acordo co repertorio de clasificación de mercadorías que se recolle na regra vixésimo sexta da tarifa X-3:

Grupo de mercadorías	Cota da taxa (en euros)/tonelada
----------------------	----------------------------------

1	0,006095
2	0,010158
3	0,016253
4	0,026412
5	0,040633

2. Taxa portuaria pola prestación de servizos á pasaxe.

A cota da taxa pola prestación de servizos á pasaxe establécese por pasaxeiro/a e vehículo en réxime de pasaxe, en función da modalidade de pasaxe e do tipo de navegación, segundo se recolle na regra quinta da tarifa X-3 —mercadorías e pasaxeiros— contida na subalínea 01 anterior, de acordo coa seguinte táboa:

Concepto	Tipo de navegación		
	Interior, local ou de ría	Entre portos da UE	Exterior
a) Pasaxeiros			
Bloque II	0,000828	0,025472	0,076416
Bloque I	0,001660	0,070959	0,141917
b) Vehículos			
Motocicletas e vehículos ou remolques de dúas rodas	0,002032	0,004064	0,008126
Automóviles	0,010158	0,020317	0,040633
Camións, autocares e outros vehículos de transporte colectivo	0,050791	0,101584	0,203167

3. Taxa portuaria pola prestación de servizos técnico-náuticos.

a) Servizo de practicaxe.

A cota establécese por servizo prestado, en función do arqueo do buque obxecto deste, de acordo coa seguinte táboa:

Arqueo (GT)	Taxa (en euros)
Menor ou igual que 1.500 GT	2,06
Maior que 1.500 GT e menor ou igual que 3.000 GT	2,47
Maior que 3.000 GT e menor ou igual que 4.000 GT	2,88
Maior que 4.000 GT	3,30

b) Servizo de amarre e desamarre.

A cota establécese por servizo prestado, en función do arqueo do buque obxecto deste, de acordo coa seguinte táboa:

Arqueo (GT)	Taxa (en euros)
Menor ou igual que 1.500 GT	2,06
Maior que 1.500 GT e menor ou igual que 3.000 GT	2,47
Maior que 3.000 GT e menor ou igual que 4.000 GT	2,88
Maior que 4.000 GT	3,30

c) Servizo de remolque.

A cota establécese por servizo prestado, en función do arqueo do buque obxecto deste, de acordo coa seguinte táboa:

Arqueo (GT)	Taxa (en euros)
Menor ou igual que 1.500 GT	17,61
Maior que 1.500 GT e menor ou igual que 3.000 GT	21,13
Maior que 3.000 GT e menor ou igual que 4.000 GT	24,66
Maior que 4.000 GT	28,18

4. Taxa polo exercicio da actividade comercial portuaria de consignación de buques. A cota polo exercicio da actividade comercial portuaria de consignación de buques establécese por servizo prestado, en función do arqueo do buque consignado, de acordo coa seguinte táboa:

Arqueo (GT)	Taxa (en euros)
Menor ou igual que 1.500 GT	11,77
Maior que 1.500 GT e menor ou igual que 3.000 GT	14,12
Maior que 3.000 GT e menor ou igual que 4.000 GT	16,47

Mayor que 4.000 GT	18,83
--------------------	-------

5. Taxa polo exercicio de actividade polo desenvolvemento de actividades portuarias inherentes á xestión e á explotación de lonxas.

A cota polo desenvolvemento de actividades portuarias inherentes á xestión e á explotación de lonxas establécese por servizo prestado, en función dos quilogramos de peixe vendido en lonxa.

O importe da taxa será de 0,0015 euros por quilogramo de peixe vendido na lonxa.

O importe da taxa anual será como máximo o 1 % da contía resultante de lle aplicar ao importe total anual de vendas efectuadas na lonxa correspondente a porcentaxe autorizada en concepto de tarifa de xestión de cobro que se aplicará polo adxudicatario aos usuarios en concepto da prestación do servizo, e ata un máximo de 30.000 €.

6. Restantes servizos e actividades comerciais e industriais portuarias.

A cota anual da taxa polo exercicio de actividades comerciais ou industriais portuarias non previstas nos artigos anteriores establecerase por unha porcentaxe en función do importe neto da cifra anual de negocio da actividade desenvolvida no porto ao amparo da autorización, de acordo coa seguinte táboa:

Actividade desenvolvida	Tipo para aplicar
Fábricas de xeo, cámaras de frío; departamentos de armadores; subministración de combustible a buques; recollida de refugалlos; medios mecánicos vinculados ás actividades portuarias, varadoiros, talleres de reparación de embarcacións e depósito de embarcacións, estaleiros; depuradoras de molusco, cetarias, viveiros, acuicultura; xestión de amarres náutico-recreativos, naves de almacenamento de mercadoría expedida por vía marítima, redes de fornecementos e comunicacións a instalacións portuarias, ensinanzas náuticas.	1 %
Naves de almacenaxe, loxística; oficinas; venda de embarcacións, efectos navais; industrias conserveiras, transformación e manipulación da pesca, subministración de combustible a automóviles propiedade dos usuarios do porto.	1,50 %

A anterior listaxe de actividades posúe para estes efectos un carácter indicativo e non limitativo.

Para aquelas concesións, autorizacións ou calquera outro título habilitante outorgado con anterioridade ao 12 de decembro de 2003, data de entrada en vigor desta lei, para o exercicio de actividades comerciais ou industriais portuarias previstas neste punto, a cota máxima anual da taxa será de 30.000 euros para as actividades ás que se lles

aplique o tipo do 1 % e de 60.000 euros para aquelas actividades ás que se lles aplique o tipo do 1,5 %.

Ás concesións, autorizacións ou calquera outro título habilitante indicadas no parágrafo anterior que sexan actualizadas ou modificadas respectando o prazo inicial da orixinal e manteñan o seu destino e actividade conforme os títulos habilitantes iniciais, a taxa para aplicarles será de acordo co indicado no parágrafo anterior.

Para aquelas concesións, autorizacións ou calquera outro título habilitante outorgado con posterioridade ao 12 de decembro de 2003, data de entrada en vigor desta lei, para o exercicio de actividades comerciais ou industriais portuarias previstas neste punto, a cota máxima anual da taxa será de 60.000 euros para as actividades ás que se lles aplique o tipo do 1 % e que veñan expresamente indicadas no punto correspondente do cadro anterior, e de 90.000 euros para aquelas actividades ás que se lles aplique o tipo do 1,5 %.

No suposto do desenvolvemento da actividade de exportación de pesca fresca en locais vinculados directamente a unha lonxa localizada nun porto da Comunidade Autónoma de Galicia, o importe da taxa será de 0,0015 euros por quilogramo de peixe declarado polo uso do local obxecto de autorización ou concesión. Tamén será de aplicación á pesca fresca descargada noutro porto da Comunidade Autónoma de Galicia que entre no porto por vía terrestre, sempre e cando se acredite o aboamento da tarifa X-4 que corresponda.

B) Actividades auxiliares non estritamente portuarias

Terán esta consideración, entre outras: locais e terrazas de hostalaría, restauración e locais comerciais con uso non estritamente portuario.

1. Instalación no dominio público portuario de terrazas de hostalaría.

A cota da taxa pola instalación no dominio público portuario de terrazas de hostalaría, que se aplicará naquelas cuxo local asociado non estea sometido ao aboamento da taxa descrita no apartado 3.2 B).2) pola totalidade da actividade desenvolva, establécese por mesa autorizada e día ou fracción en función da intensidade da actividade e da temporada do ano en que esta se desenvolva, de acordo coa seguinte táboa:

INTENSIDADE DA ACTIVIDADE	TEMPORADA		
	Alta	Media	Baixa
Alta	0,95 €	0,72 €	0,48 €
Media	0,80 €	0,60 €	0,40 €
Baixa	0,61 €	0,47 €	0,31 €

Considerarase que a intensidade da actividade é alta cando se desenvolva nos portos de: Ribadeo, Burela, Celeiro, Ortigueira, Cedeira, Ares, Sada, Muros, Noia, Portosín, Porto do Son, Aguiño, Ribeira, Pobra do Caramiñal, Rianxo, Carril, O Xufre, Vilanova,

Cambados, O Grove, San Vicente, Portonovo, Sanxenxo, Combarro, Pontevedra, Bueu, Cangas, Moaña, e Baiona.

Considerarase que a intensidade da actividade é media cando se desenvolva nos portos de: Foz, O Barqueiro, Cariño, Pontedeume, Malpica, Corme, Laxe, Camariñas, Muxía, Fisterra, Corcubión, Portocubelo, O Freixo, Testal, Cabo de Cruz, Meloxo, Meira, Aldán, Panxón e A Guarda.

Considerarase que a intensidade da actividade é baixa cando se desenvolva nos restantes portos e instalacións non establecidos nos parágrafos anteriores.

Considerarase temporada alta os meses de xullo e agosto; temporada media, os meses de xuño e setembro; e temporada baixa, os restantes meses do ano.

No caso de que a autorización se outorgue por prazo dun ano natural, considerarase, para efectos da aplicación desta taxa, que durante a temporada baixa o período de desenvolvemento da actividade será de 60 días.

2. Restantes servizos e actividades comerciais e industriais auxiliares non estritamente portuarias.

A cota anual da taxa polo exercicio das restantes actividades comerciais ou industriais auxiliares non estritamente portuarias establécese como o 2 % do importe neto da cifra anual de negocio da actividade desenvolvida no porto ao amparo da autorización. A cota anual máxima desta taxa para aquelas concesións, autorizacións ou calquera outro título habilitante, para o exercicio dos restantes servizos e actividades comerciais e industriais auxiliares non estritamente portuarias, será de 120.000 euros.

3. A taxa será liquidada por Portos de Galicia na forma e prazos determinados regulamentariamente. Os suxeitos pasivos deberán presentar as declaracións que correspondan na forma, lugar e prazos que se determinen regulamentariamente. Os suxeitos pasivos desta taxa estran obrigados a conservar, durante o prazo de prescrición, os xustificantes e documentos acreditativos das operacións, rendas e calquera outros elementos necesarios para determinar a débeda tributaria. Así mesmo, os suxeitos pasivos quedarán obrigados a levar os libros e rexistros que regulamentariamente se establezan.

En especial, cando para a determinación da contía da taxa sexa preciso o coñecemento do importe neto da cifra anual de negocio, os suxeitos pasivos terán as mesmas obrigas documentais e formais contables que as establecidas nas normas do imposto sobre a renda das persoas físicas e do imposto sobre sociedades.

4. A contía da taxa deberá figurar necesariamente nas condicións da autorización de actividade ou, de ser o caso, da concesión ou autorización de ocupación privativa do dominio público.

5. No suposto de que a taxa sexa exixible por adiantado, a súa contía calcularase, para o primeiro exercicio, sobre as estimacións efectuadas en relación co volume de tráfico ou de negocio e, nos exercicios sucesivos, sobre os datos reais do ano anterior.

6. Cando se utilicen procedementos de licitación pública, a cota da taxa virá determinada pola suma de dous compoñentes:

a) A cota vixente no momento da devindicación consonte o disposto no apartado 3 anterior.

b) A mellora determinada na licitación á alza polo adxudicatario da concesión, expresada na mesma unidade que a cota á que se refire a letra a) anterior.

Modifícase a letra c) da subalínea 2 da alínea 02 do anexo 5, que queda redactada como segue:

No caso de ocupación de obras e instalacións:

— Nas áreas destinadas a usos portuarios pesqueiros onde se desenvolvan actividades de lonxas coas súas correspondentes cámaras de frío, fábricas de xeo e naves de redes: o 2,5 % dos valores dos terreos, dos espazos de auga e das obras e instalacións, e o 25 % do valor da depreciación anual asignada.

— Nas áreas destinadas a usos portuarios pesqueiros de exportación de peixe fresco e venda e usos portuarios en locais situados en lonxas da Comunidade Autónoma de Galicia: o 5 % dos valores dos terreos, do espazo de auga e das obras e instalacións, e o 60 % do valor da depreciación anual asignada naquelas.

— Nas áreas destinadas a outros usos portuarios pesqueiros, usos portuarios relacionados co intercambio entre modos de transporte, os relativos ao desenvolvemento de servizos portuarios e aos servizos básicos para prestar nunha instalación náutico-deportiva: o 5 % dos valores dos terreos, do espazo de auga e das obras e instalacións, e o 100 % do valor da depreciación anual asignada naquelas.

No suposto de edificacións propiedade da Administración destinadas a estacións marítimas, ou instalacións para o servizo ao tráfico de pasaxeiros, aplicarase o gravame do 5 % a toda a instalación, incluso naqueles espazos destinados a actividades complementarias desta.

— Nas áreas destinadas a actividades auxiliares ou complementarias das actividades portuarias, incluídas as loxísticas, de almacenaxe e os servizos comerciais que correspondan a empresas industriais ou comerciais: o 6 % dos valores dos terreos, do espazo de auga e das obras e instalacións, e o 100 % do valor da depreciación anual asignada.

— Nas áreas destinadas a usos que non estean relacionados directamente coas actividades portuarias, ou complementarias ou auxiliares das portuarias: o 7 % dos valores dos terreos, do espazo de auga e das obras e instalacións, e o 100 % do valor da depreciación anual asignada.

Para os efectos da aplicación deste artigo, consideraranse actividades relacionadas co intercambio dos modos de transporte e servizos portuarios os seguintes: servizo de practicaxe; servizos técnico-náuticos; servizo á pasaxe, incluídas estacións marítimas e instalacións para o servizo de pasaxeiros; servizo de manipulación e transporte de mercadoría; e servizo de recepción de refugallos xerados polos buques.

Así mesmo, consideraranse servizos básicos para prestar nunha instalación náutico-deportiva, os seguintes: amarre e desamarre, servizo de duchas, vestiarios e lavandaría, servizo de subministración de auga e enerxía, servizo contra incendios, vixilancia e

seguridade, servizos administrativos da instalación náutica, servizos de información, servizos de correo e comunicacións e servizo de vixilancia e control das instalacións.

De xeito xeral, ás edificacións que teñan antigüidade superior á súa vida útil, aplicaráselles o 25 % do valor da depreciación anual asignada, sobre unha vida útil remanente que será, como máximo, un terzo da vida útil inicial asignada. A vida útil será fixada na taxación efectuada para os efectos con base na normativa vixente de aplicación.

50) Modifícase a subalínea 02 da alínea 05 do anexo 5, que queda redactada como segue:

«02 Aproveitamento especial do dominio público viario

Constitúe a base imponible a utilidade derivada do aproveitamento especial do dominio público viario. Para estes efectos, establécese como base imponible a que se obtén da seguinte fórmula:

$$B_i = L \cdot \left(B_s + \frac{B_a}{n} \right) \cdot C_d \cdot C_u \cdot C_e$$

Onde:

— Bi = base imponible.

— L = lonxitude (m) do servizo que discorre por dominio público viario.

— Bs = base sectorial, que adopta os seguintes valores en función do tipo de actividade:

- * Distribución de electricidade de tensión menor ou igual a 30Kv: 1,58 €/m.
- * Distribución de electricidade de tensión maior a 30Kv: 2,45 €/m.
- * Transporte de electricidade de tensión maior a 30Kv: 4,94 €/m.
- * Distribución de hidrocarburos: 1,58 €/m²
- * Transporte de hidrocarburos: 18,57 €/m
- * Telefonía e telecomunicacións: 2,91 €/m
- * Abastecemento de auga: 1,61 €/m.
- * Saneamento: 4,07 €/m.

— Ba = base adicional para o caso de servizos executados a través de canalizacións de titularidade da Administración autonómica, que adopta un valor de 1,00 €/m nese caso, sendo nula en caso contrario.

— n = número de suxeitos pasivos diferentes que empregan a mesma canalización.

— Cd = coeficiente de densidade de poboación, calculado segundo a fórmula seguinte:

$$C_d = \sqrt{\frac{\phi_m}{\phi_G}} \leq 2$$

Onde:

- $\emptyset m$ = densidade de poboación (hab/km²) do termo municipal en que se sitúe o servizo, segundo as cifras oficiais de poboación a 1 de xaneiro do ano anterior ao de devindicación da taxa.
- $\emptyset G$ = densidade de poboación (hab/km²) da Comunidade Autónoma de Galicia, segundo as cifras oficiais de poboación a 1 de xaneiro do ano anterior ao de devindicación da taxa.
- C_u = coeficiente pola situación urbanística do solo, que adopta os seguintes valores:
 - 1,00 en solo en situación urbanizada.
 - 0,75 en solo en situación rural.
- C_e = coeficiente pola clasificación da estrada:
 - 1,20 no caso de autoestradas, autovías, corredores e vías rápidas.
 - 1,00 no caso do resto de estradas da rede primaria básica non incluídas na categoría anterior.
 - 0,80 no caso de estradas da rede primaria complementaria.
 - 0,60 no caso de estradas da rede secundaria.

O tipo de gravame aplicable nos supostos de aproveitamento especial será do 50 %.

EMENDAS MANTIDAS:

-Do G.P. Bloque Nacionalista Galego.
Emenda nº1, ao apartado 1, de Supresión.

Emenda de supresión. Artigo 3

Suprímese o apartado Un do artigo 3.

-Do G.P. En Marea.
Emenda nº6, ao apartado 3, de Supresión.

Débese suprimir o apartado 3.

-Do G.P. Socialistas de Galicia.
Emenda nº3, ao apartado 27, de Modificación.

Na alínea Dous, punto 27, que ten o seguinte enunciado:
"Engádesse unha subalínea 15 á alínea 29 do anexo 3:",
débense modificar todas as porcentaxes, onde di: "25 % ...",
debe dicir: "40 %..."

-Do G.P. Socialistas de Galicia.

Emenda nº4, ao apartado 30, de Modificación.

Na alínea 30 deste artigo, onde di: "- produtor de residuos perigosos (>10t/ano) 172,95", debe dicir: "- produtor de residuos perigosos (>10t/ano) 250,00"

DITAME DA COMISIÓN:

Artigo 4. Canon da auga

Modifícase a alínea 3 do artigo 59 da Lei 9/2010, do 4 de novembro, de augas de Galicia, que queda redactada0 como segue:

«3. O tipo de gravame da parte variable nas augas termais e mariñas destinadas a uso terapéutico será de 0,0085 euros por metro cúbico.»

NON SE PRESENTARON EMENDAS

DITAME DA COMISIÓN:

TÍTULO II

Medidas administrativas

CAPÍTULO I

Función pública

Artigo 5. Concurso

Modifícase o punto 2 do artigo 89 da Lei 2/2015, do 29 de abril, do emprego público de Galicia, que queda redactada como segue:

«2. Os concursos para a provisión de postos de traballo poden convocarse para a xeneralidade dos postos de traballo vacantes, para postos de traballo dun determinado ámbito ou para postos de traballo concretos, en atención ás necesidades do servizo. En todo caso, non se incluírán neles os postos de traballo que teñan adscrito persoal funcionario de carreira por motivos de saúde ou rehabilitación ou por motivos de violencia de xénero.

Non obstante, o persoal funcionario de carreira que estea adscrito por motivos de saúde ou rehabilitación a un posto de traballo en distinta localidade á que teña o seu destino definitivo, estará obrigado a participar nos concursos de provisión, para postos adecuados ao seu corpo ou escala, que se convoquen e solicitar todos os postos situados na mesma localidade do posto ao que figure adscrito provisionalmente.

O incumprimento desta obriga determinará o cesamento no posto no que figure adscrito por motivos de saúde ou rehabilitación.

O disposto nesta alínea será de aplicación en exclusiva aos postos de persoal funcionario de administración xeral e especial. No caso do persoal funcionario da Administración de xustiza, persoal docente ou persoal estatutario do sistema de saúde, non será de aplicación directa, e observarse a súa regulación específica.»

EMENDAS MANTIDAS:

-Do G.P. Socialistas de Galicia.
Emenda nº5, de Modificación.

Propoñemos unha nova redacción para a modificación da alínea 2 do artigo 89 da Lei 2/2015, do 29 de abril, de emprego público de Galicia, que quedará redactado como segue:

"2. Os concursos para a provisión de postos deben convocarse para a xeneralidade dos postos de traballo vacantes; o sistema será aberto e permanente con resolución semestral.

O persoal funcionario de carreira que estea adscrito por motivos de saúde ou rehabilitación a un posto de traballo en distinta localidade a aquela en que teña o seu destino definitivo, estará obrigado a participar nos concursos de provisión, para postos adecuados ao seu corpo ou escala que se convoquen, e solicitar todos os postos de igual ou superior nivel situados na mesma localidade do posto ao que figure adscrito provisionalmente.

O incumprimento desta obriga determinará o cesamento no posto no que figure adscrito por motivos de saúde ou rehabilitación."

DITAME DA COMISIÓN:

Artigo 6. Comisión de servizos voluntaria

Modifícase a alínea 2 do artigo 96 da Lei 2/2015, do 29 de abril, do emprego público de Galicia, que queda redactada como segue:

“2. En todo caso, para o desempeño dun posto de traballo en comisión de servizos voluntaria, o persoal funcionario deberá pertencer ao corpo ou escala e reunir os demais requisitos que estableza a correspondente relación de postos de traballo.

Non obstante, para a consecución da eficacia na prestación dos servizos e a eficiencia dos recursos humanos dispoñibles, o persoal funcionario de carreira poderá ocupar, con carácter temporal, mediante comisión de servizos voluntaria, un posto de traballo correspondente a unha escala de administración xeral ou especial sempre que posúa a titulación requirida para o acceso á escala correspondente ao posto de traballo e pertenza ao mesmo grupo ou subgrupo de clasificación. En todo caso, outorgarase prioridade ao persoal funcionario de carreira que pertenza á mesma escala do posto que sexa obxecto de cobertura.”

EMENDAS MANTIDAS:

-Do G.P. En Marea.
Emenda nº7, de Supresión.

Débase suprimir o artigo.

-Do G.P. Bloque Nacionalista Galego.
Emenda nº3, de Supresión.

Emenda de supresión. Artigo 6

Suprímese o artigo 6.

-Do G.P. Socialistas de Galicia.
Emenda nº6, de Modificación.

Proponse un novo texto para a modificación da alínea 2 do artigo 96 Lei 2/2015, do 29 de abril, de emprego público de Galicia, que quedará redactado como segue:

"2. En todo caso, para o desempeño dun posto de traballo en comisión de servizos voluntaria, o persoal funcionario deberá pertencer ao corpo ou escala e reunir os demais requisitos que estableza a correspondente relación de postos de traballo.

O período máximo de duración dunha comisión de servizos non excederá de un ano e será obrigatoria a inclusión no seguinte concurso de todos os postos que se atopen ocupados en comisión de servizos e estean en situación de vacante."

DITAME DA COMISIÓN:

Artigo 7. Mobilidade interadministrativa

Engádese un novo punto 4 *bis* ao artigo 104 da Lei 2/2015, do 29 de abril, do emprego público de Galicia, co seguinte contido:

«4 *bis*. O persoal funcionario de carreira pertencente á escala de Administración local con habilitación de carácter nacional do subgrupo A1 que, como consecuencia das medidas de fomento para as fusións de municipios ou para a incorporación voluntaria a outros, opte por ser transferido á Comunidade Autónoma de Galicia, integrarase plenamente na organización da función pública autonómica, no corpo superior da Administración xeral da Comunidade Autónoma de Galicia, e seralle de aplicación o disposto no artigo 97 desta lei.»

EMENDAS MANTIDAS:

-Do G.P. Socialistas de Galicia.
Emenda nº7, de Supresión.

Debe ser suprimido.

DITAME DA COMISIÓN:

Artigo 8. Definicións

Modifícase a letra c) da disposición adicional primeira da Lei 2/2015, do 29 de abril, do emprego público de Galicia, que queda redactada como segue:

“c) Localidade: o correspondente termo municipal. Para efectos de permisos, entenderase por termo municipal o da residencia do persoal funcionario. Exceptúase o caso do persoal estatutario, para o cal esta expresión se entende que fai referencia á correspondente área de saúde, agás no caso dos permisos por falecemento, accidente ou enfermidade graves, hospitalización ou intervención cirúrxica dun familiar, no cal se aplicará o réxime xeral previsto no primeiro inciso desta alínea.”

NON TEN EMENDAS

DITAME DA COMISIÓN:

Artigo 9. Escalas e especialidades dos corpos de Administración xeral da Comunidade Autónoma de Galicia
Un. Modifícase, no punto 1 da disposición adicional oitava da Lei 2/2015, do 29 de abril, do emprego público de Galicia, a escala superior de seguridade e saúde no traballo, que queda redactada como segue:

Un. Modifícase, no punto 1 da disposición adicional oitava da Lei 2/2015, do 29 de abril, do emprego público de Galicia, a escala superior de seguridade e saúde no traballo, que queda redactada como segue:

Denominación	Especialidades	Subgrupo	Funcións	Titulación
Escala superior de seguridade e saúde no traballo	Seguridade no traballo	A1	Exercicio dos labores técnicos en materia de prevención de riscos laborais, de acordo co disposto na lexislación de prevención de riscos laborais e, en particular, nos artigos 7.1 e 9.2 da Lei 31/1995, do 8 de novembro, de prevención de riscos laborais, ou na norma que a substitúa, nas áreas, respectivamente, de seguridade no traballo, hixiene industrial e ergonomía e psicosocioloxía aplicada, sen prexuízo das funcións que, en materia mineira, exerza o persoal funcionario con competencias en	Arquitecto, graduado ou máster que habilite para o exercicio da profesión de arquitecto, enxeñeiro ou máster nunha titulación que habilite para o exercicio da profesión de enxeñeiro, e título de técnico con formación en nivel superior, nas tres disciplinas preventivas, consonte establece o Regulamento dos servizos de prevención, aprobado polo Real decreto 39/1997, do 17 de xaneiro, ou pola norma que o substitúa

	Hixiene industrial		materia de prevención de riscos laborais da consellaría competente nesta área	Licenciado ou graduado en Bioloxía, licenciado ou graduado en Química ou licenciado en Farmacia ou graduado nunha titulación que habilite para a profesión de farmacéutico, e título de técnico con formación en nivel superior, nas tres disciplinas preventivas, consonte establece o Regulamento dos servizos de prevención, aprobado polo Real decreto 39/1997, do 17 de xaneiro, ou pola norma que o substitúa
	Ergonomía e psicosocioloxía aplicada			

				Real decreto 39/1997, do 17 de xaneiro, ou pola norma que o substitúa
--	--	--	--	---

Dous. Modifícase, na alínea 3 da disposición adicional oitava da Lei 2/2015, do 29 de abril, do emprego público de Galicia, a escala de axentes de inspección, que queda redactada como segue:

Denominación	Especialidades	Subgrupo	Funcións	Titulación
Escala de axentes de inspección	Consumo	1	- Apoio aos labores encomendados aos inspectores de consumo	Bacharel ou técnico
	Vixilancia de estradas		- Vixilancia do estado de conservación e explotación dos elementos que integran o dominio público viario, das obras dirixidas pola Axencia Galega de Infraestruturas e das obras ou outros usos realizados nas zonas de protección das estradas por terceiros. - Denuncia ou informe de calquera incumprimento ou anomalía. - Vixilancia do cumprimento da normativa vixente en materia de seguridade viaria, do medio ambiente e da seguridade e prevención de riscos laborais. - Elaboración de partes de servizo,	

		boletíns de denuncias, informes e demais documentos relacionados coas súas funcións. - Cantas outras funcións compatibles co seu nivel e coñecementos lle indique o seu superior.	
	Mobilidade	- Control e vixilancia do cumprimento da norma en materia de transporte terrestre e marítimo en augas interiores. - Realización da inspección nas instalacións de empresas que realicen actividades de transporte ou de formación en materia de transportes, en estacións de transporte ou en toda clase de vías terrestres. - Constatación de feitos que poidan ser constitutivos de infracción e formulación de actas de infracción. - Elaboración de informes nos expedientes que se requiran. - Cualificación de feitos constitutivos de infraccións e tramitación de expedientes	

			sancionadores. - Asesoramento aos intervenientes no sector do transporte para facilitar o cumprimento da legalidade. - Elaboración de estatísticas de inspeccións, denuncias e infraccións relacionadas coas tarefas de inspección. - Realización das tarefas administrativas que deriven das súas funcións.	
--	--	--	---	--

Tres. Engádese unha alínea 3 bis na disposición adicional oitava da Lei 2/2015, do 29 de abril, do emprego público de Galicia, co seguinte contido:

«3 bis. No corpo auxiliar existen as seguintes escalas e especialidades:

Denominación	Especialidades	Subgrupo	Funcións	Titulación
Escala de persoal de servizos xerais (PSX)		C2	- Administrativa e de apoio á xestión. - Recepción, portaría, atención e información aos usuarios. Apertura e peche dos centros ou unidades. Funcións de mantemento e apoio ás funcións xerais.	Graduado en ESO ou equivalente

			- Limpeza, lavandaría, mantemento e apoio ás funcións xerais. - Apoio en cociña e comedor segundo o centro e o tipo de servizo. - Calquera outra de análogo contido ou que teña relación coas funcións anteriores.	
--	--	--	--	--

EMENDAS MANTIDAS:

-Do G.P. Bloque Nacionalista Galego.
Emenda nº4, de Supresión.

Emenda de supresión. Artigo 9

Suprímese o artigo 9.

-Do G.P. Socialistas de Galicia.
Emenda nº8, ao apartado Un, de Adición.

Na alínea Un deste artigo que modifica a escala superior de seguridade e saúde no traballo, débese engadir un subgrupo A1 bis, que terá o seguinte contido:

"Funcións: Exercicio dos labores técnicos en materia de prevención de riscos laborais, de acordo co disposto na lexislación de prevención de riscos laborais e, en particular, nos artigos 7.1 e 9.2 da Lei 31/1995, do 8 de novembro, de prevención de riscos laborais ou norma que a substitúa."

"Titulación: Técnico superior en prevención de riscos profesionais ou equivalente, conforme o Regulamento dos servizos de prevención aprobado polo Real decreto 39/1997, do 17 de xaneiro, ou norma que o substitúa."

-Do G.P. Socialistas de Galicia.

Emenda nº9, ao apartado Tres, de Supresión.

Débese suprimir a alínea Tres deste artigo.

DITAME DA COMISIÓN:

Artigo 10. Escalas e especialidades dos corpos de Administración especial da Comunidade Autónoma de Galicia
Un. Modifícanse, na alínea 1 da disposición adicional novena da Lei 2/2015, do 29 de abril, do emprego público de Galicia, a escala de arquitectos, a escala de ciencias e a escala de inspección urbanística, que quedan redactadas como segue:

Denominación	Especialidades	Subgrupo	Funcións	Titulación
Escala de arquitectos		A1	Estudo, xestión, execución, proposta e inspección de carácter facultativo superior, de acordo coa titulación exixida e coas funcións concretas asignadas ao desempeño do correspondente posto de traballo.	Arquitecto, graduado ou máster nunha titulación que habilite para o exercicio da profesión de arquitecto
Escala de ciencias	Bioloxía	A1	Estudo, xestión, execución, proposta e inspección de carácter facultativo superior, de acordo coa titulación exixida e coas funcións concretas asignadas ao desempeño do correspondente posto de traballo	Licenciado ou graduado nunha titulación da rama de ciencias
	Química			
	Ciencias do mar			
Escala de inspección urbanística	Técnica	A1	Estudo, xestión, tramitación e proposta de resolución dos resultados da actividade de	Arquitecto ou enxeñeiro de Camiños, Canais e Portos, graduado ou

			inspección e control do cumprimento da normativa urbanística nos actos de edificación e uso do solo que se realicen na Comunidade Autónoma.	máster nunha titulación que habilite para o exercicio da profesión de arquitecto ou máster nunha titulación que habilite para o exercicio da profesión de enxeñeiro de Camiños, Canais e Portos.
	Xurídica			Licenciado ou graduado en Dereito.

Dous. Engádese, na alínea 3 da disposición adicional novena da Lei 2/2015, do 29 de abril, do emprego público de Galicia, a escala de brigadistas, co seguinte contido:

Denominación	Grupo	Funcións	Titulación
Escala de brigadista	B	Coordinación do persoal para previr, combater e extinguir incendios de natureza forestal, así como vixilancia e mantemento dos labores de prevención. Coordinación en situacións de emerxencia nas áreas rurais e forestais e colaboración cos responsables dos servizos de protección civil no amparo de persoas e bens ante a incidencia dos incendios forestais. Así mesmo, deberá conducir cando o demanden as	Técnico/a superior en Xestión e Organización de Recursos Naturais e Paisaxísticos ou formación profesional de segundo ou grao equivalente

	necesidades do servizo, polo que debe estar en posesión do carné de conducir B.	
--	---	--

Tres. Engádese unha alínea 4 bis na disposición adicional novena da Lei 2/2015, do 29 de abril, do emprego público de Galicia, co seguinte contido:

«4 bis. No corpo de auxiliares de carácter técnico de Administración especial créanse as seguintes escalas e especialidades:

Denominación	Especialidades	Subgrupo	Funcións	Titulación
Escala de auxiliares de clínica		C2	- Todas aquelas actividades que, sen ter un carácter profesional sanitario, veñen facilitar as funcións do médico e da enfermeira ou axudante técnico-sanitario.	Titulación que habilite para a realización das funcións inherentes a esta escala
Escala de xerocultor			Asistir o usuario/a na realización das actividades básicas e instrumentais, tanto sociais como sanitarias, da vida cotiá que non poida realizar por el mesmo, por mor da súa discapacidade e efectuar aqueles traballos encamiñados á súa atención persoal do seu contorno. En xeral, todas aquelas actividades que	Titulación que habilite para a realización das funcións inherentes a esta escala

			Ile sexan encomendadas e que estean incluídas no exercicio da súa profesión e preparación técnica.	
Escala de bombeiro/a forestal	Operador/a de datos	C2	Manexo dos medios materiais para o tratamento da información tendentes á execución dos sistemas operativos dos Spdcif. Cando as circunstancias o requiran, poderán ser dedicados a outras funcións administrativas vinculadas á prevención e defensa contra incendios forestais	Graduado/a en ESO ou equivalente
	Emisorista / Vixiante/a fixo/a		Realización das transmisións para asegurar unha adecuada comunicación dos avisos, ordes ou instrucións dentro do servizo. Cando as circunstancias o requiran, poderán ser dedicados a outras funcións administrativas	

			vinculadas á prevención e defensa contra incendios forestais	
	Persoal condutor		Previr, combater e extinguir incendios de natureza forestal, así como vixilancia e mantemento dos labores de prevención. Atención en situacións de emerxencia nas áreas rurais e forestais e colaboración cos servizos de protección civil no amparo de persoas e bens ante a incidencia dos incendios forestais. Labores silvícolas preventivos de diminución da combustibilidade das masas forestais e obras de construción, mellora e mantemento da infraestrutura. Ademais, conducirá vehículos dedicados ao transporte das cuadrillas e materiais do servizo, polo	

			que debe estar en posesión do carné de conducir B ou C.	
Escala de oficial 2º mecánico/a de máquinas de defensa contra incendios forestais		C2	Persoal que, tendo os coñecementos que correspondan de mecanización, se ocupa das reparacións e mantemento dos vehículos e da maquinaria que se poidan realizar e dos medios dos parques de maquinaria dos Servizos de Prevención e Defensa contra Incendios Forestais. Así mesmo, deberá conducir vehículos, traslado de vehículos avariados, e outras tarefas de similares características, polo que debe estar en posesión do carné de conducir B.	Titulación que habilite para realización das funcións inherentes a esta escala

EMENDAS MANTIDAS:

-Do G.P. Bloque Nacionalista Galego.
Emenda nº5, de Supresión.

Emenda de supresión. Artigo 10

Suprímese o artigo 10.

-Do G.P. Socialistas de Galicia.
Emenda nº11, ao apartado Un, de Modificación.

Na alínea Un na columna de Titulación correspondente á Escala de ciencias, onde di: "Licenciado ou graduado nunha titulación da rama de ciencias", debe dicir: "Licenciado ou graduado na correspondente titulación da rama de ciencias"

-Do G.P. Socialistas de Galicia.
Emenda nº10, ao apartado Un, de Adición.

No cadro da alínea Un, débese crear un subgrupo A1 para a Especialidade de Bioloxía, e na columna de Titulación incluír o seguinte:

"Licenciatura ou grao en Bioloxía"

-Do G.P. Socialistas de Galicia.
Emenda nº13, ao apartado Dous, de Supresión.

A alínea Dous deste artigo debe ser suprimida

-Do G.P. Socialistas de Galicia.
Emenda nº14, ao apartado Tres, de Supresión.

A alínea Tres deste artigo debe ser suprimida.

DITAME DA COMISIÓN:

Artigo 11. Adscrición a ramas de coñecemento das titulacións a que se refire a disposición adicional quinta para efectos do previsto nas alíneas primeira e segunda das disposicións adicionais oitava e novena

Modifícase a disposición adicional décima da Lei 2/2015, do 29 de abril, do emprego público de Galicia, que queda redactada como segue:

«Disposición adicional décima. Adscrición a ramas de coñecemento das titulacións a que se refire a disposición adicional quinta para efectos do previsto nas alíneas primeira e segunda das disposicións adicionais oitava e novena

Para os efectos do previsto nas alíneas primeira e segunda das disposicións adicionais oitava e novena, as titulacións a que se refire a disposición adicional quinta quedan adscritas ás distintas ramas de coñecemento do seguinte xeito:

a) Artes e humanidades

Subgrupo A1:

Licenciado en Documentación

Licenciado en Antropoloxía Social e Cultural

Licenciado en Belas Artes

Licenciado en Filoloxía (alemá, árabe, catalá, clásica, eslava, francesa, galega, hebrea, hispánica, inglesa, italiana, portuguesa, románica, vasca)

Licenciado en Filosofía

Licenciado en Xeografía

Licenciado en Historia

Licenciado en Historia da Arte

Licenciado en Historia e Ciencias da Música

Licenciado en Humanidades

Licenciado en Lingüística

Licenciado en Teoría da Literatura e Literatura Comparada

Licenciado en Tradución e Interpretación

Subgrupo A2:

Diplomado en Biblioteconomía e Documentación

b) Ciencias

Subgrupo A1:

Licenciado en Bioloxía

Licenciado en Bioquímica

Licenciado en Ciencias Ambientais

Licenciado en Ciencias do Mar

Licenciado en Ciencias e Técnicas Estatísticas

Licenciado en Física

Licenciado en Xeoloxía

Licenciado en Matemáticas

Licenciado en Química
Licenciado en Enoloxía
Subgrupo A2:
Diplomado en Estatística
c) Ciencias da saúde
Subgrupo A1:
Licenciado en Ciencia e Tecnoloxía dos Alimentos
Licenciado en Farmacia
Licenciado en Medicina
Licenciado en Veterinaria
Licenciado en Odontoloxía
Licenciado en Psicoloxía
Subgrupo A2:
Diplomado en Enfermaría
Diplomado en Fisioterapia
Diplomado en Logopedia
Diplomado en Nutrición Humana e Dietética
Diplomado en Óptica e Optometría
Diplomado en Podoloxía
Diplomado en Terapia Ocupacional
d) Ciencias sociais e xurídicas
Subgrupo A1:
Licenciado en Administración e Dirección de Empresas
Licenciado en Ciencias Actuais e Financeiras
Licenciado en Ciencias do Traballo
Licenciado en Ciencias Políticas e da Administración
Licenciado en Comunicación Audiovisual
Licenciado en Dereito
Licenciado en Economía
Licenciado en Investigación e Técnicas do Mercado
Licenciado en Pedagogía
Licenciado en Periodismo
Licenciado en Psicopedagogía
Licenciado en Publicidade e Relacións Públicas
Licenciado en Socioloxía
Licenciado en Ciencias da Actividade Física e o Deporte
Subgrupo A2:
Diplomado en Ciencias Empresariais
Diplomado en Educación Social
Diplomado en Xestión e Administración Pública
Diplomado en Relacións Laborais
Diplomado en Traballo Social
Diplomado en Turismo
Mestre
e) Enxeñaría e arquitectura
Subgrupo A1:
Arquitecto

Enxeñeiro aeronáutico
Enxeñeiro de Camiños, Canais e Portos
Enxeñeiro de Materiais
Enxeñeiros de Minas
Enxeñeiro de Telecomunicación
Enxeñeiro en Automática e Electrónica Industrial
Enxeñeiro en Electrónica
Enxeñeiro en Xeodesia e Cartografía
Enxeñeiro en Organización Industrial
Enxeñeiro xeólogo
Enxeñeiro industrial
Enxeñeiro naval e oceánico
Enxeñeiro en Informática
Enxeñeiro químico
Enxeñeiro agrónomo
Enxeñeiro de Montes
Licenciado en Máquinas Navais
Licenciado en Náutica e Transportes Marítimos
Licenciado en Radioelectrónica Naval
Subgrupo A2:
Arquitecto técnico
Enxeñeiro técnico agrícola
Enxeñeiro técnico forestal
Enxeñeiro técnico informático
Enxeñeiro técnico aeronáutico
Enxeñeiro técnico industrial
Enxeñeiro técnico de Minas
Enxeñeiro técnico naval
Enxeñeiro técnico de Telecomunicación
Enxeñeiro técnico en Topografía
Enxeñeiro técnico en Obras Públicas
Enxeñeiro técnico en Deseño Industrial
Diplomado en Máquinas Navais
Diplomado en Navegación Marítima
Diplomado en Radioelectrónica Naval

EMENDAS MANTIDAS:

-Do G.P. Bloque Nacionalista Galego.
Emenda nº6, de Supresión.

Emenda de supresión. Artigo 11

Suprímese o artigo 11.

DITAME DA COMISIÓN:

Artigo 12. **Persoal laboral temporal que desempeñe postos de traballo de persoal funcionario**

Engádesse unha disposición transitoria primeira bis á Lei 2/2015, do 29 de abril, do emprego público de Galicia, co seguinte contido:

«Disposición transitoria primeira bis. Persoal laboral temporal que desempeñe postos de traballo de persoal funcionario

1. A aprobación das correspondentes relacións de postos de traballo polo Consello da Xunta de Galicia de acordo coas previsións do punto 2 da disposición transitoria primeira determinará, de acordo co establecido nos artigos 26 e 38 desta lei, a transformación en postos de traballo de natureza funcional daquelles postos vacantes que viñan sendo desempeñados por persoal laboral temporal.

O persoal laboral indicado poderá seguir desempeñando as súas funcións, de acordo co establecido nos apartados seguintes desta disposición.

2. Coa finalidade de facer posible o cumprimento das normas establecidas nesta lei en canto aos postos que deben ser cubertos por persoal funcionario, os principios de organización, racionalización e ordenación do persoal, así como para homoxeneizar o réxime xurídico e condicións de traballo aplicables a este, co fin de facilitar unha eficaz prestación dos servizos públicos, a Administración expedirá un nomeamento de natureza funcional interina, no correspondente corpo ou escala de clasificación, ao persoal laboral temporal que, de acordo co establecido no apartado anterior, ocupe postos previstos como de natureza funcional nas relacións de postos de traballo, sempre que reúna os requisitos para a ocupación do posto e fora seleccionado como laboral temporal segundo os procedementos de acceso á condición de laboral temporal establecidos pola normativa vixente.

Este nomeamento requirirá a aceptación do persoal interesado e suporá a novación da relación xurídica existente coa Administración, sen solución de continuidade na prestación dos servizos, e a transformación daquela nun vínculo xurídico de natureza funcional interina, rexido pola presente lei. Cando as retribucións do persoal laboral sexan diferentes ás correspondentes ao réxime funcional, logo da negociación coas organizacións sindicais presentes na Mesa Xeral de Empregados Públicos e de acordo sempre co principio de estabilidade orzamentaria, por decreto do Consello da Xunta de Galicia estableceranse as condicións e os prazos da equiparación retributiva.

3. No caso de que a relación de postos de traballo prevexa a amortización do posto, de acordo coas necesidades de organización do servizo público, nos casos en que o persoal interesado non acepte o nomeamento interino previsto no apartado anterior, ou este non fose procedente de acordo co nel indicado, e co fin do cumprimento dos principios establecidos neste, a Administración procederá a efectuar os trámites legais tendentes á extinción da relación laboral, sempre de acordo co establecido na lexislación laboral e coas consecuencias, incluídas as indemnizatorias, establecidas nela.

4. Os postos de traballo que pasen a ser desempeñados por persoal funcionario interino como consecuencia dos procesos establecidos na presente disposición quedarán suxeitos á súa convocatoria nos concursos de traslados e aos procesos selectivos de persoal funcionario da Xunta de Galicia.

5. As necesidades de cobertura temporal que xurdan despois da transformación dos postos de traballo previstos nesta disposición serán realizadas a través do sistema de listas para a cobertura de postos reservados a persoal funcionario.»

EMENDAS MANTIDAS:

-Do G.P. En Marea.
Emenda nº8, de Supresión.

Débese suprimir o artigo.

-Do G.P. Socialistas de Galicia.
Emenda nº15, de Supresión.

Debe ser suprimido.

-Do G.P. Bloque Nacionalista Galego.
Emenda nº7, de Supresión.

Emenda de supresión. Artigo 12
Suprímese o artigo 12.

DITAME DA COMISIÓN:

Artigo 13. Postos directivos na Administración xeral da Comunidade Autónoma de Galicia

Modifícase a alínea 4 da disposición transitoria terceira da Lei 2/2015, do 29 de abril, do emprego público de Galicia, que queda redactada como segue:

«4. O persoal funcionario de carreira que a partir da entrada en vigor da presente lei acceda aos postos directivos a que fai referencia esta disposición manterase na situación de servizo activo, con reserva do posto de traballo que ocupe con carácter definitivo no momento do nomeamento, se o devandito posto se obtivo mediante concurso.»

EMENDAS MANTIDAS:

-Do G.P. Socialistas de Galicia.
Emenda nº16, de Supresión.

Debe ser suprimido.

DITAME DA COMISIÓN:

Artigo 14. Postos ocupados por persoal laboral afectados pola creación de escalas

Engádesse unha disposición transitoria décimo sexta na Lei 2/2015, do 29 de abril, do emprego público de Galicia, co seguinte contido:

«Disposición transitoria décimo sexta. Postos ocupados por persoal laboral afectados pola creación de escalas

1. O persoal laboral fixo que na entrada en vigor desta lei estea desempeñando postos de traballo afectados pola creación das escalas de Administración xeral e especial poderá seguir desempeñándoos.

2. Entrementres non se realicen as adaptacións necesarias para a provisión dos postos de traballo por persoal funcionario mencionados no apartado anterior, poderán seguir sendo provistos con persoal laboral.»

EMENDAS MANTIDAS:

-Do G.P. Bloque Nacionalista Galego.
Emenda nº8, de Supresión.

Emenda de supresión. Artigo 14

Suprímese o artigo 14.

DITAME DA COMISIÓN:

Artigo 15. Provisión de postos de traballo e mobilidade
Modifícase o artigo 7 da Lei 1/2012, de medidas temporais en determinadas materias de emprego público da Comunidade Autónoma de Galicia, que queda redactado como segue:
«Artigo 7. Provisión de postos de traballo e mobilidade
Non serán ofertados nos concursos de traslados os postos de persoal laboral afectados pola disposición transitoria décimo cuarta do texto refundido da Lei da función pública de Galicia, aprobado polo Decreto legislativo 1/2008, do 13 de marzo, e pola disposición transitoria décima do V Convenio colectivo de persoal laboral da Xunta de Galicia, mentres non se realicen os procesos selectivos a que se refiren as ditas disposicións.»

EMENDAS MANTIDAS:

-Do G.P. Socialistas de Galicia.
Emenda nº17, de Supresión.

Debe ser suprimido

DITAME DA COMISIÓN:

Artigo 16. Integración do persoal laboral fixo das entidades instrumentais como persoal laboral da Administración xeral da Comunidade Autónoma de Galicia e aplicación do convenio colectivo único ao persoal laboral temporal

Modifícase a disposición adicional décimo primeira da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, que queda redactada como segue:

«Disposición adicional décimo primeira. Integración do persoal laboral fixo das entidades instrumentais como persoal laboral da Administración xeral da Comunidade Autónoma de Galicia e aplicación do convenio colectivo único ao persoal laboral temporal

1. O Consello da Xunta de Galicia, mediante decreto, poderá establecer os procedementos que habiliten a progresiva integración como persoal laboral da Administración xeral da Comunidade Autónoma de Galicia do persoal laboral fixo das entidades instrumentais ás que lles sexa aplicable esta lei que non estea sometido á normativa xeral de función pública ou ao convenio colectivo do persoal da Xunta de Galicia.

O establecemento dos devanditos procedementos e das referidas condicións de integración será negociado coas organizacións sindicais presentes na Mesa Xeral de Empregados Públicos.

A integración do persoal das entidades instrumentais do ámbito sanitario rexerase pola súa normativa específica.

2. Así mesmo, para homoxeneizar o réxime xurídico e condicións de traballo aplicables ao persoal, poderá negociarse coas organizacións sindicais presentes na Mesa Xeral de Empregados Públicos de Galicia a aplicación do Convenio colectivo único do persoal laboral da Xunta de Galicia ao persoal laboral temporal das entidades indicadas no primeiro parágrafo do apartado anterior que ocupe postos de traballo que sexa necesario manter. As condicións e prazos nas que se adecuarán as retribucións deste persoal ao convenio colectivo único serán iguais ás correspondentes ao persoal laboral fixo do ente que se integre como persoal laboral da Administración xeral da Comunidade Autónoma de Galicia.»

EMENDAS MANTIDAS:

-Do G.P. En Marea.
Emenda nº9, de Supresión.

Débese suprimir o artigo.

-Do G.P. Socialistas de Galicia.
Emenda nº18, de Supresión.

Debe ser suprimido

DITAME DA COMISIÓN:

Artigo 17. Persoal licenciado ou diplomado da escala de saúde pública e administración sanitaria

O persoal funcionario de carreira licenciado ou diplomado da escala de saúde pública e administración sanitaria poderá ocupar con carácter temporal, mediante comisión de servizos voluntaria, postos de traballo dunha clase diferente á que pertenza, dentro da referida escala, sempre que a titulación de acceso da súa clase orixinaria sexa a mesma que a requirida para o acceso á clase correspondente ao posto de que se trate. En todo caso, outorgarase prioridade ao persoal funcionario que pertenza á mesma clase do posto que sexa obxecto de cobertura.

EMENDAS MANTIDAS:

-Do G.P. Socialistas de Galicia.
Emenda nº19, de Supresión.

Débe ser suprimido

DITAME DA COMISIÓN:

Artigo 17 bis). **Negociación coas organizacións sindicais**
Cando as decisións da Administración ditadas en aplicación das potestades de organización recoñecidas no presente título produzan consecuencias que teñan repercusión sobre as condicións de traballo dos empregados públicos recollidas no artigo 153 da Lei 2/2015, do 29 de abril, do emprego público de Galicia, procederá a negociación destas condicións coas organizacións sindicais de acordo co disposto na indicada lei.

NON TEN EMENDAS

DITAME DA COMISIÓN:

CAPÍTULO II

Réxime financeiro

Artigo 18. Concepto

Modifícase o artigo 87 do texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, que queda redactado como segue:

«Artigo 87. Concepto

1. Constitúen a Tesouraría da Comunidade Autónoma de Galicia todos os recursos financeiros, sexan diñeiro, valores, créditos e os demais produtos das operacións de endebedamento da súa Administración xeral, organismos autónomos, axencias públicas autonómicas, entidades públicas empresariais e entidades públicas instrumentais de consulta ou asesoramento, que se xeren tanto por operacións orzamentarias como extraorzamentarias.

2. As dispoñibilidades da Tesouraría e as variacións que poidan sufrir están suxeitas ao réxime de intervención e deben ser rexistradas de conformidade coas normas de contabilidade pública. Poderán establecerse procedementos especiais de anotación en conta para aqueles movementos internos de efectivo entre as distintas contas operativas da Tesouraría que determine o conselleiro competente en materia de facenda.»

NON SE PRESENTARON EMENDAS

DITAME DA COMISIÓN:

Artigo 19. Funcións

Modifícase o artigo 88 do texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, que queda redactado como segue:

«Artigo 88. Funcións

Son funcións propias da Tesouraría:

- a) A xestión recadatoria dos recursos e o pagamento das obrigas da Administración xeral da Comunidade Autónoma e das entidades públicas instrumentais sinaladas no artigo anterior.
- b) Instrumentar e servir ao principio de unidade de caixa, mediante a centralización de todos os fondos e valores xerados por operacións orzamentarias e extraorzamentarias.
- c) Distribuír no tempo e no territorio as dispoñibilidades de diñeiro para a satisfacción puntual das obrigas da Comunidade Autónoma.
- d) Velar pola obtención da axeitada rendibilidade dos recursos dispoñibles da Comunidade Autónoma sen menoscabo dos fins propios da Tesouraría.
- e) Responder dos avais contraídos pola Comunidade Autónoma conforme as disposicións desta lei.
- f) As demais funcións que deriven ou se relacionen coas anteriores enumeradas.»

NON SE PRESENTARON EMENDAS

DITAME DA COMISIÓN:

Artigo 20. Situación dos fondos da Comunidade Autónoma
Modifícase o artigo 89 do texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, que queda redactado como segue:

«Artigo 89. Situación dos fondos da Comunidade Autónoma

1. Con carácter xeral a Tesouraría da Comunidade Autónoma situará os fondos públicos no Banco de España ou nas entidades de crédito e aforro que operen en Galicia, en contas das que, en todo caso, posuirá a titularidade.

2. A Tesouraría da Comunidade Autónoma poderá instrumentar todas aquelas operacións activas que considere convenientes para manter a adecuada rendibilidade dos fondos ao seu cargo, guiada en todo caso polo principio de seguridade na súa colocación.

3. O réxime xeral de autorizacións para a situación e colocación de fondos, a natureza das contas, o control e a disposición dos fondos e dos servizos de colaboración que se vaian concertar coas entidades financeiras indicadas no punto anterior establecerao a consellaría competente en materia de facenda.»

NON SE PRESENTARON EMENDAS

DITAME DA COMISIÓN:

Artigo 21. Situación dos fondos das entidades públicas instrumentais

Modifícase o artigo 90 do texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, que queda redactado como segue:

«Artigo 90. Situación dos fondos das entidades públicas instrumentais

1. Os fondos dos organismos autónomos, das axencias públicas autonómicas e das entidades públicas empresariais, así como das entidades públicas instrumentais de consulta e asesoramento, situaranse en contas diferenciadas coa autorización expresa da consellaría competente en materia de facenda e baixo o control da Tesouraría, utilizando rúbricas que conteñan a denominación xeral de «Entidades públicas instrumentais da Comunidade Autónoma de Galicia», tendo a consideración, para todos os efectos, de fondos da propia Tesouraría.

2. Os ditos fondos poderán estar situados no Banco de España ou noutras entidades de crédito e aforro que operen en Galicia, e necesitarán autorización expresa da consellaría competente en materia de facenda para a apertura de cada conta e para a determinación das súas condicións de funcionamento, logo de solicitude motivada e con expresión da finalidade da súa apertura.

A Tesouraría da Comunidade Autónoma poderá solicitar do órgano administrativo xestor calquera dato tendente a comprobar o cumprimento das condicións nas que se autorizou a apertura da conta e poderá ordenar a súa cancelación ou suspender a súa utilización se se comproba que non subsisten as condicións que motivaron a autorización de apertura.

3. As entidades financeiras indicadas no punto anterior teñen para coa Tesouraría da Comunidade Autónoma, á súa solicitude, as mesmas obrigas de información que para coas consellarías e as entidades públicas instrumentais titulares das contas abertas nelas.

4. A consellaría competente en materia de facenda poderá propoñerlle ao Consello da Xunta que as operacións de ingreso e de ordenación e realización material do pagamento das entidades públicas instrumentais ás que lles sexa de aplicación o disposto neste artigo as realice a dirección xeral competente en materia de Tesouraría, para o cal se establecerá o correspondente procedemento.

5. O disposto no presente artigo será tamén de aplicación ás entidades públicas instrumentais a que fai referencia a disposición transitoria terceira da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, que aínda non adaptasen a súa regulación ás determinacións do título III da citada lei.»

NON TEN EMENDAS

DITAME DA COMISIÓN:

Artigo 22. Ingresos e medios de pagamento

Modifícase o artigo 91 do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, que queda redactado como segue:

«Artigo 91. Ingresos e medios de pagamento

1. Os ingresos a favor da Tesouraría poderán realizarse no Banco de España, nas caixas da propia Tesouraría ou das súas entidades colaboradoras, ou ben nas que se habiliten nas entidades públicas instrumentais ás que se fai referencia no artigo anterior.
2. Os medios de pagamento admisibles polas caixas da Tesouraría poderán consistir en diñeiro de curso legal, cheques nominativos, xiros, transferencias ou calquera outro medio de pagamento legalmente establecido. A consellaría competente en materia de facenda establecerá as condicións que terán que cumprir e o momento no que en cada caso se producirá a liberación da débeda.
3. A Tesouraría poderá darlles cumprimento ás súas obrigas por calquera dos medios de pagamento a que se fai referencia no punto anterior.»

NON SE PRESENTARON EMENDAS

DITAME DA COMISIÓN:

Artigo 23. Prescrición dos depósitos e garantías en efectivo constituídos ante a Caixa Xeral de Depósitos da Comunidade Autónoma

Engádese un novo artigo 91 *bis* no texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, co seguinte contido:

“Artigo 91 *bis*. Prescrición dos depósitos e garantías en efectivo constituídos ante a Caixa Xeral de Depósitos da Comunidade Autónoma

Os depósitos e garantías en efectivo constituídos na Caixa Xeral de Depósitos da Comunidade Autónoma respecto dos cales non se realice xestión ningunha por parte dos interesados no exercicio do seu dereito de propiedade prescribirán a favor da Facenda da Comunidade Autónoma no prazo de vinte anos.”

NON TEN EMENDAS

DITAME DA COMISIÓN:

Artigo 24. Fluxos financeiros

Modifícase o artigo 92 do texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, que queda redactado como segue:

«Artigo 92. Fluxos financeiros

Para unha mellor xestión da Tesouraría e unha adecuada análise do seu funcionamento, deberase elaborar trimestralmente un cadro de seguimento dos fluxos financeiros derivados da actividade do sector público autonómico afectado polo disposto neste título, no marco das previsións dun orzamento monetario.»

NON SE PRESENTARON EMENDAS

DITAME DA COMISIÓN:

Artigo 25. Xestión orzamentaria

Modifícase a alínea 2 do artigo 14 da Lei 2/2011, do 16 de xuño, de disciplina orzamentaria e sustentabilidade financeira , que queda redactado como segue:

«2. As consellarías e as entidades instrumentais do sector público autonómico deberán elaborar unha adecuada planificación dos investimentos públicos que pretenden realizar a medio prazo, axustándose aos obxectivos estratéxicos de cada un dos programas orzamentarios que xestionan, á sustentabilidade dos servizos públicos e aos seus escenarios plurianuais de gasto.

Para tal efecto, os expedientes de autorización de investimentos do sector público autonómico, ou a modificación orzamentaria que os financie, deberán ir acompañados dunha memoria, co alcance e contido que se estableza por orde da consellaría competente en materia de facenda, na que se cuantifique o custo total do investimento e as implicacións no gasto corrente dos exercicios futuros que o seu normal funcionamento implica.»

NON SE PRESENTARON EMENDAS

DITAME DA COMISIÓN:

CAPÍTULO III

Procedemento administrativo

Artigo 26. Información administrativa do cidadán

Un. Para dar cumprimento ao desenvolvemento da Lei 39/2015, do 1 de outubro, do procedemento administrativo común das administracións públicas, a Carpeta do cidadán da Administración xeral e das entidades do sector público autonómico configúrase como o conxunto de información e documentos en formato electrónico relativos ás relacións administrativas coas persoas interesadas. A dita carpeta estará dispoñible para a persoa interesada na sede electrónica da Xunta de Galicia (<https://sede.xunta.gal>) e nas canles que se establezan.

Dous. A Carpeta do cidadán, co obxectivo de dar cumprimento ao dereito de información e orientación ao interesado, tanto persoas físicas como xurídicas, nos procedementos administrativos, nos termos establecidos na Lei 39/2015, ofrecerá, entre outros servizos, **información personalizada aos cidadáns e persoas xurídicas do estado de tramitación dos seus expedientes na Administración xeral e nas entidades do sector público autonómico**, dos seus asentos rexistrados, das transmisións de datos entre administracións relativas aos seus expedientes ou dos seus datos e documentos recollidos pola Administración. Así mesmo, permitirá a realización de distintos trámites administrativos, así como o acceso aos documentos dos seus expedientes.

Tres. Os distintos órganos e entidades que integran a Administración xeral e o sector público autonómico garantirán a permanente actualización da información e contidos da Carpeta do cidadán. Para os efectos do disposto no presente artigo, quedan autorizadas as cesións e comunicacións dos datos de carácter persoal necesarios para dar cumprimento ao devandito dereito do interesado.

Catro. Así mesmo, estes órganos e entidades poderán acceder ao contido da Carpeta do cidadán co obxecto de garantir o dereito dos interesados de non achegar documentación que xa obre en poder da Administración, así como para prestar servizos de asistencia ao cidadán na relación coa Administración, sempre que o interesado expresase o seu consentimento para que sexan consultados ou obtidos eses documentos.

De conformidade coa normativa básica estatal, presumirase que a consulta ou obtención de documentos que estean en poder da Administración é autorizada polo interesado, salvo que conste no procedemento a súa oposición expresa ou que a lei especial aplicable requira consentimento expreso.

Cinco. De conformidade coa normativa en materia de protección de datos, os datos persoais relativos á Carpeta do cidadán serán incluídos nun ficheiro cuxa finalidade é a xestión dos servizos da Carpeta do cidadán.

Seis. O previsto no presente artigo será de aplicación sen prexuízo do disposto na disposición adicional primeira da Lei 39/2015, do 1 de outubro, do procedemento administrativo común das administracións públicas, e do previsto na Lei 58/2003, do 17 de decembro, xeral tributaria.

NON TEN EMENDAS

DITAME DA COMISIÓN:

Artigo 27. Sistema de notificacións electrónicas de Galicia

Un. As notificacións da Administración xeral e do sector público autonómico serán preferentemente electrónicas, conforme os termos da lexislación básica estatal, e realizaranse na sede electrónica da Xunta de Galicia ou no enderezo electrónico habilitado único que a Administración pública galega pon á disposición da cidadanía a través do Sistema de notificacións electrónicas de Galicia.

Dous. O enderezo de referencia do Sistema de notificacións electrónicas de Galicia é <https://notifica.xunta.gal/>. O acceso ao sistema estará tamén dispoñible no portal web institucional da Xunta de Galicia (www.xunta.gal), e na sede electrónica (<https://sede.xunta.gal>).

A xestión tecnolóxica do Sistema de notificacións electrónicas corresponderá á Axencia para a Modernización Tecnolóxica de Galicia, ou órgano ou entidade que asuma as súas competencias. Corresponderá a cada órgano ou entidade da Administración xeral e do sector público autonómico a súa aplicación á xestión dos distintos procedementos administrativos do seu ámbito de competencia.

Logo da autorización do Consello da Xunta de Galicia, a Axencia para a Modernización Tecnolóxica de Galicia poderá modificar os enderezos electrónicos de referencia do sistema mediante a publicación no Diario Oficial de Galicia dunha resolución que estableza os novos enderezos.

Tres. O Sistema informará os interesados dos requirimentos técnicos cos que deben contar para garantir o adecuado acceso ao sistema, sendo responsabilidade dos interesados contar cos medios axeitados para isto.

Catro. Nos casos de non funcionamento do sistema por razóns de imposibilidade técnica no envío ou posta á disposición, derivada de caso fortuíto, forza maior ou outras incidencias técnicas, as notificacións que se teñan que realizar na sede electrónica da Xunta de Galicia ou no enderezo electrónico habilitado único, mentres non se restableza o sistema, poderán efectuarse, a xuízo do órgano que tramite o procedemento, e atendendo ao cumprimento dos prazos de resolución e ás circunstancias concorrentes, por medios non electrónicos, de acordo co establecido na lexislación básica, en calquera lugar adecuado para tal fin, en papel ou por calquera medio que permita ter constancia da recepción polo interesado ou polo seu representante, así como da data, da identidade e do contido do acto notificado.

Cinco. Para os efectos do acceso ao contido das notificacións polos interesados, o sistema informará das indispoñibilidades do servizo planificadas, así como das interrupcións non planificadas derivadas de incidencias técnicas do sistema. O sistema proverá os interesados que así o soliciten do oportuno xustificante electrónico de indispoñibilidade que exprese os períodos de interrupción, para os efectos, de ser o caso, da súa presentación polo interesado no correspondente procedemento e da xustificación ante o órgano competente para a súa tramitación da imposibilidade de cumprimento dos prazos dentro deste e a petición da súa ampliación, se así procede.

Seis. En todo caso, de acordo co establecido na normativa básica estatal, con independencia do medio utilizado, as notificacións serán válidas sempre que permitan ter constancia do seu envío ou posta á disposición, da recepción ou acceso polo interesado ou polo seu representante, das súas datas e horas, do contido íntegro e da identidade fidedigna do remitente e destinatario desta. A acreditación da notificación efectuada incorporarase ao expediente.

Sete. Os criterios de obrigatoriedade da notificación electrónica a través do Sistema de notificacións electrónicas de Galicia previstos nesta lei serán de aplicación para os expedientes administrativos iniciados a partir da entrada en vigor da Lei 39/2015, do 1 de outubro, do procedemento administrativo común das administracións públicas.

NON SE PRESENTARON EMENDAS

DITAME DA COMISIÓN:

Artigo 28. Interesados que non están obrigados a relacionarse a través de medios electrónicos coa administración

Un. Os interesados que non estean obrigados ,de acordo coa normativa básica, a relacionarse por medios electrónicos coa Administración poderán solicitar a creación do seu enderezo habilitado único a través do Sistema de notificacións electrónicas de Galicia, mediante os modelos normalizados dispoñibles para estes efectos no propio sistema, para os efectos de recibir a partir dese momento as notificacións a través de medios electrónicos en calquera procedemento administrativo tramitado pola Administración xeral e do sector público autonómico.

Dous. En particular, nos procedementos iniciados por solicitude do interesado, cando o interesado elixa no modelo normalizado de solicitude que a notificación nese procedemento se practique por medios electrónicos, a Administración creará o seu enderezo habilitado único.

Tres. A creación do seu enderezo electrónico habilitado nos casos dos dous puntos anteriores implicará que as notificacións que deban cursarse co interesado se realizarán preferentemente por vía electrónica, de acordo co establecido na normativa básica, sen prexuízo do seu dereito a decidir e a comunicar en calquera momento á Administración pública, mediante os modelos normalizados dispoñibles no sistema para o efecto, que as notificacións sucesivas se deixen de practicar por medios electrónicos. En particular, nos sucesivos procedementos iniciados por solicitude do interesado, a notificación en cada un deles practicarase polo medio sinalado para o efecto por aquel no modelo normalizado de solicitude.

Catro. Para os efectos do disposto na lexislación básica, a Administración autonómica, no momento en que se teña que practicar a un interesado dos previstos neste artigo unha notificación en papel, porá tamén á disposición do interesado, a través da sede electrónica, o contido da notificación para que poida acceder a este de forma voluntaria, e poderá dar de alta de oficio o enderezo electrónico habilitado do interesado no caso de que non o teña. A información relativa a esta cuestión poderá incluírse na notificación en papel.

Cinco. Os modelos normalizados do Sistema de notificacións electrónicas de Galicia a que se refiren as alíneas Un e Tres deste artigo serán establecidos pola Axencia para a Modernización Tecnolóxica de Galicia, ou órgano ou entidade que asuma as súas competencias, mediante a súa posta á

disposición en formato electrónico no propio sistema, e serán de uso obrigatorio para os interesados.

A aprobación dos modelos normalizados de solicitude nos concretos procedementos iniciados por solicitude do interesado a que se refiren as alíneas Dous e Tres corresponderá ao órgano competente en cada procedemento, tras o cumprimento dos trámites establecidos regulamentariamente para a habilitación de procedementos electrónicos.

NON SE PRESENTARON EMENDAS

DITAME DA COMISIÓN:

Artigo 29. Interesados que están obrigados a relacionarse a través de medios electrónicos coa Administración

Un. No caso de interesados que, de acordo coa normativa básica, estean obrigados a relacionarse a través de medios electrónicos coa Administración, deberán crear e manter o seu enderezo electrónico habilitado único a través do Sistema de notificacións electrónicas de Galicia, para todos os procedementos administrativos tramitados pola Administración xeral e o sector público autonómico. En todo caso, a Administración xeral poderá de oficio crear o indicado enderezo, para os efectos de asegurar o cumprimento polos indicados interesados da súa obriga de relacionarse por medios electrónicos.

Dous. En particular, nos procedementos iniciados por solicitude dos interesados previstos neste artigo, deberá optarse, en todo caso, no modelo normalizado de solicitude pola notificación por medios electrónicos, sen que sexa válida para eles, nin produza efectos no procedemento, unha opción diferente.

Tres. Nos procedementos iniciados de oficio, nos casos en que os interesados previstos neste artigo non creasen o seu enderezo electrónico habilitado único, este será creado de oficio pola Administración xeral, de acordo co indicado na alínea Un, e practicaranse nel as correspondentes notificacións. O órgano competente para a tramitación do procedemento, para os efectos de facilitar a posta á disposición daquelas das canles de acceso necesarias e dos sistemas e aplicacións previstos nesta lei, poderá practicar unha comunicación en papel no seu domicilio, recordando ao interesado a súa obriga de relacionarse por medios electrónicos coa Administración, informándoo da creación de oficio do enderezo electrónico habilitado único e da forma de acceso ao sistema e indicando que ten dispoñible nela a notificación electrónica, así como das consecuencias legais do non-acceso no tempo establecido na lexislación básica. Así mesmo, cando á Administración xeral e do sector público autonómico lle conste a súa dirección de correo electrónico e/ou dispositivo electrónico, adicionalmente á comunicación en papel a Administración poderá avisalo neles do envío ou posta á disposición da notificación.

NON SE PRESENTARON EMENDAS

DITAME DA COMISIÓN:

Artigo 30. Obrigatoriedade de relacionarse a través de medios electrónicos coa Administración para determinados procedementos

Un. De acordo coa lexislación básica, regulamentariamente poderá establecerse a obriga de relacionarse a través de medios electrónicos coa Administración para determinados procedementos e certos colectivos de persoas físicas respecto dos cales, por razón da súa capacidade económica, técnica, dedicación profesional ou outros motivos, quede acreditado que teñen acceso e dispoñibilidade dos medios electrónicos necesarios.

Dous. En particular, nos procedementos para a concesión de axudas e subvencións, as correspondentes bases reguladoras poderán establecer a indicada obriga, sempre que se xustifique nelas a concorrencia das circunstancias indicadas no punto anterior, de acordo coa memoria que para o efecto se inclúa no procedemento seguido para a súa aprobación.

NON TEN EMENDAS

DITAME DA COMISIÓN:

Artigo 31. Colaboración con outras administracións públicas e interoperabilidade do Sistema de notificacións electrónicas de Galicia

Un. O Sistema de notificacións electrónicas de Galicia estará dispoñible para outras administracións públicas, e, en especial, para as administracións locais galegas e entes públicos instrumentais dependentes delas, nos termos que se acorden con elas, permitindo a existencia dun enderezo electrónico habilitado único. En particular, nos convenios de adhesión ao sistema poderá preverse a existencia dunha compensación económica para o órgano xestor do sistema polos gastos que deriven da colaboración.

Dous. O Sistema de notificacións electrónicas de Galicia preverá os mecanismos necesarios para a interoperabilidade das notificacións con outras administracións ou sistemas de notificacións en uso noutras administracións públicas do Estado.

NON SE PRESENTARON EMENDAS

DITAME DA COMISIÓN:

Artigo 32. Adaptación e actualización dos modelos normalizados de tramitación

Os modelos normalizados aplicables na tramitación de procedementos, para a súa utilización en papel ou en formato electrónico, poderán ser modificados co obxecto de mantelos adaptados e actualizados e, en particular, co obxecto de adaptalos ao establecido nesta lei. Para estes efectos, será suficiente a publicación dos modelos adaptados ou actualizados na sede electrónica da Xunta de Galicia, onde estarán permanentemente accesibles para todas as persoas interesadas, sen que sexa necesaria a súa nova publicación no Diario Oficial de Galicia.

NON SE PRESENTARON EMENDAS

DITAME DA COMISIÓN:

Artigo 33. Infraccións administrativas

Un. Engádesse unha nova alínea 1 *bis* ao artigo 53 da Lei 9/2013, do 19 de decembro, do emprendemento e da competitividade económica de Galicia, co seguinte contido:

«1 *bis*. O exceso nos horarios establecidos para os establecementos e actividades a que se refire o título III, capítulo III, sección 2ª da presente lei.»

Dous. Modifícase a letra n) do artigo 116 da Lei 3/2012, do 2 de abril, do deporte de Galicia, que queda redactado como segue:

«n) A obstrución ou resistencia reiterada ao exercicio da función inspectora ou da función de control da Administración deportiva sobre as entidades deportivas.»

NON SE PRESENTARON EMENDAS

DITAME DA COMISIÓN:

Artigo 34. Prazos no procedemento sancionador en materia de transporte marítimo de persoas en augas interiores de Galicia

O prazo máximo para ditar e notificar a resolución do procedemento sancionador en materia de transporte marítimo de persoas en augas interiores de Galicia será dun ano, contado desde a data do acordo de incoación do procedemento.

NON TEN EMENDAS

DITAME DA COMISIÓN:

Artigo 35. Prazos para ditar e notificar as resolucións de diversos procedementos en materia de vivenda

Engádese unha disposición adicional décimo novena á Lei 8/2012, do 29 de xuño, de vivenda de Galicia, co seguinte contido:

“Disposición adicional décimo novena. Prazos para ditar e notificar as resolucións de diversos procedementos en materia de vivenda

As resolucións dos procedementos de desafiuzamento administrativo e de adxudicación de vivendas protexidas de promoción pública deberán ditarse e notificarse no prazo máximo dun ano.”

NON TEN EMENDAS

DITAME DA COMISIÓN:

Artigo 36. Prazos para ditar e notificar as resolucións de diversos procedementos en materia de sanidade

Engádese unha alínea 8 no artigo 39 da Lei 8/2008, do 10 de xullo, de saúde de Galicia, que queda redactada como segue:

“8. O prazo máximo para ditar e notificar as resolucións sancionadoras por infraccións en materia sanitaria será de nove meses, sempre e cando non exista unha norma específica reguladora do procedemento de que se trate que estableza un distinto.”

NON TEN EMENDAS

DITAME DA COMISIÓN:

Artigo 37. Disposicións de adecuación da normativa da Comunidade Autónoma de Galicia en materia sancionadora á Lei 39/2015, do 1 de outubro, do procedemento administrativo común das administracións públicas, e á Lei 40/2015, do 1 de outubro, de réxime xurídico do sector público

Un. O prazo máximo para resolver e notificar os procedementos sancionadores competencia da Administración xeral da Comunidade Autónoma e das súas entidades públicas instrumentais será de seis meses, contados desde o ditado do acordo de inicio, salvo aqueles casos nos que a normativa legal ou regulamentaria reguladora do procedemento estableza un prazo específico diferente. Esta previsión será de aplicación a todos os procedementos sancionadores iniciados a partir da entrada en vigor desta lei.

Dous. En relación cos recursos interpostos fronte a resolucións administrativas sancionadoras, presentados e non resoltos con anterioridade á entrada en vigor da Lei 39/2015, de 1 de outubro, e da Lei 40/2015, do 1 de outubro, de acordo co indicado na normativa básica, e, en particular, co disposto nos artigos 26.2 e 30.3 da citada Lei 40/2015, o prazo previsto para a prescrición da sanción comezará a contarse desde o día seguinte a aquel en que finalizase o prazo legalmente previsto para a resolución do dito recurso, aínda que o prazo en cuestión finalice con anterioridade á entrada en vigor das dúas leis mencionadas, e con independencia do previsto na lexislación sectorial para os procedementos sancionadores de que se trate, cando a dita lexislación sexa anterior ás citadas leis de procedemento administrativo común das administracións públicas, e de réxime xurídico do sector público.

Tres. En caso de tratarse de resolucións administrativas sancionadoras e de restitución da legalidade urbanística, o acto administrativo que resolva o recurso interposto fronte ás ditas resolucións e que dispoña, se é o caso, a prescrición da sanción do acordo co establecido no punto anterior, deberá pronunciarse expresamente sobre o acto administrativo de restitución da legalidade segundo a normativa aplicable e, en particular, tendo en conta os prazos de prescrición indicados nela para a dita restitución, sen que a estes prazos lles sexa aplicable o previsto neste artigo para os prazos de prescrición da sanción.

NON SE PRESENTARON EMENDAS

DITAME DA COMISIÓN:

Artigo 38. Recursos interpostos contra resolucións de expedientes sancionadores e de reposición da legalidade por infraccións reguladas na normativa en materia de costas cometidas na zona de servidume de protección do dominio público marítimo-terrestre pendentes de resolución á entrada en vigor da Lei 39/2015, do 1 de outubro, do procedemento administrativo común das administracións públicas, e da Lei 40/2015, do 1 de outubro, de réxime xurídico do sector público

Un. En consonancia coa lexislación básica estatal, nos recursos interpostos contra resolucións de expedientes sancionadores e de reposición da legalidade por infraccións reguladas na normativa en materia de costas cometidas na zona de servidume de protección do dominio público marítimo-terrestre, o prazo previsto para a prescrición da sanción comezará a contarse desde o día seguinte a aquel en que finalice o prazo legalmente previsto para a resolución do recurso, aínda que o prazo en cuestión finalizase con anterioridade á entrada en vigor da Lei 39/2015, do 1 de outubro, do procedemento administrativo común das administracións públicas, e da Lei 40/2015, do 1 de outubro, de réxime xurídico do sector público.

Dous. Nos supostos sinalados no apartado anterior, nos recursos pendentes de resolución, o prazo de prescrición de quince anos, en consonancia co disposto na Lei 2/2013, do 29 de maio, de protección e uso sustentable do litoral, que modifica o artigo 95 da Lei estatal 22/1988, do 28 de xullo, de costas, en canto á reposición ou restitución da legalidade comezará a computarse desde que a Administración ditou o acto no que se acordou a obriga de restitución.

Tres. A resolución administrativa que resolva os recursos nos supostos previstos no presente artigo acordará de oficio a prescrición da sanción imposta, de ser o caso, e deberá pronunciarse expresamente sobre a prescrición da obriga de restitución da legalidade segundo o indicado no punto anterior.

Catro. Nas obras, edificios, construcións ou instalacións afectados situados dentro da servidume de protección indicada no punto anterior, e sempre que resulte compatible coa lexislación básica estatal, só poderán realizarse, logo da solicitude de autorización do órgano autonómico competente

en materia de zona de servidume de protección, obras imprescindibles para a conservación e o mantemento do uso preexistente, sen que poidan incrementar o valor expropiatorio. Na resolución que declare a prescripción recollerase expresamente a suxeición ao réxime específico establecido neste artigo.

EMENDAS MANTIDAS:

-Do G.P. En Marea.
Emenda nº10, de Supresión.

Débese suprimir o artigo.

DITAME DA COMISIÓN:

Artigo 39. Aplicación da normativa en materia de protección dos consumidores da Lei 2/2012, do 28 de marzo, galega de protección xeral das persoas consumidoras e usuarias

Engádesse unha nova disposición adicional sexta á Lei 2/2012, do 28 de marzo, galega de protección xeral das persoas consumidoras e usuarias, co seguinte contido:

«Disposición adicional sexta

1. Ao amparo do disposto na disposición adicional primeira da Lei 39/2015, do 1 de outubro, do procedemento administrativo común das administracións públicas, o réxime sancionador regulado na Lei 2/2012, do 28 de marzo, galega de protección xeral das persoas consumidoras e usuarias, rexerase por esta lei especial por razón da materia en canto regule trámites adicionais ou distintos do procedemento administrativo común ou non exixa algún dos trámites previstos na Lei 39/2015. Todo isto sen prexuízo do obrigado respecto á lexislación básica.

2. Á vista do disposto no artigo 1 da Lei 40/2015, do 1 de outubro, de réxime xurídico do sector público, o réxime sancionador regulado na Lei 2/2012, do 28 de marzo, galega de protección xeral das persoas consumidoras e usuarias, rexerase por esta lei especial por razón da materia como desenvolvemento das bases da potestade sancionadora reguladas na Lei 39/2015. Todo isto sen prexuízo do obrigado respecto á lexislación básica. En todo caso, a remisión prevista no artigo 30 da Lei 40/2015 ás leis que establezan as infraccións e sancións en canto á súa prescrición deberá entenderse referida á regulación prevista para estes efectos na Lei 2/2012.»

NON SE PRESENTARON EMENDAS

DITAME DA COMISIÓN:

Artigo 40. Silencio administrativo en determinados procedementos en materia de persoal

Nos procedementos iniciados por solicitudes ou reclamacións en materia de persoal, con contido retributivo, formulados polos empregados públicos da Administración xeral e do sector público autonómico de Galicia que teñan repercusión no capítulo I do orzamento de gastos da Comunidade Autónoma, o silencio administrativo producirá efectos desestimatorios.

NON SE PRESENTARON EMENDAS

DITAME DA COMISIÓN:

Artigo 41. Responsabilidades dos membros dos consellos de administración das sociedades mercantís públicas autonómicas ou dos padroados das fundacións públicas autonómicas ou membros das entidades ou órganos liquidadores dun ente do sector público autonómico

Engádesse unha nova disposición adicional décimo quinta á Lei 16/2010, do 17 de decembro, de organización e funcionamento da Administración xeral e do sector público autonómico de Galicia, co seguinte contido:

«Disposición adicional décimo quinta. Responsabilidades dos membros dos consellos de administración das sociedades mercantís públicas autonómicas ou dos padroados das fundacións públicas autonómicas ou membros das entidades ou órganos liquidadores dun ente do sector público autonómico

1. A responsabilidade que lles corresponda ás autoridades e persoal ao servizo da Administración xeral e do sector público autonómico de Galicia como membro do consello de administración das sociedades mercantís públicas autonómicas ou do padroado das fundacións públicas autonómicas será directamente asumida pola Administración ou ente do sector público que o designou.

2. A Administración ou ente do sector público autonómico poderá exixir de oficio ao que designou como membro do consello de administración ou do padroado a responsabilidade en que incorrese polos danos e perdas causados nos seus bens ou dereitos cando concorrese dolo, ou culpa ou negligencia graves, conforme o previsto nas leis administrativas en materia de responsabilidade patrimonial.

3. A responsabilidade que lles corresponda ás autoridades e persoal ao servizo da Administración xeral e do sector público autonómico de Galicia como membro da entidade ou órgano liquidador dun ente do sector público autonómico será directamente asumida pola Administración ou ente do sector público que o designou, quen poderá exixir de oficio a tal designado a responsabilidade que, de ser o caso, corresponda cando concorrese dolo, ou culpa ou negligencia graves, conforme o previsto nas leis administrativas en materia de responsabilidade patrimonial.»

EMENDAS MANTIDAS:

-Do G.P. Bloque Nacionalista Galego.
Emenda nº9, de Modificación.

Emenda de modificación. Artigo 41

Modifícanse nas alíneas 2 e 3, a expresión “poderá exixir de oficio” por “exixirá de oficio”.

DITAME DA COMISIÓN:

Artigo 42. Ordenación das competencias de execución da Comunidade Autónoma respecto do control metrolóxico de instrumentos en servizo

Un. As actividades relacionadas co control metrolóxico de instrumentos en servizo de competencia da Comunidade Autónoma de Galicia serán exercidas pola propia Administración autonómica ou, se é o caso, polos organismos autorizados de verificación metrolóxica que se designen, de acordo co previsto no artigo 8.5 da Lei 32/2014, do 22 de decembro, de metroloxía, e no artigo 8, puntos 1 e 6, do Real decreto 244/2016, do 3 de xuño, polo que se desenvolve a dita lei.

Dous. A Administración autonómica poderá realizar as ditas actividades:

a) Directamente, a través dos órganos da Administración xeral con competencias en materia de industria ou mediante as entidades instrumentais que teñan o carácter de medios propios instrumentais e servizos técnicos.

b) Indirectamente, mediante contrato, de conformidade coa lexislación de contratos do sector público.

Tres. Como consecuencia do indicado nos puntos anteriores, continuará a execución do contrato, actualmente existente, de xestión de servizos públicos, na modalidade de concesión, consistente no control metrolóxico de diversos equipos de medida na fase de instrumentos en servizo no ámbito territorial da Comunidade Autónoma de Galicia. O anterior enténdese sen prexuízo da actuación, no territorio autonómico, de organismos autorizados de verificación metrolóxica que poidan designarse, de acordo co réxime imposto pola normativa estatal en materia de control metrolóxico.

Catro. No caso de que a efectiva realización, no ámbito territorial da Comunidade Autónoma de Galicia, de actividades de verificación metrolóxica por organismos autorizados de verificación metrolóxica designados conforme o procedemento previsto na Lei 32/2014, do 22 de decembro, de metroloxía, e no Real decreto 244/2016, do 3 de xuño, polo que se desenvolve a dita lei, supoña un desequilibrio económico acreditado do contrato ao que se alude no punto 3 desta disposición, o concesionario poderá solicitar o restablecemento do equilibrio económico. Neste caso, comprobada polo órgano de contratación a existencia dun desequilibrio económico, este adoptará as medidas procedentes para o restablecemento do equilibrio económico do contrato, conforme o disposto na lexislación de contratos do sector público. As ditas medidas

poderán consistir na modificación das tarifas que deben aboar as persoas usuarias, na redución do prazo do contrato ou, en xeral, en calquera modificación das cláusulas de contido económico incluídas no contrato, de xeito que este poida seguir desenvolvéndose co mesmo equilibrio económico existente no momento da súa celebración.

O indicado anteriormente entenderase sen prexuízo da posibilidade de modificar o contrato de acordo cos límites da lexislación de contratos do sector público, ou da súa resolución, se nin o reequilibrio económico nin a modificación contractual foren posibles.

As anteriores medidas, limitadas ao estrito marco contractual, entenderanse sen prexuízo da responsabilidade patrimonial, se é o caso, polos danos derivados da aplicación do novo marco normativo en materia de metroloxía, que será exigible, cando se dean os supostos constitucionais e legais para o seu exercicio, ante os órganos competentes.

NON SE PRESENTARON EMENDAS

DITAME DA COMISIÓN:

Artigo 43. Autorización administrativa

Modifícase a letra f) do artigo 6 da Lei 14/1985, do 23 de outubro, reguladora dos xogos e apostas de Galicia, que queda redactada como segue:

«f) Apostas que sexan expresión ou consecuencia do resultado dun acontecemento previamente determinado, de desenlace incerto e alleo ás persoas apostantes.»

EMENDAS MANTIDAS:

-Do G.P. Bloque Nacionalista Galego.
Emenda nº10, de Supresión.

Emenda de supresión. Artigo 43

Suprímese o artigo 43.

DITAME DA COMISIÓN:

CAPÍTULO IV

Vivenda

Artigo 44. Solo para vivendas protexidas

Engádese unha alínea 3 ao artigo 72 da Lei 8/2012, do 29 de xuño, de vivenda de Galicia, co seguinte contido:

«3. No suposto de que o Instituto Galego da Vivenda e Solo, no desenvolvemento dunha actuación de solo residencial, adquiera ou permute vivendas incompatibles coa nova ordenación, as persoas propietarias ou usufrutuarias, sempre que residan nestas vivendas, poderán acceder directamente ás parcelas de uso residencial para construción de vivenda unifamiliar ou ás vivendas protexidas que se promovan no ámbito sen necesidade de ter que cumprir os requisitos de acceso a estas vivendas, que deberán, en todo caso, destinalas a residencia habitual e permanente.»

EMENDAS MANTIDAS:

-Do G.P. En Marea.

Emenda nº11, de Supresión.

Débese suprimir o artigo.

DITAME DA COMISIÓN:

CAPÍTULO V

Economía e industria

Artigo 45. Catastro Mineiro de Galicia

Un. Modifícase a alínea 2 do artigo 9 da Lei 3/2008, do 23 de maio, de ordenación da minaría de Galicia, que queda redactada como segue:

«2. Os datos reflectidos no Rexistro Mineiro de Galicia incorporaranse ao Catastro Mineiro de Galicia, que constituirá información de apoio para a xestión interna e a definición da política mineira da Comunidade Autónoma. A xestión do Catastro Mineiro de Galicia corresponde á Cámara Oficial Mineira de Galicia.»

Dous. Renuméranse as actuais alíneas 1 e 2 do artigo 14 da Lei 3/2008, do 23 de maio, de ordenación da minaría de Galicia, como 2 e 3, e engádese unha nova alínea 1, que queda redactada como segue:

"1. Para a elaboración de instrumentos de planificación con incidencia na minaría teranse en conta as solicitudes e os dereitos mineiros outorgados ou concedidos no territorio da Comunidade Autónoma de Galicia, para o cal será obrigatorio solicitar un certificado do Catastro Mineiro de Galicia."

Tres. Engádese unha nova disposición adicional quinta á Lei 3/2008, do 23 de maio, de ordenación da minaría de Galicia, co seguinte contido:

«Disposición adicional quinta. Censo Catastral Mineiro
O Censo Catastral Mineiro de Galicia, xestionado pola Cámara Oficial Mineira de Galicia, constitúese no Catastro Mineiro de Galicia ao que fai referencia o artigo 9.»

EMENDAS MANTIDAS:

-Do G.P. Bloque Nacionalista Galego.
Emenda nº11, de Supresión.

Emenda de supresión. Artigo 45

Suprímese a redacción dada á letra e) da alínea 2 do artigo 2 da Lei 7/2012, do 28 de xuño, de montes de Galicia.

DITAME DA COMISI3N:

Artigo 46. Concepto de consumidor

Modifcase a alnea 1 do artigo 3 da Lei 2/2012, do 28 de marzo, galega de proteccin xeral das persoas consumidoras e usuarias, que queda redactada como segue:

«1. Para os efectos desta norma, son consumidores as persoas ffsicas que actfen cun prop3sito alleo 3 sfa actividade comercial, empresarial, oficio ou profesin.

Son tamfn consumidores, para os efectos desta norma, as persoas xurfdicas e as entidades sen personalidade xurfdica que actfen sen 3nimo de lucro nun 3mbito alleo a unha actividade comercial ou empresarial.

Non obstante o anterior, en todo caso, ter3 a condicin de consumidor aquela persoa ou entidade que teffa a dita consideracin segundo o Dereito da Unin Europea ou a norma de transposicin deste ao ordenamento xurfdico interno, asf como toda persoa, ffsica ou xurfdica, pblica ou privada, calquera que sexa a sfa nacionalidade ou residencia, que adquira ou utiliza, ou 3 cal se lle oferta, como destinatario final, un ben, calquera que sexa a sfa natureza, ou un servizo, calquera que sexa a forma e a actividade en que consista, inclufdos aqueles servizos de adquisicin, dep3sitos ou pefor de bens ou dereitos dos consumidores e calquera que sexa a natureza, pblica ou privada, individual ou colectiva, daqueles que os produzan, importen, faciliten, fornezan ou expidan, sempre que o seu destino final sexa o seu uso persoal, familiar ou colectivo, alleo a unha actividade empresarial, profesional ou artesanal.»

NON SE PRESENTARON EMENDAS

DITAME DA COMISIÓN:

Artigo 47. Consello Galego de Economía e Competitividade Un. Modifícase o artigo 18 da Lei 13/2010, do 17 de decembro, do comercio interior de Galicia, que queda redactado como segue:

“Artigo 18. *Consello Galego de Economía e Competitividade*

1. O Consello Galego de Economía e Competitividade, creado pola Lei 9/2013, do 19 de decembro, do emprendemento e da competitividade económica de Galicia, exercerá as seguintes funcións específicas en materia de comercio:

- a) Emitir ditames sobre aquelas cuestións que, no ámbito das políticas públicas con incidencia na actividade comercial, lle sexan consultadas polo Consello da Xunta de Galicia ou pola consellaría con competencia en materia de comercio.**
- b) Formular as propostas e suxestións que se estimen convenientes para o fomento e a mellora do tecido comercial galego.**
- c) Elaborar a proposta de resolución das autorizacións comerciais autonómicas de conformidade co previsto no punto 5 do artigo 32.**
- d) Calquera outra función que, de ser o caso, se estableza regulamentariamente.**

2. As funcións indicadas no punto anterior serán exercidas polo Consello a través do Comité Executivo de Comercio Interior e Exterior, con excepción da función prevista na letra d), para o exercicio da cal se constituirá unha Comisión Consultiva, da que formarán parte, ademais da persoa que ocupe a presidencia do Comité Executivo de Comercio Interior e Exterior, os seguintes membros do Consello:

- A persoa representante da Federación Galega de Municipios e Provincias.**
- A persoa representante do Consello Galego de Consumidores e Usuarios.**

Completarase a composición da Comisión Consultiva cos seguintes membros designados pola persoa que exerza a presidencia do Consello Galego de Economía e

Competitividade, por proposta da consellaría de procedencia :

- Dúas persoas representantes da consellaría competente en materia de comercio.
- Dúas persoas representantes da consellaría competente en materia de urbanismo, ordenación do territorio e medio ambiente.
- Unha persoa representante da consellaría competente en materia de infraestruturas.

A secretaría da Comisión Consultiva corresponderá a unha persoa funcionaria da dirección xeral competente en materia de comercio, que actuará como tal con voz e sen voto.””

Dous.- Modifícase a alínea 5 do artigo 32 da Lei 13/2010, do 17 de decembro, do comercio interior de Galicia, que queda redactada como segue:

“ 5. Completado o expediente coa documentación exixida nos puntos anteriores, remitirase á comisión consultiva prevista no punto 2 do artigo 18 da presente lei, co obxecto de que efectúe a proposta de resolución. A comisión consultiva poderá, neste trámite, solicitar ampliación ou aclaración dos informes emitidos”

EMENDAS MANTIDAS:

-Do G.P. Socialistas de Galicia.
Emenda nº20, de Adición.

Na alínea Un, deste artigo, que modifica o punto 3 do artigo 20 da Lei 13/2010, do 17 de decembro, de comercio interior de Galicia, débese engadir un novo parágrafo despois do membro de: "- Un representante do órgano competente en materia de medio ambiente", que terá o seguinte contido:

"- Unha persoa representante designada polas organizacións empresariais máis representativas do sector comercial."

-Do G.P. Socialistas de Galicia.
Emenda nº21, de Adición.

Débese engadir un novo parágrafo na alínea Un, deste artigo, a seguir da introdución sinalada na emenda núm 20, que terá o seguinte contido:



"- Unha persoa representante designada polas centrais sindicais con máis representación en Galicia"

DITAME DA COMISIÓN:

CAPÍTULO VI

Agricultura

Artigo 48. Concepto de monte ou terreo forestal

Un. Modifícanse a letra e) da alínea 2 e a alínea 3 do artigo 2 da Lei 7/2012, do 28 de xuño, de montes de Galicia, que quedan redactadas como segue:

«e) Os terreos rústicos de especial protección agropecuaria, sen prexuízo do establecido no apartado seguinte deste artigo e no artigo 61 desta lei.»

«3. En todas as categorías de solo rústico de especial protección os aproveitamentos forestais rexeranse polo disposto nesta lei en todo aquilo en que non se lles aplique a súa normativa específica.»

EMENDAS MANTIDAS:

-Do G.P. En Marea.

Emenda nº12, de Supresión.

Débese suprimir o artigo.

-Do G.P. Socialistas de Galicia.

Emenda nº22, ao apartado Un bis), de Adición.

Débese engadir unha nova alínea Un bis, que terá o seguinte contido:

Un bis. Modifícase o artigo 8 da Lei 7/2013 do 28 de xuño, de montes de Galicia:

"Definicións:

31. Técnico competente en materia forestal: os actuais titulados en enxeñaría de Montes ou enxeñaría técnica forestal e demais titulados universitarios con competencias en sistemas e medios forestais."

DITAME DA COMISIÓN:

Artigo 49. Do procedemento de deslindamento de montes veciñais con propiedades particulares

Modifícase o parágrafo primeiro da alínea 1 do artigo 54 da Lei 7/2012, do 28 de xuño, de montes de Galicia, que queda redactado como segue:

«1. A comunidade propietaria presentará á Administración forestal, logo do acordo da súa asemblea xeral, unha proposta coa liña de deslindamento, fundamentada histórica e legalmente, entre o monte veciñal e as propiedades privadas particulares, que se pretende adoptar. O servizo competente en materia de montes da correspondente xefatura territorial emitirá un informe técnico relativo a esta proposta nun prazo máximo de seis meses.»

EMENDAS MANTIDAS:

-Do G.P. En Marea.
Emenda nº13, de Adición.

Débesse engadir o seguinte texto:

“...no que conste obrigatoriamente a existencia ou non de menoscabo para a integridade do monte veciñal.”

DITAME DA COMISIÓN:

Artigo 50. Condicións que deben cumprir as repoboacións forestais

Modifícase o artigo 67 da Lei 7/2012, do 28 de xuño, de montes de Galicia, que queda redactado como segue:

«Artigo 67. Condicións que deben cumprir as repoboacións forestais

1. Quedan prohibidas as repoboacións forestais en solo urbano, de núcleo rural, no solo urbanizable e no rústico de especial protección agropecuaria, agás os casos expresamente recollidos nesta lei e nos terreos urbanizables aos que, de acordo coa disposición transitoria primeira da Lei 2/2016, do 10 de febreiro, do solo de Galicia, se lles aplique o disposto nesa lei para o solo rústico.

2. Queda prohibida a sementeira ou a plantación, mesmo de pés illados, en todo terreo forestal ou agrícola e nas zonas de influencia forestal definidas na Lei 3/2007, do 9 de abril, de prevención e defensa contra os incendios forestais de Galicia, con exemplares do xénero *Acacia* e calquera outro sen aproveitamento comercial relevante que se determine mediante orde da consellaría competente en materia de montes.

3. As repoboacións ou as sementeiras nos cultivos enerxéticos en terreo forestal regularanse por orde da consellaría competente en materia de montes.

4. Quedan prohibidas as reforestacións e as novas plantacións intercaladas co xénero *Eucalyptus* naquelas superficies poboadas por especies do anexo 1, mesmo con posterioridade ao seu aproveitamento ou á súa afectación por un incendio forestal. Esta prohibición non será aplicable nos casos de rexeneración posterior á plantación ou rexeneración, en piso inferior ou sotobosque, de especies do anexo 1.

5. As novas plantacións que se realicen co xénero *Eucalyptus* superiores ás 5 hectáreas precisarán de autorización da Administración forestal. Non será aplicable ás masas preexistentes de *Eucalyptus* nos supostos de reforestación ou rexeneración desa superficie, ou que estean incluídas na planificación dun instrumento de ordenación ou de xestión forestal aprobado pola Administración.

6. Nos ámbitos territoriais nos que non existan plans de ordenación de recursos forestais aprobados, poderán regularse mediante decreto a xestión, as reforestacións e as novas plantacións de especies forestais non incluídas nos modelos silvícolas previstos no artigo 76.3 desta lei e aprobados por orde da consellaría competente en materia de montes.

7. En todo caso, as repoboacións forestais estarán suxeitas aos supostos previstos na Lei 21/2013, do 9 de decembro, de avaliación ambiental, e na Lei 9/2013, do 19 de decembro, do emprendemento e da competitividade económica de Galicia.

8. A repoboación forestal en montes catalogados de utilidade pública e nos montes patrimoniais priorizará as especies do anexo 1, e terá como obxectivo preferente o protector, ambiental e social, agás que na aplicación de programas de mellora e produción xenética sexa precisa a utilización doutras especies.»

EMENDAS MANTIDAS:

-Do G.P. Bloque Nacionalista Galego.
Emenda nº12, de Supresión.

Emenda de supresión. Artigo 50

Suprímese o artigo 50.

-Do G.P. En Marea.
Emenda nº14, de Substitución.

Débase substituír o texto do artigo polo seguinte:

"Modifícase o artigo 67 da Lei 7/2012, do 28 de xuño, de montes de Galicia, que queda redactado como segue:

Artigo 67. Condicións que deben de cumprir as repoboacións forestais

1. Quedan prohibidas as repoboacións forestais en solo urbano, de núcleo rural, no solo urbanizable delimitado e no rústico de especial protección agropecuaria, salvo os casos expresamente contemplados na presente lei.

2. Queda prohibida a sementeira ou a plantación, mesmo de pés illados, en todo terreo forestal ou agrícola e nas zonas de influencia forestal definidas na Lei 3/2007, do 9 de abril, de prevención e defensa contra os incendios forestais de Galicia, con exemplares do xénero *Acacia* e calquera outro que se determine mediante orde da consellaría competente.

3. Quedan prohibidas as reforestacións e as novas plantacións co fin exclusivo da produción enerxética.

4. Quedan prohibidas as reforestacións e as novas plantacións intercaladas co xénero *Eucalyptus* naquelas superficies poboadas por especies do anexo 1, mesmo con posterioridade ao seu aproveitamento ou a súa afectación por un incendio

forestal. Esta prohibición non será de aplicación nos casos de rexeneración posterior á plantación ou rexeneración, en piso inferior ou sotobosque, de especies do anexo 1.

5. As novas plantacións que se realicen co xénero *Eucalyptus* superiores ás 5 hectáreas precisarán de autorización da Administración forestal, non sendo de aplicación ás masas preexistentes de *Eucalyptus* nos supostos de reforestación ou rexeneración desa superficie, ou que estean incluídas na planificación dun instrumento de ordenación ou xestión forestal aprobado pola Administración.

6. En todo caso, as repoboacións forestais estarán suxeitas aos supostos contemplados no Real decreto legislativo 1/2008, do 11 de xaneiro, sobre avaliación ambiental de proxectos, e no Decreto 442/1990, do 13 de setembro, de avaliación de impacto ambiental de Galicia.

7. A repoboación forestal en montes catalogados de utilidade pública e nos montes patrimoniais priorizará as especies do anexo 1, tendo como obxectivo preferente o protector, ambiental e social, salvo que na aplicación de programas de mellora e produción xenética for precisa a utilización doutras especies."

DITAME DA COMISIÓN:

Artigo 51. Dos instrumentos de ordenación ou de xestión forestal: categorías

Engádese a letra d) da alínea 2 do artigo 79 da Lei 7/2012, do 28 de xuño, de montes de Galicia, que queda redactada como segue:

«d) Referentes de boas prácticas e modelos silvícolas ou de xestión forestal orientativos: terán a condición de instrumentos de xestión forestal, para a xestión e o aproveitamento dos montes. Estarán baseados na análise das especies existentes, e nas súas quendas de corta cando as ditas especies sexan arbóreas. Así mesmo, garantirán que non se poña en perigo a persistencia dos ecosistemas e que se manteña a capacidade produtiva dos montes. A súa estrutura, contido, forma de adhesión, comunicación á Administración forestal e consecuencias do seu incumprimento serán desenvolvidos mediante orde da consellaría competente en materia de montes, e non lles serán de aplicación os artigos 80, 81 e 82 desta lei.»

EMENDAS MANTIDAS:

-Do G.P. En Marea.
Emenda nº15, de Supresión.

Débese suprimir o artigo.

DITAME DA COMISIÓN:

Artigo 52. Autorizacións administrativas
Engádese unha nova disposición adicional quinta á Lei 7/2012, do 28 de xuño, de montes de Galicia, co seguinte contido:
«Disposición adicional quinta. Autorizacións administrativas
As autorizacións outorgadas ao abeiro desta lei entenderanse concedidas, en todo caso, deixando a salvo o dereito de propiedade e sen prexuízo de terceiros.»

NON SE PRESENTARON EMENDAS

DITAME DA COMISIÓN:

Artigo 53. Montes con consorcios ou convenios coa Administración

Modifícase a disposición transitoria novena da Lei 7/2012, do 28 de xuño, de montes de Galicia, que queda redactada como segue:

«Disposición transitoria novena. Montes con consorcios ou convenios coa Administración

1. Os consorcios ou convenios de repoboación coa Administración forestal existentes nos montes no momento da entrada en vigor desta lei serán obxecto de:

a) Cancelación de oficio nun prazo que rematará o 31 de decembro de 2021, nos casos seguintes:

— Montes que non presenten saldo debedor na data de entrada en vigor desta lei ou en calquera momento dentro do prazo máximo estipulado.

— Montes catalogados de dominio público que pasen a xestionarse de acordo co establecido no artigo 34 e seguintes desta lei.

— Montes que non consigan os fins para os cales se subscribise o convenio ou o consorcio por causas relacionadas co estado legal, forestal, administrativo ou económico do monte.

b) Finalización nun prazo que rematará o 31 de decembro de 2021, momento en que deberá asinarse un contrato temporal de xestión pública. No caso de non se formalizar o dito contrato no prazo establecido, o titular do monte deberá aboar o saldo debedor do convenio ou consorcio finalizado á Comunidade Autónoma, podendo para isto aboalo nun único pagamento ou a través dun plan de devolución plurianual. No caso de non se producir o aboamento total ou da cota anual disposta no dito plan, procederase á súa anotación preventiva, en concepto de carga real, das cantidades debidas á Comunidade Autónoma de Galicia, no correspondente rexistro da propiedade, e non poderán ter axudas ou beneficios de ningún tipo mentres non regularicen a súa situación nos termos previstos nesta lei.

2. Previamente á cancelación do convenio ou consorcio, a Administración forestal aprobará un instrumento de ordenación ou de xestión forestal, consonte o artigo 81, que garanta a continuidade da xestión forestal sustentable. Exceptúanse do anterior os montes que non consigan os fins para os cales se subscribise o convenio ou o consorcio, cando no momento da entrada en vigor desta lei carecesen de masas arboradas.

3. O novo contrato de xestión pública, se procede dun convenio ou dun consorcio finalizado, considerará, como primeira partida

do anticipo reintegrable de novo contrato, a diferenza entre a suma das partidas de gastos sufragados pola Administración forestal e os ingresos do consorcio ou do convenio, aplicando a partir dese momento o réxime previsto para a contabilización.

4. Sen prexuízo do anterior, considerarase liquidado o saldo debedor dos convenios ou consorcios que sexan obxecto de finalización ou de cancelación cando os seus titulares constitúan, ou pasen a formar parte, dunha sociedade de fomento forestal.

5. Para os efectos contables, as débedas dos consorcios realizados pola Administración forestal serán condonadas polo importe a que ascendía a dita conta no momento da clasificación do monte como veciñal en man común.

6. As cancelacións referidas no punto 1 desta disposición transitoria publicaranse no Diario Oficial de Galicia e na páxina web da consellaría competente en materia de montes.

7. Nas cancelacións referidas no punto 1 desta disposición transitoria, cando veñan motivadas por non terse conseguido os fins para os cales se subscribiu o convenio ou o consorcio, e sempre que a causa non sexa atribuíble ao seu titular, considerarase que os predios se atopan libres de cargas, liquidándose o saldo debedor do convenio ou consorcio coa Comunidade Autónoma.

8. Entenderanse extinguidos, sen mais trámite, os convenios e consorcios existentes en superficies que contén cun acordo de concentración parcelaria firme. No caso de que na inscrición dos títulos de concentración no rexistro da propiedade conste expresamente que os predios se atopan libres de cargas, o saldo debedor do convenio ou consorcio coa Comunidade Autónoma considerarase liquidado.»

EMENDAS MANTIDAS:

-Do G.P. Bloque Nacionalista Galego.
Emenda nº13, de Supresión.

Emenda de supresión. Artigo 53

Suprímese o artigo 53.

DITAME DA COMISIÓN:

Artigo 54. Revisión de esbozos de montes veciñais en man común

Modifícase a disposición transitoria décimo terceira da Lei 7/2012, do 28 de xuño, de montes de Galicia, que queda redactada como segue:

«Disposición transitoria décimo terceira. Revisión de esbozos de montes veciñais en man común

1. Os esbozos de montes veciñais integrados nun expediente que, pola súa antigüidade, non reúnan as características de fiabilidade e precisión que exixen as novas técnicas topográficas poderán ser obxecto de revisión total ou parcial, axustándose e completándose con aqueles datos e documentos que se consideren necesarios, en particular os requiridos para a súa inmatriculación no rexistro da propiedade.

2. Para estes efectos, o xurado provincial de montes veciñais en man común, de oficio ou por instancia de parte, poderá solicitar á Administración forestal unha proposta coa revisión e elaboración da cartografía actualizada do monte veciñal en man común. Na proposta non poderán incluírse parcelas que figuren inmatriculadas no rexistro da propiedade a favor de persoas físicas ou xurídicas distintas á comunidade veciñal de montes.

3. Unha vez aceptada a proposta polo xurado, poñerase en coñecemento da comunidade propietaria e publicarase no Diario Oficial de Galicia para o resto de posibles interesados.

4. Aceptada a revisión, poderase proceder á marcaxe dos montes veciñais, que en todo caso se axustará ao plano que resulte da dita revisión. A marcaxe poderá ser realizada de oficio pola propia Administración forestal ou por instancia das comunidades propietarias.

5. Se durante a revisión ou a marcaxe se suscitan cuestións relativas á propiedade, poñerase fin ao procedemento, dentro do perímetro cuestionado, sen máis trámites. Este acordo de finalización e arquivo parcial do procedemento non será susceptible de impugnación na vía administrativa, sen prexuízo da facultade dos interesados de acudir á vía xurisdiccional civil, por ser esta a competente para dirimir tal controversia.»

NON SE PRESENTARON EMENDAS

DITAME DA COMISIÓN:

Artigo 55. Aproveitamentos individuais en montes veciñais en man común

Engádesse unha nova disposición transitoria décimo quinta á Lei 7/2012, do 28 de xuño, de montes de Galicia, co seguinte contido:

«Disposición transitoria décimo quinta. Aproveitamentos individuais en montes veciñais en man común

1. Para os únicos efectos do que establece o artigo 92 desta lei poderanse considerar persoas titulares dos aproveitamentos forestais, por unha soa vez, aqueles individuos que, antes da entrada en vigor desta lei, plantasen parcelas situadas dentro de montes veciñais en man común de xeito público, pacífico e non interrompido.

2. Para poder levar a cabo este tipo de aproveitamentos individuais en montes veciñais en man común será indispensable que a persoa interesada e a comunidade veciñal de montes formalicen un acordo de cesión dos dereitos de aproveitamento sobre a parcela, que deberá elevarse a escritura pública e na que deberá figurar necesariamente:

— O acordo favorable ao dito acto da asemblea xeral da comunidade.

— O recoñecemento, por ambas as dúas partes, de que a propiedade dos terreos corresponde á comunidade veciñal de montes.

— O canon ou renda que percibirá pola comunidade veciñal de montes. Para o seu cálculo deberán terse en conta todos os anos do prazo total da cesión, desde o inicio da plantación.

— A renuncia, por parte do particular, a calquera dereito individual que puidese ter sobre a parcela, unha vez rematado o aproveitamento.

3. En ningún caso se poderán regularizar aproveitamentos individuais en montes veciñais en man común cando as plantacións se leven a cabo despois da entrada en vigor desta lei.»

EMENDAS MANTIDAS:

-Do G.P. En Marea.
Emenda nº16, de Supresión.

Débese suprimir o artigo.

-Do G.P. Bloque Nacionalista Galego.
Emenda nº14, de Supresión.

Emenda de supresión. Artigo 55

Suprímese o artigo 55.

DITAME DA COMISIÓN:

Artigo 56. Avaliación do cumprimento dos obxectivos xerais

Un. Elimínase a alínea 3 do artigo 7 da Lei 4/2015, do 17 de xuño, de mellora da estrutura territorial agraria de Galicia.

Dous. Modifícanse as alíneas 4, 5 e 6 do artigo 7 da Lei 4/2015, do 17 de xuño, de mellora da estrutura territorial agraria de Galicia, que quedan redactadas como segue:

«4. O servizo provincial elaborará un informe razoado de avaliación que será publicado na sede electrónica da consellaría competente en materia de desenvolvemento rural, tras a realización dunha consulta a todas as persoas físicas ou xurídicas interesadas que permita coñecer a súa opinión sobre a iniciativa e as propostas de mellora.

5. No caso dunha actuación de reestruturación parcelaria de carácter público, de obterse unha avaliación positiva, a dirección xeral competente en materia de desenvolvemento rural poderá someter a zona ao procedemento de estudo previo de iniciación sinalado no artigo 9.

6. Nas actuacións de reestruturación de predios de vocación agraria polas persoas particulares, de obterse unha avaliación positiva, poderase proceder directamente conforme o disposto no artigo 48.»

EMENDAS MANTIDAS:

-Do G.P. Bloque Nacionalista Galego.

Emenda nº15, de Supresión.

Emenda de supresión. Artigo 56

Suprímese o artigo 56.

DITAME DA COMISIÓN:

Artigo 57. Réxime en precario dos predios da masa común
Engádese un novo artigo 33 bis á Lei 4/2015, do 17 de xuño, de mellora da estrutura territorial agraria de Galicia, co seguinte contido:

«Artigo 33 bis. Réxime en precario dos predios da masa común

1. Os predios da masa común, que xorden coa aprobación do acordo, serán de titularidade da Xunta de Galicia, e mentres dure o proceso de reestruturación parcelaria permanecerán adscritos á consellaría competente en materia de desenvolvemento rural, a cal exercerá sobre eles todas as potestades, incluída a súa adxudicación en propiedade, consecuencia das necesidades da reordenación da propiedade.

2. A consellaría competente en materia de desenvolvemento rural, unha vez resoltos os recursos de alzada e cantas outras cuestións se presenten contra o acordo de reestruturación parcelaria, poderá remitir ao concello ou concellos onde radique a zona obxecto do proceso unha listaxe dos predios da masa común co fin de que este, mediante a oportuna publicidade no taboleiro de anuncios, as poña á disposición dos interesados para solicitar a súa cesión en precario en tanto os citados predios non pasen a ser titularidade da entidade xestora do Banco de Terras.

3. O concello remitirá as solicitudes presentadas á dirección xeral competente en materia de desenvolvemento rural, que proporá, á vista do informe do servizo provincial, o outorgamento en precario do predio de que se trate.

O acordo da consellaría mediante o cal se outorgue a cesión do predio en precario recollerá as condicións e duración desta.»

EMENDAS MANTIDAS:

-Do G.P. Bloque Nacionalista Galego.
Emenda nº16, de Supresión.

Emenda de supresión. Artigo 57

Suprímese o artigo 57.

DITAME DA COMISIÓN:

Artigo 58. Masa común

Modifícanse os puntos 6 e 7 do artigo 34 da Lei 4/2015, do 17 de xuño, de mellora da estrutura territorial agraria de Galicia, que quedan redactadas como segue:

«6. A entidade xestora do Banco de Terras constituirá, cos ingresos obtidos da xestión dos predios sinalados no punto 4 e daqueles ingresos procedentes dos predios que xa forman parte do seu patrimonio e que se cualifiquen como aptos para os seus fins, un fondo para cada zona de concentración ou reestruturación parcelaria, con destino a melloras estruturais na zona. A forma de xestión dese fondo desenvolverase regulamentariamente.

7. A titularidade do resto dos bens e dos dereitos que constitúen a masa común e que a entidade xestora do Banco de Terras de Galicia cualifique como non aptos para os seus fins, incluídos aqueles predios que á entrada en vigor desta lei xa constituían a masa común e non se cualifiquen como aptos para os fins da entidade xestora do Banco de Terras de Galicia, corresponderá ao concello ou concellos en que se levou a cabo a concentración ou reestruturación parcelaria. Os beneficios xerados pola xestión ou alleamento deses predios reverterán en melloras estruturais para cada parroquia afectada pola zona de concentración ou reestruturación parcelaria, proporcionalmente á superficie achegada por cada unha delas.»

NON SE PRESENTARON EMENDAS

DITAME DA COMISIÓN:

Artigo 59. Tramitación da documentación

Modifícase o punto 3 do artigo 41 da Lei 4/2015, do 17 de xuño, de mellora da estrutura territorial agraria de Galicia, que queda redactada como segue:

«3. Firmes as bases, só serán tramitadas solicitudes de cambio de titularidade de parcelas de achega ata o momento da aprobación do acordo e cando ese cambio afecte a totalidade das parcelas achegadas por unha persoa titular e a transmisión se faga integramente a outra, coa excepción dos cambios derivados de sentenzas xudiciais firmes, que serán tramitadas en calquera caso. En todo caso, a persoa titular adquirente quedará subrogada na posición da anterior persoa titular, coas limitacións, deberes e obrigas que resulten do proceso.

No caso de falecemento dun titular e cando exista partición da herdanza, procederase á tramitación do cambio de titularidade ata a firmeza do acordo, sempre e cando esta partición afecte predios de substitución íntegros. En todo caso, a persoa titular adquirente quedará subrogada na posición da anterior titular, coas limitacións, deberes e obrigas que resulten do proceso.»

NON SE PRESENTARON EMENDAS

DITAME DA COMISIÓN:

Artigo 60. Distancias de explotacións gandeiras porcinas a cascos urbanos

Engádese unha disposición adicional cuarta á Lei 4/2015, do 17 de xuño, de mellora da estrutura territorial agraria de Galicia, co seguinte contido:

«Disposición adicional cuarta. Distancias de explotacións gandeiras porcinas a cascos urbanos

Para os efectos da aplicación das condicións mínimas de localización recollidas para as novas explotacións porcinas na normativa básica estatal relativa ás medidas de ordenación sanitaria e zootécnica daquelas, e de acordo co sistema de asentamento poboacional propio de Galicia, entenderase por «casco urbano» os asentamentos de poboación suficiente e efectiva constitutivos de núcleos de poboación formados, na data de solicitude do título habilitante correspondente da nova explotación porcina por, polo menos, 10 edificacións de uso residencial, con separación entre elas inferior aos 25 metros, que estean formando rúas, prazas e outras vías urbanas e que constitúan un conxunto no que teñan a súa residencia polo menos 100 persoas. Non se considerarán, polo tanto, incluídos no concepto de «casco urbano» outro tipo de asentamentos de poboación que non cumpran conxuntamente coas ratios de poboación e edificacións anteriormente sinaladas, nin as vivendas illadas dispersas, nin os asentamentos poboacionais en diseminado constitutivos de núcleos rurais.

A distancia sinalada na normativa de referencia, medirase entre a edificación con uso residencial do «casco urbano» máis preta da explotación e o peche sanitario desta.»

EMENDAS MANTIDAS:

-Do G.P. En Marea.
Emenda nº17, de Supresión.

Débase suprimir o artigo.

-Do G.P. Bloque Nacionalista Galego.
Emenda nº17, de Supresión.

Emenda de supresión. Artigo 60

Suprímese o artigo 60.

DITAME DA COMISIÓN:

Artigo 61. Coordinación catastral

Engádesse unha disposición transitoria sexta á Lei 4/2015, do 17 de xuño, de mellora da estrutura territorial agraria de Galicia, co seguinte contido:

«Disposición transitoria sexta. Coordinación catastral

1. Ao abeiro do artigo 9.b) da Lei hipotecaria, e de acordo coa normativa hipotecaria, procederase á conversión gráfica dos datos alfanuméricos dos predios de substitución das zonas nas que, á entrada en vigor desta lei, o seu acordo sexa firme ou se outorgase a acta de reorganización da propiedade, sempre e cando non se inscribisen no rexistro da propiedade os títulos dos predios de substitución.

2. A resolución de autorización da conversión gráfica, unha vez acordada pola dirección xeral competente por razón da materia, será obxecto de notificación individual así como de publicación mediante aviso inserto no *Diario Oficial de Galicia*, na web da consellaría e no diario de maior tirada da provincia, así como nos lugares de costume. Contra a dita resolución poderase ser recorrer consonte o disposto na Lei 39/2015, do 1 de outubro, do procedemento administrativo común das administracións públicas.

3. Terase dereito a compensación no caso de que, como consecuencia da antedita conversión, a atribución das persoas interesadas quede por debaixo do valor reducido correspondente a cada persoa titular, para o cal se empregarán os predios da masa común da zona que sexan necesarios, aínda que sexan titularidade da entidade xestora do Banco de Terras.

4. As actuacións a que se refiren os puntos anteriores deberán levarse a cabo dentro do prazo dos cinco anos seguintes á entrada en vigor desta lei.

NON SE PRESENTARON EMENDAS

DITAME DA COMISIÓN:

CAPÍTULO VII

Innovación

Artigo 62. Contratación pública de innovación

Modifícase o artigo 28 da Lei 14/2013, do 26 de decembro, de racionalización do sector público autonómico, que queda redactado como segue:

Artigo 28. Contratación pública de innovación

1. Co obxecto de promover a mellora dos servizos públicos mediante a incorporación de bens e servizos innovadores, así como o fomento da innovación empresarial, os poderes adxudicadores da Administración xeral da Comunidade Autónoma de Galicia e do seu sector público incentivarán, na medida en que sexa posible, a presentación de solucións innovadoras nas licitacións que promovan.

Para tal efecto, ponderarán, na elaboración dos pregos e no resto da documentación contractual, a utilización de criterios de adxudicación e de prescricións técnicas que favorezan a presentación de solucións innovadoras.

2. Antes de iniciar un procedemento de contratación pública de innovación, os poderes adxudicadores da Administración xeral da Comunidade Autónoma de Galicia e do sector público deberán realizar consultas do mercado con vistas a preparar a contratación e informar os operadores económicos acerca dos seus plans e dos seus requisitos de contratación.

Para iso, os poderes adxudicadores poderán, por exemplo, solicitar ou aceptar o asesoramento de expertos ou autoridades independentes ou de participantes no mercado, que poderá utilizarse na planificación e o desenvolvemento do procedemento de contratación, sempre que o devandito asesoramento non teña por efecto falsear a competencia e non dea lugar a vulneracións dos principios de non-discriminación e transparencia.

En concreto, cando un candidato ou licitador, ou unha empresa vinculada a un candidato ou a un licitador, asesore o poder adxudicador no contexto destas consultas previas do mercado, os citados poderes adxudicadores

tomarán medidas adecuadas para garantir que a participación destes posibles candidatos ou licitadores non falsee a competencia, entre as cales incluírán a comunicación aos demais candidatos e licitadores da información pertinente intercambiada no marco da participación do candidato, licitador ou empresas vinculadas a estes na preparación do procedemento de contratación, ou como resultado dela, e o establecemento de prazos adecuados para a recepción das ofertas.

O candidato ou o licitador en cuestión só será excluído do procedemento cando non haxa outro medio de garantir o cumprimento do principio de igualdade de trato. Antes de proceder á devandita exclusión, daráselles aos candidatos ou licitadores a oportunidade de demostrar que a súa participación na preparación do procedemento de contratación non pode falsear a competencia.

3. Os órganos ou entidades competentes en materia de innovación no sector público autonómico colaborarán coas unidades de contratación do sector público na procura de solucións innovadoras, ben a través dos procedementos de contratación previstos na lexislación de contratos do sector público, ben a través da contratación precomercial, prevista no artigo 4.1.r) do texto refundido da Lei de contratos do sector público, aprobado polo Real decreto lexislativo 3/2011, do 14 de novembro.

4. De acordo co disposto na Directiva 2014/24/UE do Parlamento Europeo e do Consello, do 26 de febreiro de 2014, sobre contratación pública e pola que se derroga a Directiva 2004/18/CE, os poderes adxudicadores da Administración xeral da Comunidade Autónoma de Galicia e do seu sector público poderán establecer unha asociación para a innovación con un ou varios adxudicatarios, que terá como finalidade o desenvolvemento de produtos, servizos ou obras innovadores e a compra ulterior das subministracións, servizos ou obras resultantes, sempre que correspondan aos niveis de rendemento e aos custos máximos acordados entre os poderes adxudicadores e os participantes.

Para tales efectos, e sen prexuízo do que se dispoña na lexislación básica de contratos do sector público de transposición da regulación comunitaria, a asociación para a innovación articularase a través de contratos mixtos de

servizos de investigación e desenvolvemento e contratos de subministracións, servizos ou obras resultantes da investigación, de acordo co disposto no Real decreto lexislativo 3/2011, de 14 de novembro, polo que se aproba o texto refundido da Lei de contratos do sector público, e adxudicados mediante o procedemento de diálogo competitivo.

Os contratos de servizos de investigación e desenvolvemento estruturaránse en fases sucesivas, seguindo a secuencia das etapas do proceso de investigación e innovación, fixarán uns obxectivos intermedios que deberán alcanzar o/os adxudicatario/os e proverán o pagamento da retribución en prazos adecuados.

Sobre a base deses obxectivos, os poderes adxudicadores poderán decidir, ao final de cada fase, rescindir a asociación para a innovación ou, no caso dunha asociación para a innovación con varios socios, reducir o número de socios mediante a resolución dos contratos individuais, sempre que o poder adxudicador indicase nos pregos da contratación que pode facer uso destas posibilidades e as condicións en que pode facelo.

4 bis. A Xunta de Galicia enviará ao Parlamento con periodicidade anual un informe sobre os procedementos da contratación pública de innovación, en termos de investimentos e actuacións realizados, no ámbito do sector público autonómico”

NON TEN EMENDAS

DITAME DA COMISIÓN:

Artigo 63. Proxectos de I+D liderados polo sector público autonómico

Engádese un novo capítulo á Lei 5/2013, do 30 de maio, de fomento da investigación e da innovación de Galicia, co seguinte contido:

“CAPÍTULO VI

Proxectos de I+D no ámbito do sector público autonómico

Artigo 35. Achega de fondos privados ao desenvolvemento de proxectos de I+D no ámbito do Sistema público de saúde de Galicia

Un. A Administración xeral da Comunidade Autónoma de Galicia e o seu sector público promoverá a participación das empresas, entidades e particulares na investigación, desenvolvemento tecnolóxico e innovación a través da realización por estes de achegas económicas, que serán tratadas como finalistas e estarán dirixidas ao financiamento de proxectos de I+D polo Sistema público de saúde de Galicia, que permitan a súa valorización e transferencia de resultados.

Dous. Para estes efectos, cada consellaría ou, de ser o caso, entidade instrumental competente xestionará tales achegas económicas de acordo con criterios de transparencia e eficiencia baseados en informes periódicos sobre o volume económico achegado, o destino do investimento e o impacto xerado. A elección dos proxectos financiáveis e a contía deste financiamento corresponderá en todo caso á Administración pública e será coherente co Plan galego de investigación e innovación en vigor, así como coa Estratexia de especialización intelixente de Galicia correspondente. Deberá contar previamente co informe da Axencia Galega de Innovación, de conformidade co disposto na disposición adicional sétima desta lei.

Tres. A participación das empresas e particulares articularase a través da formalización de convenios de colaboración coa respectiva consellería ou, de ser o caso, entidade instrumental competente, no que se concretará o importe da achega e o programa a que se destinará. A formalización do convenio de colaboración implicará a

aceptación dos valores de compromiso co desenvolvemento de Galicia, a aposta pola investigación, a transferencia de tecnoloxía e a economía baseada no coñecemento, así como a relevancia do impacto social en cada un dos ámbitos dos proxectos de I+D.

Catro. Esta achega deberá buscar para as entidades ou particulares adheridos un retorno eminentemente social, polo que non implicará a obtención dun retorno económico pola achega realizada ou unha participación nos resultados económicos do resultado da investigación. Tampouco conferirá dereito preferente á realización de investimentos posteriores precisos para a comercialización dos proxectos financiados con cargo a tales achegas económicas.

En razón da axuda económica para a realización das actividades descritas neste precepto, as consellarías ou, de ser o caso, entidades instrumentais competentes comprometeranse, de acordo co que se estableza nos convenios de colaboración, a difundir a participación das entidades colaboradoras no desenvolvemento das actividades financiadas.

Cinco. Os convenios de colaboración establecerán os mecanismos que garantan para os achegantes a información precisa sobre as actividades realizadas con cargo a tales achegas, os proxectos financiados e os resultados obtidos.

Artigo 36. Potenciación do desenvolvemento tecnolóxico e reinvestimento de beneficios obtidos no marco de proxectos de I+D

Un. A Administración xeral da Comunidade Autónoma de Galicia e o seu sector público, coa finalidade de fomentar a investigación e o desenvolvemento tecnolóxico, o investimento nos resultados da investigación e a súa valorización, así como de lograr a mellora dos servizos públicos que ten encomendados, poderá dispor da realización de novos investimentos ou reinvestir os beneficios obtidos, nas condicións que se pacten, coas empresas titulares de dereitos de propiedade intelectual e industrial adxudicatarias de contratos públicos no marco da contratación pública de innovación nos que a Administración xeral da Comunidade Autónoma ou o seu sector público dispoña dunha participación nos beneficios

derivados da súa comercialización e os dereitos de propiedade intelectual e industrial permanezan total ou parcialmente no adxudicatario.

Dous. Para estes efectos, á vista do plan de evolución e desenvolvemento tecnolóxico dos produtos obtidos, así como doutras melloras identificadas para alcanzar resultados de mercado que as empresas titulares dos dereitos de propiedade intelectual presenten, e logo dunha análise da viabilidade e do mercado a través dun procedemento obxectivo coa participación de expertos independentes, a Administración xeral da Comunidade Autónoma de Galicia e o seu sector público poderá, nas condicións que se pacten, formalizar operacións de financiamento dos indicados desenvolvementos tecnolóxicos, a cambio dunha participación nos beneficios resultantes da súa comercialización acorde coas cantidades achegadas. Tales operacións deberán contar previamente co informe da Axencia Galega de Innovación, de conformidade co disposto na disposición adicional sétima desta lei.

Tres. Así mesmo, entre as condicións do financiamento figurará, en todo caso, o dereito de uso ilimitado e de modificación pola Administración xeral da Comunidade Autónoma de Galicia, ou, se é o caso, da correspondente entidade instrumental, sobre os novos bens e tecnoloxías desenvolvidos, aínda que esta capacidade de uso e desenvolvemento sobre os resultados non será empregada, en ningún caso, con fins comerciais pola Administración xeral e o seu sector público directamente ou por acordo con terceiros.

Catro. Para os efectos previstos neste artigo, poderase crear un proxecto de gasto para o desenvolvemento tecnolóxico que incluíra os produtos dos beneficios derivados dos contratos públicos formalizados no marco dos proxectos referidos no punto Un, os beneficios obtidos das operacións de financiamento previstas neste artigo, así como as cantidades que poidan ser orzadas, de ser o caso, pola Administración xeral da Comunidade Autónoma de Galicia ou o seu sector público autonómico.

Cinco. As previsións deste artigo, así como as operacións do proxecto de gasto, poderán estenderse aos contratos formalizados no marco da contratación pública de innovación levada a cabo pola Administración xeral da

Comunidade Autónoma e do seu sector público, nas condicións que se prevexan nos correspondentes pregos.”

EMENDAS MANTIDAS:

-Do G.P. Socialistas de Galicia.
Emenda nº24, de Supresión.

Debe ser suprimido.

-Do G.P. Bloque Nacionalista Galego.
Emenda nº18, de Supresión.

Emenda de supresión. Artigo 63

Suprímese o artigo 63.

DITAME DA COMISIÓN:

CAPÍTULO VIII

Mar

Artigo 64. Ampliación do prazo das concesións portuarias outorgadas pola Comunidade Autónoma de Galicia con anterioridade á entrada en vigor do Real decreto lei 8/2014, do 4 de xullo, de aprobación de medidas urxentes para o crecemento, a competitividade e a eficiencia

Engádese unha nova disposición transitoria sexta á Lei 5/1994, do 29 de novembro, de creación do ente público Portos de Galicia, co seguinte contido:

“Disposición transitoria sexta. Ampliación do prazo das concesións portuarias outorgadas pola Comunidade Autónoma de Galicia con anterioridade á entrada en vigor do Real decreto lei 8/2014, do 4 de xullo, de aprobación de medidas urxentes para o crecemento, a competitividade e a eficiencia

1. O prazo inicial das concesións outorgadas pola Comunidade Autónoma de Galicia con anterioridade á entrada en vigor do Real decreto lei 8/2014, do 4 de xullo, de aprobación de medidas urxentes para o crecemento, a competitividade e a eficiencia, poderá ser ampliado a petición do concesionario pola Administración portuaria competente, tendo en conta o disposto no artigo 49 da Lei 22/1988, do 22 de xullo, de costas, e demais normativa de aplicación, sempre que o concesionario se comprometa, polo menos, á realización de investimentos relevantes para o porto ou o sistema portuario galego.

2. O investimento mínimo que o concesionario deberá efectuar será do cinco por cento (5 %) do valor das instalacións obxecto de concesión. Enténdese este como o correspondente ao inicialmente previsto na concesión (orçamento de execución material).

Para a súa consideración como obras computables como «investimentos relevantes», deberán reunir algún dos seguintes requisitos:

- a) Non deben estar previstas no título concesional orixinal.**
- b) Aqueles investimentos realizados polo concesionario que non estean incluídos no título concesional e que non sexan**

computados para os efectos de prórrogas previamente adoptadas.

c) Investimentos novos que hai que executar desde a ampliación do prazo da concesión.

Así mesmo, as obras que se vaian realizar deberán mellorar algún dos seguintes aspectos:

a) Produtividade

b) Eficiencia enerxética

c) Calidade ambiental

d) Operacións portuarias

e) Introducción de novas tecnoloxías

f) Novos procesos que incrementen a competitividade.

g) Responsabilidade social corporativa e mellora social e da poboación.

As obras que se realicen deberán ser aprobadas expresamente por Portos de Galicia, con base na normativa vixente de aplicación, segundo as características da obra proposta.

3. A ampliación ou prórroga do prazo da concesión non poderá ser superior á metade do prazo máximo de vixencia establecido na lexislación estatal para as concesións sobre dominio público portuario nos portos de interese xeral.

A ampliación da concesión determinará a modificación das condicións desta, incluíndose os novos compromisos adquiridos e o momento da súa execución, que deberán ser aceptados polo concesionario con anterioridade á resolución sobre o seu outorgamento.

As obras deberán executarse integramente no prazo equivalente á metade do prazo de ampliación ou nos primeiros catro anos seguintes ao comezo da ampliación concedida ao concesionario. Corresponde aos servizos técnicos de Portos de Galicia verificar o cumprimento desta obrigaición, para o que deberá estenderse, por solicitude do concesionario, a correspondente acta de recoñecemento final das obras que xustificasen a ampliación.

O incumprimento da obrigaición de executar as obras e investimentos no prazo establecido, así como a execución parcial ou defectuosa, dará lugar á caducidade do título de ampliación da concesión e de modificación da concesión, se é o seu caso.

4. Os concesionarios interesados en exercer a opción de prórroga ou ampliación do prazo de concesión de acordo co establecido nesta disposición poderán facelo no prazo de dous anos desde a entrada en vigor da presente disposición transitoria.

Para a ampliación do prazo, o concesionario deberá presentar unha solicitude, á que deberá achegar:

- a) Identificación da concesión a que se refire a solicitude.**
- b) Memoria na que se expliquen detalladamente os compromisos que asume o concesionario se se lle outorga a ampliación do prazo, así como xustificación dela.**
- c) Proposta dos investimentos realizados ou que se van realizar, cunha memoria descritiva e os prazos previstos para a súa execución, de ser o caso.**
- d) Memoria económico-financeira de viabilidade da concesión ampliada, de acordo cos compromisos que se pretenden cumprir.**
- e) Declaración responsable de que os compromisos de investimento se executarán nos prazos fixados.**

Analizada a documentación presentada, os servizos técnicos de Portos de Galicia procederán a verificar o cumprimento dos requisitos e obrigas sinalados. No caso de que non estiver completa a documentación ou for insuficiente, requirirase o concesionario para que o emende no prazo de quince días.

Completada a documentación, a Dirección de Portos de Galicia emitirá o seu informe sobre a solicitude para o seu traslado ao órgano competente para acordar o procedente sobre o outorgamento da ampliación do prazo da concesión.

A resolución de concesión e a fixación do prazo deberán motivarse tendo en conta:

- a) O tempo restante de vixencia da concesión.**
- b) O volume de investimento realizado durante a vixencia da concesión e autorizado por Portos de Galicia, de ser o caso.**
- c) O volume de investimento novo comprometido.**
- d) A vida útil do investimento tanto realizado como novo.**
- e) A memoria económico-financeira da concesión no momento do seu outorgamento e no momento da solicitude de ampliación de prazo.**

Así mesmo, para as concesións de portos deportivos e de instalacións en zonas portuarias de uso náutico deportivo destinadas á prestación de servizo ás embarcacións deportivas e de lecer, a fixación do prazo da ampliación motivarase conforme os criterios anteriores, en función do investimento incluído no proxecto de investimento que sirva de base para a ampliación da concesión do prazo, considerando o orzamento, incluído o IVE, que será

segundo o cadro seguinte, e considerando a coherencia do citado investimento co exposto nos apartados anteriores:

INVESTIMENTO ANOS

Menos 50.000 € 5

50.001-100.000 € 10

100.001-200.000 € 15

200.001-400.000 € 20

Máis de 400.001 € 25

O outorgamento ou a denegación da ampliación ten carácter discrecional, sen prexuízo da obriga de motivar as razóns de outorgamento ou denegación.

A resolución de outorgamento da ampliación de prazo da concesión será publicada no *Diario Oficial de Galicia*, facendo constar, cando menos, a información relativa ao obxecto, ao prazo e ao titular da concesión."

5. A ampliación do prazo da concesión non será tida en conta para os efectos da valoración do rescate, da revisión da concesión ou da indemnización por calquera causa a concesionarios e non alterará a situación xurídica existente respecto das obras e instalacións executadas polo concesionario, que, á entrada en vigor do Real decreto lei 8/2014, do 4 de xullo, de medidas urxentes para o crecemento, a competitividade e a eficiencia, revertesen á Autoridade Portuaria, así como da taxa de ocupación que corresponda exixir polo seu uso. Respecto das obras e instalacións que non revertesen, será de aplicación o réxime previsto legalmente.

6. Os concesionarios que con anterioridade á entrada en vigor da presente disposición presentasen unha solicitude de ampliación e se atopen en tramitación poderán optar no prazo dun ano, que se contará desde a entrada en vigor da presente disposición, entre a continuación do procedemento de acordo coa lexislación anterior, ou a mellora voluntaria da solicitude, para os efectos de adaptala á nova regulación, conservándose os actos e trámites cuxo contido non se vise alterado pola nova regulación.»

EMENDAS MANTIDAS:

-Do G.P. En Marea.
Emenda nº18, de Supresión.

Débase suprimir o artigo.

DITAME DA COMISIÓN:

Artigo 65. Duración das concesións

Un. Modifícase o artigo 53 da Lei 11/2008, do 3 de decembro, de pesca de Galicia, que queda redactado como segue:

«Artigo 53. *Duración*

As concesións outorgaranse por un período máximo de dez anos, prorrogables por períodos de dez de se demostrar a rendibilidade e o bo uso da explotación, ata un máximo de cincuenta anos, por pedimento da persoa concesionaria e cunha antelación mínima de tres meses ao vencemento da concesión.»

Dous. Modifícase o artigo 61 da Lei 11/2008, do 3 de decembro, de pesca de Galicia, que queda redactado como segue:

«Artigo 61. *Duración da concesión*

As concesións outorgaranse por un período de dez anos, prorrogables por períodos de dez, ata un máximo de cincuenta anos, por pedimento da persoa concesionaria.»

EMENDAS MANTIDAS:

-Do G.P. En Marea.

Emenda nº19, de Supresión.

Débese suprimir o artigo.

-Do G.P. Bloque Nacionalista Galego.

Emenda nº19, de Supresión.

Emenda de supresión. Artigo 65

Suprímese o artigo 65.

DITAME DA COMISIÓN:

Artigo 66. Concesións experimentais

Un. Modifícase o primeiro parágrafo do artigo 56 da Lei 11/2008, de 3 de decembro, de pesca de Galicia, que queda redactado como segue:

«Con carácter experimental, e nunca por un período superior aos cinco anos, poderase outorgar unha concesión experimental na zona marítimo-terrestre para a realización de proxectos de investigación ou de proxectos que introduzan innovacións substanciais na explotación, nos artefactos e nas especies, nas condicións que regulamentariamente se establezan.»

Dous. Modifícase o primeiro parágrafo do artigo 65 da Lei 11/2008, de 3 de decembro, de pesca de Galicia, que queda redactado como segue:

«Con carácter experimental, e nunca por un período superior aos cinco anos, poderase outorgar unha concesión experimental na zona marítima para a realización de proxectos de investigación ou de proxectos que introduzan innovacións substanciais na explotación, nos artefactos e nas especies, nas condicións que regulamentariamente se establezan.»

EMENDAS MANTIDAS:

-Do G.P. En Marea.
Emenda nº20, de Supresión.

Débese suprimir o artigo.

-Do G.P. Bloque Nacionalista Galego.
Emenda nº20, de Supresión.

Emenda de supresión. Artigo 66

Suprímese o artigo 66.

DITAME DA COMISIÓN:

Artigo 67. Prórroga extraordinaria dos títulos habilitantes para o exercicio da acuicultura

Engádesse unha disposición adicional décimo cuarta á Lei 11/2008, do 3 de decembro, de pesca de Galicia, co seguinte contido:

«Disposición adicional décimo cuarta. Prórroga extraordinaria dos títulos habilitantes para o exercicio da acuicultura

1. Os titulares de establecementos de acuicultura que ocupen dominio público marítimo-terrestre poderán solicitar, sempre e cando o título fose outorgado antes da entrada en vigor da Lei 2/2013, do 29 de maio, de protección e uso sostible do litoral, perante o órgano competente en materia de acuicultura, a prórroga extraordinaria do título habilitante antes de que finalice a vixencia da última prórroga outorgada.

A solicitude da prórroga extraordinaria do título habilitante para o exercicio da acuicultura presentarase cunha antelación máxima de seis meses ao vencemento do prazo de vixencia do permiso de actividade.

Excepcionalmente, por causas debidamente xustificadas, e sempre que non fora expresamente extinguido o título que habilita o exercicio da actividade, o titular do establecemento poderá presentar a solicitude fose dos prazos establecidos nos parágrafos anteriores.

2. A duración da prórroga extraordinaria será a mesma e abranguerá o mesmo período que a outorgada polo órgano competente estatal en materia de ocupación demanial, e en ningún caso poderá exceder de cincuenta anos.

O prazo máximo establecido no presente artigo poderá ampliarse nunha quinta parte nos supostos establecidos no artigo 175 do Regulamento xeral de costas e sempre e cando o órgano competente en materia de ocupación demanial outorgase previamente a devandita ampliación.

3. A solicitude da prórroga extraordinaria dos títulos habilitantes incursos nun procedemento de extinción non suspenderán os efectos deste. En todo caso, a resolución de extinción será causa suficiente de denegación da solicitude da prórroga extraordinaria do título habilitante.

4. O establecido na presente disposición adicional non será de aplicación aos títulos habilitantes de actividade da acuicultura en zonas de servizo dos portos nin aos titulares de permisos de actividade experimental.»

EMENDAS MANTIDAS:

-Do G.P. Bloque Nacionalista Galego.
Emenda nº21, de Supresión.

Emenda de supresión. Artigo 67

Suprímese o artigo 67.

-Do G.P. En Marea.
Emenda nº21, de Substitución.

Débase substituír o texto do artigo 67 polo seguinte:

"Artigo 67. Prórroga extraordinaria dos títulos habilitantes para o exercicio da acuicultura

Engádese unha disposición adicional décimo cuarta na Lei 11/2008, do 3 de decembro, de pesca de Galicia, co seguinte contido:

"Disposición adicional décimo cuarta. Prórroga extraordinaria dos títulos habilitantes para o exercicio da acuicultura

1. Os titulares de establecementos de acuicultura que ocupen dominio público marítimo-terrestre poderán solicitar, incluídos os situados na zona marítima situados dentro dos polígonos xa existentes, sempre e cando o título fose outorgado antes da entrada en vigor da Lei 2/2013, do 29 de maio, de protección e uso sostible do litoral, perante o órgano competente en materia de acuicultura, a prórroga extraordinaria do título habilitante e a prórroga extraordinaria de ocupación de dominio público marítimo-terrestre, antes de que finalice a vixencia da última prórroga outorgada.

A solicitude de prórroga extraordinaria da concesión de ocupación do dominio público marítimo-terrestre presentarase ante o órgano competente da Comunidade Autónoma (xunto coa concesión de actividade) quen tramitará o proxecto e solicitará os informes que resulten preceptivos.

A solicitude da prórroga extraordinaria do título habilitante para o exercicio da acuicultura

presentarase cunha antelación máxima de seis meses ao vencemento do prazo de vixencia do permiso de actividade.

Excepcionalmente, por causas debidamente xustificadas, e sempre que non fose expresamente extinguido o título que habilita o exercicio da actividade, o titular do establecemento

poderá presentar a solicitude fóra dos prazos establecidos nos parágrafos anteriores.

2. A duración da prórroga extraordinaria será a mesma e abranguerá o mesmo período que a outorgada polo órgano competente estatal en materia de ocupación demanial, e en ningún caso poderá exceder de 50 anos.

O prazo máximo establecido no presente artigo poderá ampliarse nunha quinta parte nos supostos establecidos no artigo 175 do Regulamento xeral de costas e sempre e cando o órgano competente en materia de ocupación demanial outorgase previamente a devandita ampliación.

3. A solicitude da prórroga extraordinaria dos títulos habilitantes incursos nun procedemento

de extinción non suspenderán os efectos deste, sendo en todo caso a resolución de extinción causa suficiente de denegación da solicitude da prórroga extraordinaria do título habilitante.

4. O establecido na presente disposición adicional non será de aplicación aos títulos habilitantes de actividade da acuicultura en zonas de servizo dos portos nin aos titulares de permisos de actividade experimental.”

DITAME DA COMISIÓN:

CAPÍTULO IX

Servizos sociais

Artigo 68. Réxime de cofinanciamento nos servizos prestados polo Consorcio Galego de Servizos de Igualdade e Benestar ou ente que o substitúa en colaboración cos concellos e mancomunidades

Un. O sistema de cofinanciamento dos servizos que se presten nas escolas infantís e nos centros de día xestionados polo Consorcio Galego de Servizos de Igualdade e Benestar ou entidade que se subroga nos seus dereitos e obrigas establecidos nos instrumentos de colaboración cos concellos e mancomunidades con fundamento nas competencias que sobre esta materia teñen atribuídas pola normativa vixente as entidades locais, rexerase polo disposto nos apartados seguintes deste artigo, coa finalidade de garantir a sustentabilidade financeira dos servizos que se prestan a través do Consorcio Galego de Servizos de Igualdade e Benestar en colaboración cos concellos e mancomunidades, e homoxeneizar as súas condicións en garantía da seguridade xurídica. Todo en consonancia co acordo marco asinado pola Consellería de Política Social coa Federación Galega de Municipios e Provincias.

Dous. As cantidades que corresponda aboar ás entidades locais derivadas do réxime de cofinanciamento previsto neste artigo terán a consideración de débedas firmes, líquidas e exixibles, e poderán ser obxecto de compensación coa participación daquelas no Fondo de Cooperación Local, de acordo co disposto na súa regulación.

Cando o obrigado ao pagamento for unha mancomunidad de municipios, os concellos integrantes serán responsables solidarios, na parte que corresponda segundo a súa porcentaxe de participación na correspondente mancomunidad, das débedas xeradas ao Consorcio ou ente que o substitúa polo non pagamento das débedas.

Tres. Para establecer a participación dos concellos e mancomunidades no cofinanciamento das escolas infantís e dos centros de día aplicárase o disposto no anexo I desta lei, cuxas condicións serán aplicables con efectos do 1 de xaneiro de 2017.

Catro. O Consorcio ou ente que o substitúa expedirá semestralmente as liquidacións derivadas do réxime de cofinanciamento correspondentes ás entidades locais, nas que se indique o número de usuarios e as cantidades aplicables de

acordo co establecidos no anexo I desta lei. As entidades locais deberán aboalas no prazo de tres meses. Nos casos de discrepancia na contía, se non se acada acordo na comisión de seguimento establecida nos convenios formalizados no seu día, o Consorcio ou ente que o substitúa ditará resolución motivada e fixará a contía, sen prexuízo de que a entidade local poida recorrer na vía xurisdiccional contencioso-administrativa.

Cinco. O réxime de cofinanciamento previsto nesta disposición e no anexo I será aplicable aos convenios xa subscritos polas entidades locais e o Consorcio Galego de Servizos de Igualdade e do Benestar e, así mesmo, será aplicable ás entidades locais que non teñan convenio asinado pero respecto das que o Consorcio asumise ou asuma a xestión dos centros localizados no territorio dos ditos concellos. En ambos os casos será aplicable unha vez que transcorra o prazo de tres meses desde a entrada en vigor desta norma, salvo que dentro dese prazo as entidades locais remitan o acordo adoptado polo órgano competente da entidade local no que se opte polo mantemento do réxime xurídico e de cofinanciamento que derive do convenio no seu día formalizado. Neste último caso, o Consorcio procederá á exixencia, polas vías legais procedentes, das cantidades íntegras pendentes de pagamento segundo o réxime que derive do correspondente convenio, sen prexuízo do seu dereito a resolver o convenio por incumprimento.

Seis. As entidades locais que se acollan ao réxime de cofinanciamento establecido no presente artigo para a xestión das escolas infantís e dos centros de día a través do Consorcio Galego de Servizos de Igualdade e Benestar ou ente que o substitúa poderán acollerse a unha nova liquidación das cantidades pendentes de pagamento, de acordo cos novos criterios económicos fixados nesta lei, aplicados con carácter retroactivo aos anos anteriores.

Sete. Para os anteriores efectos, o Consorcio ou ente que o substitúa revisará no prazo dun ano desde a aprobación desta lei todas as liquidacións practicadas correspondentes aos anos anteriores e que foron remitidas aos concellos.

Oito. Ás entidades locais que opten por esta fórmula, unha vez aprobadas as novas liquidacións, se lles aplicará unha bonificación equivalente á metade da cantidade resultante. Co pagamento da citada cantidade daranse por cumpridas as obrigas pendentes co Consorcio.

Establecerase un prazo de fraccionamento para o pagamento desas novas liquidacións de 5 anos, a solicitude do concello, que podería ampliarse naqueles supostos excepcionais en que a situación económica do concello o requira por estar inmerso

nun plan de axuste. En todo caso, a aqueles Concellos que xa aboaron total ou parcialmente as liquidacións de anos anteriores se lle compensarán nas liquidacións futuras os saldos que resulten de aplicación de acordo con esas revisións.

EMENDAS MANTIDAS:

-Do G.P. Bloque Nacionalista Galego.
Emenda nº22, de Substitución.

Emenda de substitución. Artigo 68

O texto do artigo 68 substitúese polo seguinte texto:

“Artigo 68. Réxime de cofinanciamento nos servizos prestados polo Consorcio Galego de Servizos de Igualdade e Benestar ou ente que o substitúa en colaboración cos concellos e mancomunidades

Un. O sistema de cofinanciamento dos servizos que se presten nas escolas infantís e centros de día xestionados polo Consorcio Galego de Servizos de Igualdade e Benestar ou entidade que se subroga nos seus dereitos e obrigas establecidos nos instrumentos de colaboración cos concellos e mancomunidades con fundamento nas competencias que sobre esta materia teñen atribuídas pola normativa vixente as entidades locais, rexerase polo disposto nos propios convenios asinados entre ambas as entidades públicas, coa finalidade de garantir a prestación axeitada dos servizos que se prestan a través do Consorcio Galego de Servizos de Igualdade e Benestar en colaboración cos concellos e mancomunidades.

Dous. As cantidades que corresponda aboar ás entidades locais derivadas do réxime de cofinanciamento previsto neste artigo terán a consideración de débedas firmes, líquidas e esixibles, cando exista conformidade pola Administración local, a través dos correspondentes informes dos órganos de control e xestión económica, en relación cos criterios establecidos no convenio e as prestacións realizadas e certificadas.

Cando se manifeste expresamente a desconformidade coas débedas económicas reclamadas desde a administración galega ou calquera entidade pública instrumental, empresa mercantil ou fundación do sector público autonómico, a través dunha resolución administrativa, emitida polo órgano competente dunha entidade local ou das entidades asociativas locais e baseada nos informes correspondentes dos órganos de control económico-financeiro ou dos servizos de xestión económica da dita entidade local, non se considerarán en ningún caso como débedas vencidas, líquidas e esixíbles as

débedas ata que haxa unha resolución xudicial ou acordo administrativo que ditamine a discrepancia. Neste caso, non poderán practicarse retencións nin requirirse o pagamento, nin efectuarse compensacións ou retencións de transferencias pendentes da Administración galega á entidade local, ata que haxa conformidade desta, previa fiscalización dos internos de órganos de control financeiro.

Tres. Non se poderán practicar retencións, compensacións de transferencias do Fondo de Cooperación Local ás entidades locais relativas a débedas sobre as cales existan discrepancias xustificadas expresadas pola entidade local e baseadas nos informes dos servizos económicos ou de intervención da dita entidade. Para estes efectos, en ningún caso se considerarán como vencidas, líquidas e exixibles as débedas sobre as que se notificara a non conformidade de forma motivada, polo que non poderán practicarse retencións ou compensacións nin requirirse o pagamento ata que haxa conformidade da entidade local, previa fiscalización dos internos de órganos de control financeiro, ou se resolva polo órgano xudicial competente.

Catro. O Consorcio ou ente que o substitúa expedirá as liquidacións derivadas do réxime de cofinanciamento correspondentes ás entidades locais consonte o réxime previsto nos convenios asinados, e aboaranse polos concellos unha vez que haxa conformidade con elas.

En casos reiterados de falta de conformidade, deberá reunirse a Comisión de Seguimento prevista nos convenios, que levantará acta dos acordos adoptados, e no caso de acordos sobre as contías a liquidar serán executivos para ambas as partes.

Cinco. O réxime de cofinanciamento dos servizos prestados nas escolas infantís e centros de día xestionados polo Consorcio Galego de Servizos de Igualdade e Benestar fixado nos convenios asinados coas entidades locais ou mancomunidades será respectado en todo caso pola entidade que se subroga na súa posición, que non poderá variar as condicións e cláusulas pactadas, agás acordo expreso coa entidade local ou mancomunidade asinante.

Seis. Nos orzamentos da Comunidade Autónoma consignarase unha partida específica para contribuír ao financiamento de fórmulas de colaboración ou cooperación intermunicipal de servizos locais.

A Xunta de Galicia garantirá en todo caso a dispoñibilidade de fondos autonómicos para apoiar economicamente iniciativas de colaboración ou cooperación intermunicipal de servizos locais, preferentemente a través da constitución de mancomunidades ou consorcios.”

-Do G.P. En Marea.
Emenda nº22, de Adición.

Débesse engadir ao remate do artigo o seguinte texto:

"O réxime de cofinanciamento sitúase como réxime provisional ata acadar unha asunción de competencias que lles son propias á Consellería de Política Social no marco da xerencia dos centros de día e escolas infantís."

-Do G.P. En Marea.
Emenda nº23, ao apartado 5, de Substitución.

Débesse substituír o texto do apartado polo seguinte:

"Cinco. O réxime de cofinanciamento previsto será aplicable ás entidades locais que así o soliciten a través de acordo adoptado no órgano competente, coa posibilidade de revisar e revogar a fórmula subscrita, baixo causa motivada do mesmo órgano e mediante a comisión de seguimento correspondente en cada concello e a Comisión Mixta que contempla o acordo marco ao que se fai referencia no apartado 1 deste artigo."

-Do G.P. Socialistas de Galicia.
Emenda nº25, ao apartado Cinco, de Modificación.

Proponse un novo texto para a alínea Cinco, deste artigo, que terá o seguinte contido:

"Cinco. O réxime de cofinanciamento previsto nesta disposición e no anexo I son de carácter voluntario para as entidades locais.

Aquelas entidades locais que desexen adherirse deberán adoptar por parte do órgano competente de ámbito local o correspondente acordo, que será aplicable ao cabo de tres meses, contados desde a data da reunión.

Aquelas entidades locais que non adopten o dito acordo manterán a súa situación previa, sen prexuízo dos dereitos que poidan asistir ao consorcio."

DITAME DA COMISIÓN:

Artigo 69. Historia social única electrónica

Modifícase o artigo 16 da Lei 13/2008, do 3 de decembro, de servizos sociais de Galicia, que queda redactado como segue:

«Artigo 16. Continuidade dos niveis de actuación social

1. A relación entre servizos sociais comunitarios e servizos sociais especializados responderá a criterios de complementariedade, de acción coordinada para a consecución de obxectivos comúns ou de actuación conxunta, coa finalidade de conseguir a continuidade e complementariedade das intervencións que deban aplicarse desde os distintos niveis de actuación.

2. Existirá un único expediente social básico no ámbito dos servizos sociais comunitarios, no que quedarán recollidas todas as intervencións e os servizos prestados á persoa usuaria nos diferentes niveis de actuación do Sistema galego de servizos sociais.

3. Para os efectos do establecido no punto anterior, os servizos sociais especializados incorporarán protocolos de retorno da información aos servizos sociais comunitarios que aseguren a actualización da información no expediente social básico.

4. Regulamentariamente, estableceranse os procedementos de recollida e tratamento de información das persoas usuarias do sistema, garantindo, en todo caso, a confidencialidade dos datos de carácter persoal.

5. A Xunta de Galicia creará a Historia social única electrónica como conxunto de información e documentos en formato electrónico nos que se conteñen os datos, as valoracións e as informacións relevantes sobre a situación e a evolución da atención social das persoas usuarias do Sistema galego de servizos sociais ao longo do seu proceso de intervención, así como a identificación dos ou das profesionais e dos servizos ou prestacións que interviñeron sobre este. A Historia social única electrónica deberá, así, conter a suficiente, axeitada, pertinente e necesaria información para documentar o proceso de intervención social da persoa usuaria. Respecto dos datos de carácter persoal e en cumprimento do principio de calidade, soamente se recollerán na Historia social única electrónica aqueles axeitados, pertinentes, non excesivos e necesarios para documentar o dito proceso de intervención social.

Para dar cumprimento ao indicado no parágrafo anterior, as distintas entidades que integran o Sistema galego de servizos sociais, dentro das que se inclúen, ademais das administracións públicas galegas, as entidades privadas recollidas no punto 2 do artigo 29 da presente lei, deberán

incorporar á Historia social única electrónica a información e os documentos que a conforman, nos termos que regulamentariamente se establezan, autorizándose para o efecto, en virtude desta lei, a recollida, o tratamento e a cesión dos datos de carácter persoal necesarios para documentar o proceso de intervención social, coa finalidade dunha xestión máis eficaz e sostible do Sistema galego de servizos sociais e da consecución da continuidade e complementariedade das intervencións entre os distintos niveis de actuación.

Xunto co anterior, e co fin de garantir a globalidade e continuidade da intervención social, autorízase a cesión dos datos de carácter persoal que, conforme o disposto anteriormente, deban formar parte da Historia social única electrónica, por parte dos órganos, entidades e organismos con competencias sobre outros sistemas de protección, no marco estrito e para os efectos unicamente da tramitación dos procesos de intervención social. Para estes efectos, os órganos, entidades e organismos responsables dos ficheiros de orixe dos datos incluídos na Historia social única electrónica serán responsables da corrección e calidade deles, sen prexuízo das responsabilidades do cesionario.

Autorízase o acceso á Historia social única electrónica no ámbito da intervención profesional no Sistema galego de servizos sociais, tanto polos e polas profesionais de atención como polo persoal de xestión e servizos, así como para a acción inspectora de carácter público. En todo caso, o acceso limitarase ao contido necesario, axeitado e pertinente, en atención ás concretas funcións encomendadas.

Así mesmo, de acordo coa repartición de competencias en materia de protección social, autorízase o acceso e emprego daquela información contida na Historia social única electrónica que sexa necesaria e proporcionada aos fins das actuacións dos correspondentes procesos de intervención social e dunha adecuada atención integral por parte dos órganos, entidades ou organismos competentes noutros sistemas de protección distintos do Sistema galego de servizos sociais.

As incorporacións á Historia social única electrónica de información procedente de sistemas de protección distintos do Sistema galego de servizos sociais, así como o acceso á información incluída na Historia social única electrónica por parte dos órganos, entidades e organismos competentes en tales sistemas de protección, de acordo co establecido nos parágrafos anteriores, realizaranse con pleno respecto á normativa de protección de datos e conforme o previsto nos protocolos normalizados que aprobe o Consello da Xunta de Galicia e que se formalicen entre os órganos,

organismos e entidades implicados. Nos ditos protocolos concretaranse os datos obxecto de cesión, no marco dos programas de intervención social, atendendo aos principios de calidade dos datos, necesidade e proporcionalidade, para os distintos ámbitos de información que conforman a Historia social única electrónica. Os ditos protocolos serán obxecto de publicación no *Diario Oficial de Galicia*.»

6. A Historia social única electrónica terá carácter público e confidencial, e respectará os dereitos das persoas usuarias ao acceso ao seu expediente persoal e a obter copia del, garantindo que esta historia será empregada para a intervención profesional e para a acción inspectora de carácter público nos termos previstos nesta lei. Calquera outro acceso á información contida na Historia social única electrónica realizarase nos termos e cos requisitos exixidos pola normativa reguladora de protección de datos de carácter persoal e no resto da normativa que resulte de aplicación.

Non obstante o indicado no parágrafo anterior, o dereito de acceso da persoa usuaria á Historia social única electrónica non poderá exercerse en prexuízo do dereito de terceiras persoas á confidencialidade dos datos que consten nela recollidos en interese da intervención da persoa usuaria, nin en prexuízo do dereito dos e das profesionais participantes na intervención, os cales poderán opoñer ao dereito de acceso a reserva da súas anotacións subxectivas.

EMENDAS MANTIDAS:

-Do G.P. En Marea.

Emenda nº24, ao apartado 5, de Supresión.

Débase suprimir no segundo parágrafo do apartado 5 a seguinte expresión:

“dentro das que se inclúen, ademais das administracións públicas galegas, as entidades privadas recollidas no número 2 do artigo 29 da presente lei.”

DITAME DA COMISIÓN:

TÍTULO III.
Ordenación do sistema de transporte público regular de
viaxeiros

EMENDAS MANTIDAS:

-Do G.P. En Marea.
Emenda nº25, de Supresión.

Débese suprimir o Título III

DITAME DA COMISIÓN:

CAPÍTULO I

Obxecto e réxime de competencias

Artigo 70. Obxecto e alcance

Un. O presente título establece a ordenación do sistema de transporte público regular de viaxeiros de Galicia, complementando a regulación do Plan de transporte público de Galicia realizada pola Lei 10/2016, do 19 de xullo, de medidas urxentes para a actualización do sistema de transporte público de Galicia.

Nesta materia, as disposicións da presente lei resultarán de aplicación aos servizos de transporte público de viaxeiros que se desenvolvan integramente no territorio da Comunidade Autónoma. Entenderase que o transporte transcorre integramente en Galicia cando neste ámbito territorial desenvolva a totalidade das súas relacións de tráfico.

Dous. Incorpórase como anexo II desta lei a relación de definicións e a clasificación dos tipos e modalidades de transporte.

EMENDAS MANTIDAS:

-Do G.P. Bloque Nacionalista Galego.
Emenda nº23, de Supresión.

Emenda de supresión. Artigo 70

Suprímese o artigo 70.

DITAME DA COMISIÓN:

Artigo 71. Competencias e organización administrativa no ámbito do transporte por estrada

Un. As administracións públicas de Galicia con competencia e responsabilidade na planificación, ordenación, adxudicación e xestión dos servizos de transporte público regular regulados nesta lei son:

a) A Administración xeral da Xunta de Galicia, que exercerá con plenitude e consonte co previsto no ordenamento xurídico as competencias que estatutariamente corresponden á Comunidade Autónoma de Galicia e, en concreto, as de impulso e aprobación do Plan de transporte público de Galicia e a de coordinación do sistema integrado de transporte público no territorio da Comunidade Autónoma. Neste ámbito, a Xunta de Galicia exercerá as competencias de planificación, ordenación, coordinación, control, inspección e sanción dos servizos de transporte público de ámbito autonómico.

b) Os concellos, que en relación cos tráficos dos seus respectivos ámbitos territoriais, posúen competencias de planificación, ordenación, coordinación, control, inspección e sanción dos servizos de transporte público de persoas de ámbito local.

c) As áreas metropolitanas, que posuirán as competencias atribuídas nas súas respectivas leis de creación.

Dous. O exercicio das respectivas competencias en materia de transporte público por parte das diferentes administracións públicas fundamentarase nos principios de boa fe, confianza lexítima e lealdade institucional, e nos de cooperación, colaboración e coordinación, e procurarán a máxima racionalización, eficacia no cumprimento dos obxectivos marcados e eficiencia na asignación e utilización dos recursos públicos e dos medios de transporte.

Tres. No ámbito da Xunta de Galicia, corresponde á consellaría con competencia en materia de transporte público velar polo correcto funcionamento dos transportes aos que se refire a presente lei, e exercer as funcións de planificación, ordenación, coordinación, control, inspección e sanción, se é o caso, dos servizos públicos de persoas dos que é titular, calquera que sexa o modo en que se xestionen.

Para o exercicio destas funcións, a consellaría con competencia en materia de transporte público asumirá as funcións de órgano de contratación do conxunto de servizos de transporte público regular contratados pola Xunta de Galicia, consonte a programación e as excepcións que, se é o caso, acorde o Consello da Xunta de Galicia ou estableza o Plan de

transporte público de Galicia. En tanto non se produza a dita asunción plena desta función e respecto, en todo caso, dos supostos que o Consello da Xunta de Galicia acorde excepcionar, os respectivos departamentos manterán as funcións de órgano de contratación dos servizos que se refiran aos seus ámbitos de actuación, co conxunto de facultades propias deste.

EMENDAS MANTIDAS:

-Do G.P. Bloque Nacionalista Galego.
Emenda nº24, de Supresión.

Emenda de supresión. Artigo 71

Suprímese o artigo 71.

DITAME DA COMISIÓN:

CAPÍTULO II

O transporte público regular de uso xeral

Artigo 72. Establecemento de servizos

Un. A prestación dos servizos regulares permanentes de transporte de persoas de uso xeral ou mixtos será precedida da correspondente resolución administrativa sobre o establecemento ou creación dos ditos servizos e de aprobación do correspondente proxecto para a súa prestación. No ámbito da Administración xeral da Comunidade Autónoma corresponde á consellaría competente en materia de transportes a adopción desta resolución.

Dous. O dito establecemento ou creación serán acordados pola Administración, por iniciativa propia ou de persoa interesada.

Mediante a aprobación do Plan de transporte público de Galicia considerarase adoptado o acordo de establecemento e creación dos servizos que prevea o dito plan, sen prexuízo da aprobación dos proxectos de explotación por parte da Administración consonte co que nesta lei se establece.

Tamén se considerará xustificado o acordo de establecemento ou creación nos servizos que, incluso antes da aprobación do Plan de Transporte Público de Galicia, se planifiquen co obxectivo de garantir a continuidade na explotación de tráfico nos que concorran as circunstancias que prevé o artigo 5.5 do Regulamento (CE) 1370/2007 do Parlamento Europeo e do Consello, do 23 de outubro, sobre os servizos públicos de transporte de viaxeiros por ferrocarril e estrada e polo que se derrogan os regulamentos (CEE) 1191/69 e (CEE) 1107/70, do Consello, cuxa explotación se prevexa coas limitacións temporais que establece o dito precepto. Esta norma resultará de aplicación aínda cando o novo servizo supoña unha reordenación en profundidade dos servizos abandonados ou en risco de abandono, incluso coa introdución, supresión ou modificación substancial dos tráfico que neles se prevían ou coa inclusión de novas modalidades de prestación dos servizos, como servizos baixo demanda ou servizos integrados. Igualmente, a Administración poderá acordar o establecemento doutros servizos, non previstos expresamente no Plan de transporte público de Galicia, que resulten coherentes coa súa planificación xeral e que se propoña implantar cunha duración temporalmente limitada, ben para a satisfacción de demandas puntuais de transporte, ben para a validación de solucións de mobilidade innovadoras, ou para a experimentación, limitada

no tempo ou no territorio, de alternativas non previstas inicialmente na planificación de transporte.

EMENDAS MANTIDAS:

-Do G.P. Bloque Nacionalista Galego.
Emenda nº25, de Supresión.

Emenda de supresión. Artigo 72

Suprímese o artigo 72.

DITAME DA COMISIÓN:

Artigo 73. Prestación de servizos regulares permanentes de transporte de persoas de uso xeral

Un. Os transportes públicos regulares de persoas de uso xeral teñen o carácter de servizos públicos de titularidade da Administración e poden ser utilizados, sen discriminación, por calquera persoa que o desexe nas condicións que establece esta lei e demais normativa de aplicación.

Dous. Como regra xeral, a prestación dos mencionados servizos será levada a cabo pola empresa á que a Administración adxudique o correspondente contrato de xestión do servizo público de transporte, baixo o principio de risco e ventura na súa explotación.

Non obstante, a Administración poderá optar pola xestión directa dos servizos de transporte público, a través dos seus propios medios ou de organismos e entes instrumentais dependentes, cando considere esta modalidade como a máis axeitada ao interese xeral en función da súa natureza e características, especialmente nos casos de ausencia de licitadores interesados na prestación dos servizos, de interrupción ou de risco inminente de tal situación.

Tres. O contrato de xestión de cada servizo determinará o seu prazo de duración atendendo ás súas características e aos prazos de amortización dos activos achegados polo adxudicatario que resulten necesarios para a súa prestación e que sexan utilizados con exclusividade ou de xeito predominante nesta. En todo caso, consonte o disposto na lexislación da Unión Europea reguladora da materia, a duración dos contratos non poderá ser superior a dez anos.

Non obstante, cando resulte necesario atendendo ás condicións de amortización dos indicados activos, a duración do contrato poderá prolongarse durante un período non superior á metade do período orixinalmente establecido.

Os contratistas de servizos de transporte público teñen en todo caso a obriga contractual de continuaren na explotación do servizo ata que culmine o procedemento de adxudicación que se estableza para darlle continuidade ao servizo público, co límite temporal, en canto á súa obrigatoriedade, de doce meses, que se contarán desde a data do vencemento do contrato ou, de ser o caso, daquela en que se faga efectiva a execución da resolución que lle puxese fin. A continuidade na explotación indicada neste apartado realizarase nas mesmas condicións económicas, contractuais e xurídicas que se lle aplicasen ao contrato nese momento, e producirase nos termos

previstos na Lei 16/1987, do 30 de xullo, de ordenación dos transportes terrestres, e na súa normativa de desenvolvemento, así como nos casos que a esta establece na Lei 10/2016, do 19 de xullo.

Catro. Os servizos de transporte público regular de persoas de uso xeral ou mixtos adxudicaraos a Administración co carácter de exclusivos, de conformidade co disposto na normativa comunitaria e na normativa estatal básica, nos termos que preveña o Plan de transporte público de Galicia e os correspondentes proxectos de explotación e pregos de licitación, os cales poderán definir supostos ou ámbitos territoriais nos que a exclusividade dos tráxicos sexa compartida entre dous ou máis servizos públicos, fixando as condicións de coordinación entre eles.

Cinco. Sen prexuízo da posibilidade de promover ou participar en calquera momento en actuacións interadministrativas de colaboración para a mellora e o fomento do sistema de transporte público, o exercicio pleno da competencia sobre transporte público e o establecemento de novos servizos locais, por parte dos concellos e demais entidades locais que no momento da entrada en vigor desta lei non dispoñan de servizos de transporte público colectivo da súa competencia, requirirán da comunicación previa ao órgano competente sobre os servizos autonómicos con, cando menos, doce meses de antelación ao vencemento do prazo legalmente establecido para a aprobación do Plan de transporte público de Galicia, ou, unha vez aprobado este, coa mesma antelación respecto das datas que se preveñan para a aprobación das súas revisións.

A mesma regra indicada no apartado anterior resultará de aplicación en relación cos tráxicos que asuman efectivamente as áreas metropolitanas con posterioridade á entrada en vigor desta lei.

Cando nos termos dos apartados anteriores unha administración local comunique á Administración autonómica a súa intención de establecer un servizo de transporte de ámbito local, esta excluírá dos proxectos de licitación que elabore as relacións de tráfico dese ámbito territorial. Non obstante, o órgano autonómico competente para a aprobación do indicado proxecto de explotación poderá acordar a explotación coordinada de determinados tráxicos cando esta supoña unha mellora na oferta para as persoas usuarias pola coincidencia dos itinerarios ou dos tráxicos dos diferentes servizos ou cando a dita exclusión poida poñer en risco a sustentabilidade do propio servizo autonómico.

Nestes supostos, o órgano autonómico competente en materia de transporte, oída a entidade local correspondente, establecerá os criterios de coordinación de tarifas, horarios e calendarios das expedicións correspondentes a servizos autonómicos e locais que atendan conxuntamente as ditas relacións de tráfico. Igualmente, as administracións competentes poderán conveniar a explotación indistinta destes servizos, de xeito que os servizos local e autonómico atendan, total ou parcialmente, o conxunto dos seus respectivos tráfico.

EMENDAS MANTIDAS:

-Do G.P. Bloque Nacionalista Galego.
Emenda nº26, de Supresión.

Emenda de supresión. Artigo 73

Suprímese o artigo 73.

DITAME DA COMISIÓN:

Artigo 74. Contratos de xestión de servizos públicos de transporte de persoas

Un. Os contratos de xestión de servizos públicos de transporte de persoas serán definidos polos correspondentes proxectos de explotación dos servizos, que, nos supostos de adxudicación mediante un procedemento aberto, servirán de base dos pregos de condicións que se regulan nestes mesmo artigo.

Os proxectos de explotación serán elaborados directamente pola Administración ou por un particular. No suposto de elaboración por un particular, este deberá presentar un anteproxecto completo ao órgano da Administración que resulte competente para a súa aprobación, quen discrecionalmente poderá tomalo en consideración e proceder á súa tramitación, ponderando para tal fin a súa integración co sistema de transporte público ou cos traballos de planificación en desenvolvemento ou programados. En calquera caso, a Administración poderá requirir do promotor que o anteproxecto sexa emendado ou completado coa información adicional que estime conveniente para a axeitada definición do servizo. A Administración adoptará o correspondente acordo no prazo de tres meses, que se contarán desde a presentación completa do anteproxecto do servizo, logo do cal, de non ter adoptado acordo a Administración, o interesado poderá entender que este é desfavorable á toma en consideración do servizo.

Os proxectos de explotación someteranse á información pública durante un prazo de dez días, no cal o proxecto estará dispoñible para calquera interesado na páxina web da correspondente administración de transportes. Simultaneamente, daráselles audiencia durante o mesmo prazo aos concellos nos cales, no proxecto do servizo, se establezan puntos ou localidades de parada.

Analizadas as alegacións recibidas, a Administración de transportes competente acordará a aprobación do correspondente proxecto de servizo, se é o caso.

No ámbito da Xunta de Galicia, os proxectos de servizos públicos de transporte de persoas que deban ser sometidos a un procedemento de licitación aberto corresponderán á consellaría competente en materia de transportes.

Dous. Os pregos de condicións que rexerán o contrato tomarán como base o proxecto de explotación aprobado pola Administración, e fixarán as condicións de prestación do servizo.

Os pregos regularán as condicións de prestación dos servizos incorporando, en todo caso, as seguintes:

- a) Os tráficos que definen o servizo, así como o seu itinerario, expedicións, calendarios e horarios ou franxas horarias de servizo, cando resulten pertinentes, e o prazo de duración do contrato.
- b) As condicións mínimas de solvencia técnica, profesional e económica que, se é o caso, deberá cumprir o contratista coa finalidade de que resulte garantida a adecuada prestación do servizo de que se trate de xeito continuado.
- c) Os medios materiais dos que deberá dispoñer o contratista para a prestación do servizo, e as súas características, tales como vehículos ou medios e sistemas tecnolóxicos precisos para a explotación do servizo e a obtención de información deste por parte da Administración.
- d) O réxime económico que resulte de aplicación ao contrato, incluíndo, de ser posible, as tarifas de usuario que se prevexa aplicar e as tarifas de equilibrio do contrato, e outras compensacións pola prestación do servizo que resulten de aplicación, indicando os parámetros sobre cuxa base deberán ser calculados.
- e) O compromiso do contratista de someterse á arbitrase da Xunta Arbitral de Transportes de Galicia en relación con calquera controversia coas persoas usuarias relacionadas coa prestación do servizo, ou cos titulares de infraestruturas de transporte que deba utilizar o servizo en relación cos canons, tarifas ou prezos que deba aboar pola dita utilización.
- f) O réxime de penalidades que, se é o caso, resulte de aplicación por unha deficitaria prestación do servizo ou por incumprimentos contractuais, e as condicións nas que o contratista estará obrigado a indemnizar as persoas usuarias polos danos que lles deriven dos incumprimentos contractuais.

EMENDAS MANTIDAS:

-Do G.P. Bloque Nacionalista Galego.
Emenda nº27, de Supresión.

Emenda de supresión. Artigo 74

Suprímese o artigo 74.

DITAME DA COMISIÓN:

Artigo 75. Adxudicación dos contratos de xestión de servizos públicos de transporte de persoas

Un. Os contratos de xestión de servizos públicos de transporte regular de persoas de uso xeral adxudicaranse, con carácter xeral, mediante un procedemento aberto no que todo empresario que acade os requirimentos de solvencia que fixen os correspondentes pregos poderá presentar unha proposición. En calquera caso, deberán desestimarse as ofertas que establezan condicións desproporcionadas ou anormais, tecnicamente inadecuadas, ou que non garantan debidamente a continuidade do servizo ou a súa prestación nas condicións precisas, nos termos que definan os pregos de licitación.

Dous. Non obstante o indicado no punto anterior, a Administración poderá optar pola adxudicación directa nos supostos e nos termos establecidos pola normativa comunitaria e pola lexislación estatal de carácter básico. Igualmente, no caso de interrupción dos servizos ou de risco inminente de tal situación, ademais do procedemento de adxudicación directa que prevé a normativa comunitaria, a Administración poderá optar por establecer exixencias de prestación de determinadas obrigas de servizo público por parte doutros contratistas, que verán modificados deste xeito os seus contratos, coa garantía en todo caso do mantemento do seu correspondente equilibrio económico.

Tres. O adxudicatario do servizo deberá dispoñer de autorización que o habilite para a realización da actividade de transporte público no ámbito territorial no que se preste, nos termos que establece a normativa comunitaria e nacional na materia, e poderá subcontratar parcialmente a súa prestación nos termos que estableza o correspondente proxecto de explotación do servizo.

No caso de unións temporais de empresas, deberán dispoñer da autorización habilitante indicada no apartado anterior a totalidade das empresa que, formando parte da unión temporal, sexan as que efectivamente oferten e presten os servizos de transporte.

EMENDAS MANTIDAS:

-Do G.P. Bloque Nacionalista Galego.
Emenda nº28, de Supresión.

Emenda de supresión. Artigo 75
Suprímese o artigo 75.

DITAME DA COMISIÓN:

Artigo 76. Procedemento de adxudicación directa

Un. Nos supostos en que resulte de aplicación o procedemento de adxudicación directa, abondará con que o proxecto de explotación do servizo identifique os tráficos que se van atender, os itinerarios, se é o caso, o calendario de prestación, as frecuencias e o réxime económico aplicable e o prazo de vixencia.

Dous. Os anteprojectos de explotación de servizos de transporte obxecto de adxudicación directa someteranse á información pública durante un prazo de dez días naturais.

Durante este prazo, as empresas e demais interesados en xeral poderán formular as alegacións que consideren en relación co contido do anteprojecto. Igualmente, as empresas con capacidade para a súa prestación poderán propoñerse para ser invitadas para a presentación de oferta.

Logo de analizar as alegacións presentadas, a Administración aprobará o proxecto de explotación do servizo e, deixando constancia no expediente de forma sucinta das razóns que xustifican a elección, remitirá invitación para presentar oferta a un mínimo de tres empresas de entre as que comunicasen o seu interese en ser invitadas, sempre que sexa posible, sinalándolles un prazo non inferior a cinco días naturais para a presentación da correspondente oferta e facilitándolles o acceso ao indicado proxecto de explotación.

A Administración analizará as ofertas que presenten as empresas invitadas e poderá acordar a celebración dun proceso de negociación coas correspondentes empresas, logo do cal adxudicará o contrato á empresa que presente a oferta que resulte máis vantaxosa consonte as condicións e criterios fixados no proxecto de explotación e na propia invitación e formalizará con aquela o correspondente contrato de xestión do servizo de transporte público regular.

Tres. En todo caso, cando os procedementos previstos no apartado anterior queden desertos por carecer de empresas interesadas en ser invitadas, ou a Administración aprecie discrecionalmente que concorren circunstancias que non aconsellan promover a concorrência prevista nos apartados anteriores sen un grave risco de interrupción do servizo público de transporte, ou cando logo de remitir as invitacións que neles se indican ningunha empresa formule unha oferta consonte os requirimentos exixidos pola Administración, a Administración poderá dispoñer a adxudicación directa do servizo á empresa que para tal fin seleccione, coa cal formalizará directamente un contrato de xestión do servizo público de transporte.

Catro. No caso de procedementos de adxudicación directa de contratos de xestión de servizos de transporte público regular de persoas por estrada que tramite a Administración xeral da Xunta de Galicia, corresponderá á dirección xeral competente en materia de transporte público a competencia para acordar a aplicación desta modalidade de adxudicación, a aprobación do correspondente proxecto de explotación e a adxudicación do contrato.

EMENDAS MANTIDAS:

-Do G.P. Bloque Nacionalista Galego.
Emenda nº29, de Supresión.

Emenda de supresión. Artigo 76

Suprímese o artigo 76.

DITAME DA COMISIÓN:

CAPÍTULO III

Integración e coordinación de servizos nunha rede de transporte integrada

Artigo 77. Integración de servizos de transporte

Un. Coa finalidade de acadar unha prestación racional e eficiente dos servizos de transporte, ademais das fórmulas de colaboración, cooperación e coordinación de servizos da competencia de diferentes administracións públicas reguladas nesta lei e demais normativa sectorial de aplicación, promoverase a integración de servizos dirixidos á atención de diferentes colectivos de persoas usuarias, preferentemente contratados por unha mesma administración.

Dous. Con carácter xeral, calquera administración pública galega poderá reservar prazas nos servizos de transporte público regular de uso xeral a favor dos estudantes, traballadores ou colectivos análogos, en expedicións que teñan tráfico no ámbito territorial de competencia da respectiva administración, para atender as necesidades de mobilidade desas persoas usuarias.

Nestes supostos, a administración que reserve as prazas deberá aboar pola prestación do servizo a tarifa de equilibrio contractual que estea establecida no correspondente contrato de xestión.

EMENDAS MANTIDAS:

-Do G.P. Bloque Nacionalista Galego.
Emenda nº30, de Supresión.

Emenda de supresión. Artigo 77

Suprímese o artigo 77.

DITAME DA COMISIÓN:

Artigo 78. Racionalización e integración de servizos de transporte contratados pola Xunta de Galicia

Un. No marco dos acordos para a integración dos servizos e da súa programación que adopte o Consello da Xunta de Galicia directamente ou mediante a aprobación do Plan de transporte público de Galicia, promoverase unha utilización racional da oferta de servizos de transporte público que contrata a Xunta de Galicia.

Para tal fin, promoverase a utilización da rede de transporte público regular de uso xeral por parte dos colectivos de persoas usuarias para os que a Xunta de Galicia ofrezca a prestación do servizo de transporte público, tales como estudantes ou persoas usuarias do Servizo Galego de Apoio á Mobilidade Persoal. En todo caso, manterase a prestación diferenciada dos servizos para o conxunto de persoas usuarias que, polas súas condicións específicas, non poidan facer uso dos servizos de transporte público regular de uso xeral.

Dous. O Plan de transporte público de Galicia e os proxectos que a Administración defina con antelación á súa aprobación, ou estableza con carácter experimental, garantirán a máxima cobertura territorial coa finalidade de que a rede de transporte público regular de uso xeral presente unha oferta real alternativa ás distintas redes dedicadas que actualmente mantén a Xunta de Galicia.

Igualmente, nesta planificación garantirase a atención prioritaria dos colectivos de menores e demais persoas usuarias das redes de transporte público regular de uso especial, de xeito que a oferta alternativa proposta manteña, cando menos, os mesmos niveis de calidade e prestación de servizo dos que dispoñían previamente. Os servizos integrados deberán cumprir integramente a normativa sobre condicións de seguridade no transporte de escolares e menores que lles resulte de aplicación.

Nos supostos en que a Administración da Xunta de Galicia ofrezca a prestación das relacións de mobilidade a través de servizos integrados previstos na rede de transporte público regular de uso xeral, estes medios darán satisfacción ao dereito ao correspondente servizo público de transporte, sen que por parte da Administración autonómica se establezan servizos diferenciados, procedendo, se é o caso, á suspensión dos servizos dedicados que carezan de persoas usuarias.

En tanto non se produza a integración nun único órgano de contratación da competencia sobre a prestación do servizo de transporte regular de uso xeral e a xestión dos servizos de

transporte dedicados, complementarios doutros ámbitos de actuación da Administración, a administración competente sobre estes últimos aboará directamente á empresa contratista o importe correspondente á tarifa de equilibrio contractual que en cada caso corresponda.

Tres. Simultaneamente á integración de servizos na rede de transporte público regular de uso xeral, no marco dos acordos de integración e a programación que estableza o Consello da Xunta de Galicia, ou da planificación de transporte que determine o Plan de transporte público de Galicia, se é o caso, fixaranse servizos de transporte mixtos nos que nun mesmo contrato se prevexa a prestación de servizos de transporte regular de uso xeral xunto con servizos de transporte regular de uso especial.

Nestes supostos, os proxectos de explotación dos servizos de transporte público regular de uso xeral fixarán as compensacións económicas que se aboarán pola prestación dos diferentes servizos.

EMENDAS MANTIDAS:

-Do G.P. Bloque Nacionalista Galego.
Emenda nº31, de Supresión.

Emenda de supresión. Artigo 78

Suprímese o artigo 78.

DITAME DA COMISIÓN:

Artigo 79. Adaptación da explotación dos contratos de xestión de servizos públicos de transporte regular de uso xeral ou mixtos por razón de integración de servizos e melloras na explotación

Un. A administración poderá, en calquera momento, introducir alteracións e modificacións nas condicións de explotación dos servizos cualificados como integrados, coa finalidade de atender a demanda de transporte xerada por persoas usuarias con dereito á utilización dos servizos de transporte público que ofertase a Xunta de Galicia.

Dous. Para tal fin, identificada a existencia dunha nova demanda de servizo, abrírase de oficio por parte da administración titular do servizo de transporte un procedemento de adaptación das súas condicións de prestación, consonte as seguintes regras:

1. O órgano competente sobre o contrato ditará unha medida cautelar de carácter executivo na que disporá a súa prestación por parte da empresa contratista elixida para tal fin, consonte o previsto nos correspondentes contratos de xestión de servizos públicos de transporte. Esta medida cautelar terá carácter executivo, e será de obrigado cumprimento para o contratista, que deberá adaptar a explotación do servizo no prazo que nela se estableza.

2. Sen prexuízo do indicado carácter executivo do requirimento da Administración, desde a súa recepción o contratista disporá do prazo de dez días para a formulación de alegacións. Por este mesmo prazo, a Administración dará audiencia a calquera outro interesado.

3. Analizadas as alegacións formuladas, se for o caso, o órgano titular do servizo ditará resolución definitiva.

Tres. Mediante resolución conxunta dos departamentos da Xunta de Galicia con competencia en materia de transportes e en cada un dos ámbitos sectoriais obxecto de integración, estableceranse protocolos administrativos de actuación para a recepción, validación e aprobación das novas demandas de prestación de servizos de transporte público.

Catro. Igualmente, nos termos previstos nesta lei e na normativa básica de aplicación, a mellora nas condicións de prestación do servizo público de transporte, a implantación de solucións de explotación innovadoras como a xestión baixo demanda, ou a integración de servizos de transporte, consideraranse causas de interese público xustificativas da modificación de oficio dos contratos de xestión de servizos públicos de transporte

regular de uso xeral que estean en explotación, nos termos previstos no segundo parágrafo do punto 1 do artigo 3 da Lei 10/2016, do 19 de xullo, de medidas urxentes para a actualización do sistema do transporte público de Galicia, logo de audiencia do contratista.

Nestes casos, a Administración deberá prever as compensacións que resulten esenciais para, mantendo as condicións de equilibrio económico dos indicados contratos e o principio de risco e ventura que lles é propio, resarcir o contratista polas novas obrigas de servizo público que se lle impoñan.

EMENDAS MANTIDAS:

-Do G.P. Bloque Nacionalista Galego.
Emenda nº32, de Supresión.

Emenda de supresión. Artigo 79

Suprímese o artigo 79.

DITAME DA COMISIÓN:

CAPÍTULO IV

Réxime económico e tarifario dos servizos de transporte

Artigo 80. Réxime económico dos servizos de transporte

Un. Como sistema de transporte da titularidade da Administración, o réxime económico do sistema de transporte público regular de uso xeral prestado a través de empresas contratistas baséase no principio de risco e ventura do contratista, asociado ao volume de persoas usuarias acadado coa prestación do servizo e a aplicación dunha tarifa de equilibrio de carácter contractual.

Dous. Nos servizos de transporte discrecional e nos servizos de transporte público regular de uso especial, o seu réxime económico será o que en cada caso establezan as partes contratantes.

EMENDAS MANTIDAS:

-Do G.P. Bloque Nacionalista Galego.
Emenda nº33, de Supresión.

Emenda de supresión. Artigo 80

Suprímese o artigo 80.

DITAME DA COMISIÓN:

Artigo 81. Réxime económico e tarifario dos servizos de transporte público

Un. No sistema de transporte público regular de uso xeral, e nos mixtos, diferénciase entre:

a) Tarifa de equilibrio contractual: importe que ten dereito a percibir a empresa contratista por cada usuario e relación de tráficos que realice, ben o perciba da propia persoa usuaria, ben o faga, total ou parcialmente, dunha administración pública ou dun terceiro.

b) Tarifa de usuario: importe efectivamente aboado pola persoa usuaria, determinado pola Administración, e que pode coincidir ou non coa tarifa de equilibrio contractual.

O cálculo das anteriores tarifas poderá basearse na multiplicación dos quilómetros percorridos pola persoa usuaria por un coeficiente tarifario, se é o caso cun importe mínimo de percepción, ou en razón do número de saltos que realice a persoa usuaria entre zonas de transporte previamente delimitadas, atendendo ás matrices aprobadas pola Administración.

Dous. A tarifa de equilibrio contractual poderá obedecer a un dos métodos de cálculo indicados no apartado anterior ou estar formada por varios deles, incluída a diferenciación da aplicable en atención ás condicións específicas ou cualificadas de prestación, como horarios fixos, dispoñibilidade de acompañante ou adaptación do itinerario ás concretas necesidades das persoas usuarias, que se lles apliquen a determinados colectivos, tal como pode acontecer no transporte integrado de escolares ou nos servizos de transporte baixo demanda.

Tres. Corresponde á Administración determinar as tarifas de usuario aplicables en cada caso, podendo facelo co carácter de fixas ou de máximas:

a) Tarifas fixas: son obrigatorias para a empresa prestadora do servizo e para as persoas usuarias.

b) Tarifas máximas: a empresa prestadora poderá ofertar tarifas inferiores á autorizada, atendendo a criterios obxectivos de promoción da mobilidade e con suxeición ao principio de non discriminación entre as persoas usuarias.

Catro. Tanto no suposto de tarifas fixas como no de tarifas máximas, a Administración poderá autorizar a comercialización de tarifas bonificadas:

a) Bonos de utilización recorrente ou para a promoción da utilización do sistema de transporte público. Estes bonos serán dirixidos ao público en xeral, e non será admisible a introdución

de discriminacións por razóns de territorio ou residencia nin por razóns sociais ou doutra índole.

b) Bonos sociais, vinculados a políticas ou actuacións transversais dos poderes públicos no ámbito social, nos que se tomarán en consideración as condicións específicas das persoas usuarias ou das súas unidades familiares, tales como familias numerosas, estudantes, xubilados ou nivel de renda. En ningún caso se poderán establecer bonos sociais atendendo a criterios exclusivamente territoriais, como a residencia, ou a condicións discriminatorias, como a raza, a relixión ou a opinión da persoa usuaria.

Xunto coas anteriores tarifas bonificadas poderán establecerse e xestionarse, no marco do sistema de transporte público, bonificacións adicionais promovidas pola propia administración titular do servizo ou por calquera outra administración, entidade, agrupación ou colectivo interesado na promoción do transporte público ou na prestación dun servizo ao colectivo ao que dirixan a súa actuación.

EMENDAS MANTIDAS:

-Do G.P. Bloque Nacionalista Galego.
Emenda nº34, de Supresión.

Emenda de supresión. Artigo 81

Suprímese o artigo 81.

DITAME DA COMISIÓN:

Artigo 82. Integración tarifaria e de información do sistema de transporte público de Galicia

Un. O conxunto de servizos de transporte público regular de uso xeral de Galicia integraranse nun sistema común de información dirixido a facilitar ás persoas usuarias o coñecemento do conxunto de servizos de transporte público regular ofertados polas diferentes administracións. Igualmente, as administracións colaborarán para a integración tarifaria, de xeito que os títulos de transporte ofertados por cada unha delas poidan operar indistintamente no conxunto do sistema.

Dous. Para tal fin, a Xunta de Galicia, mediante orde da consellaría competente en materia de transportes, logo do informe da Axencia para a Modernización Tecnolóxica de Galicia, establecerá os requisitos de interoperatividade dos sistemas de pagamento e de información do transporte público, que resultarán obrigatorios nos proxectos que desenvolvan o conxunto de administracións titulares de servizos de transporte regular de uso xeral. Nas mesmas condicións, o dito departamento establecerá as condicións de remisión desta información en relación con outros servizos de transporte público que contrate a Xunta de Galicia e, de xeito específico, os servizos de transporte público regular de persoas por estrada de uso especial.

EMENDAS MANTIDAS:

-Do G.P. Bloque Nacionalista Galego.
Emenda nº35, de Supresión.

Emenda de supresión. Artigo 82

Suprímese o artigo 82.

DITAME DA COMISIÓN:

TÍTULO IV.
Medidas provisionais de ordenación urbanística

EMENDAS MANTIDAS:

-Do G.P. En Marea.
Emenda nº26, de Supresión.

Débese suprimir o Título IV

DITAME DA COMISIÓN:

CAPÍTULO I

Disposicións xerais

Artigo 83. Ámbito de aplicación

Un. A regulación e mais as medidas establecidas neste título serán de aplicación naqueles supostos en que a declaración de nulidade de todo ou parte dun instrumento de planificación urbanística municipal ou dun decreto polo que se suspenda a vixencia da planificación urbanística municipal por unha sentenza firme supoña que recobre a súa vixencia un instrumento de planificación anterior que, segundo o que se establece nesta lei, non responda á realidade urbanística existente no termo municipal, xurdida ao amparo do instrumento anulado.

Estas medidas serán de aplicación, en particular, nos supostos de obsolescencia sobrevida do instrumento que recobra a súa vixencia debido á substancial modificación do marco lexislativo urbanístico recaído desde a súa aprobación, á radical mutación da normativa sectorial de aplicación ou á inadaptación do modelo existente de cidade respecto do previsto no devandito instrumento.

Dous. En todo caso, a adopción das medidas previstas no presente título deberá respectar o disposto nas sentenzas firmes que declaren a nulidade dos instrumentos de planificación urbanística ou dos decretos de suspensión, e as resolucións xudiciais recaídas na súa execución.

Tres. A adopción das medidas establecidas nesta lei entenderase sen prexuízo da posibilidade de modificar puntualmente o plan que recobra vixencia, cos requisitos previstos na lexislación vixente.

Catro. As medidas de ordenación provisional non serán de aplicación ao solo clasificado como rústico no planeamento anulado, para o cal será de aplicación o disposto na Lei 2/2016, do 10 de febreiro, do solo de Galicia, de acordo co establecido nas súas disposicións transitorias.

Cinco. En ningún caso as medidas de ordenación provisional serán de aplicación cando o instrumento de

ordenación provisional para o ámbito de que se trate deba someterse á avaliación ambiental estratéxica ordinaria de acordo co establecido na normativa básica estatal.

EMENDAS MANTIDAS:

-Do G.P. Bloque Nacionalista Galego.
Emenda nº36, de Supresión.

Emenda de supresión. Artigo 83

Suprímese o artigo 83.

DITAME DA COMISIÓN:

Artigo 84. Mantemento da seguridade xurídica

Un. De acordo co establecido na normativa estatal, a anulación de todo ou parte dun instrumento de planificación urbanística por unha sentenza firme non afectará por si mesma a eficacia dos actos administrativos firmes que o aplicasen antes de que a anulación alcanzase efectos xerais.

Dous. Nos procedementos de revisión de oficio de actos administrativos firmes que se ditasen con fundamento en instrumentos de ordenación anulados, ponderarase, na análise sobre a procedencia ou non de acordar a suspensión da execución do acto obxecto do procedemento de revisión de oficio así como na aplicación dos límites ás facultades de revisión establecidos na lexislación básica, entre outras circunstancias, o grao de cumprimento dos deberes urbanísticos ou o grao de desenvolvemento urbanístico acadado ao amparo do instrumento anulado.

EMENDAS MANTIDAS:

-Do G.P. Bloque Nacionalista Galego.
Emenda nº37, de Supresión.

Emenda de supresión. Artigo 84

Suprímese o artigo 84.

DITAME DA COMISIÓN:

Artigo 85. Protección do patrimonio cultural

Para os efectos da protección do patrimonio cultural e da aplicación da Lei do patrimonio cultural de Galicia, a simple declaración de nulidade do instrumento de ordenación urbanístico non implicará a perda da condición de bens declarados de interese cultural ou de bens catalogados dos bens incluídos no catálogo do instrumento de ordenación anulado, sendo de aplicación en todo caso o réxime derivado da lexislación indicada.

EMENDAS MANTIDAS:

-Do G.P. Bloque Nacionalista Galego.
Emenda nº38, de Supresión.

Emenda de supresión. Artigo 85

Suprímese o artigo 85.

DITAME DA COMISIÓN:

CAPÍTULO II

Procedemento de aprobación do instrumento de planificación

Artigo 86. Iniciación do procedemento de aprobación do instrumento de planificación urbanística que substitúe ao instrumento anulado. Prazos para a súa tramitación e aprobación

Un. Para os efectos de aplicar as medidas de ordenación provisional previstas no presente título, será requisito necesario que o concello cuxo instrumento de planificación foi anulado inicie a tramitación dun novo, inicie, de ser o caso, o procedemento de contratación dos servizos técnicos ou xurídicos necesarios para a súa redacción ou ben lles encomende a realización total ou parcial do instrumento aos servizos técnicos municipais.

Dous. En todo caso, o concello que aprrobe instrumentos de ordenación provisional dos previstos na presente lei deberá presentar o borrador do novo instrumento de planificación no prazo dun ano, aprobar inicialmente o novo instrumento no prazo de dous anos e aprobar provisionalmente o novo instrumento de ordenación no prazo de tres anos e seis meses. Os anteriores prazos contaránse cada un deles desde a data de publicación do acordo de aprobación definitiva do instrumento de ordenación provisional.

O cumprimento dos trámites a que fai referencia o apartado anterior dentro dos prazos sinalados para tales efectos é requisito inescusable para o mantemento da vixencia dos instrumentos de ordenación provisional aprobados de acordo co previsto na presente lei. Transcorrido calquera dos prazos sinalados sen se cumpriren os trámites previstos neste artigo, o instrumento de ordenación provisional aprobado esgotará a súa vixencia por ministerio do previsto na presente lei e quedará inmediatamente sen efecto.

EMENDAS MANTIDAS:

-Do G.P. Bloque Nacionalista Galego.
Emenda nº39, de Supresión.

Emenda de supresión. Artigo 86

Suprímese o artigo 86.

DITAME DA COMISIÓN:

Artigo 87. Estudo da situación derivada da anulación do instrumento de ordenación en cada ámbito que se pretenda ordenar provisionalmente

Un. Con carácter previo á adopción dun instrumento de ordenación provisional dos previstos na presente lei, realizarase un estudo específico da situación derivada da anulación do instrumento de ordenación para o ámbito que se pretenda ordenar a través do devandito instrumento provisional.

Dous. O devandito estudo e análise municipal someteranse a informe urbanístico e ambiental vinculante dos órganos competentes da Administración da Comunidade Autónoma.

Tres. O informe urbanístico pronunciarase sobre a coincidencia da ordenación provisional coa prevista para ese ámbito no instrumento de ordenación anulado e, de ser o caso, nos seus instrumentos de desenvolvemento, así como sobre a adecuación das medidas de ordenación provisional adoptadas ao previsto na presente lei.

Catro. O informe ambiental pronunciarase sobre a tramitación ambiental que se realice para a aprobación do instrumento de ordenación provisional de que se trate, de acordo co establecido na normativa básica estatal sobre avaliación ambiental e atendendo á súa específica natureza.

Cinco. Unha vez emitidos os informes anteriores, o estudo será, se é o caso, aprobado polo concello, xustificando a necesidade da adopción das medidas de ordenación provisional previstas na presente lei.

EMENDAS MANTIDAS:

-Do G.P. Bloque Nacionalista Galego.
Emenda nº40, de Supresión.

Emenda de supresión. Artigo 87

Suprímese o artigo 87.

DITAME DA COMISIÓN:

Artigo 88. Contido do estudo

No estudo a que se refire o artigo anterior deberá analizarse para o ámbito afectado:

— O instrumento de ordenación urbanística que recobra a súa vixencia, e a lexislación ao abeiro da cal se aprobou.

— A adecuación do instrumento de ordenación que recobra a súa vixencia á lexislación urbanística e sectorial vixente, tendo en conta o expresado no artigo seguinte, así como á realidade urbanística existente no ámbito afectado, xurdida ao abeiro do instrumento de planificación anulado.

— A proposta de aprobación dunha ordenación provisional cos límites e de acordo co procedemento previsto na presente lei.

EMENDAS MANTIDAS:

-Do G.P. Bloque Nacionalista Galego.
Emenda nº41, de Supresión.

Emenda de supresión. Artigo 88

Suprímese o artigo 88.

DITAME DA COMISIÓN:

Artigo 89. Contido e vixencia da ordenación provisional

Un. A ordenación provisional que se propoña para o ámbito afectado deberá ser coincidente coa prevista para ese ámbito no instrumento de ordenación anulado e, de ser o caso, nos seus instrumentos de desenvolvemento, nos termos previstos nos artigos seguintes. Só se poderán realizar as modificacións que sexan necesarias para adaptar a regulación ao contido das sentenzas xudiciais que se refiran ao ámbito afectado, ao exixido pola lexislación sectorial de acordo cos informes recaídos no procedemento e ao resultado da información pública practicada e da tramitación ambiental realizada. Igualmente, poderán realizarse as modificacións que permitan asignar usos globais axeitados para implantar novas dotacións e equipamentos, públicos ou privados, ou para implantar novas actividades económicas, empresariais ou produtivas, substituíndo o uso residencial polo uso industrial, terciario ou comercial.

Non será necesaria a adaptación dos instrumentos de ordenación provisional á Lei 2/2016, do 10 de febreiro, do solo de Galicia, e será de aplicación en todo caso esta, de acordo co disposto nas súas disposicións transitorias, segundo a data de aprobación definitiva do instrumento de ordenación anulado e a lexislación á que este estivese adaptado, circunstancia que se indicará expresamente na ordenación provisional.

Dous. A ordenación provisional, unha vez aprobada, sen prexuízo da posibilidade da súa modificación polos procedementos de modificación do plan establecidos na Lei do solo, estará en vigor ata que se substitúa pola prevista no novo instrumento de ordenación para ese ámbito ou, de ser o caso, ata que transcorra calquera dos prazos sinalados no artigo 86 da presente lei, sen se cumpriren os trámites previstos no citado artigo.

EMENDAS MANTIDAS:

-Do G.P. Bloque Nacionalista Galego.
Emenda nº42, de Supresión.

Emenda de supresión. Artigo 89

Suprímese o artigo 89.

DITAME DA COMISIÓN:

Artigo 90. Ordenación provisional en solo clasificado como urbano e de núcleo rural no instrumento anulado

Poderanse aprobar instrumentos de ordenación provisional para o solo urbano consolidado e de núcleo rural, coincidentes coa ordenación recollida no instrumento anulado, de acordo co indicado no artigo anterior. A ordenación provisional prevista nos devanditos instrumentos será de aplicación de conformidade coas regras establecidas na disposición transitoria primeira da Lei 2/2016, do 10 de febreiro, do solo de Galicia, segundo a data de aprobación definitiva do instrumento anulado.

EMENDAS MANTIDAS:

-Do G.P. Bloque Nacionalista Galego.
Emenda nº43, de Supresión.

Emenda de supresión. Artigo 90

Suprímese o artigo 90.

DITAME DA COMISIÓN:

Artigo 91. Ordenación provisional en ámbitos suxeitos a desenvolvemento urbanístico

Un. No solo suxeito a desenvolvemento urbanístico de acordo co instrumento anulado e os seus instrumentos de desenvolvemento, o concello deberá xustificar a elección dos ámbitos que ordene provisionalmente a través dos instrumentos previstos na presente lei, incidindo na concorrencia dun especial interese xeral, polo seu carácter dotacional ou de equipamento público ou privado, por tratarse da planificación de espazos para actividades económicas ou áreas para actividades produtivas ou empresariais que acollan usos industriais, terciarios ou comerciais en substitución de usos residenciais, a afección a elementos fundamentais da estrutura xeral e orgánica do territorio, o seu grao de desenvolvemento, ou pola súa inclusión nun plan estratéxico municipal.

Dous. De acordo co indicado no apartado anterior, entenderase que concorre interese xeral en atención ao seu grao de desenvolvemento urbanístico, para os efectos da súa ordenación provisional no recoñecemento do grao de cumprimento dos deberes de execución do planeamento urbanístico que foron desenvolvidos de conformidade coa lexislación urbanística, sempre que acadasen no seu día a aprobación definitiva do instrumento de equidistribución e cumprisen co deber de cesión e de distribución de cargas e beneficios.

Tres. Naqueles supostos nos que o instrumento de equidistribución aprobado no seu día resulte afectado no seu contido polo disposto na ordenación provisional, deberá aprobarse un novo instrumento de equidistribución adaptado á indicada ordenación.

Catro. Naqueles supostos nos que o grao de desenvolvemento urbanístico acadado determinase a consideración do solo como urbano consolidado, o instrumento de ordenación provisional recoñecerá o indicado grao de desenvolvemento e clasificación.

EMENDAS MANTIDAS:

-Do G.P. Bloque Nacionalista Galego.
Emenda nº44, de Supresión.



Emenda de supresión. Artigo 91

Suprímese o artigo 91.

DITAME DA COMISIÓN:

Artigo 92. Tramitación para a aprobación da ordenación provisional

Un. A tramitación da aprobación dos instrumentos de ordenación provisional regulados no presente título axustarase ao procedemento establecido neste artigo.

Dous. Con carácter previo á aprobación inicial do documento, realizaranse os seguintes trámites:

a) O concello remitirá ao órgano ambiental a solicitude de inicio da avaliación ambiental estratéxica simplificada, á que achegará o borrador das ordenacións provisionais e o documento ambiental estratéxico, co contido establecido na lexislación vixente.

b) O órgano ambiental formulará o informe ambiental estratéxico no prazo máximo de dous meses desde a recepción da documentación indicada na alínea anterior, tras identificar e consultar ás administracións públicas afectadas e ás persoas interesadas de acordo co establecido na normativa indicada por un prazo máximo dun mes.

O órgano ambiental, tendo en conta o resultado das consultas, determinará no informe ambiental estratéxico se a ordenación provisional ten ou non efectos significativos no medio. No caso de non prever efectos significativos, a ordenación provisional poderá aprobarse nos termos que o propio informe estableza.

O informe ambiental estratéxico remitirase no prazo de quince días hábiles para a súa publicación no *Diario Oficial de Galicia* e na sede electrónica do órgano ambiental.

Tres. O órgano municipal competente procederá á súa aprobación inicial e someterao á información pública como mínimo durante vinte días, mediante anuncio que se publicará no *Diario Oficial de Galicia* e nun dos xornais de maior difusión na provincia. Así mesmo, notificaráselles individualmente a todas as persoas titulares catastrais dos terreos afectados.

Catro. Durante o mesmo tempo no que se realiza o trámite de información pública, a Administración municipal deberá solicitar das administracións públicas competentes os informes sectoriais e as consultas que resulten preceptivos. Os informes sectoriais autonómicos deberán ser emitidos no prazo máximo dun mes, transcorrido o cal, entenderanse emitidos con carácter favorable.

Se a ordenación provisional prevista foi xa obxecto dos indicados informes con anterioridade, admitirase a

reproducción ou confirmación dos criterios contidos nos informes emitidos no seu día polos órganos informantes, sen prexuízo das cuestións que se poidan engadir á vista de novas circunstancias ou da aprobación de normativa posterior.

Cinco. Emitirase informe dos servizos xurídicos e técnicos municipais sobre a integridade documental do expediente, das actuacións administrativas realizadas, da calidade técnica da ordenación proxectada e da conformidade da ordenación coa presente lei.

Seis. A aprobación definitiva das ordenacións provisionais corresponderalle ao pleno do concello. Unha vez aprobadas definitivamente, as ordenacións provisionais publicaranse de acordo co establecido nos apartados 2, 3 e 4 do artigo 82 da Lei 2/2016, do 10 de febreiro, do solo de Galicia.

EMENDAS MANTIDAS:

-Do G.P. Bloque Nacionalista Galego.
Emenda nº45, de Supresión.

Emenda de supresión. Artigo 92

Suprímese o artigo 92.

DITAME DA COMISIÓN:

Disposición adicional primeira. Instrumentos para a coordinación de servizos da Xunta de Galicia

No marco do que establece a sección 3ª do capítulo I do título I da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o Consello da Xunta de Galicia poderá crear comisións ou órganos colexiados de coordinación en materia de transporte público e integración de servizos de transporte, para o cal ditará as oportunas disposicións de carácter organizativo.

NON SE PRESENTARON EMENDAS

DITAME DA COMISIÓN:

Disposición adicional segunda. Vehículos autorizados para a prestación de servizos de transporte

Os titulares de contratos de xestión de servizos públicos de transporte poderán subcontratar, para a prestación de servizos de uso regular, vehículos provistos de autorizacións de transporte de persoas en vehículos de turismo previstos na Lei 4/2013, do 30 de maio, de transporte público de persoas en vehículos de turismo de Galicia, adscritas a vehículos de ata nove prazas.

EMENDAS MANTIDAS:

-Do G.P. En Marea.
Emenda nº27, de Substitución.

Débase substituír o texto da Disposición polo seguinte:

"Os titulares de contratos de xestión de transporte público poderán subcontratar para a prestación parcial de servizos de uso regular vehículos provistos de autorización de transporte de persoas en vehículos de turismo previstas na Lei 4/2013, adscritas a vehículos de ata nove prazas.

Nas cláusulas dos pregos de contratación deberá incluírse o máximo de porcentaxe da dita subcontratación, en cumprimento do Regulamento europeo 1370/2007."

-Do G.P. Socialistas de Galicia.
Emenda nº26, de Modificación.

Propoñemos un novo texto para a disposición adicional segunda que terá o seguinte contido:

"Os titulares de contratos de xestión de servizos públicos de transporte poderán subcontratar, para a prestación parcial de servizos de uso regular, vehículos provistos de autorizacións de transporte de persoas en vehículos turismo previstas na Lei 4/2013, adscritas a vehículos de ata nove prazas."

DITAME DA COMISIÓN:

Disposición adicional terceira. Ampliación do prazo para a posta en marcha das emisións e pagamento da taxa do servizo de comunicación audiovisual de televisión correspondentes ás adxudicacións transformadas en licenzas

O prazo para responder das obrigas e para materializar os compromisos asumidos nas ofertas presentadas e para acreditar o cumprimento das obrigacións contidas no prego de bases e na normativa reguladora para a posta en marcha das emisións e pagamento da taxa, indicado nos artigos 38 e 40 da Lei 12/2014, do 22 de decembro, de medidas fiscais e administrativas, queda ampliado en catro anos, que se contarán a partir da finalización do prazo anterior.

EMENDAS MANTIDAS:

-Do G.P. Bloque Nacionalista Galego.
Emenda nº46, de Supresión.

Emenda de supresión. Disposición adicional terceira

Suprímese a disposición adicional terceira.

DITAME DA COMISIÓN:

Disposición adicional cuarta. **Supresión do corpo de letrados do Consello Consultivo de Galicia**

Un. Suprímese o corpo de letrados do Consello Consultivo de Galicia, regulado no artigo 30 da Lei 3/2014, do 24 de abril, do Consello Consultivo de Galicia.

Dous. O persoal funcionario de carreira pertencente ao indicado corpo de letrados intégrase na escala de letrados da Xunta de Galicia, do corpo superior da Administración xeral da Comunidade Autónoma, subgrupo A1, prevista no punto 1 da disposición adicional oitava da Lei 2/2015, do 29 de abril, do emprego público de Galicia, con garantía do seu grao persoal consolidado e da súa antigüidade.

EMENDAS MANTIDAS:

-Do G.P. En Marea.
Emenda nº28, de Supresión.

Débase suprimir a Disposición adicional cuarta.

-Do G.P. Socialistas de Galicia.
Emenda nº27, de Supresión.

Débase suprimir esta disposición adicional

-Do G.P. En Marea.
Emenda nº29, ao apartado 2, de Adición.

Debe engadirse ao final do parágrafo do punto dous a seguinte expresión:

“..., así como das súas retribucións consonte a relación de postos de traballo vixente, tendo a consideración de complemento persoal transitorio no que excedan das retribucións que por iguais conceptos percibe o resto de persoal que integra a escala de letrados da Xunta de Galicia, ata que estas se igualen a aquelas, o que deberá producirse nun prazo non superior aos dous anos desde a entrada en vigor desta lei.”

DITAME DA COMISIÓN:

Disposición adicional quinta. Supresión do ente Centro Informático para a Xestión Tributaria, Económico-Financeira e Contable (CIXTEC)

Un. Autorízase a supresión do Centro Informático para a Xestión Tributaria, Económico-Financeira e Contable (CIXTEC), cuxas funcións se asumirán pola Axencia para a Modernización Tecnolóxica de Galicia (Amtega), de conformidade co que se estableza nos estatutos da dita axencia.

Dous. A supresión do Centro Informático para a Xestión Tributaria, Económico-Financeira e Contable levarase a cabo por decreto do Consello da Xunta, no que se determinará o destino dos seus bens, dereitos e obrigas, así como as medidas aplicables ao persoal funcionario e laboral que estea prestando servizos no Centro Informático para a Xestión Tributaria, Económico-Financeira e Contable no momento da supresión. Para efectos orzamentarios, esta supresión implicará a integración das partidas económicas e funcionais de gasto dos orzamentos do CIXTEC nos orzamentos da Amtega.

NON SE PRESENTARON EMENDAS

DITAME DA COMISIÓN:

Disposición adicional sexta. Axencia Galega da Industria Forestal

Un. Mediante a presente lei autorízase a creación da Axencia Galega da Industria Forestal como axencia pública autonómica adscrita á consellaría competente en materia de economía, que ten como fins xerais e obxectivos básicos actuar como un instrumento de xestión eficiente no exercicio de funcións relacionadas co impulso da actividade económica asociada ao sector forestal, coa mellora da competitividade e da innovación das empresas do sector e coa coordinación dos centros de investigación en materia forestal.

Dous. No desenvolvemento dos seus fins, a Axencia Galega da Industria Forestal procurará os seguintes obxectivos:

- a) Identificar os diversos sectores económicos e produtivos asociados ao recurso forestal, definir os sectores estratéxicos e procurar en todo caso a compatibilidade e sustentabilidade dos diversos usos produtivos do monte.
- b) Participar na planificación e na ordenación dos aproveitamentos forestais dirixida á mellora e sustentabilidade da produción forestal, así como na mellora da xestión e aproveitamento dos recursos forestais.
- c) Mellorar a competitividade e innovación das empresas do sector forestal, con especial incidencia na segunda e seguintes fases de transformación do recurso.
- d) Coordinar os centros de investigación e tecnolóxicos vinculados á industria forestal.

Tres. Esta axencia asumirá os medios persoais e materiais que respecto dos seus fins e obxectivos corresponden na actualidade a outros departamentos, nomeadamente os correspondentes ás unidades afectadas da Consellería do Medio Rural, os cales se suprimirán nas súas estruturas no momento de creación da axencia e quedarán integrados nela.

Catro. Mediante decreto do Consello da Xunta de Galicia procederase á súa creación, así como á aprobación dos estatutos que detallen as funcións específicas que desenvolverá.

Cinco. O seu réxime xurídico será o establecido na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

EMENDAS MANTIDAS:

-Do G.P. Socialistas de Galicia.
Emenda nº28, de Supresión.

Débase suprimir esta disposición adicional.

-Do G.P. Bloque Nacionalista Galego.
Emenda nº47, de Supresión.

Emenda de supresión. Disposición adicional sexta

Suprímese a disposición adicional sexta.

-Do G.P. En Marea.
Emenda nº30, de Substitución.

Débase substituír o texto da Disposición polo seguinte:

"Disposición adicional sexta.

Un. Mediante a presente lei autorízase a creación da Axencia Galega da Industria Forestal como axencia pública autonómica, que ten como fins xerais e obxectivos básicos actuar como un instrumento de xestión eficiente no exercicio de funcións relacionadas co impulso da actividade económica asociada ao sector forestal, coa mellora da transformación en producións de maior valor engadido, sustentables, da innovación do sector e en colaboración cos centros de investigación en materia forestal.

Dous. A Axencia Galega da Industria Forestal estará adscrita á consellaría competente en materia de economía. Para asegurar a incorporación nas súas actividades dunha visión multifuncional do monte nos seus órganos de dirección participarán tamén as consellarías competentes en materia de medio rural e medio ambiente.

Tres. As directrices de traballo da Axencia Galega de Industria Forestal serán consecuencia da aprobación no Parlamento de Galicia do Plan anual de traballo da Axencia Galega da Industria Forestal, despois dun proceso participado cos axentes do sector forestal, montes veciñais en man común, organizacións agrarias e colectivos ecoloxistas.

Tres. No desenvolvemento dos seus fins, a Axencia Galega da Industria Forestal procurará os seguintes obxectivos:

-- Procurar a compatibilidade e sostibilidade dos diversos usos produtivos do monte, partindo dunha visión multifuncional das terras de monte e da súa incardinación nas políticas globais de desenvolvemento rural.

-- Participar na planificación e na ordenación dos aproveitamentos forestais dirixida á mellora e sostibilidade da produción forestal; así como na mellora da xestión e aproveitamento dos recursos forestais, no marco dunha ordenación global dos usos da terra.

-- Mellorar a viabilidade das empresas do sector da transformación forestal, con especial incidencia na segunda e seguintes fases de transformación do recurso, e das pequenas e medianas empresas, mellorando a creación de valor engadido e apostando por un modelo diversificado, de calidade e baixo parámetros de sostibilidade ambiental.

-- Cooperar cos centros de investigación e tecnolóxicos vinculados á industria forestal.

Catro. Esta axencia asumirá os medios persoais e materiais que respecto dos seus fins e obxectivos corresponden na actualidade a outros departamentos, nomeadamente os correspondentes ás unidades afectadas da Consellería de Medio Rural, os cales se suprimirán nas súas estruturas no momento de creación da Axencia e quedarán integrados nela.

Cinco. Mediante decreto do Consello da Xunta de Galicia procederase á súa creación, así como á aprobación dos estatutos que detallen as funcións específicas que desenvolverá.

Seis. O seu réxime xurídico será o establecido na Lei 16/2010, do 17 de decembro, de organización e funcionamento da Administración xeral e do sector público autonómico de Galicia."

-Do G.P. Socialistas de Galicia.

Emenda nº29, ao apartado Un, de Supresión.

No caso de non aceptar a emenda núm 28 débese suprimir *in fine* na alínea Un, o seguinte texto: "..., e coa coordinación dos centros de investigación en materia forestal."

-Do G.P. Socialistas de Galicia.

Emenda nº30, ao apartado Dous, de Adición.

No caso de non aceptaren a emenda núm 28 débese engadir *in fine* na letra b da alínea Dous desta disposición, despois de: "...dos recursos forestais.", o seguinte texto: "... . Sempre priorizando e garantindo a sostibilidade medioambiental do medio rural fronte a unha explotación exclusivamente economicista e produtivista do monte."

-Do G.P. Socialistas de Galicia.
Emenda nº31, ao apartado Tres, de Adición.

No caso de non aceptaren a emenda núm 28 débese engadir na alínea Tres, despois de: "... Consellería do Medio Rural, ...", o seguinte texto: "... excepto os centros de investigación ..."

EMENDAS MANTIDAS:

-Do G.P. En Marea.
Emenda nº31, de Adición.

Débese engadir unha Disposición adicional co seguinte texto:

"DISPOSICIÓN ADICIONAL SÉPTIMA

No prazo de tres meses, o Goberno da Xunta de Galicia presentará ante o Parlamento de Galicia un proxecto de lei de creación dun tributo propio, relativo ao imposto autonómico sobre os propietarios de vivendas baleiras, considerando como suxeitos pasivos del as entidades financeiras, fondos inmobiliarios e outros grandes propietarios."

-Do G.P. Socialistas de Galicia.
Emenda nº32, de Adición.

Débese engadir unha nova disposición adicional sexta bis, que terá o seguinte contido

"Disposición adicional sexta bis. Modificación da Lei de emprego público

Inclusión dunha nova disposición adicional na Lei de emprego público que garanta a apertura no ano 2017 dunha mesa de negociación para a determinación do calendario de funcionarización do persoal laboral, das escalas necesarias a crear e o cronograma."

EMENDAS MANTIDAS:

-Do G.P. Bloque Nacionalista Galego.
Emenda nº48, de Adición.

Emenda de adición. Disposición Adicional Sétima (nova)

Engádesse unha nova disposición adicional, que será a sétima, coa seguinte redacción:

“Disposición Adicional Sétima. Traspaso funcións e servizos das deputacións provinciais á Administración da Comunidade Autónoma de Galicia

Un. Ao longo do primeiro trimestre de 2017, a Xunta de Galicia iniciará formalmente negociacións coas deputacións provinciais, que terá como obxecto abordar o traspaso de funcións e servizos provinciais de carácter impropio e que, por razóns de racionalización do sector público galego e eficiencia administrativa, deben ser integrados na Administración galega. De xeito indicativo, as áreas que se negociarán son:

1º. A transferencia á Xunta de todos os equipamentos e servizos impropios que aínda posúen ou prestan as deputacións, entre outros: centros docentes, centros de menores, bibliotecas, museos, teatros, infraestruturas deportivas, laboratorios e centros de experimentación agraria, servizos de emerxencias, parques comarcais de bombeiros e similares.

2º. Transferencia á Xunta da rede viaria principal interurbana.

3º. Avanzar na coordinación dos servizos de recadación tributaria provinciais con vistas á integración nunha Axencia Tributaria Galega.

Dous. Para estes efectos, constituiranse comisións específicas, unha por cada institución provincial, compostas por membros do Goberno galego, membros designados polo Parlamento de Galicia e deputados e deputadas da corporación local, que abordarán de xeito concreto as transferencias e traspasos a efectuar. As devanditas comisións deberán estar nomeadas antes do 31 de marzo de 2017 e o seu traballo deberá estar culminado antes de seis meses, onde se fixarán as datas concretas do traspaso de funcións e servizos.”

DITAME DA COMISIÓN:

Disposición transitoria primeira. Persoal funcionario que ocupe postos de traballo de letrado no Consello Consultivo de Galicia no momento da entrada en vigor desta lei

O persoal funcionario de carreira que no momento de entrada en vigor desta lei estea ocupando postos de traballo que correspondían ao suprimido corpo de persoal letrado no Consello Consultivo de Galicia seguirá desenvolvendo funcións de letrado ao servizo do Consello Consultivo ata a provisión dos correspondentes postos de traballo na forma determinada no artigo 30 da Lei 3/2014, do 24 de abril, do Consello Consultivo de Galicia, na redacción dada ao dito precepto pola presente lei. Este persoal cesará no momento da provisión do posto de traballo se non obtén a praza, e quedará á disposición do órgano competente en materia de persoal do Consello Consultivo de Galicia, quen procederá á súa adscrición provisional a un posto de traballo vacante dos correspondentes a letrados ao servizo do Consello Consultivo. De non haber posto de traballo vacante, ou cando así o aconsellen as necesidades do servizo, o Consello Consultivo comunicará á consellaría competente en materia de función pública, que procederá á adscrición provisional do indicado persoal a outros postos vacantes da escala de letrados da Xunta de Galicia, con cambio de dependencia orgánica. No caso de cambio de localidade, será preciso, ademais, a conformidade da persoa afectada.

EMENDAS MANTIDAS:

-Do G.P. Socialistas de Galicia.
Emenda nº33, de Supresión.

Debe ser suprimida

DITAME DA COMISIÓN:

Disposición transitoria segunda. Atribución de funcións na
Axencia para a Modernización Tecnolóxica de Galicia

SUPRIMIDA

NON TEN EMENDAS

DITAME DA COMISIÓN:

Disposición derogatoria primeira .
Queda derogado o Decreto 149/2008, do 26 de xuño, polo que se regula o procedemento de autorización das instalacións de produción de enerxía eléctrica a partir da valorización enerxética da biomasa forestal primaria na Comunidade Autónoma de Galicia.
Quedan derogadas as demais disposicións de igual ou inferior rango que se opoñan ao establecido na presente lei.

EMENDAS MANTIDAS:

-Do G.P. En Marea.
Emenda nº33, de Supresión.

Débese suprimir esta Disposición derogatoria primeira

-Do G.P. Socialistas de Galicia.
Emenda nº34, de Supresión.

Debe ser suprimida

DITAME DA COMISIÓN:

Disposición derogatoria segunda.
Queda derogado o artigo 86 da Lei 12/2014, do 22 de decembro, de medidas fiscais e administrativas.

NON SE PRESENTARON EMENDAS

DITAME DA COMISIÓN:

Disposición derogatoria terceira.
Queda derogada a Lei 10/1983, do 9 de decembro, reguladora do Consello Asesor de RTVE en Galicia, e queda disolto o Consello Asesor de Radio e Televisión Española en Galicia.

NON SE PRESENTARON EMENDAS

DITAME DA COMISIÓN:

Disposición derogatoria terceira bis).

Quedan derogados os artigos 19 e 20 da Lei 13/2010, do 17 de decembro, do comercio interior de Galicia.

EMENDAS MANTIDAS:

-Do G.P. En Marea.

Emenda nº34, de Adición.

Débase engadir unha Disposición co seguinte texto:

"DISPOSICIÓN DEROGATORIA CUARTA

Queda derogada a Lei 1/2012, de medidas temporais en determinadas materias de emprego público da Comunidade Autónoma de Galicia."

-Do G.P. Bloque Nacionalista Galego.

Emenda nº49, de Adición.

Emenda de adición. Disposición derogatoria cuarta

Engádese unha nova Disposición derogatoria que será a cuarta, co seguinte contido:

"Cuarta. Queda derogada, con efectos de 1 de xaneiro de 2017, a Lei 1/2012, de medidas temporais en determinadas materias de emprego público da Comunidade Autónoma de Galicia, aplicándose as medidas vixentes con anterioridade á entrada en vigor da dita lei en materia de emprego público, en particular as relativas ás retribucións íntegras en situación de incapacidade temporal e á acción social. "

DITAME DA COMISIÓN:

Disposición derogatoria terceira ter).

Queda derogada, no momento en que se proceda á extinción do Centro Informático para a Xestión Tributaria, Económico-Financeira e Contable, a disposición adicional quinta da Lei 2/1998, do 8 de abril, de medidas tributarias, de réxime orzamentario, función pública, patrimonio, organización e xestión.

NON TEN EMENDAS

DITAME DA COMISIÓN:

Disposición derradeira primeira. Historia social única electrónica

Un. Modifícase o punto 1 do artigo 11 do Decreto 89/2016, do 30 de xuño, polo se regula a creación, o uso e o acceso á Historia social única electrónica, que queda redactado como segue:

«1. De conformidade coa Lei orgánica 15/1999, do 13 de decembro, os datos persoais relativos á Historia social única electrónica serán incluídos nun ficheiro denominado «Historia social única electrónica», cuxa finalidade é a xestión da Historia social única electrónica. O órgano responsable deste ficheiro é a Secretaría Xeral Técnica da consellaría con competencias en materia de servizos sociais.»

Dous. O Decreto 89/2016, do 30 de xuño, polo que se regula a creación, o uso e o acceso á Historia social única electrónica, conserva a súa vixencia en todo o que non se opoña ao disposto na presente lei. As determinacións incluídas no punto 1 do seu artigo 11, que son obxecto de modificación nesta lei, poderán ser modificadas por normas do rango regulamentario correspondente á norma na que figuran.

NON SE PRESENTARON EMENDAS

DITAME DA COMISIÓN:

Disposición derradeira segunda. Modificación do Decreto 130/2013, do 1 de agosto, polo que se regula a explotación dos portos deportivos e das zonas portuarias de uso náutico-deportivo de competencia da Comunidade Autónoma de Galicia

Un. Modifícase a letra e) da alínea 1 do artigo 5 do Decreto 130/2013, do 1 de agosto, polo que se regula a explotación dos portos deportivos e das zonas portuarias de uso náutico-deportivo de competencia da Comunidade Autónoma de Galicia, que queda redactada como segue:

«e) Reserva de prazas de atracada para embarcacións de paso no porto nunha porcentaxe mínima do 10 % da superficie total atribuída a prazas de atracada, sen prexuízo de que Portos de Galicia modifique esa porcentaxe en función das características, da ocupación e da localización do porto. Portos de Galicia poderá acordar que unha desas prazas, con dimensións axeitadas, quede reservada para a atracada de embarcacións afectas ao servizo oficial de inspección pesqueira da Administración xeral da Comunidade Autónoma de Galicia.»

Dous. Modifícase a disposición transitoria primeira do Decreto 130/2013, do 1 de agosto, polo que se regula a explotación dos portos deportivos e das zonas portuarias de uso náutico-deportivo de competencia da Comunidade Autónoma de Galicia, que queda redactada como segue:

«Disposición transitoria primeira. Concesións vixentes á entrada en vigor deste decreto

Os titulares de concesións administrativas sobre portos ou zonas portuarias de uso náutico-deportivo vixentes á entrada en vigor do presente decreto deberán adaptar o seu regulamento de explotación ás prescricións do presente regulamento nun prazo de seis anos, contados desde a entrada en vigor deste decreto.»

Tres. O Decreto 130/2013, do 1 de agosto, polo que se regula a explotación dos portos deportivos e das zonas portuarias de uso náutico-deportivo de competencia da Comunidade Autónoma de Galicia, conserva a súa vixencia en todo o que non se opoña ao disposto na presente lei. As determinacións incluídas na letra e), alínea 1, do seu artigo 5 e na súa disposición transitoria primeira, que son obxecto de modificación nesta lei, poderán ser modificadas por normas do rango regulamentario correspondente á norma na que figuran.

NON SE PRESENTARON EMENDAS

DITAME DA COMISIÓN:

Disposición derradeira terceira. Modificación da Lei 3/2014, do 24 de abril, do Consello Consultivo de Galicia

Un. Modifícase o punto 6 do artigo 18 da Lei 3/2014, do 24 de abril, do Consello Consultivo de Galicia, que queda redactada como segue:

«6. Autorizar os gastos referentes aos servizos do Consello.»

Dous. Modifícase o artigo 22 da Lei 3/2014, do 24 de abril, do Consello Consultivo de Galicia, que queda redactada como segue:

«Artigo 22. Secretaría Xeral e Secretaría do Pleno e Seccións

1. O Consello Consultivo contará cunha secretaría xeral á que lle corresponderá:

a) A xefatura directa e a xestión administrativa en materia de persoal, así como do réxime interior dos servizos e dependencias do Consello, sen prexuízo da superior autoridade da Presidencia.

b) A xestión dos créditos orzamentarios no relativo aos actos de disposición, recoñecemento da obriga e ordenamento do pagamento.

c) A tramitación e xestión da contratación administrativa e a administración do patrimonio.

d) A expedición de certificacións en relación coas materias cuxa xestión lle estea atribuída e a custodia da documentación que se xere no exercicio das súas funcións.

e) A asistencia á Presidencia en todos os asuntos e, singularmente, preparar e redactar, cando aquela o considere conveniente, os proxectos de ditames, informes ou propostas nos asuntos que a persoa titular da Presidencia determine.

f) Aqueloutras que lle sexan delegadas pola persoa titular da Presidencia ou lle atribúa o Regulamento de organización e funcionamento do Consello Consultivo.

2. O posto de titular da secretaría xeral estará asimilado no seu rango ao de alto cargo. A persoa titular da Secretaría Xeral deberá ser licenciada en dereito, ou posuidora do título de grao en dereito, e reunir os requisitos de solvencia profesional que sexan necesarios para o desenvolvemento da función. Será nomeada e cesada libremente polo Pleno por proposta da Presidencia do Consello Consultivo.

3. As funcións da Secretaría do Pleno e das Seccións serán exercidas por quen designe a Presidencia de entre o persoal funcionario ao servizo do Consello, non xerando ese exercicio percepción de retribucións, axudas de custo ou indemnizacións.

4. Correspóndelle á persoa que exerza a Secretaría do Pleno e das Seccións:

- a) Dar fe dos actos do Consello.
- b) Asistir ás sesións do Consello con voz pero sen voto e levantar e redactar as actas das sesións visadas pola persoa titular da Presidencia
- c) Custodiar a documentación do Consello que garde relación directa co exercicio das súas funcións.
- d) Elaborar a orde do día das sesións do Pleno e das Seccións, someténdoo á aprobación da Presidencia.
- e) Efectuar, por orde da persoa titular da Presidencia, a convocatoria das conselleiras e conselleiros para as sesións.
- f) Levar a efecto os acordos do Consello.
- g) Practicar os actos de comunicación do Consello, con excepción dos que sexan realizados pola persoa titular da Presidencia.
- h) Expedir certificacións dos acordos do Consello, votos particulares e demais documentos confiados á súa custodia, visadas pola persoa titular da Presidencia do Consello.
- i) Facilitar copia dos expedientes ás conselleiras e conselleiros, así como ao persoal letrado a quen corresponda o seu estudo.
- j) Preparar, para a súa posterior aprobación polo Pleno do Consello, o proxecto da memoria de actividades anuais.
- k) Asistir o presidente en todos os asuntos en que a requira e sexa inherente á súa condición.

5. No caso de ausencia, enfermidade ou calquera imposibilidade temporal, a persoa titulares da Secretaría Xeral e a persoa funcionaria designada para desempeñar as función da Secretaría do Pleno e das Seccións substituiranse entre si, e no último termo serán substituídas pola persoa que, exercendo funcións de letrada ou letrado do Consello, sexa designada pola Presidencia.»

Tres. Modifícase o punto 1 do artigo 23 da Lei 3/2014, do 24 de abril, do Consello Consultivo de Galicia, que queda redactada como segue:

«1. Nas reunións do Consello Consultivo requirírase, para a validez das deliberacións e dos acordos, a presenza da persoa titular da Presidencia ou de quen legalmente a substitúa, a dun número de conselleiras ou conselleiros que, coa Presidencia, constitúan maioría absoluta, e a da persoa funcionaria designada para desempeñar as funcións de Secretaría do Pleno e das Seccións ou de quen a substitúa.»

Catro. Modifícase o punto 2 do artigo 29 da Lei 3/2014, do 24 de abril, do Consello Consultivo de Galicia, que queda redactada como segue:

«2. Corresponde ao Consello Consultivo de Galicia establecer a organización do persoal ao seu servizo e propoñer á Xunta

de Galicia a aprobación e modificación do cadro de persoal e da relación de postos de traballo, así como levar a cabo os procesos de provisión dos postos de traballo.»

Cinco. Modifícase o artigo 30 da Lei 3/2014, do 24 de abril, do Consello Consultivo de Galicia, que queda redactado como segue:

“Artigo 30. *Letrados*

1. O Consello Consultivo está asistido por persoal letrado, dependente orgánica e funcionalmente deste, ao que corresponde, baixo a dirección da Presidencia ou das conselleiras e conselleiros, as funcións de estudo dos asuntos sometidos a consulta do Consello, a preparación e redacción dos correspondentes proxectos de ditames, os informes ou propostas e as demais funcións adecuadas á súa condición que lles atribúa o Regulamento de organización e funcionamento do Consello. O número de prazas de letrado determinarase na relación de postos de traballo.

2. A provisión das prazas de letrados ao servizo do Consello Consultivo de Galicia, de acordo coa especial responsabilidade, confianza e cualificación profesional requirida, efectuarase por libre designación con convocatoria pública, de acordo co disposto na Lei 2/2015, do 29 de abril, de emprego público de Galicia, entre persoal funcionario pertencente á escala de letrados da Xunta de Galicia, do corpo superior da Administración xeral da Comunidade Autónoma, subgrupo A1, prevista no punto 1 da disposición adicional oitava da Lei 2/2015, do 29 de abril, do emprego público de Galicia. Neste caso, a dependencia orgánica e funcional do Consello Consultivo será excepción ao previsto no punto 1 do artigo 38 da Lei 4/2016, do 4 de abril, de ordenación da asistencia xurídica da Administración xeral da Comunidade Autónoma de Galicia e do seu sector público.

Así mesmo, en atención ás funcións do órgano e por razóns de especialización técnica e, de ser o caso, de acordo co que se determine na relación de postos de traballo, as prazas poderán ser cubertas por persoal pertencente a corpos de letrados da Administración xeral do Estado, da administración xeral doutras comunidades autónomas ou doutros consellos consultivos; por persoal pertencente á escala de funcionarios de administración

local con habilitación de carácter nacional, subescala de secretaría; ou por persoal letrado do Parlamento de Galicia. En ningún caso esta forma de provisión suporá a adquisición de dereitos de integración na escala de letrados da Xunta de Galicia.

3. A convocatoria e a resolución dos procesos de provisión efectuados de acordo co indicado no punto anterior corresponderalle á persoa titular da Presidencia do Consello Consultivo.

4. O réxime xurídico do persoal letrado será o establecido nesta lei e no Regulamento de organización e funcionamento do Consello Consultivo. De forma supletoria, aplicarase o establecido para o persoal funcionario na lexislación de emprego público da Comunidade Autónoma de Galicia.”

EMENDAS MANTIDAS:

-Do G.P. En Marea.
Emenda nº35, de Supresión.

Débese suprimir esta Disposición derradeira terceira.

-Do G.P. Socialistas de Galicia.
Emenda nº35, de Supresión.

Debe ser suprimida.

-Do G.P. Bloque Nacionalista Galego.
Emenda nº50, de Supresión.

Emenda de supresión. Disposición derradeira terceira

Suprímese a disposicion derradeira terceira.

-Do G.P. En Marea.
Emenda nº36, ao apartado 2, de Supresión.

Débese suprimir o apartado 2 da disposición.

-Do G.P. En Marea.
Emenda nº37, ao apartado 2, de Adición.

Débese engadir no apartado Dous o seguinte texto:

"Disposición derradeira terceira. Dous: modificación do apartado 2 do artigo 22 da Lei 3/2014, do Consello Consultivo de Galicia, que quedaría coa seguinte redacción:

2. A persoa titular da Secretaria Xeral deberá ser funcionario integrante da escala de letrados da Xunta de Galicia que preste servizo no Consello Consultivo, nomeado polo Pleno a proposta da Presidencia do Consello Consultivo de Galicia."

-Do G.P. Socialistas de Galicia.

Emenda nº36, ao apartado Dous, de Supresión.

Na alínea Dous desta disposición, no caso de non aceptaren a emenda núm. 35 débese suprimir o punto 2.

-Do G.P. Socialistas de Galicia.

Emenda nº37, ao apartado Cinco, de Supresión.

No caso de non aceptaren a emenda 35, débese suprimir a alínea Cinco desta disposición.

DITAME DA COMISIÓN:

Disposición derradeira cuarta. Modificación da Lei 2/2016, do 10 de febreiro, do solo de Galicia

Modifícase a disposición transitoria segunda da Lei 2/2016, do 10 de febreiro, do solo de Galicia, que queda redactada como segue:

«Disposición transitoria segunda. Adaptación do planeamento

1. Os plans aprobados provisionalmente antes da entrada en vigor desta lei poderán continuar a súa tramitación ata a súa aprobación definitiva a teor das normas procedementais e determinacións dispostas na Lei 9/2002, do 30 de decembro, de ordenación urbanística e protección do medio rural de Galicia. A competencia para a súa aprobación rexerase polo réxime establecido na Lei 2/2016, do solo de Galicia.

2. Os que, nesa mesma data, xa sexan aprobados inicialmente poderán adaptarse integramente a esta lei ou continuar a súa tramitación a teor das normas procedementais dispostas na Lei 9/2002, do 30 de decembro, de ordenación urbanística e protección do medio rural de Galicia, aínda que as súas determinacións deberán adaptarse plenamente a esta lei. A competencia para a súa aprobación rexerase polo réxime establecido na Lei 2/2016, do solo de Galicia. A simple adaptación do contido do plan en tramitación ás disposicións establecidas nesta lei non implicará, por si soa, a necesidade de sometelo a nova información pública, agás cando se pretendan introducir outras modificacións que alteren substancialmente a ordenación proxectada e non sexan consecuencia da adaptación.

3. Os plans en tramitación que non alcancen a aprobación inicial na data de entrada en vigor desta lei deberán adaptarse plenamente a ela.»

NON SE PRESENTARON EMENDAS

DITAME DA COMISIÓN:

Disposición derradeira quinta. Entrada en vigor
Esta lei entrará en vigor o día seguinte ao da súa publicación no Diario Oficial de Galicia, agás a disposición adicional terceira, que producirá efectos desde o día 1 de xaneiro de 2017.

NON SE PRESENTARON EMENDAS

EMENDAS MANTIDAS:

-Do G.P. Bloque Nacionalista Galego.
Emenda nº51, de Adición.

Emenda de adición. Disposición derradeira sexta

Engádesse unha nova disposición derradeira, que será a sexta, coa seguinte redacción:

“Sexta. Modificación da escala de gravame autonómica do imposto sobre a renda das persoas físicas

Substitúese a escala do imposto sobre a renda das persoas físicas, a que se refire o apartado dous do artigo 4 do Decreto lexislativo 1/2011, do 28 de xullo, pola seguinte:

Base liquidábel (Ata euros)	Cota íntegra (Euros)	Resto liquidábel euros)	base (Ata (Ata euros)	Tipo aplicábel (%)
0	0	12.450		9,5
12.450	1.182,75	7.750		11,75
20.200	2.093,38	7.500		14
27.700	3.143,38	7.500		17
35.200	4.418,38	12.400		20
47.600	6.898,38	12.400		21,5
60.000	9.366,87	60.000		24,5
120.000	24.066,87	En diante		25,5

EMENDAS MANTIDAS:

-Do G.P. Bloque Nacionalista Galego.
Emenda nº52, de Adición.

Emenda de adición. Disposición derradeira

Engádesse unha nova disposición derradeira, que será a sétima, co seguinte texto:

“Sétima. *Imposto sobre o patrimonio*

Modifícase o capítulo III do Texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto legislativo 1/2011, do 28 de xullo, que queda redactado como segue:

Artigo 13. *Mínimo exento*

O mínimo exento no imposto sobre o patrimonio establécese en 300.000 euros.

Artigo 13 *bis*. *Cota íntegra*

A base liquidable do imposto gravarase aos tipos da seguinte escala:

Base liquidábel (Ata euros)	Cota íntegra (Euros)	Resto base liquidábel (Ata euros)	Tipo aplicábel (%)
0	0	167.129,45	0,3
167.129,45	501,39	167.123,43	0,6
334.252,88	1.337,00	334.246,87	1,0
668.499,75	4.178,10	668.499,76	1,8
1.336.999,51	14.539,86	1.336.999,50	2,6
2.673.999,01	43.285,35	2.673.999,02	3,4
5.437.998,03	116.820,32	5.347.998,03	4,2
10.695.996,06	295.978,25	En diante	5,0

As leis de orzamentos xerais da Comunidade Autónoma de Galicia poderán modificar a escala prevista neste artigo.”

EMENDAS MANTIDAS:

-Do G.P. Bloque Nacionalista Galego.
Emenda nº53, de Adición.

Emenda de adición. Disposición derradeira oitava

Engádesse unha nova disposición derradeira, que será a oitava, co seguinte texto:

“Oitava. Creación do imposto sobre os grandes establecementos comerciais

Un. Establécese, como tributo propio da Comunidade Autónoma, un imposto sobre as grandes superficies comerciais, entendendo por tales os establecementos individuais que teñan unha superficie de venda igual ou superior a 2.500 m² dedicados á venda a retalho, excluídos os establecementos de venda de vehículos a motor, maquinaria industrial, materiais de construción e produtos agrícolas e de xardinaría.

Dous. Este imposto grava a capacidade e incidencia económica e social singulares dos establecementos comerciais que desenvolven a súa actividade en grandes superficies, atendendo as externalidades sociais, económicas e ambientais que producen.

Tres. O feito impositivo vén constituído pola utilización de grandes superficies con finalidade comercial.

Catro. É suxeito pasivo deste imposto a persoa física ou xurídica titular do grande establecemento comercial, estea xa ou non situado nun centro comercial colectivo.

Cinco. A base impositiva do imposto constitúe a superficie total do establecemento comercial individual expresada en metros cadrados.

Seis. O tipo de gravame é de 30 euros por metro cadrado.

Sete. Aplicarase unha redución do 50 por 100 da cota tributaria aos grandes establecementos dedicados á venda de mobiliario, artigos de saneamento, artigos de bricolaxe e portas e xanelas.

Oito. Bonificacións. Establécese unha bonificación de ata o 30 por 100 para os grandes establecementos que contén con acceso dun ou máis medios de transporte público. Regulamentariamente desenvolveranse os termos e condicións desta bonificación.

Nove. O período impositivo coincide co ano natural.”

EMENDAS MANTIDAS:

-Do G.P. Bloque Nacionalista Galego.

Emenda nº54, de Adición.

Emenda de adición. Disposición derradeira novena

Engádesse unha nova disposición derradeira, que será a novena, co seguinte texto:

“Novena. *Modificacións no imposto sobre sucesións e doazóns*

Un. Modifícase na alínea dous do artigo 6 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto legislativo 1/2011, do 28 de xullo, o apartado b), que queda redactada como segue:

«b) Grupo II: adquisicións por descendentes e adoptados de 21 anos ou máis e menores de 25, 900.000 euros, menos 100.000 euros por cada ano maior de 21 ata 24; de 25 anos ou máis, cónxuxes, ascendentes e adoptantes, 18.000 euros.»

Dous. Modifícase o artigo 11 do texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto legislativo 1/2011, do 28 de xullo, que queda redactado como segue:

«Artigo 11. *Deducións na cota tributaria*

Un. Dedución para suxeitos pasivos do grupo I.

Nas adquisicións *mortis causa* por suxeitos pasivos incluídos no grupo I do artigo 6.Dous do presente texto refundido, incluídas as cantidades percibidas polas persoas beneficiarias de seguros sobre a vida, practicarase unha dedución do 99 % do importe da cota.

Dous. Dedución para suxeitos pasivos do grupo II.

1. Nas adquisicións *mortis causa* por suxeitos pasivos incluídos no grupo II do artigo 6.Dous do presente texto refundido, aplicarase unha dedución do 100% da cota tributaria sempre que a súa base imponible fose igual ou inferior a 125.000 euros.

2.Para o cómputo do límite de 125.000 euros sinalado no apartado anterior, teranse en conta as bases impositivas dos pactos sucesorios realizados. Tamén se computarán as bases impositivas das doazóns e demais transmisións *inter vivos* equiparables que sexan acumulables de acordo co establecido no artigo. 30 da Lei 29/1987, do 18 de decembro, do imposto sobre sucesións e doazóns, así como o valor dos usufrutos e outras institucións a que se refire o artigo 26 da mesma norma que se teñan en conta para a determinación do tipo medio de gravame aplicable.»

DITAME DA COMISIÓN:

EXPOSICIÓN DE MOTIVOS.

I

Os orzamentos requiren para a súa completa aplicación a adopción de diferentes medidas, unhas de carácter puramente executivo e outras de carácter normativo, que, pola súa natureza, deben adoptar rango de lei e que, como precisou o Tribunal Constitucional, non deben integrarse nas leis anuais de orzamentos xerais senón en leis específicas.

O debate doutrinal acerca da natureza das chamadas leis de acompañamento foi resolto polo Tribunal Supremo, que configurou este tipo de normas como leis ordinarias cuxo contido está plenamente amparado pola liberdade de configuración normativa da que goza o lexislador e que permiten unha mellor e máis eficaz execución do programa do Goberno nos distintos ámbitos en que desenvolve a súa acción.

Desde esta perspectiva, tendo presente a actividade que desenvolve a Comunidade Autónoma de Galicia, cuxos obxectivos se explicitan na Lei de orzamentos xerais da Comunidade Autónoma para o ano 2017, e co obxecto de contribuír a unha maior eficacia e eficiencia destes, o presente anteproxecto de lei contén un conxunto de medidas referidas a diferentes áreas de actividade que, con vocación de permanencia no tempo, contribúen á consecución de determinados obxectivos de orientación plurianual perseguidos pola Comunidade a través da execución orzamentaria.

Este é o fin dunha norma cuxo contido esencial o constitúen as medidas de natureza tributaria, aínda que se incorporan outras de carácter e organización administrativa.

II

Esta norma legal contén catro títulos: o primeiro dedicado ás medidas fiscais; o segundo, ás medidas de carácter administrativo; o terceiro, á ordenación do sistema de transporte público regular de viaxeiros; e o cuarto, ás medidas provisionais de ordenación urbanística. O título I consta de dous capítulos, relativos o primeiro aos tributos cedidos e o segundo aos tributos propios. O título II consta de nove capítulos, dedicados, respectivamente, á función pública, medidas financeiras, procedemento administrativo, economía e industria, agricultura, innovación, mar e servizos sociais. O título III consta de catro capítulos, dedicados, respectivamente, ao obxecto e réxime de competencias, ao transporte público regular de uso xeral, á integración e coordinación de servizos

nunha rede de transporte integrada e ao réxime económico e tarifario dos servizos de transporte. O título IV consta de dous capítulos, o primeiro dedicado ás disposicións xerais e o segundo ao procedemento de aprobación do instrumento de planificación. Tamén contén seis disposicións adicionais, unha disposición transitoria, cinco disposicións derogatorias e cinco derradeiras.

Polo que atinxe ás medidas fiscais, abordadas no título primeiro, cómpre sinalar as seguintes:

En canto aos tributos cedidos, o capítulo I deste título recolle dous artigos nos que se modifican o imposto sobre transmisións patrimoniais onerosas e actos xurídicos documentados e a taxa fiscal sobre xogos de sorte, envite ou azar.

En relación co imposto sobre transmisións patrimoniais onerosas e actos xurídicos documentados, elimínanse as seguintes deducións e bonificacións:

— A bonificación aplicable, na modalidade de transmisións patrimoniais e de actos xurídicos documentados, ás operacións derivadas do Plan de dinamización económica de Galicia previsto para as áreas da Costa da Morte ou dinamización prioritaria de Lugo e Ourense.

— A dedución aplicable, na modalidade de transmisións patrimoniais, ás concesións ou autorizacións administrativas relativas ás enerxías renovables.

— A bonificación aplicable, na modalidade de actos xurídicos documentados, ás operacións relacionadas con vivendas protexidas ao abeiro da lexislación da Comunidade Autónoma de Galicia.

Con estas derogacións trátase de adecuar o texto refundido das disposicións legais da Comunidade Autónoma en materia de tributos cedidos aos cambios normativos e xurisprudencias acaecidos con posterioridade á aprobación das deducións e bonificacións en cuestión, dado que non son de aplicación na práctica.

Neste mesmo imposto establécese un beneficio fiscal consistente nunha dedución na cota do 100 % co obxectivo de fomentar a adquisición de vivenda naquelas zonas do territorio galego que se atopen despoboadas, coa finalidade de promover o asentamento con carácter permanente, cos conseguintes beneficios que isto supón para o contorno. Por

este motivo, este beneficio fiscal aplícase ás vivendas que van ter a condición de habituais para o adquirente, e aplícase a distintos colectivos obxecto de protección, como mozos, familias numerosas e discapacitados. A medida tamén introduce límites con respecto ao patrimonio do adquirente e do valor da vivenda, introducindo así medidas de progresividade e capacidade económica para o seu desfrute.

No que atinxe á taxa fiscal sobre xogos de sorte, envite ou azar, homoxeneiza as normas de xestión na normativa do xogo no relativo á liquidación e pagamento da súa taxa fiscal no tocante aos pagamentos á conta.

Polo que se refire aos tributos propios, no capítulo II recóllese, en primeiro lugar, un artigo dedicado ás taxas administrativas onde se establece, por un lado, a elevación dos tipos das taxas de contía fixa nun 1 %, e, por outro, as modificacións introducidas na Lei 6/2003, de taxas e prezos, que obedecen ben á creación de novas taxas ou ben á modificación das vixentes. Destaca polo seu impacto económico a elevación da tarifa do canon por obras hidráulicas de regulación xestionadas pola Administración hidráulica da Comunidade Autónoma de Galicia, que para o ano 2017 ascende a 0,017 €/m³.

Polo que respecta ao canon da auga, modifícase o tipo de gravame da parte variable nas augas termais e mariñas destinadas a uso terapéutico.

En canto ás medidas administrativas que se recollen no título II, cómpre destacar:

No capítulo dedicado á función pública, modifícanse varios preceptos da Lei 2/2015, do 29 de abril, do emprego público de Galicia. Así, a modificación do artigo 89 incorpora a obrigatoriedade de concursar o persoal funcionario que está desempeñando un posto en adscrición por motivos de saúde ou rehabilitación, dado que o está a ocupar de forma provisional. A modificación do artigo 96 permite maior versatilidade e mobilidade para o persoal funcionario pertencente ás escalas, promovendo a promoción deste persoal a outros postos distintos aos da súa escala de orixe. A modificación do artigo 104 ten como finalidade incluír na Lei do emprego público de Galicia a previsión legal contida no artigo 59 da Lei 13/2015, do 24 de decembro, de medidas fiscais e administrativas, segundo o cal o persoal funcionario procedente das fusións dos concellos que se realicen no ámbito da Comunidade Autónoma se transfire e se integra na

Administración autonómica, regulando así un procedemento de adscrición aos corpos e escalas da Comunidade Autónoma. A disposición adicional primeira da lei modifícase para incorporar que, cando se toma como referencia do desfrute dos permisos a localidade, esta veña referida ao termo municipal de residencia do persoal funcionario. Coa modificación da disposición adicional oitava e novena modifícanse algunha das escalas e especialidades existentes así como as funcións que ten asignadas e a titulación correspondente para o acceso a estas, adaptándoas aos novos graos existentes, e, por outra parte, tamén se crean outras novas escalas. A disposición adicional décima modifícase para adaptar as titulacións ao marco español de cualificacións para a educación superior das ramas de coñecemento que están reguladas no Real decreto 1954/1994, do 30 de setembro, sobre homologación de títulos aos do Catálogo de títulos universitarios oficiais, creado polo Real decreto 1497/1987, do 27 de novembro, e consolidado a 1 de agosto de 2011. A modificación da disposición transitoria terceira unicamente clarifica a redacción actual da lei. Por último, engádense a esta lei dúas disposicións transitorias debido á necesidade de manter un réxime transitorio para o persoal laboral temporal que desempeñe funcións de persoal funcionario e para o persoal laboral afectado pola creación de escalas.

O marco xeral establecido de funcionarización, creación de escalas e modificación do vínculo laboral é consecuencia directa tanto do acordo de bombeiros forestais e a súa segunda actividade (asinado coa CIG, CCOO, CSIF e UGT) como do acordo aprobado na Comisión de Persoal —co voto a favor desas mesmas organizacións sindicais— para a integración do persoal do Consorcio Galego de Servizos de Igualdade e Benestar no Convenio colectivo único do persoal laboral da Xunta de Galicia do pasado mes de setembro.

Neste capítulo tamén se modifica a Lei 1/2012, do 29 de febreiro, de medidas temporais en determinadas materias de emprego público da Comunidade Autónoma de Galicia, para clarificar que a reserva de posto de traballo unicamente abarca aqueles que están afectados polos procesos de consolidación de emprego ao amparo do V Convenio colectivo e o persoal laboral temporal que ocupe postos con anterioridade ao 1 de xaneiro de 2005, e só para aqueles postos de persoal laboral.

Tamén, en materia de función pública, modifícase a Lei 16/2010, do 17 decembro, de organización e funcionamento da

Administración xeral e do sector público, para regular a integración do persoal laboral fixo das entidades instrumentais como persoal laboral da Administración xeral da Comunidade Autónoma de Galicia e a aplicación do convenio colectivo único ao persoal laboral temporal.

Por último, introdúcese na lei un artigo ante a necesidade de que a Consellería de Sanidade poida prover un posto de traballo dunha concreta clase da escala de saúde pública, excepcionalmente e de maneira temporal, mediante unha comisión de servizos voluntaria de persoal funcionario doutra clase da mesma escala, sempre e cando a titulación exixida para o acceso á clase orixinaria sexa a mesma que a requirida para o posto de traballo de que se trate.

O capítulo II, dedicado ao réxime financeiro, divídese en dúas seccións. Na sección primeira, «Tesouro», recóllense varias modificacións do título IV do texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro.

Estas modificacións teñen por obxecto adecuar o contido desta lei á Lei 16/2010, do 17 de decembro, de organización e funcionamento da Administración xeral e do sector público autonómico de Galicia, para acadar un maior control e unha mellor xestión de todos os recursos financeiros que constitúen a Tesouraría da Comunidade Autónoma de Galicia.

Ademais, introdúcese un artigo 91 *bis* no que se regula a prescrición dos depósitos e garantías en efectivo constituídos na Caixa Xeral de Depósitos da Comunidade Autónoma.

A sección 2ª, «Xestión orzamentaria», recolle unha modificación no artigo 14.2 da Lei 2/2011, de disciplina orzamentaria e sustentabilidade financeira, coa finalidade de que non xurdan dúbidas acerca da habilitación normativa suficiente para que se regule por orde da Consellería de Facenda, como consecuencia do seu carácter estritamente técnico e cambiante, o contido e alcance da memoria que debe acompañar os expedientes de autorización de investimentos do sector público autonómico que incorporen unha previsión do gasto corrente.

O capítulo dedicado ao procedemento administrativo divídese en catro seccións, dedicadas, respectivamente, á Administración dixital, ao réxime sancionador e prazos de

procedementos administrativos, á adecuación normativa e ao réxime administrativo.

A sección 1ª, dedicada á Administración dixital, ten como finalidade dar cumprimento á Lei 39/2015, do 1 de outubro, do procedemento administrativo común das administracións públicas, e á Lei 40/2015, do 1 de outubro, de réxime xurídico do sector público. O desenvolvemento efectivo destas leis fai necesario avanzar cara á eliminación de compartimentos estancos na información da tramitación administrativa para acadar un espazo único de información ao cidadán coa súa situación administrativa de xeito claro e transparente, e nomeado nesta proposta como «cartafol do cidadán». Fai necesario impulsar a compartición de información e de documentos que permitan eliminar redundancias, duplicidades e peticións innecesarias cara ao cidadán, e promove o uso das notificacións electrónicas fronte ás notificacións en papel, que se materializarán a través do sistema de notificación de Galicia.

A sección 2ª consta de catro artigos. O primeiro destes artigos recolle unha modificación do artigo 53 da Lei 9/2013, do 19 de decembro, do emprendemento e da competitividade económica de Galicia, relativo a infraccións graves en materia de espectáculos públicos e actividades recreativas. Tamén modifica a Lei 3/2012, do deporte de Galicia, para recoller unha modificación nunha infracción moi grave en materia de deportes. Os restantes artigos regulan os prazos para notificar unha serie de procedementos. Así, os prazos no procedemento sancionador en materia de transporte marítimo de persoas en augas interiores de Galicia, os prazos para notificar as resolucións dos procedementos de desafiuzamento administrativo e de adxudicación de vivendas protexidas de promoción pública e os prazos para notificar as resolucións sancionadoras en materia sanitaria.

A sección 3ª deste capítulo, «Adecuación normativa», recolle catro artigos. Regúlanse nos dous primeiros artigos a previsión dun prazo máximo de seis meses para resolver e notificar os procedementos sancionadores de competencia da Comunidade Autónoma, que rexerá en todos aqueles nos que a súa normativa específica, legal ou regulamentaria non preveña un prazo concreto. En canto á determinación do inicio do cómputo da prescrición das sancións impostas en resolucións que foron obxecto de recursos pendentes de resolver no momento da entrada en vigor das leis 39/2015, do 1 de outubro, do procedemento administrativo común das administracións públicas, e 40/2015, do 1 de outubro, de réxime xurídico do sector público, cómpre darlle cumprimento ao establecido no

punto 3 do artigo 30 da Lei 40/2015, de conformidade co cal o prazo previsto para a prescrición da sanción comezará a contarse desde o día seguinte a aquel en que finalice o prazo previsto para a resolución do recurso, e o anterior, tendo en conta o principio de norma máis favorable que rexe no dereito sancionador, unido este ao carácter de normativa básica da lexislación citada, e, en particular, o disposto no punto 2 do artigo 26 da Lei 40/2015, cando dispón que «as disposicións sancionadoras producirán efectos retroactivos cando favorezan o presunto infractor ou o infractor, tanto no referido á tipificación da infracción como á sanción e aos seus prazos de prescrición, aínda respecto de sancións pendentes de cumprimento ao entrar en vigor a nova disposición», así como ao principio de seguridade xurídica que debe rexer en todo procedemento administrativo. Igualmente, cómpre incluír unha referencia expresa ao cómputo do prazo de prescrición no que atinxe á reposición da legalidade, dada a relevancia, alcance e autonomía da referida obriga respecto da propia sanción, máis alá da integración de ambas, sanción e restitución, nunha mesma resolución por razóns de economía procesual.

O terceiro dos artigos desta sección modifica a Lei 2/2012, do 28 de marzo, galega de protección xeral das persoas consumidoras e usuarias. A finalidade da regulación proposta é incorporar unha disposición adicional sexta á Lei 2/2012, co fin de determinar como lei especial a regulación establecida naquela lei, con dous apartados. O primeiro apartado é o referido referido á Lei 39/2015, con fundamento na previsión da súa disposición adicional primeira desta última lei; e o segundo establece a súa relación coa Lei 40/2015, considerando a regulación da Lei 2/2012 como de desenvolvemento das bases no eido da potestade sancionadora da citada Lei 40/2015. En ambos os supostos garántese o obrigado respecto á lexislación básica.

O último dos artigos regula o silencio administrativo en procedementos en materia de persoal.

A última sección deste capítulo consta de tres artigos. O primeiro deles, e de acordo co criterio seguido polo Estado en varios artigos da Lei 40/2015, do 1 de outubro, de réxime xurídico do sector público, e con base nas competencias de autoorganización da Administración autonómica, regula a responsabilidade aplicable aos membros dos consellos de administración das sociedades mercantís públicas autonómicas ou do padroado das fundacións do sector público, designados pola Administración xeral ou polos entes instrumentais, que será asumida directamente pola Administración ou ente

designante. O mesmo criterio aplícase aos membros das entidades ou órganos liquidadores dun ente do sector público autonómico. O segundo regula a ordenación das competencias de execución da Comunidade Autónoma respecto do control metrolóxico de instrumentos en servizo, establecendo a forma de realizar a devandita actividade e as consecuencias na execución do contrato de concesión actualmente existente. O último dos artigos regula unha modificación na Lei 14/1985, reguladora dos xogos e apostas de Galicia.

En materia de vivenda, introdúcese unha modificación no articulado da Lei 8/2012, do 29 de xuño, de vivenda de Galicia, prevíndose a posibilidade de que as persoas propietarias ou usufrutuarias de vivendas que residan no ámbito dunha actuación desenvolta polo Instituto Galego da Vivenda e Solo (IGVS) e que non sexan compatibles coa nova ordenación poidan acceder ás parcelas destinadas a vivendas unifamiliares ou ás vivendas protexidas resultantes da actuación excepciónándoas do cumprimento dos requisitos de acceso ás vivendas protexidas.

O capítulo, dedicado á economía e industria, consta de tres seccións: minaría, consumo e comercio interior.

A sección 1ª, dedicada á minaría, regula nun artigo a modificación de varios preceptos da Lei 3/2008, do 23 de maio, de ordenación da minaría de Galicia. Coa modificación proposta faise efectiva a constitución do Censo Catastral Mineiro de Galicia no Catastro Mineiro de Galicia, ademais de garantir o acceso público ao Rexistro Mineiro, axilizar as tramitacións, permitindo a emisión de certificados telematicamente, e incrementar a seguridade xurídica tanto para concesionarios como para solicitantes.

A sección 2ª, dedicada ao consumo, modifica o concepto de consumidor na Lei 2/2012, do 28 de marzo, galega de protección xeral das persoas consumidoras e usuarias.

A sección 3ª, dedicada ao comercio interior, modifica o artigo relativo á composición da Comisión Consultiva prevista na Lei 13/2010, do 17 de decembro, de comercio interior de Galicia.

O capítulo VI, «Agricultura», consta de dúas seccións, unha de montes e outra de estrutura agraria.

Na sección de montes, modifícanse varios preceptos da Lei 7/2012, do 28 de xuño, de montes de Galicia. Así, régúlase o aproveitamento dos produtos característicos dos terreos forestais naqueles predios que teñen a consideración de solo rústico de protección agropecuaria, facilítase a aprobación de deslindamentos entre montes veciñais en man común e propiedades particulares, de xeito que as propiedades queden mellor definidas, permítese que se regulen por decreto as plantacións de eucaliptos e doutras especies, de xeito que se

controle a súa utilización nos lugares onde sexa conveniente desde os puntos de vista económico, ambiental e de ordenación do territorio e da paisaxe, **clarifícase o concepto de documento de adhesión cuxas características serán definidas mediante orde da consellaría competente como consecuencia de tratarse dunha materia técnica suxeita a unha realidade cambiante, de xeito que se acelere a súa implantación nas parcelas forestais de pequena superficie e que estas melloren canto antes a calidade da súa xestión, e clarifícase que o outorgamento de autorizacións administrativas, xa sexan expresas ou presuntas, se concederá sen prexuízo de terceiros propietarios ou titulares de dereitos de aproveitamento, facilítase a cancelación de consorcios ou convenios en montes nos que, pola súa casuística especial, non resulta viable redactar e aprobar un instrumento de ordenación ou de xestión, recoñécese a validez dos títulos inscritos no rexistro da propiedade, facilítase a actualización dos lindeiros dos montes veciñais en man común, de xeito que as propiedades queden mellor definidas e, por último, permítase, de xeito excepcional, o aproveitamento de parcelas situadas no interior de montes veciñais en man común aos particulares que as plantaron a título individual.**

A sección dedicada á estrutura agraria introduce unha serie de modificacións na Lei 4/2015, de mellora da estrutura territorial agraria de Galicia. Así, as modificacións teñen por obxecto clarificar o proceso de avaliación dos requisitos necesarios para acadar os criterios recollidos no artigo 2 da lei e da publicidade e consulta a terceiros interesados, fixar con maior claridade o que constitúe a dotación para cada un dos fondos que se constitúan cos predios que a entidade xestora do Banco de Terras de Galicia xestiona e, por último, incrementar o tempo para que os titulares vexan recollidos, no proceso de concentración ou reestruturación parcelaria, os cambios de titularidade que se produzan. Así mesmo, incorpora un artigo na lei para establecer o réxime de propiedade e cesión en precario dos predios da masa común de reestruturación parcelaria, ao carecer de regulación ao respecto, unha disposición adicional para regular as distancias de explotacións gandeiras porcinas a cascos urbanos e unha disposición transitoria que regula a coordinación catastral.

O capítulo VII, dedicado á innovación, introduce, por un lado, unha modificación na Lei de racionalización do sector público autonómico para regular a contratación pública de innovación co fin de dar visibilidade e impulso ao novo procedemento de contratación recollido na Directiva 2014/24/UE e dirixido a todos os poderes adxudicadores do sector público autonómico

galego. Por outro, regula a participación das empresas, entidades e particulares na investigación en saúde, mediante achegas económicas dirixidas ao financiamento finalista de proxectos de I+D neste ámbito.

O capítulo VIII, «Mar», consta de dúas seccións: a primeira dedicada á materia de portos e, a segunda, á pesca.

En materia de portos, introduce unha nova disposición transitoria na Lei 5/1994, do 29 de novembro, de creación do ente público de Portos de Galicia, para regular a ampliación das concesións portuarias outorgadas pola Comunidade Autónoma de Galicia con anterioridade á entrada en vigor da Lei 18/2014, do 15 de outubro, de aprobación de medidas urxentes para o crecemento, a competitividade e a eficiencia.

En materia de pesca, introduce unha serie de modificacións na Lei de pesca de Galicia.

A primeira amplía o prazo da duración da concesión para o exercicio da actividade da acuicultura, tanto en zona marítima como en zona marítimo-terrestre, a un máximo de cincuenta anos, coa finalidade de adaptala á normativa estatal e de permitir que un titular poida exercer a actividade da acuicultura durante todo o tempo que ostente a concesión para o dominio público marítimo-terrestre.

A segunda amplía o prazo de vixencia das concesións experimentais na zona marítima e marítimo-terrestre para a realización de proxectos de investigación ou de proxectos que introduzan innovacións substanciais na explotación, nos artefactos e nas especies a cinco anos, xa que o prazo actual de tres anos resulta, en moitas ocasións, unha limitación importante para levar a termo os proxectos.

A terceira engade unha disposición adicional á Lei de pesca de Galicia, para regular a prórroga extraordinaria dos títulos habilitantes para o exercicio da acuicultura, garantindo unha maior seguridade xurídica á actividade da acuicultura e unha maior continuidade aos establecementos produtivos autorizados na Comunidade Autónoma galega.

En materia de servizos sociais, introdúcense dous preceptos. O primeiro establece o réxime de cofinanciamento nos servizos prestados polo Consorcio Galego de Servizos de Igualdade e Benestar ou ente que o substitúa en colaboración cos concellos e mancomunidades.

Regúlase un novo modelo de cofinanciamento para a prestación dos servizos de escolas infantís e centros de día que xestiona na actualidade ou que pase a xestionar no futuro o Consorcio de Servizos da Igualdade e Benestar en colaboración coas entidades locais para garantir a sustentabilidade financeira dos servizos e homoxeneizar as súas condicións en garantía da seguridade xurídica, en

consonancia co Acordo marco asinado pola Consellería de política Social coa Fegamp o 11 de maio de 2016.

Todo o anterior, co obxectivo de garantir a sustentabilidade financeira dos servizos que se prestan a través do Consorcio Galego de Servizos de Igualdade e Benestar ou ente que o substitúa, en colaboración cos concellos e mancomunidades, e de homoxeneizar as súas condicións en garantía da seguridade xurídica.

En segundo lugar, cómpre modificar o artigo 16 da Lei 13/2008, de servizos sociais de Galicia, co obxecto de establecer de forma máis clara e precisa o concepto e contido en xeral da Historia social única electrónica. Establécese a obrigatoriedade de incorporar a información necesaria á Historia social única electrónica por parte das distintas entidades que conforman o Sistema galego de servizos sociais.

O título III regula a ordenación do sistema de transporte público regular de viaxeiros. A Lei 10/2016, do 19 de xullo, de medidas urxentes de actualización do sistema de transporte público de Galicia, marcou as actuacións que deberán seguir os poderes públicos para acadar a súa adaptación á evolución das necesidades da sociedade en materia de mobilidade.

Neste sentido, a referida lei configura o Plan de transporte público de Galicia como o instrumento mediante o cal se establece a ordenación dos servizos de transporte público regular da competencia da Administración xeral da Comunidade Autónoma, así como a coordinación do conxunto de servizos de transporte público que se desenvolvan na nosa Comunidade Autónoma. E, ademais, en relación con este instrumento esencial para a planificación do futuro do sistema de transporte público galego, a propia lei establece o procedemento e prazos para a súa aprobación, así como as normas transitorias de garantía da prestación de servizos no período transitorio; é dicir, o que transcorrerá ata a aprobación do plan e a posterior licitación dos servizos de transporte que o dito plan estableza.

Fixados a través desta norma o procedemento, os criterios e os principios que as administracións deberán seguir cara á modernización e adaptación do sistema de transporte público, procede agora avanzar neste proceso de transformación e completar a dita regulación legal co establecemento de disposicións normativas dirixidas a regular as actuacións que a Administración deberá adoptar para a implantación do novo mapa de servizos de transporte, incluso durante o actual período transitorio.

Cos anteriores obxectivos, na lei incídese na clarificación dos ámbitos de actuación das diferentes administracións públicas galegas, así como, fundamentalmente, no establecemento de

actuacións de coordinación, colaboración e cooperación nos seus respectivos ámbitos de actuación cara á máxima optimización dos recursos dispoñibles e á potenciación das vantaxes do sistema de transporte público para o conxunto da poboación.

Regúlase o réxime de establecemento de novos servizos, non só a través do Plan de transporte público de Galicia, senón tamén con antelación á súa propia aprobación e adxudicación consonte co que establece o Regulamento CE 1370/2007, do 26 de outubro, facilitando así unha transición progresiva e, por tanto, máis doada tanto para os sectores empresariais como para as propias persoas usuarias.

Por outra parte, no ámbito das competencias da Xunta de Galicia, a racionalización da actuación dos diferentes departamentos acadará o seu máximo nivel mediante a integración de diferentes servizos de transporte, o que, ademais de poñer ao dispor do conxunto da poboación un sistema de transporte público atractivo e de habituar na súa utilización aos usuarios do futuro, resulta axeitado para evitar duplicidades de servizos en zonas con escasa demanda, cos conseguintes aforros en custos ambientais e económicos.

Así, configúrase a rede de transporte público regular de viaxeiros por estrada de uso xeral como estrutura básica da contratación que realiza a Xunta de Galicia, e dítanse regras para a progresiva integración dos diferentes servizos nun sistema único de transporte público. Neste sentido, resulta tamén preciso regular un procedemento extraordinariamente áxil que permita ás administracións responder de xeito inmediato ás novas e imprevisibles demandas de transporte, que deberán ser atendidas sen dilación, máxime cando se produzan vinculadas ao exercicio de dereitos esenciais, como o de acceso á educación.

Por outra parte, en canto ao réxime de tarifas do sistema de transporte público, fíxase unha regulación adaptada ás peculiaridades da nosa Comunidade Autónoma e ás previsións da propia lei en relación coa integración de servizos de transporte público e á previsible concorrencia nun mesmo vehículo e servizo de usuarios con características específicas e atencións especiais. Ademais, tamén neste eido se avanza na coordinación do sistema galego de transporte público mediante a previsión de protocolos técnicos de interconexión dos sistemas de pagamentos e de información que oferten as diferentes administracións.

O último dos títulos regula as medidas provisionais de ordenación urbanística. Cómpre dotar de certeza e seguridade xurídica a cidadanía e os distintos operadores no eido urbanístico, sen prexuízo do máis absoluto respecto ás

resolucións xudiciais. Ante o baleiro legal existente, procede acometer a regulación da forma de proceder nos casos nos que, tras a declaración de nulidade do planeamento urbanístico, «reviva» un planeamento anterior que non responde nin ao actual modelo de cidade nin ás necesidades urbanísticas existentes, e cuxa aplicación resulta incompatible co logro dos obxectivos de benestar socioeconómico que deben impulsar as actuacións públicas. E impulsar o desenvolvemento urbanístico, habilitando para o efecto a tramitación ad hoc, no caso de anulación do instrumento de ordenación ou da normativa de ordenación provisional, dun procedemento no que, sen eludir as sentenzas recaídas, poida ordenarse a correspondente tramitación procedemental de xeito eficiente, e acurtando na medida do posible os prazos previstos.

O texto conta con seis disposicións adicionais. As dúas primeiras están relacionadas co sistema de transporte público regular de viaxeiros de Galicia. A primeira regula os instrumentos para a coordinación en materia de transporte público e integración de servizos de transporte. A segunda, denominada «vehículos autorizados para a prestación de servizos de transporte», atende a previsión da implantación progresiva de fórmulas flexibles de explotación adaptadas ás necesidades reais da poboación, resultando preciso que zonas do territorio cun escaso nivel de demanda poidan ser atendidas mediante vehículos de tamaño reducido, especialmente indicados para fórmulas de explotación baixo demanda.

A terceira das disposicións adicionais regula o prazo para a posta en marcha das emisións e pagamento da taxa do servizo de comunicación audiovisual de televisión correspondentes ás adxudicacións transformadas en licenzas. A aparición nestes últimos anos de novas plataformas tecnolóxicas cunha cota de penetración no mercado do audiovisual cada vez máis significativa, capaces de competir directamente coas televisións tradicionais, vai ter unha incidencia determinante na repartición publicitaria na medida en que se incrementan os soportes a través dos que se visibilizan os contidos publicitarios, fonte principal de financiamento das televisións autonómicas e locais.

Esta conxuntura de dinamismo tecnolóxico, que ten a imaxe en movemento como elemento vertebrador da información e do entretemento, así como o cambio de circunstancias producido desde o momento do outorgamento dos títulos administrativos e a necesidade de viabilizar e de poñer en marcha o servizo de comunicación audiovisual de televisión, aconsella ampliar en catro anos o prazo previsto nos artigos 38 e 40 da Lei 12/2014, do 22 de decembro, de medidas fiscais e administrativas. Esta

ampliación permitirá contar cun tempo suficientemente amplo ata que se clarifique o futuro destes servizos de comunicación audiovisual, co fin de non frustrar a súa viabilidade.

A cuarta integra o corpo de letrados do Consello Consultivo na escala de letrados da Xunta de Galicia.

A quinta regula a supresión do Centro Informático para a Xestión Tributaria, Económico-Financeira e Contable, cuxas funcións se asumirán pola Axencia para a Modernización Tecnolóxica de Galicia.

A última das disposicións adicionais autoriza a creación da Axencia Galega da Industria Forestal, adscrita á consellaría competente en materia de economía.

O texto contén unha disposición transitoria que regula a situación transitoria do persoal funcionario de carreira que ocupe postos de traballo de letrado no Consello Consultivo de Galicia no momento da entrada en vigor desta lei.

Establécense tamén cinco disposicións derogatorias. A primeira derroga o Decreto 149/2008, do 26 de xuño, polo que se regula o procedemento de autorización das instalacións de produción de enerxía eléctrica a partir da valorización enerxética da biomasa forestal primaria na Comunidade Autónoma de Galicia.

A segunda derroga o artigo 86 da Lei 12/2014, do 22 de decembro, de medidas fiscais e administrativas, como consecuencia do artigo 68 desta lei, que regula o réxime de cofinanciamento nos servizos prestados polo Consorcio Galego de Servizos de Igualdade e Benestar ou ente que o substitúa en colaboración cos concellos e mancomunidades.

A terceira derroga a Lei 10/1983, do 9 de decembro, reguladora do Consello Asesor de RTVE en Galicia e dissolve o Consello Asesor de Radio e Televisión Española en Galicia.

A cuarta derroga os artigos 19 e 20 da Lei 13/2010, do 17 de decembro, do comercio interior de Galicia.

A quinta derroga, no momento en que se procede á extinción do Centro Informático para a Xestión Económico-Financeira e Contable, a disposición adicional quinta da Lei 2/1998, do 8 de abril, de medidas tributarias, de réxime orzamentario, función pública, organización e xestión.

Hai cinco disposicións derradeiras. A primeira delas modifica o artigo 11 do Decreto 89/2016, do 30 de xuño, polo que se regula a creación, o uso e o acceso á Historia social única electrónica. O Decreto 89/2016 establece como ficheiro no que se recolle a información de carácter persoal do sistema de Historia social única electrónica o de «xestión de servizos sociais», do que é titular a consellaría competente en materia de servizos sociais. A análise xurídica da cuestión da

titularidade e o emprego da información da Historia social única electrónica recomenda dispor dun ficheiro de datos de carácter persoal específico para a Historia social única electrónica. Por último, introdúcese unha cláusula de salvagarda de rango para incluír a previsión expresa de conservación da vixencia do Decreto 89/2016 en todo o que non se opoña á lei, para maior seguridade xurídica.

A segunda modifica o Decreto 130/2013; por un lado, o artigo 5, co obxecto de atender e axustar a explotación dos portos deportivos á demanda e ocupación de cada instalación, en concreto tendo en conta as temporadas habituais de alta e baixa ocupación/demanda, e, por outro, a disposición transitoria primeira, ampliando en tres anos máis o prazo de adaptación das concesións administrativas sobre portos ou zonas portuarias de uso náutico-deportivo a este decreto.

A terceira modifica a Lei 3/2014, do 24 de abril, do Consello Consultivo de Galicia. En concreto, modifícase a regulación da secretaría xeral e da secretaría do pleno e seccións, e a regulación referente aos letrados.

A cuarta modifica a disposición transitoria segunda da Lei 2/2016, do 10 de febreiro, do solo de Galicia, para clarificar o réxime de competencias na adaptación do planeamento e evitar dúbidas aplicativas, garantindo así que se respecte o réxime competencial para a aprobación dos plans que derivan da dita lei.

A quinta regula a entrada en vigor da lei.

Remata o proxecto con dous anexos. O anexo I regula o réxime de cofinanciamento para escolas infantís e centros de día xestionados a través do Consorcio Galego de Servizos de Igualdade e Benestar ou ente que o substitúa, como consecuencia do artigo 68 desta lei. O anexo II contén unha relación de definicións e clasificacións aplicables ao transporte público axeitadas para a correcta interpretación da norma e nas que se incorporan ao sistema de transporte público fórmulas de prestación tales como o transporte baixo demanda ou os contratos mixtos ou zonais.

NON TEN EMENDAS

DITAME DA COMISIÓN:

ANEXO I.

Réxime de cofinanciamento para escolas infantís e centros de día xestionados a través do Consorcio Galego de Servizos de Igualdade e Benestar ou ente que o substitúa

I. Escolas infantís

Para establecer a participación dos concellos no cofinanciamento das escolas infantís, partírase do custo medio de 4.500 € praza/ano, e, dentro da dita contía, fíxase unha achega municipal de 1.500 € praza/ano correspondente a unha terceira parte.

Nos supostos en que o concello desexa asumir o mantemento integral do centro, estimárase a súa contribución en 600 € praza/ano, polo que, neste caso, a achega final que terán que facer os concellos será de 900 € praza/ano. A contribución indicada requirirá que se acredite polo concello ante a dirección do centro a realización do indicado mantemento nas condicións especificadas neste artigo, e computárase con independencia do gasto real efectuado polo concello sen necesidade de xustificación documental do dito gasto.

Para aqueles concellos que asuman, de acordo cos convenios no seu día formalizados, outros servizos non recollidos no concepto de mantemento previsto neste artigo, descontárase o custo real efectivo dos ditos servizos da achega que debe realizar o dito concello. Así mesmo, no suposto de que algún concello non asuma a totalidade dos gastos de mantemento, a achega municipal se incrementará co custo que asuma o Consorcio ou ente que o substitúa por ese concepto, debidamente xustificado.

II. Centros de día

Para establecer a participación dos concellos no cofinanciamento dos centros de día sitos no seu termo municipal, estímase o custo dos ditos servizos en 7.500 € praza/ano. Dentro da dita contía fíxase unha achega municipal de 2.500 € praza/ano correspondente a unha terceira parte.

Para o cálculo anterior teranse en conta unicamente os usuarios empadroados no Concello onde se localiza o centro de día. Para os efectos do cómputo, terase en conta a media de usuarios durante o ano natural inmediatamente anterior á data de liquidación.

Nos supostos de centros de día de xestión directa polo Consorcio ou ente que o substitúa, os concellos que o desexen poderán optar por un modelo análogo ao formulado para as escolas infantís, computando como unha achega do concello o mantemento do centro. De acordo co anterior, a achega

reducirase nos ditos supostos en función dos gastos efectivamente xustificadas polos concellos

III. Conceptos incluídos no mantemento dos centros

Para os efectos do presente réxime de cofinanciamento, entenderase por mantemento do centro os seguintes servizos:

- Mantemento do edificio e exteriores, incluíndo obras e labores de mantemento do edificio preventivos e/ou correctivos, conservación e mantemento das instalacións, estrutura arquitectónica e instalacións de enxeñerías.
- Mantemento do sistema de detección, extinción e plan de evacuación do centro.
- Reparación e reposición de electrodomésticos.
- Plan de augas e tratamento antilexionela.
- Mantemento da ACS e climatización das instancias.
- Limpeza integral do centro (limpeza diaria e extraordinaria).
- Sistema de vixilancia e seguranza do centro, alarmas de seguridade e incendios.
- Subministracións de auga, electricidade, gasóleo/gas e mantemento das instalacións de acometidas de enerxías e subministracións, así como saneamento e recollida de lixo, con base na norma de medio ambiente, e dotación material para isto.
- Teléfono e ADSL.
- Mantemento dos sistemas de sinalización, localización e balizamento, de ser o caso, e mantemento dos sistemas de seguridade viaria.
- Servizos de Protección Civil ou aqueloutros que foren necesarios para situacións de emerxencia.

EMENDAS MANTIDAS:

-Do G.P. Bloque Nacionalista Galego.
Emenda nº55, de Supresión.

Emenda de supresión, Artigo Anexo I

Suprímese o Anexo I.

DITAME DA COMISIÓN:

ANEXO II.

Definicións e clasificación dos servizos de transporte.

1. Para os efectos desta lei enténdese por:

- a) Transporte: o sistema de medios para conducir persoas ou cousas dun lugar a outro.
- b) Transporte público: o transporte que se leva a cabo por conta allea mediante unha retribución económica.
- c) Transporte privado: o transporte que se leva a cabo por conta propia, ben a título particular, ben como actividade complementaria necesaria doutra actividade principal de empresa ou establecemento e directamente relacionada co desenvolvemento desas outras actividades.
- d) Transporte por estrada: o transporte que se realiza en vehículos automóbiles que circulen sen camiño de rodaxe fixo e sen medios fixos de captación de enerxía por toda clase de vías terrestres urbanas ou interurbanas de carácter público ou privado.
- e) Transporte colectivo de persoas: o transporte público ou privado dirixido a trasladar un grupo, determinado ou indeterminado, de persoas usuarias, e mais as súas equipaxes, vultos de man e encargos, realizado preferentemente mediante vehículos automóbiles de dez ou máis prazas.
- f) Tráfico: a relación de mobilidade existente entre dous ou máis puntos xeográficos entre os que un servizo de transporte efectúa ou pode efectuar o traslado de persoas, das súas equipaxes, vultos de man e encargos. Con carácter xeral, os puntos xeográficos farán referencia ao conxunto da localidade ou entidade de poboación que sexa atendida por un servizo de transporte, consonte o que se determine regulamentariamente e as limitacións que pode establecer o Plan de transporte público de Galicia e os proxectos de explotación para servizos que se establezan con antelación á aprobación do plan ou de explotación experimental, aprobados nos termos desta lei.

2. Os transportes públicos de persoas clasifícanse de acordo cos seguintes criterios:

2.1. En atención ao seu ámbito:

- a) Local ou urbano: o que atenda tráfico situado integralmente nun mesmo termo municipal, nunha agrupación de municipios ou unha área metropolitana con competencias en materia de transporte público regular de viaxeiros recoñecidas legalmente, segundo o caso.
- b) Autonómicos ou interurbanos: cando atenda tráfico nun ámbito superior ao indicado no apartado anterior, aínda que dentro do territorio da Comunidade Autónoma. Tamén terán a

consideración de autonómicos os tráficos indicados no apartado anterior que estean incluídos dentro dun servizo de transporte que, no seu conxunto, teña un ámbito superior, ou cando a Administración local competente non adopte o acordo de establecemento do servizo público de transporte local nos termos previstos nesta lei e demais disposicións legais que resulten de aplicación.

2.2. En atención á regularidade da súa prestación:

a) Transporte público regular: o que se efectúe no marco de itinerarios ou para atender tráficos preestablecidos nunha determinada zona territorial, ben con suxeición a calendarios e horarios previamente determinados, ben no marco dun modelo de xestión baixo demanda no que os itinerarios ou os horarios dos servizos, ou ambos, se configuren para satisfacer unha demanda de transporte confirmada por parte das persoas usuarias.

b) Transporte público discrecional: o transporte público de persoas que non cumpra os requisitos previstos no apartado anterior.

2.3. En atención á súa utilización, o transporte público regular pode ser:

a) De uso xeral: o dirixido a satisfacer unha demanda xeral de mobilidade e que é utilizado por calquera interesado.

b) De uso especial: o destinado a servir, exclusivamente, un grupo específico de usuarios, tales como escolares, traballadores, militares ou grupos homoxéneos semellantes.

c) Mixtos: aqueles servizos de transporte nos que se inclúa a prestación de expedicións de uso xeral xunto con outras expedicións de uso especial, contratadas todas elas por unha mesma autoridade de transporte, tales como os servizos zonais.

Enténdese por servizos zonais aqueles nos que nun único proxecto de explotación se inclúa a explotación dos servizos de transporte público regular de uso xeral e de uso especial que se definan no indicado proxecto e se desenvolvan nun determinado ámbito territorial, inclúa a totalidade deles ou aqueles determinados ou determinables mediante a aplicación dos criterios que o propio proxecto estableza.

Agás en relación co réxime xurídico aplicable a condicións específicas de prestación referidas ao transporte de grupos homoxéneos e específicos de usuarios, os servizos rexeranse polas disposicións previstas para os de uso xeral, cuxo réxime de infraccións e sancións lles resultarán de aplicación.

**EMENDAS MANTIDAS:**

-Do G.P. Bloque Nacionalista Galego.
Emenda nº56, de Supresión.

Emenda de supresión, Artigo Anexo II
Suprímese o Anexo II.



XUNTA DE GALICIA
CONSELLERÍA DE FACENDA
Secretaría Xeral Técnica e do Patrimonio

Edificios administrativos - San Caetano s/n
15781 Santiago de Compostela
Teléfono: 981 544 121 / Fax: 981 544 125
secretaria.xeral@conselleriadefacenda.es

galicia

DILIXENCIA: Para facer constar que a presente fotocopia
é reprodución fiel e exacta do seu orixinal.
Santiago de Compostela, 1 de decembro de 2016
A FUNCIONARIA,



Aedo: Carmen Villaverde Neira

dispón do informe da Dirección Xeral de Planificación e Orzamentos, segundo establece o artigo 12 da Lei 15/2010, do 28 de decembro.

Así mesmo, conta co informe da Asesoría Xurídica Xeral, en cumprimento do artigo 8.1 do Decreto 111/1984, do 25 de maio, polo que se aproba o Regulamento de réxime interior. No expediente se inclúe tamén unha memoria xustificativa da non necesidade de solicitar o ditame do Consello Económico e Social de Galicia.

De acordo co exposto, esta Secretaría Xeral Técnica e do Patrimonio informa favorablemente o anteproxecto de lei de referencia, ó estimar que queda garantida a legalidade da disposición.

Santiago de Compostela, 1 de decembro de 2016

A secretaria xeral técnica e do Patrimonio



[Signature]

Martín Hierro

Reunión do Pleno do Parlamento
Día: 07.02.2017 Hora: 10:00
Orde do día

2. Comparecencias en pleno

Reunión do Pleno do Parlamento
Día: 07.02.2017 Hora: 10:00
Orde do día

2.1 1130(10/CPP-000001)

Dirección Xeral de Relacións Institucionais e Parlamentarias

Da Sra. conselleira de Medio Ambiente e Ordenación do
Territorio, por petición propia, para informar das liñas
xerais de actuación do seu departamento



Publicación da iniciativa, 15, 16.11.2016



XUNTA DE GALICIA

CONSELLERÍA DE PRESIDENCIA,
ADMINISTRACIÓN PÚBLICA E XUSTIZA

Dirección Xeral de Relacións Institucionais e Parlamentarias



Solicítolle, consonte o disposto no artigo 144 do Regulamento da Cámara, a comparecencia a petición propia -ante o Pleno- da conselleira de Medio Ambiente e Ordenación do Territorio para informar **"das liñas xerais de actuación do seu departamento"**.

Santiago de Compostela, 14 de novembro de 2016

A directora xeral de Relacións Institucionais
e Parlamentarias



Blanca García-Señoráns Álvarez

Sr. presidente do Parlamento de Galicia

Reunión do Pleno do Parlamento
Día: 07.02.2017 Hora: 10:00
Orde do día

2.2 1131(10/CPP-000002)

Dirección Xeral de Relacións Institucionais e Parlamentarias

Da Sra. conselleira de Infraestruturas e Vivenda, por
petición propia, para informar das liñas xerais de actuación
do seu departamento



Publicación da iniciativa, 15, 16.11.2016



XUNTA DE GALICIA

CONSELLERÍA DE PRESIDENCIA,
ADMINISTRACIÓNS PÚBLICAS
E XUSTIZA

Dirección Xeral de Relacións Institucionais e Parlamentarias



Solicítolle, consonte o disposto no artigo 144 do Regulamento da Cámara, a comparecencia a petición propia -ante o Pleno- da conselleira de Infraestruturas e Vivenda para informar **“das liñas xerais de actuación do seu departamento”**.

Santiago de Compostela, 14 de novembro de 2016

A directora xeral de Relacións Institucionais
e Parlamentarias



Blanca García-Señoráns Álvarez

Sr. presidente do Parlamento de Galicia

Reunión do Pleno do Parlamento
Día: 07.02.2017 Hora: 10:00
Orde do día

3. Mocións

Reunión do Pleno do Parlamento
Día: 07.02.2017 Hora: 10:00
Orde do día

3.1 4149(10/MOC-000010)

Grupo Parlamentario dos Socialistas de Galicia

Fernández Leiceaga, Xoaquín María

Sobre a posición que debe defender o Goberno galego en relación coa reforma do modelo de financiamento autonómico prevista para o ano 2017 (Moción a consecuencia da Interpelación nº 2294, publicada no BOPG n.º 32, do 21.12.2016 e debatida na sesión plenaria do 24.01.2017)



PARLAMENTO DE GALICIA
REXISTRO XERAL ENTRADA
Data asento: 27/01/2017 12:04
Nº Rexistro: 4149
Data envío: 27/01/2017 12:04:03.678



 Grupo Parlamentario

Á Mesa do Parlamento

Partido dos
Socialistas
de Galicia

O **Grupo Parlamentario dos Socialistas de Galicia**, por iniciativa do seu deputado-portavoz, **Xoaquín Fernández Leiceaga** e ao abeiro do disposto no artigo 151.2 do Regulamento da Cámara, presenta ante esa Mesa a seguinte **Moción** para substanciar a Interpelación debatida na sesión plenaria celebrada o día 25 de xaneiro de 2017, sobre a posición do Goberno galego para Galicia respecto da revisión do modelo de financiamento autonómico.(10/INT- 000089, doc. núm.2294).

Moción

“O Parlamento de Galicia demanda a Xunta de Galicia que na reforma do modelo de financiamento autonómico prevista para 2017 defenda os seguintes criterios:

1. CORRECCIÓN DOS DESEQUILIBRIOS VERTICAIS E SUFICIENCIA:

- a. Para contribuír a reducir os desequilibrios verticais agravados nos últimos anos, o Goberno de España debe achegar ao novo modelo de financiamento autonómico un mínimo dun 10% adicional de recursos sobre os considerados no ano base do novo modelo durante o seu primeiro ano.
- b. Este esforzo debe continuar para garantir a suficiencia das comunidades autónomas na provisión dos servizos que prestan: cómpre garantir que ao remate do primeiro período quinquenal de vixencia, as comunidades autónomas de réxime común, poidan alcanzar, cos recursos do modelo, a proporción media do gasto dos países da Unión Europea en sanidade, educación e política social; e que existan recursos adicionais dabondo para a cobertura do resto das funcións de gasto, tendo de novo como referencia aos países da Unión Europea.
- c. A Comunidade Autónoma de Galicia deberá, como mínimo, obter un 7 % dos recursos adicionais introducidos no sistema, de xeito que poida manter o seu peso relativo en termos de financiamento por habitante.



2. EQUIDADE E SOLIDARIEDADE PLENA.

Como criterios básicos para o tratamento igualitario das comunidades:

- Na asignación dos recursos globais entre as comunidades de réxime común debe prevalecer como razón fundamental a cobertura igualitaria das necesidades de gasto.

- A aplicación da solidariedade debe ser plena e non parcial, sen que caiba establecer discriminacións entre unhas competencias e outras.

- Debe rexeitarse o principio de que os recursos fiscais correspondan ao territorio onde se orixinan, por introducir diferenzas inaceptábeis entre uns e outros cidadáns en función da renda e a riqueza da comunidade autónoma na que vivan.

Estes criterios básicos deben dar lugar ás seguintes modificacións no modelo de financiamento, para garantir unha capacidade de gasto equivalente ás comunidades :

a. As porcentaxes de ponderación implícitas das variábeis de reparto deben axustarse ao peso das distintas función de gasto no conxunto das comunidades de réxime común.

b. Na consideración da poboación protexida equivalente para a determinación das necesidades de gasto en sanidade deben establecerse dous tramos adicionais, de máis de 75 e máis de 85 anos, coas ponderacións que corresponda, unha vez efectuadas as análises estatísticas correspondentes.

c. Na consideración das necesidades de gasto en materia social deben terse en contas os distintos tramos de idade a partir de 65 anos (máis de 75 e mais de 85 anos, cando menos).

d. Na consideración das necesidades de gasto educativo debe terse en conta o número efectivo de alumnado, incluíndo o de educación universitaria, de cada comunidade autónoma.

e. Debería terse en conta a inversa da renda relativa para incorporar o distinto uso dos servizos públicos en función do nivel de renda.

f. Debería incrementarse a ponderación ligada á dispersión poboacional, para reflectir o impacto desta circunstancia estrutural na atención sanitaria, educativa, social ou de xustiza, así como no mantemento de vías públicas ou nos custes de saneamento e depuración, na recollida e tratamento de residuos e outros.



 Grupo Parlamentario

Partido dos
Socialistas
de Galicia

g. Debería procederse a unha estimación nova, sobre bases empíricas, da recadación normativa utilizada para calcular a capacidade tributaria das comunidades, evitando as desigualdades de facto que o modelo actual introduce.

3. ESTABILIDADE

Garantir a estabilidade na prestación dos servizos á cidadanía que son competencia das comunidades autónomas é un obxectivo relevante, para o que sería preciso:

- a. Introducir garantías dinámicas no modelo que atenúen os impactos asimétricos sobre os recursos dunha comunidade.
- b. Crear un Fondo de Reserva, derivado da aplicación da regra de gasto, para atender as necesidades financeiras nas fases baixas do ciclo.
- c. Incentivar o cumprimento da citada regra mediante un uso parcial dos superávits producidos en investimentos sostíbeis.
- d. Cómpre axustar mellor as entregas a conta á evolución da recadación, reducindo o peso das liquidacións.

4. AUTONOMÍA FINANCEIRA

Para a mellora da autonomía financeira das comunidades:

- a. Debe establecerse un sistema de participación das comunidades autónomas nas decisións tributarias sobre aqueles impostos nos que comparten as bases (IVE e Impostos especiais) coa Administración xeral do Estado.
- b. Debe facerse posible que as decisións tributarias das CCAA naqueles tributos con capacidade normativa teñan un impacto na recadación no exercicio de referencia e non dous anos máis tarde, coas liquidacións, como sucede na actualidade. Para elo sería útil que no IRPF puidera trasladarse capacidade normativa ás comunidades sobre as porcentaxes de retención.
- c. Nos tributos cedidos cómpre avanzar na capacidade normativa das comunidades mantendo, en todo caso, que a determinación das bases impoñíbeis sexa competencia da Administración central.

d. As comunidades autónomas deberían ter unha participación efectiva nos órganos de dirección da Axencia Tributaria, mentres esta se ocupe da xestión dos principais instrumentos tributarios das comunidades.

5. LEALTADE INSTITUCIONAL E COORDENACIÓN

- a. Debe poñerse en marcha un sistema de alerta temperá ligada ao mecanismo das Conferencias Sectoriais que permita prever e corrixir as actuacións unilaterais de cada nivel da Administración que afecten de xeito negativo aos outros niveis alí onde existan competencias compartidas.
- b. En todo caso, as decisión da Administración central que supoñan un incremento do gasto ou unha redución dos ingresos das comunidades deben ser obxecto dunha compensación explícita; de non ser así esa ausencia será demandable.
- c. A AEAT cooperará coas axencias tributarias autonómicas para a transmisión de información e a persecución do fraude.

6. SOSTIBILIDADE

- a. Debe evitarse que as diferenzas no nivel de endebedamento sexan un criterio para a asignación de recursos no novo modelo.
- b. Debería autorizarse unha aplicación máis flexible da regra de gasto para aquelas comunidades cumpridoras cos criterios de déficit e cun nivel de débeda inferior á media das comunidades.”

Pazo do Parlamento, 27 de xaneiro de 2017

Asdo.: Xoaquín Fernández Leiceaga
Deputado-portavoz do G.P. dos Socialistas de Galicia

Asinado dixitalmente por:

Xoaquín María Fernández Leiceaga na data 27/01/2017 11:43:37

Reunión do Pleno do Parlamento
Día: 07.02.2017 Hora: 10:00
Orde do día

3.2 4173(10/MOC-000011)

Grupo Parlamentario de En Marea

Rodríguez Estévez, David e Quinteiro Araújo, Paula

Sobre as medidas que debe adoptar o Goberno galego e as demandas que debe realizar ao Goberno central en relación co sector lácteo (Moción a consecuencia da Interpelación nº 1334, publicada no BOPG nº 21, do 29.11.2016 e debatida na sesión plenaria do 24.01.2017)

Á Mesa do Parlamento

O **Grupo Parlamentar de En Marea**, a iniciativa dos seus deputados **Davide Rodríguez Estévez** e **Paula Quinteiro Araujo**, e ao abeiro do disposto no artigo 151.2 do Regulamento da Cámara, presenta a seguinte **Moción** para sustanciar a Interpelación debatida na sesión plenaria celebrada o pasado 25 de xaneiro, sobre a política do Goberno galego en relación co sector lácteo (**doc. núm 1334 [(10/INT-000050)]**).

“O Parlamento de Galicia insta á Xunta de Galiza a tomar a:

1. Tomar as medidas oportunas para intervir na cadea do leite e garantir o futuro do sector lácteo galego mediante o pago aos produtores dun prezo sostible polo leite, é dicir que polo menos chegue aos 30 céntimos por litro que garantirían cubrir os custos de produción.
2. Trasladar ao Goberno a proposta de fixar uns índices de referencia mínimos para o prezo do leite como si fixeron países da UE como Francia.
3. Adoptar as medidas necesarias para apoiar aos produtores de leite e frear o ritmo de peche de granxas tan elevado, que está a incidir no despoboamento do rural ante a falta de perspectivas. Para iso cómpre poñer en marcha un Plan estratéxico para o conxunto da cadea láctea tal como procederon outros países antes do desmantelamento do sistema de cotas.”

Santiago de Compostela, 27 de xaneiro de 2017.

Asdo.: Davide Rodríguez Estévez

Paula Quinteiro Araujo

Deputados do G.P. de En Marea.

Luís Villares Naveira

Voceiro do G.P. de En Marea.

Asinado dixitalmente por:

Paula Quinteiro Araújo na data 27/01/2017 13:30:58

David Rodríguez Estévez na data 27/01/2017 13:31:07

Luis Villares Naveira na data 27/01/2017 13:31:17

Reunión do Pleno do Parlamento
Día: 07.02.2017 Hora: 10:00
Orde do día

3.3 4174(10/MOC-000012)

Grupo Parlamentario de En Marea

Chao Pérez, Luca

Sobre as actuacións que debe levar a cabo o Goberno galego para a prevención da violencia de xénero nas escolas (Moción a consecuencia da Interpelación nº 2491, publicada no BOPG nº 43, do 12.01.2017 e debatida na sesión plenaria do 24.01.2017)

Á Mesa do Parlamento

O **Grupo Parlamentar de En Marea**, a iniciativa da súa deputada **Luca Chao Pérez**, e ao abeiro do disposto no artigo 151.2 do Regulamento da Cámara, presenta a seguinte **Moción** para sustanciar a Interpelación debatida na sesión plenaria celebrada o pasado 25 de xaneiro, sobre a política do Goberno galego en relación coa prevención das violencias machistas na escola (**doc. núm 2491 [(10/INT-000096)]**)

“O Parlamento de Galicia insta á Xunta de Galiza a tomar as seguintes medidas:

1. Desenvolver unha memoria económica que comprometa unha partida orzamentaria para acompañar o Plan de actuacións para a igualdade nos centros educativos de Galicia.
2. Eliminar a limitación de centros que se poidan acoller ós plans proxecta de igualdade.
3. Crear prazas de axentes de igualdade nos centros educativos para poder avanzar cara equipos conxuntos de orientación e igualdade, con formación específica en igualdade e prevención das violencias machistas. Para ter esta consideración, os axentes de igualdade deberán acreditar, cando menos 300 horas de formación específica.
4. Elaborar un plan de formación en igualdade para o corpo docente con formación específica en prevención e detección das violencias machistas.
5. Estender a materia de igualdade de xénero a todos os cursos educativos, adaptando os contidos a cada etapa educativa e incluíndo, entre os seus contido, bloques específicos de educación afectivo-sexual.

6. Establecer un recoñecemento anual de boas prácticas escolares en igualdade que se recollan nun catálogo público.
7. Desenvolver conxuntamente coas persoas profesionais e expertas un protocolo de detección das violencias machistas nos institutos de secundaria, bacharelato e formación profesional.”

Santiago de Compostela, 27 de xaneiro de 2017.

Asdo.: Luca Chao Pérez
Deputada do G.P. de En Marea.
Luís Villares Naveira
Voceiro do G.P. de En Marea.

Asinado dixitalmente por:

Luca Chao Pérez na data 27/01/2017 13:30:25

Luis Villares Naveira na data 27/01/2017 13:30:33

Reunión do Pleno do Parlamento
Día: 07.02.2017 Hora: 10:00
Orde do día

3.4 4186(10/MOC-000013)

Grupo Parlamentario dos Socialistas de Galicia

Losada Álvarez, Abel Fermín

Sobre as demandas que debe realizar o Goberno galego ao Goberno central e as actuacións que debe levar a cabo en relación coa execución da liña de alta velocidade ferroviaria en Galicia (Moción a consecuencia da Interpelación nº 1044, publicada no BOPG nº 18, do 23.11.2016 e debatida na sesión plenaria do 24.01.2017)



PARLAMENTO DE GALICIA
REXISTRO XERAL ENTRADA
Data asento: 27/01/2017 17:46
Nº Rexistro: 4186
Data envío: 27/01/2017 17:46:50.942



Grupo Parlamentario

Á Mesa do Parlamento

Partido dos
Socialistas
de Galicia

O Grupo Parlamentario dos Socialistas de Galicia, por iniciativa do seu deputado **Abel Losada Alvarez**, a través do seu portavoz e ao abeiro do disposto no artigo 151.2 do Regulamento da Cámara, presenta a seguinte **moción** para substanciar a Interpelación debatida na sesión plenaria celebrada o día 25 de xaneiro de 2017, sobre a política do Goberno galego en relación coa execución da liña de alta velocidade ferroviaria en Galicia (10/INT-000031, doc. núm. 1044)

Moción

O Parlamento galego insta a Xunta de Galicia a:

1. Adoptar unha posición de firmeza diante do Goberno de España, no que atinxe ao cumprimento de prazos e de investimentos que fagan posible manter a chegada da alta velocidade a Galicia no ano 2018, data que xa foi pactada con Mariano Rajoy na Presidencia do Goberno de España.
2. A retomar, e convocar de xeito urxente, a Comisión de Seguimento anual, instrumento que emana do acordo de 2009, e na que estaban incluídos os portavoces os grupos da oposición do Parlamento de Galicia. Nesta comisión avaliaríanse as previsións do actual Goberno de España no que atinxe a programación dos orzamentos para o ano 2017 e seguintes, de xeito que permitan o cumprimento efectivo da execución das obras nos distintos tramos do AVE a Galicia nos prazos comprometidos.
3. A activar de novo, no prazo dun mes, na páxina web do Ministerio de Fomento, a información con actualización mensual, da situación dos procedementos de licitación, de adxudicación e a execución de proxectos e obras dos diferentes tramos do AVE a Galicia, clarificando a porcentaxe de obra executada e certificada en cada tramo.

4. De cara a acelerar o remate das obras, licitar de forma conxunta o proxecto e obra do tramo do AVE, Taboadela – Ourense-Empalme, que permita a integración do novo acceso ferroviario na cidade de Ourense coas características técnicas e de calidade no servizo das demais liñas de Alta Velocidade Ferroviaria.

Pazo do Parlamento, 26 de xaneiro de 2017

Asdo.: Abel Losada Alvarez
Deputado do G.P. dos Socialistas de Galicia

Asdo.: Xoaquín Fernández Leiceaga
Portavoz do G.P. dos Socialistas de Galicia

Asinado dixitalmente por:

Abel Fermín Losada Álvarez na data 27/01/2017 16:07:29

Xoaquín María Fernández Leiceaga na data 27/01/2017 16:07:42

Reunión do Pleno do Parlamento
Día: 07.02.2017 Hora: 10:00
Orde do día

4. Propositions non de lei en Pleno

Reunión do Pleno do Parlamento
Día: 07.02.2017 Hora: 10:00
Orde do día

4.1 647(10/PNP-000038)

Grupo Parlamentario dos Socialistas de Galicia

Torrado Quintela, Julio e Blanco Rodríguez, Noela

Sobre o impulso polo Goberno galego dun plan inicial de
reversión do copagamento farmacéutico, así como o
establecemento dun calendario de medidas para a súa
eliminación, de xeito progresivo, para os doentes do Sergas

Publicación da iniciativa, 10, 09.11.2016



Á Mesa do Parlamento

O Grupo Parlamentario dos Socialistas de Galicia, por iniciativa do seu deputado e da súa deputada **Julio Torrado Quintela** e **Noela Blanco Rodríguez**, a través do seu portavoz, e ao abeiro do disposto no artigo 160 do Regulamento da Cámara, presenta a seguinte **proposición non de lei** para o seu debate en **Pleno**.

Partido dos
Socialistas
de Galicia

Exposición de motivos

Dende a posta en marcha, no ano 2012, do Real decreto – lei 16/2012, do 20 de abril, de medidas urxentes para garantir a sostibilidade do Sistema Nacional de Saúde e mellorar a calidade e seguridade das súas prestacións, moitos foron os pasos dados pola administración en contra dos dereitos dos e das pacientes, algúns singularmente graves.

Neste mesmo senso de recortes de dereitos se aliñan a Resolución do 10 de setembro de 2013, da Dirección General de Cartera Básica de Servicios del Sistema Nacional de Salud y Farmacia, pola que se procede a modificar as condicións de financiamento de medicamentos incluídos na prestación farmacéutica do Sistema Nacional de Saúde mediante a asignación de achega da persoa usuaria, en desenvolvemento do Real decreto - lei 28/2012, do 30 de novembro, de medidas de consolidación e garantía do sistema da Seguridade Social.

De maneira especial, o camiño da política sanitaria galega desenvolvido nos últimos anos pola Xunta de Galicia vén non soamente reforzando os fundamentos recollidos nos citados reais decretos e resolución, senón sinalándose como referente da aplicación de medidas regresivas para o sistema de dereitos e igualdade existentes no sistema público de saúde a través da implantación do copago farmacéutico para a poboación galega.

Esta medida constitúe unha profunda inxustiza, xa que instaura a obriga de repagar por unha parte do servizo sanitario, como é o tratamento farmacolóxico, vulnerando así o criterio de gratuidade da sanidade pública. Ademais resulta especialmente lesiva xa que afecta, de xeito sinalado, a persoas enfermas con doenzas crónicas (cancro, hepatite, esclerose ...) polo seu maior gasto farmacéutico. Estas persoas pacientes veñen acrecentando o seu problema, pois ademais da dificultade médica da súa situación, son principais afectados por unha medida inxusta. A maiores, as persoas máis sinaladas por este tipo de casos son pensionistas xubilados e xubiladas, co que os problemas asociados á economía doméstica engaden dificultade ao contexto da medida.

 Grupo Parlamentario



Partido dos
Socialistas
de Galicia

A pesares de que o Goberno da Xunta de Galicia pretendeu reparar algúns danos e subsanar a problemática, as medidas anunciadas para facer fronte a este copago téñense amosado absolutamente insuficientes e recoñecen por tanto, de maneira implícita, que este tipo de medidas xeran unha serie de problemas na cidadanía que as ten que afrontar.

Ante esta circunstancia, moitas foron as asociacións e colectivos de pacientes, profesionais sanitarios e consumidores os que elevaron a súa protesta á Administración. De igual maneira o fixeron algunhas comunidades autónomas, como Castela e León, Andalucía, Asturias ou País Vasco, que amosaron a súa incompreensión ante unha medida tan ineficaz como inxusta.

Por todo o anteriormente exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Pleno:

O Parlamento galego insta a Xunta de Galicia a:

1. Impulsar un plan inicial de reversión do copago farmacéutico, que comece por asumir por parte da administración o custo dos medicamentos para as e os xubilados con pensións menores de 800€/mes.
2. Establecer un calendario de medidas que avance progresivamente na eliminación do copago sanitario para as persoas pacientes do Servizo Galego de Saúde.

Pazo do Parlamento, 3 de novembro de 2016

Asdo.: Julio Torrado Quintela
Noela Blanco Rodríguez
Deputado e deputada do G.P. dos Socialistas de Galicia

Asdo.: Xoaquín Fernández Leiceaga
Portavoz do G.P. dos Socialistas de Galicia

Asinado dixitalmente por:



PARLAMENTO DE GALICIA
REXISTRO XERAL ENTRADA
Data asento: 03/11/2016 16:30
Nº Rexistro: 647
Data envío: 03/11/2016 16:22:23.643

 **Grupo Parlamentario**



Julio Torrado Quintela na data 03/11/2016 16:20:51

Noela Blanco Rodríguez na data 03/11/2016 16:21:00

Xoaquín María Fernández Leiceaga na data 03/11/2016 16:21:08

Partido dos
Socialistas
de Galicia

Reunión do Pleno do Parlamento
Día: 07.02.2017 Hora: 10:00
Orde do día

4.2 744(10/PNP-000056)

Grupo Parlamentario Popular de Galicia

Balseiro Orol, José Manuel e 5 máis

Sobre a actuacións que debe levar a cabo o Goberno galego para a adecuación dos coeficientes redutores da idade de xubilación ás características da actividade marítimo-pesqueira de Galicia. (Procedemento de urxencia)

Publicación da iniciativa pola vía de urxencia, 10, 09.11.2016

Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa das deputadas e deputados José Manuel Balseiro Orol, José Manuel Cores Tourís, Carlos E. López Crespo, M^a Guadalupe Murillo Solís, Aurelio Nuñez Centeno, Marta Rodríguez Arias, ao abeiro do disposto nos artigos 160, 98 e concordantes do Regulamento da Cámara, presenta ante esa Mesa, a seguinte Proposición non de Lei para o seu debate en Pleno polo trámite de urxencia.

Xustificación da urxencia:

A urxencia ven motivada pola necesidade de que o Parlamento de Galicia se posicione canto antes sobre esta cuestión.

Exposición de motivos:

A lexislación sociolaboral española faculta ao Goberno para reducir a idade mínima para acadar a pensión de xubilación en aquelas actividades profesionais de natureza excepcionalmente penosa, tóxica, perigosa ou insalubre nas que se acusen elevados índices de morbilidade ou sinistralidade, así como naquelas outras cuxa realización implique unha continua separación familiar e afastamento do fogar.

Esta redución débese efectuar mediante o establecemento duns coeficientes aplicables ao tempo de traballo efectivamente realizado nas citadas actividades que fixeran posible, en cada caso, unha vez cumpridos os demais requisitos legais, a percepción da pensión con anterioridade ao cumprimento da idade esixida con carácter xeral.

O establecemento inicial dos citados coeficientes no mundo do mar levouse a cabo mediante o Decreto 2309/1970, de 23 de xullo e foron modificados pola disposición adicional oitava do Real Decreto 863/1990, de 6 de xullo e posteriormente en 2004 e 2007.

Durante este amplo período de tempo transcorrido desde a súa instauración, véñense dando cambios substanciais que modificaron as circunstancias sobre os que se aplicaban, xa que as variacións dos tempos de permanencia no mar derivados dos sistemas de conservación do peixe, as introducións das normativas de acceso aos caladoiros ou as xestións e ordenacións das propias pesquerías motivaron unha variación total da situación da actividade pesqueira.

Tanto é así que cómpre revisar esta normativa e os seus efectos toda vez que desta evolución danse situacións de incoherencia grave entre a práctica pesqueira real e a contemplada na normativa, existindo anacronismos (presenza de buques baleeiros) ou agravios comparativos (dous buques no mesmo caladoiro e pescando coa mesma arte poden ter coeficientes diferentes) que é preciso eliminar a prol de buscar unha maior equidade nos dereitos de xubilacións dos mariñeiros.

A aprobación da proposta de Regulamento do Parlamento Europeo e do Consello polo que se definen as características dos barcos de pesca viría a afectar aos rexistros dos que se toman os datos para determinar os coeficientes redutores. O Regulamento Europeo mencionado atópase aínda en fase de borrador e posporase a súa entrada en vigor para o verán de 2017. Como novidade, dito borrador, referido ao rexistro de buques pesqueiros, inclúe a obriga de rexistrar o tipo de barco e incluírá unha clasificación de buques pesqueiros que está a definirse.

Dada esta situación normativa actualmente recoñecida e a prevista entrada en vigor do regulamento citado, cómpre darlle unha solución que actualice e adapte a devandita normativa ás circunstancias reais actuais da nosa actividade pesqueira e da súa dimensión laboral.

Polo exposto

“O parlamento de Galicia insta á Xunta de Galicia a iniciar, unha vez que entre en vigor o regulamento europeo polo que se definen as características dos buques de pesca, un proceso de diálogo de cara á adecuación dos coeficientes redutores da idade de xubilación ás características da actividade marítimo-pesqueira en Galicia, toda vez que os cambios substanciais na realidade operativa de embarcacións e prácticas de marisqueo demanda esta posibilidade de cambio”.



PARLAMENTO DE GALICIA
REGISTRO XERAL ENTRADA
Data asento: 04/11/2016 17:59
Nº Rexistro: 744
Data envío: 04/11/2016 17:59:44.820

Santiago de Compostela 04 de novembro de 2016.

Asinado dixitalmente por:

Pedro Puy Fraga na data 04/11/2016 17:19:20

José Manuel Balseiro Orol na data 04/11/2016 17:19:35

José Manuel Cores Tourís na data 04/11/2016 17:19:50

Carlos Enrique López Crespo na data 04/11/2016 17:20:04

María Guadalupe Murillo Solís na data 04/11/2016 17:20:23

Aurelio Alfonso Núñez Centeno na data 04/11/2016 17:20:41

Marta Rodríguez Arias na data 04/11/2016 17:20:51

Daniel Luis Varela Suanzes-Carpegna na data 04/11/2016 17:21:16

Álvaro Pérez López na data 04/11/2016 17:21:35

Marta Rodríguez Vispo Rodríguez na data 04/11/2016 17:21:42

César Manuel Fernández Gil na data 04/11/2016 17:21:50

Jaime Castiñeira Broz na data 04/11/2016 17:21:59

Cristina Isabel Romero Fernández na data 04/11/2016 17:22:06

Miguel Ángel Tellado Filgueira na data 04/11/2016 17:22:20

Martín Fernández Prado na data 04/11/2016 17:22:31

María Nava Castro Domínguez na data 04/11/2016 17:22:47

**GRUPO PARLAMENTARIO POPULAR
DE GALICIA**

Rúa do Hórreo, 63
15702 Santiago de Compostela

T. 981 551 510

F. 981 551 422

gp-pp@parlamentodegalicia.es

www.ppdeg Galicia.com

Reunión do Pleno do Parlamento
Día: 07.02.2017 Hora: 10:00
Orde do día

4.3 2254(10/PNP-000202)

Grupo Parlamentario de En Marea

Solla Fernández, Eva

Sobre as actuacións que debe levar a cabo o Goberno galego en relación coa Lei 1/2012, do 29 de febreiro, de medidas temporais en determinadas materia do emprego público da Comunidade Autónoma de Galicia, así como o V Convenio colectivo único

Publicación da iniciativa, 32, 21.12.2016

Á MESA DO PARLAMENTO

O Grupo Parlamentar de **En Marea**, por iniciativa da súa deputada **Eva Solla Fernández** e ao abeiro do artigo 160 do Regulamento do Parlamento, presenta a seguinte **Proposición non de lei para debate en Pleno, relativa á derogación da Lei 1/2012**.

EXPOSICIÓN DE MOTIVOS

Na primavera do ano 2010 o Estado español perdeu definitivamente a súa soberanía en pos do cumprimento das esixencias dunha Europa caníbal, dunha Troika que resarcíu as perdas dos poderes financeiros aplicando sobre a clase traballadora uns recortes que se cebaron en grande medida coas empregadas e empregados públicos.

En Galicia, os recortes en salarios e dereitos do persoal público levados a cabo polos Gobernos de Rodríguez Zapatero e Rajoy Brey, non só non se mitigaron, se non que foron acrecentados con máis ataques por parte do Goberno de Núñez Feijóo.

A Lei 1/2012, de 29 de febreiro, eliminou varios dereitos e preceptos contidos no V convenio colectivo único, nun desprezo xeral ao traballo do persoal público, o seu dereito ao descanso e á conciliación. As mesmas e os mesmos que tiveron que sufrir a eliminación das súas pagas extra, hoxe en vías de devolución e unhas taxas de reposición que teñen mermado os pranteis ata mínimos insostibles.

A suposta mellora macroeconómica defendida polo Goberno ou o incremento anunciado dos orzamentos de 2017 non significou, pola contra a eliminación



PARLAMENTO DE GALICIA
REXISTRO XERAL ENTRADA
Data asento: 13/12/2016 13:54
Nº Rexistro: 2254
Data envío: 13/12/2016 13:54:26.600



dunha norma que ademais definía un claro carácter temporal. De feito, a propia Lei de Medidas Fiscais e Administrativas, deixa claro que non existe intención de suprimir xa esta Lei, ao propor unha modificación dun único artigo do citado texto.

Por todos estes feitos, **En Marea** realiza a seguinte **Proposición non de lei**:

O Parlamento de Galicia insta á Xunta de Galicia a derrogar a Lei 1/2012 e repor completamente o V convenio colectivo único.

Compostela, 13 de decembro de 2016

Asdo. Eva Solla Fernández

Asdo.: Luís Villares Naveira

Deputada do GP de En Marea

Voceiro do G.P. de En Marea

Asinado dixitalmente por:

Eva Solla Fernández na data 13/12/2016 13:46:23

Luis Villares Naveira na data 13/12/2016 13:46:35

Reunión do Pleno do Parlamento
Día: 07.02.2017 Hora: 10:00
Orde do día

4.4 2397(10/PNP-000220)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre a actuación que debe levar a cabo o Goberno galego e a demanda que debe realizar ao Goberno central en relación coa causa iniciada por mariñeiros pertencentes á asociación Long Hope nos tribunais de Noruega para o recoñecemento do seu dereito a percibiren dese Estado as súas pensións de xubilación

Publicación da iniciativa, 36, 28.12.2016



PARLAMENTO DE GALICIA
REXISTRO XERAL ENTRADA
Data asento: 20/12/2016 12:39
Nº Rexistro: 2397
Data envío: 20/12/2016 12:39:08.281

Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Montserrat Prado Cores, Ana Belén Pontón Mondelo, Olalla Rodil Fernández, Xosé Luís Rivas Cruz, Noa Presas Bergantiños e Xosé Luís Bará Torres**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**, relativa a instar á Xunta de Galiza a emprender actuacións para colaborar nas xestións levadas a cabo polo colectivo Long Hope contra o Estado noruegués na reclamación dos seus dereitos.

Mariñeiros galegos que traballaron na mariña mercante norueguesa piden o pagamento das súas pensións de xubilacións ó país nórdico. A defensa e reclamación de dereitos exposta publicamente pola asociación Long Hope acada xa un extenso percorrido institucional. O seu presidente Juan Lores Názara e o seu portavoz Alberto Paz Viñas conduciron esta loita ata as altas institucións de Noruega mantendo reunións co seu defensor do pobo, embaixador de España en Noruega, embaixador da UE en Noruega, cabeceiras dos sindicatos máis representativos do país como a L.O.

Estiveron tamén coas altas institucións españolas do Ministerio de Exteriores, Ministerio de Traballo en Madrid, embaixada de Noruega no Estado español na que mantiveron unha reunión co seu embaixador.

Mantiveron encontros no Parlamento de Galicia con AGE, BNG, e PSOE, así mesmo foron invitados por Paloma Rodríguez deputada do PSOE ó Congreso dos Deputados para establecer liñas de actuación pertinentes.



PARLAMENTO DE GALICIA
REXISTRO XERAL ENTRADA
Data asento: 20/12/2016 12:39
Nº Rexistro: 2397
Data envío: 20/12/2016 12:39:08.281

Viaxaron a Luxemburgo unha representación de Long Hope a unha vista oral no Tribunal de Xustiza do caso Wieland C/465/14 caso similar entre mariñeiros austríacos contra armadores holandeses.

A loita polas pensións dos nosos mariñeiros que traballaron en Noruega non cesa. No eido da política reclamando, entre outras, ao Goberno español para que adopte as medidas legais que correspondan e interpoña ao abeiro do artigo 33 do Convenio Europeo de Dereitos Humanos unha demanda contra o Reino de Noruega, que incumpre o Convenio Europeo de Dereitos Humanos.

En todo este peregrinar non foron quen de conseguir que o presidente da Xunta de Galicia os recibise a pesares de que o Grupo parlamentar Popular ten apoiando diversas iniciativas como a presentada polo BNG xa no ano 2010, nin teñen conseguido o apoio institucional do Goberno galego nin este ten levado a cabo ningunha xestión política que eles coñezan.

Antes da eleccións a consellaría do Mar púxose en contacto co colectivo Long Hope e trasladoulle unha proposta de convenio para sufragar os gastos nos que incorra a Asociación na defensa dos seus fins, sen trasladarlle nin unha só compromiso para mediar diante do Goberno do Estado ou de asumir como propia esta reclamación.

Para o colectivo Long Hope esta era a maneira de facelos calar e non denunciar unha vez máis o desleixo da Xunta de Galiza e do Goberno central por un problema de dereitos fundamentais, o dereito duns traballadores a cobrar unha pensión de xubilación.

Diante do proceso xudicial iniciado polo colectivo e tendo presente a data para a celebración do xuízo en Noruega os días 3, 4, 5 de abril de 2017, reclamamos máis unha vez que a Xunta de Galiza actúe en defensa dos dereitos dos mariñeiros galegos levando a cabo todas as actuacións posíbeis, e entre elas que se persoe na causa iniciada e que



PARLAMENTO DE GALICIA
REXISTRO XERAL ENTRADA
Data asento: 20/12/2016 12:39
Nº Rexistro: 2397
Data envío: 20/12/2016 12:39:08.281

solicite ao Goberno do Estado que actúe en consecuencia na defensa dos traballadores/as galegos.

Polo exposto formúlase a seguinte proposición non de lei para o seu debate en Pleno:

“O Parlamento de Galiza insta ao Goberno galego a:

1.- Esixir do Goberno central a inmediata reclamación ao Goberno noruego da evolución das taxas cobradas irregularmente aos mariñeiros galegos no país nórdico.

2.- Interpor ao amparo do artigo 33 do Convenio Europeo de dereitos humanos unha demanda diante do Tribunal Europeo de Dereitos Humanos contra o Reino de Noruega por incumprir o Convenio europeo de dereitos humanos por vulnerar a prohibición de discriminación por nacionalidade por esixir a residencia para a inclusión no sistema noruego de Seguridade Social aos nosos traballadores do mar emigrantes embarcados nos seus buques, que, pola contra, non se lles esixiu aos nacionais noruegos empregados nos mesmos barcos, sen que exista xustificación obxectiva e razoábel para iso.”

Santiago de Compostela, 20 de decembro 2016

Asdo.: **Montserrat Prado Cores**

Olalla Rodil Fernández

Xosé Luís Rivas Cruz

Noa Presas Bergantiños



PARLAMENTO DE GALICIA
REXISTRO XERAL ENTRADA
Data asento: 20/12/2016 12:39
Nº Rexistro: 2397
Data envío: 20/12/2016 12:39:08.281



BLOQUE NACIONALISTA GALEGO
OFICINA PARLAMENTAR
Parlamento de Galicia
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.es
15702 Santiago de Compostela
Galiza

Xosé Luís Bará Torres

Deputadas e deputados do G.P. do BNG

Ana Belén Pontón Mondelo

Portavoz do G.P. do BNG

Asinado dixitalmente por:

María Montserrat Prado Cores na data 20/12/2016 12:38:02

Olalla Rodil Fernández na data 20/12/2016 12:38:06

Xose Luis Rivas Cruz na data 20/12/2016 12:38:12

Noa Presas Bergantiños na data 20/12/2016 12:38:15

Xosé Luis Bará Torres na data 20/12/2016 12:38:19

Ana Pontón Mondelo na data 20/12/2016 12:38:22

Reunión do Pleno do Parlamento
Día: 07.02.2017 Hora: 10:00
Orde do día

4.5 3015(10/PNP-000263)

Grupo Parlamentario do Bloque Nacionalista Galego

Pontón Mondelo, Ana Belén e 5 máis

Sobre as actuacións que debe levar a cabo o Goberno galego en
relación cos depósitos de pneumáticos usados existentes en
Galicia

Publicación da iniciativa, 48, 19.01.2017



Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Ana Belén Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores, Noa Presas Bergantiños e Xosé Luis Bará Torres**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**.

No mes de maio de 2016 declarábase un incendio nun cemiterio ilegal de pneumáticos (o depósito de pneumáticos máis grande de Europa) ubicado no termo municipal de Seseña (Toledo), provocando unha nube tóxica e unha importante alarma medioambiental. O desastre de Seseña alértanos do perigo que representan estes depósitos, dos que existen moitos exemplos en Galiza.

En Lendo (A Laracha), hai unhas 35.000 toneladas de pneumáticos acumulados nas instalacións do grupo Campo. A acumulación destes pneumáticos comezou nos anos 90. No recinto deste grupo empresarial en Lendo, á parte de fabricar ladrillo, quéimanse os aceites usados de toda Galicia. Tamén aquí, a raíz do desastre do Prestige, depositouse en balsas chapapote procedente da catástrofe do Prestige. Segundo o Goberno municipal os pneumáticos só se estarían almacenando para seren logo trasladados a outra planta deste grupo empresarial, mais o certo é que dende hai moitos anos os pneumáticos usados continúan alí, amoreados sen máis, expostos a unha catástrofe como a que sucedeu en Seseña.

En Rego da Moa (Fene) hai, segundo distintas estimacións, 90.000 pneumáticos amoreados no terreo e nunha nave da antiga “Rubber Industrias del Caucho S.A.”, unha empresa que pechou no ano 2000. O estado de total abandono destas instalacións e a presenza no entorno de abundante vexetación son factores de risco que poden provocar un incendio de graves consecuencias ambientais.

Nas Somozas, nas instalacións de SOGARISA, amoréanse por riba de 100 toneladas de pneumáticos cuxo destino é a fabricación de CDR (combustíbel derivado dos residuos) para queimar como coadxuvante en cimenteiras e outras factorías de cerámica e siderurxia.

De acordo as estimacións da Asociación para a Defensa Ecolóxica de Galiza (Adega) só nos tres lugares citados anteriormente se acumulan unhas 36.000 toneladas de pneumáticos. A esta cifra hai que engadir os pneumáticos depositados noutros puntos e a grande cantidade de pneumáticos en desuso existente no noso medio rural.

O tratamento destes residuos pasa case sempre pola incineración (aproximadamente un 45%), eufemisticamente chamada “valorización enerxética en cimenteiras ou cerámicas”, polo “depósito” (aproximadamente outro 45%) e menos dun 10% é reutilizado e reciclado.

A incineración transforma un valioso residuo aproveitábel (goma vulcanizada e metal) en compostos altamente tóxicos. Por esa razón é necesario descartar a incineración como alternativa, apostando pola reutilización e reciclaxe dos pneumáticos usados.

Compre lembrar que de acordo coa normativa vixente está prohibido o vertido de pneumáticos, é dicir, a súa disposición indefinida en depósito controlado, sexan enteiros ou partidos. Ademais o tempo máximo de acumulación de residuos en depósitos temporais está limitado en xeral a un máximo de 6 meses.

Ademais, en aplicación do Real Decreto 1619/2005, sobre a xestión dos pneumáticos fóra de uso, repercútese no cliente á hora da compra, unha taxa en concepto de retirada do pneumático usado. É dicir, mentres as consumidoras e consumidores a través desta taxa costeamos a retirada e tratamento dos pneumáticos usados, persiste, en cambio, esta vergoñenta situación.



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/01/2017 11:39
Nº Rexistro: 3015
Data envío: 05/01/2017 11:39:03.000

Así mesmo, é de supoñer que, debido á variedade de residuos oleosos, graxas e demais restos industriais procedentes de hidrocarburos e similares, todos eles perigosamente contaminantes, a Xunta de Galiza estará a facer un seguimento da xestión, eliminación, reutilización ou reciclaxe dos mesmos. Se ademais parte destes son incinerados in situ ou soterrados, é de supoñer que haxa un estudo medioambiental do impacto que estas actividades teñen sobre o equilibrio natural da zona e sobre a saúde da poboación da mesma.

Por todo o exposto, o Grupo Parlamentar do BNG, formula a seguinte Proposición non de lei para o seu debate en Pleno.

“O Parlamento galego insta á Xunta de Galiza a:

1.- Diseñar un modelo de xestión e control dos pneumáticos usados baseado na reutilización e reciclaxe destes residuos.

2.- Retirar e trasladar de xeito inmediato os pneumáticos usados acumulados en depósitos e vertedoiros incontrolados, para o seu tratamento nunha planta de reciclaxe.

3.-Impulsar, en colaboración cos Concellos, un plan específico para detectar e retirar os pneumáticos en desuso existentes no medio rural.

4.- Establecer, no ámbito do impulso da I+D+i, unha liña específica destinada a fomentar os estudos de novas aplicacións de pneumáticos reciclados.”

Santiago de Compostela, 5 de xaneiro de 2017



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/01/2017 11:39
Nº Rexistro: 3015
Data envío: 05/01/2017 11:39:03.000

Asdo.: **Olalla Rodil Fernández**

Xosé Luis Rivas Cruz

Montserrat Prado Cores

Noa Presas Bergantiños

Xosé Luis Bará Torres

Deputadas e deputados do G.P. do BNG

Ana Belén Pontón Mondelo

Portavoz do G.P. do BNG

Asinado dixitalmente por:

Xose Luis Rivas Cruz na data 05/01/2017 11:38:14

María Montserrat Prado Cores na data 05/01/2017 11:38:22

Ana Pontón Mondelo na data 05/01/2017 11:38:24

Noa Presas Bergantiños na data 05/01/2017 11:38:27

Xosé Luis Bará Torres na data 05/01/2017 11:38:32

Olalla Rodil Fernández na data 05/01/2017 11:38:38

Reunión do Pleno do Parlamento
Día: 07.02.2017 Hora: 10:00
Orde do día

4.6 3410(10/PNP-000293)

Grupo Parlamentario de En Marea

Quinteiro Araújo, Paula e Rodríguez Estévez, David

Sobre as modificacións que debe introducir o Goberno galego no Decreto 37/2006 para evitar a precariedade laboral na que se atopa o persoal contratado para o Servizo de prevención e defensa contra os incendios forestais por tres meses ao ano

Publicación da iniciativa, 53, 26.01.2017

A MESA DO PARLAMENTO

O Grupo Parlamentar de En Marea, a iniciativa dos seus deputados **Paula Quinteiro Araújo e David Rodríguez Estévez** e a través do seu voceiro, **Luis Villares Naveira**, o abeiro do disposto no artigo 160 do Regulamento da Cámara, presenta a seguinte **Proposición non de lei**, referente a “situación de precariedade laboral na que atopan as traballadoras e traballadores contratados no SPDCIF por tres meses o ano” para o seu debate en **Pleno**.

Exposición de motivos:

Actualmente, existen 436 traballadoras e traballadores do SPDCIF, cunha relación contractual ca Consellería de Medio Rural, de tan só tres meses o ano, con carácter de fixos, indefinidos descontinuos, reserva de praza e co regulamento do INEM para estes casos, so teñen dereito ao cobro dun subsidio non contributivo de 426€ durante 3 meses debido a que ese é o tempo que están contratados. O cobro dos 3 meses do subsidio son despois de traballar 6 meses, e dicir, dúas campañas.

O total dos ingresos anuais dunha traballadora ou un traballador nesta circunstancia, sumando o derivado do seu traballo máis o subsidio por desemprego (en caso de que exista) nunca excede os 6.500€ anuais, quedando así lonxe do salario mínimo interprofesional.

Estas traballadoras e traballadores, conviven nunha situación de pobreza con visos de exclusión social, casos de depresión e sensación de baleiro e abandono por parte da Consellería de Medio Rural. Obsérvase que para chegar algún día a



ter dereito a unha pensión mínima, estas terían que traballar 100 campañas de reforzo de verán, ou sexa, 100 anos.

A todo isto temos que sumarlle a imposibilidade para facer substitucións de prazas non vacantes. Non poden cubrir baixas por enfermidades ou xubilacións nin acceder a prazas non vacantes en incendios forestais ou en calquera outro corpo da administración da Xunta de Galicia, aínda que non estean contratadas.

Tendo en conta a gran preparación, dispoñibilidade e profesionalidade das traballadoras e traballadores citados, non podemos obviar na labor que farían no que atinxe a prevención o estaren contratados durante máis meses.

Polo todo o exposto anteriormente, o Grupo Parlamentar de En Marea, presenta a seguinte **Proposición non de lei** para o seu debate en **Pleno**.

O Parlamento de Galicia insta a Xunta de Galicia a:

1. Modificar o Decreto 37/2006, das listas de contratación eliminando o guión para que as traballadoras e traballadores de tres meses poidan optar a cubrir vacantes e non vacantes.
2. Suprimir as coletillas de “Reforzo da Campaña do Verán” e de “Como máximo tres meses”
3. Solicitar a ampliación dos contratos de tres a nove meses.

Santiago de Compostela, 13 de xaneiro de 2017



PARLAMENTO DE GALICIA
REXISTRO XERAL ENTRADA
Data asento: 16/01/2017 13:37
Nº Rexistro: 3410
Data envío: 16/01/2017 13:37:07.437

Asinado dixitalmente por:

David Rodríguez Estévez na data 16/01/2017 13:34:28

Paula Quinteiro Araújo na data 16/01/2017 13:34:38

Luis Villares Naveira na data 16/01/2017 13:34:47

Reunión do Pleno do Parlamento
Día: 07.02.2017 Hora: 10:00
Orde do día

4.7 3551(10/PNP-000298)

Grupo Parlamentario dos Socialistas de Galicia

Vilán Lorenzo, Patricia e Díaz Villoslada, Juan Manuel

Sobre a avaliación polo Goberno galego dos investimentos e as infraestruturas xudiciais en Galicia, así como a execución na súa totalidade, no ano 2017, do Plan de infraestruturas xudiciais 2010-2015

Publicación da iniciativa, 53, 26.01.2017



PARLAMENTO DE GALICIA
REXISTRO XERAL ENTRADA
Data asento: 17/01/2017 16:30
Nº Rexistro: 3551
Data envío: 17/01/2017 14:09:41.989



Grupo Parlamentario

Partido dos
Socialistas
de Galicia

Á Mesa do Parlamento

O **Grupo Parlamentario dos Socialistas de Galicia**, por iniciativa da súa deputada e do seu deputado **Patricia Vilán Lorenzo e Juan Manuel Díaz Villoslada**, a través do seu portavoz, e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Pleno**.

Exposición de motivos

O servizo público da Xustiza é básico para a vertebración do Estado Social e Democrático de Dereito. Por desgraza, nestes últimos anos de goberno do PP, a Administración de Xustiza en Galicia sinalou a falta de vontade política e de capacidade para asumir as competencias constitucionais e estatutarias que a nosa Comunidade Autónoma ten no eido dunha institución tan esencial.

Como indicador, o orzamento de gasto en actuacións relativas á Administración de Xustiza para o exercicio 2017 é de algo máis de 104 millóns de euros, é dicir, só uns 12 millóns de euros máis que as previsións para construcións que recollía o Plan de infraestruturas xudiciais 2010-2015.

No ano 1995, a Xunta de Galicia asumira a provisión de medios materiais e económicos para o funcionamento da Administración de Xustiza e, dende aquela, iniciouse unha política en materia de infraestruturas coa finalidade de actuar na moi necesaria renovación e construción das instalacións xudiciais. Así naceu o Plan de infraestruturas xudiciais co horizonte 2010-2015.

O vicepresidente da Xunta de Galicia recorre Galicia fachendoso de investir “50.000 euros” en reformas cando o certo é que, só na provincia de Pontevedra, nada do previsto no Plan de infraestruturas xudiciais 2010-2015 se ten feito: nada en Pontevedra, Vigo, Cambados, Vilagarcía de Arousa, A Estrada ou Tui.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Pleno:

O Parlamento galego insta a Xunta de Galicia a avaliar os investimentos e as infraestruturas xudiciais en toda a Comunidade Autónoma e a executar, na súa totalidade no ano 2017, o Plan de infraestruturas xudiciais 2010-2015.

Pazo do Parlamento, 17 de xaneiro de 2017

Asdo.: Patricia Vilán Lorenzo
Juan Manuel Díaz Villoslada
Deputada e deputado do G.P. dos Socialistas de Galicia

Asdo.:Xoaquín Fernández Leiceaga
Portavoz do G.P. dos Socialistas de Galicia

Asinado dixitalmente por:

Patricia Vilán Lorenzo na data 17/01/2017 13:59:11

Juan Manuel Díaz Villoslada na data 17/01/2017 13:59:17

Xoaquín María Fernández Leiceaga na data 17/01/2017 13:59:22

Reunión do Pleno do Parlamento
Día: 07.02.2017 Hora: 10:00
Orde do día

4.8 3563(10/PNP-000300)

Grupo Parlamentario Popular de Galicia

García Míguez, María Ángeles e 6 máis

Sobre a realización de xestións polo Goberno galego diante do Concello co fin de adoptar as medidas necesarias para evitar o peche do Centro de Información á Muller de Pontecaldeas

Publicación da iniciativa, 53, 26.01.2017

Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa das deputadas e deputados **María Ángeles García Míguez, Paula Prado del Río, Marta Rodríguez Arias, Aurelio Núñez Centeno, Miguel Tellado Filgueira, Encarnación Amigo Díaz e Marta Rodríguez-Vispo Rodríguez**, ao abeiro do disposto nos artigos 160 e concordantes do Regulamento da Cámara, presenta ante esa Mesa, a seguinte Proposición non de Lei para o seu debate en Pleno.

Exposición de motivos:

Os Centros de Información ás Mulleres (CIM) son un servizo de titularidade municipal que, entre outras actividades, proporciona asesoramento xurídico e atención psicolóxica especializada tanto a maiores de idade coma ás persoas menores, orientación profesional, teleasistencia móbil para vítimas de violencia de xénero, información dos recursos e máis información encamiñada a conquistar a igualdade.

Sendo unha prioridade a atención ás mulleres e os seus fillos e fillas, estes concellos titulares dos CIM fináncianse tamén grazas o esforzo económico da Xunta de Galicia.

A Xunta de Galicia incrementa cada ano os recursos destinados a promover a plena igualdade e a eliminar a violencia machista; parece razoable que o resto de administracións públicas, sobre todo a administración local que é a máis cercana á cidadanía, non suprima servizos especializados de atención ás mulleres.

A partires do mes de xaneiro de 2017 o CIM de Pontecaldelas deixará de facer a súa labor a pesar dos seus dez anos de incansable e eficaz traballo e de ter o presuposto asinado para tal fin por parte do organismo dependente da Vicepresidencia da Xunta de Galicia destinado á loita contra a violencia de xénero.

Por todo o exposto, o Grupo Parlamentario Popular, presenta a seguinte Proposición non de lei para o seu debate en Pleno:

“O Parlamento insta á Xunta de Galicia a que se dirixa ao Concello de Pontecaldelas a fin de adoptar as medidas necesarias para evitar o peche do Centro de Información á Muller deste municipio”.



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 17/01/2017 16:30
Nº Rexistro: 3563
Data envío: 17/01/2017 14:29:29.349

Santiago de Compostela 17 de xaneiro de 2017.

Asinado dixitalmente por:

Pedro Puy Fraga na data 17/01/2017 14:26:11

María Ángeles García Míguez na data 17/01/2017 14:26:34

Paula Prado Del Río na data 17/01/2017 14:26:56

Marta Rodríguez Arias na data 17/01/2017 14:27:13

Aurelio Alfonso Núñez Centeno na data 17/01/2017 14:27:45

Miguel Ángel Tellado Filgueira na data 17/01/2017 14:27:57

María Encarnación Amigo Díaz na data 17/01/2017 14:28:13

Marta María Rodríguez-Vispo Rodríguez na data 17/01/2017 14:28:33

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión do Pleno do Parlamento
Día: 07.02.2017 Hora: 10:00
Orde do día

5. Interpelacións

Reunión do Pleno do Parlamento
Día: 07.02.2017 Hora: 10:00
Orde do día

5.1 1318(10/INT-000046)

Grupo Parlamentario de En Marea

Sánchez García, Antón e 13 máis

Sobre a política do Goberno galego en materia de pobreza enerxética

Publicación da iniciativa, 21, 29.11.2016

Á MESA DO PARLAMENTO

Antón Sánchez García, Luís Villares Naveira, Francisco Casal Vidal, Juan José Merlo Lorenzo, Carmen Santos Queiruga, Eva Solla Fernández, Luca Chao Pérez, Ánxeles Cuña Bóveda, Davide Rodríguez Estévez, Paula Quinteiro Araujo, Paula Vázquez Verao, Magdalena Barahona Martín, Manuel Lago Peñas e Marcos Cal Ogando deputados e deputadas do Grupo Parlamentar de En Marea, ao abeiro do disposto no artigo 147 do Regulamento da Cámara, presentan a seguinte **INTERPELACIÓN** relativa á pobreza enerxética.

Un dos múltiples xeitos nos que se manifesta a pobreza é coa pobreza enerxética, concepto que expresa a dificultade das persoas para poder pagar a factura da electricidade.

Depende de varios factores, entre os que se atopan os ingresos familiares e o prezo da electricidade.

O incremento das familias sen ingresos ou con baixos ingresos, a inestabilidade e precariedade laboral e o incremento nos últimos anos do prezo da electricidade, fixo que se incrementase espectacularmente o número de persoas que sofren pobreza enerxética.

En Galiza a situación é especialmente sangrante, xa que, co 15,4 % dos fogares en situación de pobreza enerxética, é a segunda comunidade autónoma con maior porcentaxe. E todo elo nun país fortemente excedentario en enerxía eléctrica.



Por exemplo, no 2015, Galiza produciu 29625 GW/h e só consumiu 19.615 GW/h, o que significa que exportou o 33,78% da enerxía producida, cando nese ano o 15,4% dos fogares galegos sufría pobreza enerxética.

A evolución é moi preocupante xa que de 2012 a 2015 o número de fogares con estas dificultades multiplicouse por 2,33, é dicir, subiu un 133%.

As medidas iniciadas dende a Xunta de Galiza sobre pobreza enerxética demóstranse sen a entidade suficiente para afrontar con garantías a cobertura enerxética total da poboación galega. O ticket social eléctrico da Xunta de Galiza proporciona só axudas dun máximo de 180 euros anuais por unidade familiar e 300 euros se é familia numerosa. Cantidades que non son suficientes para evitar os problemas de ditas familias. Ademais, esíxense uns requisitos tan restritivos que limitan moito o número de fogares que pode acceder a esta axuda.

Por todo o anteriormente exposto, o Grupo Parlamentario de En Marea presenta a seguinte interpelación:

- 1) Como valora os datos sobre pobreza enerxética publicados recentemente polo INE?
- 2) Considera suficientes as medidas postas en marcha polo Goberno galego para facer fronte á situación dramática de miles de familias?
- 3) Considera xusto que nun país que exporta máis do 30% da enerxía eléctrica producida, moitas veces con elevados impactos ambientais, ocorra isto?

Santiago de Compostela, 18 de novembro de 2016.

Asinado dixitalmente por:

Antón Sánchez García na data 18/11/2016 11:17:19

Luis Villares Naveira na data 18/11/2016 11:17:28

Francisco Casal Vidal na data 18/11/2016 11:17:36

Juan José Merlo Lorenzo na data 18/11/2016 11:17:44

Carmen Santos Queiruga na data 18/11/2016 11:18:02

Paula Vázquez Verao na data 18/11/2016 11:18:30

María de los Ángeles Cuña Bóveda na data 18/11/2016 11:18:35

Eva Solla Fernández na data 18/11/2016 11:18:40

Luca Chao Pérez na data 18/11/2016 11:18:43

Paula Quinteiro Araújo na data 18/11/2016 11:18:46

Magdalena Barahona Martín na data 18/11/2016 11:18:50

José Manuel Lago Peñas na data 18/11/2016 11:18:54

David Rodríguez Estévez na data 18/11/2016 11:18:57



Marcos Cal Ogando na data 18/11/2016 11:19:01



PARLAMENTO DE GALICIA
REXISTRO XERAL ENTRADA
Data asento: 18/11/2016 11:28
Nº Rexistro: 1318
Data envío: 18/11/2016 11:28:18.953



Reunión do Pleno do Parlamento
Día: 07.02.2017 Hora: 10:00
Orde do día

5.2 1429(10/INT-000053)

Grupo Parlamentario dos Socialistas de Galicia

Díaz Villoslada, Juan Manuel e Vilán Lorenzo, Patricia

Sobre a política do Goberno galego en materia de emprego público

Publicación da iniciativa, 21, 29.11.2016



PARLAMENTO DE GALICIA
REXISTRO XERAL ENTRADA
Data asento: 21/11/2016 17:24
Nº Rexistro: 1429
Data envío: 21/11/2016 17:24:38.643



Grupo Parlamentario

Á Mesa do Parlamento

Partido dos
Socialistas
de Galicia

Juan Manuel Díaz Villoslada e Patricia Vilán Lorenzo, deputado e deputada pertencentes ao Grupo Parlamentario dos Socialistas de Galicia, ao abeiro do disposto no artigo 147 do Regulamento da Cámara, presentan ante esa mesa a seguinte interpelación.

Dispón a exposición de motivos da Lei 1/2012, do 29 de febreiro, de medidas temporais en determinadas materias do emprego público da Comunidade Autónoma de Galicia o seguinte:

A grave situación orzamentaria e a necesidade de reducir o déficit público, para acadar unha situación de equilibrio sen menoscabar a prestación dos servizos públicos esenciais, e preservando o principio de solidariedade entre a cidadanía da comunidade autónoma de Galicia, fan necesario adoptar unha serie de medidas extraordinarias, urxentes e de carácter temporal en materia de contención de gastos no capítulo I dos orzamentos da Comunidade Autónoma de Galicia.

...

Estas medidas implican nalgúns casos a necesidade de suspender a aplicación de normas de carácter legal ou convencional, ademais de introducir algúns preceptos novos. O fundamento da suspensión da aplicación de determinados preceptos contidos no V Convenio colectivo único para o persoal laboral da Xunta de Galicia atópase no artigo 38.10 do Estatuto básico do empregado público, que permite revisar as condicións de traballo do persoal funcionario e laboral cando concorren causas graves de interese público derivadas dunha alteración substancial das circunstancias económicas.

O carácter desta lei é temporal, polo que a súa vixencia queda supeditada á subsistencia das difíciles circunstancias económicas que afectan á sustentabilidade das contas públicas.

Sinalando a súa disposición derradeira única:

As medidas previstas nesta lei serán revisadas nun prazo de dous anos dende a súa entrada en vigor, en función da evolución do produto interior bruto real de Galicia e do aforro primario dos orzamentos.

Grupo Parlamentario

A adopción destas medidas, inicialmente de carácter temporal, formaban parte e se enmarcaban no conxunto das políticas de redución do gasto público principalmente acordadas polo Goberno do Estado nos distintos decretos lei aprobados durante 2012 e que tanto dano teñen feito na calidade do conxunto dos nosos servizos públicos.

Partido dos
Socialistas
de Galicia

Coa Lei 1/2012 o Goberno galego aplicou a todos os empregados do sector público autonómico os seguintes recortes nos seus dereitos laborais:

- Penalización económica por situacións de incapacidade laboral.
- Supresión das axudas dos fondos de acción social.
- Restrición dos dereitos á prolongación da permanencia na situación de servizo activo ao cumprirse a idade de xubilación forzosa.
- Suspensión unilateral dos dereitos recollidos en varios artigos de V Convenio colectivo único para o Persoal Laboral da Xunta de Galicia, destacando pola súa nociva incidencia no funcionamento dos servizos e condicións laborais do persoal afectado a suspensión do artigo 19 en materia de descansos e libranzas.
- Restricións na provisión de postos de traballo e a mobilidade.

Por outra parte, e dentro das políticas de redución dos servizos públicos, as diferentes leis orzamentarias, tanto estatais como as promovidas polo Goberno galego, teñen imposto unhas taxas de reposición de efectivos (desde o 10 % de 2011 ao 50 % de 2016) que impiden unha axeitada dotación do persoal preciso para garantir a calidade dos servizos, é máis, que teñen provocado unha progresiva perda de emprego estable de difícil recuperación.

En materia salarial, se era "pouco relevante en Galicia" a supresión da paga extraordinaria do mes de decembro de 2012 decretada polo Goberno central para todos os empregados públicos, o Goberno galego durante 2013, 2014, 2015 e 2016 impuxo adicionalmente un recorte retributivo para todos os empregados do sector público autonómico que ascende a unha media do 5 % anual, mediante a supresión do complemento específico (ou concepto equivalente) nas pagas extraordinarias.

Grupo Parlamentario

Partido dos
Socialistas
de Galicia

Así, este novo recorte salarial iniciouse na Lei 2/2013, do 27 de febreiro de orzamentos xerais da Comunidade Autónoma de Galicia para 2013, que por certo foi anulada parcialmente na súa aplicación polo Tribunal Supremo, como ocorrera tamén coa supresión da paga extra de 2012, por conter disposicións que contraviñan o principio de irretroactividade de dereitos. Así, e tralo acordo acadado na Mesa Xeral de Negociación de Empregados Públicos o Goberno galego, con motivo dos claros pronunciamentos xudiciais que declaran ilegal a redución retroactiva aplicada pola Lei 2/2013 respecto dos meses de xaneiro e febreiro dese ano, vese na obriga de promover a aprobación urxente da Lei 7/2016, do 1 de xullo, para proceder á devolución das contías retributivas ilegalmente descontadas, lei que polo demais recolle o compromiso derivado dos devanditos acordos para a reposición do complemento específico, ou concepto equivalente, nas pagas extraordinarias a partir do 1 de xaneiro de 2017, compromiso que se deberá de plasmar a través da lei de orzamentos do vindeiro exercicio 2017.

Todo este breve relatorio dos recortes aplicados polo Goberno galego, moito máis intenso por certo en materia salarial que na Administración xeral do Estado, no resto de comunidades autónomas ou nas entidades locais, presenta un balance do pasado mandato autonómico en Galicia en materia de emprego público certamente desolador e contrario precisamente a un dos principios que invocaba a propia Lei 1/2012: acadar unha situación de equilibrio sen menoscabar a prestación dos servizos públicos esenciais, e preservando o principio de solidariedade entre a cidadanía da Comunidade Autónoma de Galicia.

Algúns datos e situacións evidencian este grave deterioro nos servizos públicos autonómicos:

- O orzamento autonómico de 2016 nos servizos básicos de Xustiza, Acción Social, Educación e Sanidade é inferior en 1.246 millóns de euros ao do ano 2008.
- Nos servizos de saúde perdéronse preto de 3.000 postos de traballo estables.
- No ensino non universitario a perda de docentes e próxima aos 2.500 efectivos, e no ámbito das tres universidades galegas a perda de docentes sitúase nos 400, aos que hai que sumar 450 investigadores e persoal de apoio á investigación menos.
- Esta caída de postos nos servizos públicos pode constatarase nos datos do propio Rexistro Central de Persoal do Minhap.

 Grupo Parlamentario

- A taxa de emprego temporal incrementouse nun 50 %, ao pasar dos 10.000 contratos desta clase en 2011 a 15.000 en 2015.

Partido dos
Socialistas
de Galicia

- A suspensión xeral dos dereitos de descanso laboral para o persoal laboral (artigo 19 do citado V convenio) pode estar detrás do incremento da sinistralidade laboral que se observa nos informes presentados no Comité de seguridade e saúde en setembro pasado, observándose que os accidentes de traballo con baixa pasaron de 151 en 2013 a 235 en 2015, concentrándose o 80 % dos accidentes na Consellería de Política Social, con total preminencia dos sobreesforzos como causa, afectando a un número moi superior de mulleres respecto dos homes e concentrándose nas categorías laborais máis baixas.

- A propia Valedora do Pobo no seu recente informe do pasado 3 de outubro, relativo á queixa presentada por discriminación indirecta por razón de sexo que afecta ao persoal laboral da Xunta de Galicia pola suspensión do réxime de descansos/libranzas por servizos prestados en domingos e festivos, a pesar de non observar infracción do ordenamento xurídico, suxire que a "*... Xunta de Galicia deberá considerar, non como unha obriga inmediata de resultado pero si como unha obriga de comportamento futuro, retomar o diálogo social a fin de recuperar acordos que permitan (coa gradualidade que esixa a contención do gasto) incluír, nos sucesivos proxectos de presupostos previsións relativas aos compromisos de recuperación dos pactos iniciais...*"

- Debemos destacar tamén as recentes sentenzas ditadas polo Tribunal de Xustiza da Unión Europea en setembro deste ano que, en materia de ocupación de funcións estruturais con postos temporais ou do discriminatorio réxime de indemnizacións entre contratos fixos comparables e contratos temporais, están esixindo retomar o diálogo social actualmente inexistente para harmonizar as nosas políticas laborais coas directrices comunitarias en prol dun emprego tamén de calidade no sector público.

A estes exemplos de actuacións contrarias ás condicións laborais dos nosos empregados públicos, tanto funcionarios como laborais, poderíamos engadir as distintas políticas sectoriais que no ámbito sanitario, educativo ou social se veñen denunciando polos distintos axentes sociais e profesionais.

Realmente non estamos ante un conxunto de medidas temporais de "simple" redución do gasto de persoal (capítulo I dos orzamentos) do noso sector público en xeral e do autonómico de Galicia en particular; non estamos ante un "mero" relato de decisións unicamente administrativas e orzamentarias, senón ante unha política ben trazada para "adelgazar" os servizos públicos, diminuír a capacidade da acción redistributiva e social do Estado de Benestar, desregulalo e facilitar así novos ámbitos de privatización, dentro

 Grupo Parlamentario

da tendencia actual de absoluta liberalización e individualización dos problemas sociais, que volven ser atendidos desde unha visión de beneficencia, abandonando a protección e xusta redistribución social.

Partido dos
Socialistas
de Galicia

As previsións de PIB a acadar en 2016 e ás que se están a proxectar para 2017 polo Goberno do Estado, o novo escenario económico de Galicia anunciado polo Sr. Núñez Feijoo no Debate de Investidura desta nova lexislatura e o seu compromiso coa sostibilidade dos servizos públicos reiterada no Debate, esixen revisar e reverter o conxunto de medidas, que agardamos foran conxunturais, adoptadas polo Goberno galego durante o pasado mandato en materia de emprego público.

Polo exposto o deputado e a deputada que asinan formulan a seguinte interpelación:

Que previsións e, no seu caso, que calendario de traballo ten o Goberno galego para recuperar, no novo escenario económico e orzamentario anunciado para 2017, o diálogo social e a negociación colectiva no emprego público de Galicia, de xeito que se poda acadar un pacto polo emprego e os servizos públicos para este vindeiro mandato 2017-2020?

Pazo do Parlamento, 17 de novembro de 2016

Asinado dixitalmente por:

Juan Manuel Díaz Villoslada na data 21/11/2016 13:14:35

Patricia Vilán Lorenzo na data 21/11/2016 13:14:55

Reunión do Pleno do Parlamento
Día: 07.02.2017 Hora: 10:00
Orde do día

5.3 3797(10/INT-000134)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre a política do Goberno galego en relación coas
dificultades das familias para o pagamento do recibo da luz

Publicación da iniciativa, 53, 26.01.2017



PARLAMENTO DE GALICIA
REXISTRO XERAL ENTRADA
Data asento: 19/01/2017 17:07
Nº Rexistro: 3797
Data envío: 19/01/2017 17:07:47.194

Á Mesa do Parlamento

Noa Presas Bergantiños, Ana Belén Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Xosé Luis Bará Torres, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, formulan a seguinte **Interpelación**.

Os datos do IGE coñecidos no mes de decembro de 2016 son preocupantes e poñen o acento no incremento porcentual do grao de risco de exclusión e pobreza así como nas dificultades por parte dos fogares galegos á hora de manter a vivenda a unha temperatura axeitada nos meses de inverno. arredor de 375.000 fogares galegos que cada mes ingresan menos do SMI.

O 18 de xaneiro, no marco dunha vaga de frío que se estendeu na Península e afectou de forma considerábel ao noso país, que padeceu un grande descenso das temperaturas, coñecemos un importante aumento das tarifas eléctricas. O propio ministro de enerxía recoñecía que o recibo eléctrico sería en 2017 ata cen euros máis caro do que o ano anterior. Nos primeiros días do ano 2017 os prezos da electricidade incrementáronse até o 11% se comparamos co ano 2016 chegando até os 78'8€ por megawatio hora, o que supuxo bater o récord á alza desde 2013. No noso contexto socioeconómico isto supón o aumento da xa de por si enorme fenda entre os ingresos dos fogares e o volume que supón nas súas economías o pagamento do recibo da luz, un ben básico e de primeira necesidade.

Desde o nacionalismo galego temos denunciado o gran calote que supón o mercado eléctrico no Estado español, máis aínda despois das modificacións de tarifas do



PARLAMENTO DE GALICIA
REXISTRO XERAL ENTRADA
Data asento: 19/01/2017 17:07
Nº Rexistro: 3797
Data envío: 19/01/2017 17:07:47.194

Partido Popular, que non fixeron máis que contribuír ao escurantismo dun oligopolio cuxo funcionamento está nas antípodas da transparencia. Aliás, en aras do presunto “déficit tarifario” o emporio eléctrico mantén os seus beneficios a custo das persoas consumidoras, supoñendo un abuso ao tratarse dun ben de primeira necesidade.

Doutra banda, dende o punto de vista territorial, é un sistema deseñado en base a unha óptica centralista que sitúa a Madrid como punto central e diseña o sistema obviando a distribución das fontes de electricidade e as consecuencias que ten esta produción sobre as poboacións e territorios que a acollen. Deste xeito, as políticas centralistas e ao servizo das eléctricas do Partido Popular teñen impedido a negociación dunha tarifa eléctrica galega con base na condición de Galiza como excedentaria na produción de electricidade malia que isto abriría as portas a unhas menores e máis controladas tarifas, redundando en última instancia no ben dos e das consumidoras domésticas e das empresas.

Por todo isto, formulamos a seguinte Interpelación:

1.- Que actuacións ten desenvolvido ou vai desenvolver o Goberno galego para evitar os abusos na suba da luz para as persoas usuarias?

2.- Que actuacións ten desenvolvido ou vai desenvolver para que o recibo da luz deixe de ser un dos problemas máis preocupantes e relevantes para os fogares galegos?

3.- Ten tomado ou vai tomar medidas para que as persoas autónomas non teñan no pagamento do recibo da luz un factor engadido de dificultade económica á hora de manter os seus proxectos?



PARLAMENTO DE GALICIA
REXISTRO XERAL ENTRADA
Data asento: 19/01/2017 17:07
Nº Rexistro: 3797
Data envío: 19/01/2017 17:07:47.194

Santiago de Compostela, 19 de xaneiro de 2017

Asdo.: **Noa Presas Bergantiños**

Ana Belén Pontón Mondelo

Olalla Rodil Fernández

Xosé Luis Rivas Cruz

Montserrat Prado Cores

Xosé Luis Bará Torres

Deputadas e deputados do G.P. do BNG

Asinado dixitalmente por:

Noa Presas Bergantiños na data 19/01/2017 17:05:22

Xose Luis Rivas Cruz na data 19/01/2017 17:05:27

Olalla Rodil Fernández na data 19/01/2017 17:05:31

María Montserrat Prado Cores na data 19/01/2017 17:05:35

Xosé Luis Bará Torres na data 19/01/2017 17:05:37

Ana Pontón Mondelo na data 19/01/2017 17:05:41

Reunión do Pleno do Parlamento
Día: 07.02.2017 Hora: 10:00
Orde do día

6. Preguntas para resposta oral do Presidente da Xunta

Reunión do Pleno do Parlamento
Día: 07.02.2017 Hora: 10:00
Orde do día

6.1 4246(10/POPX-000013)

Grupo Parlamentario do Bloque Nacionalista Galego

Pontón Mondelo, Ana Belén

Sobre a defensa polo Goberno galego dos intereses de Galicia



PARLAMENTO DE GALICIA
REGISTRO XERAL ENTRADA
Data asento: 30/01/2017 16:37
Nº Rexistro: 4246
Data envío: 30/01/2017 16:37:02.291

Á Mesa do Parlamento

Ana Belén Pontón Mondelo, Portavoz do **Grupo Parlamentar do Bloque Nacionalista Galego (BNG)**, ao abeiro do disposto no artigo 152.2 do Regulamento da Cámara e das normas supletorias do 17 de marzo de 2015, formula a seguinte **PREGUNTA** dirixida ao **Presidente do Goberno**, para a súa resposta **oral** en **Pleno**.

PREGUNTA AO PRESIDENTE:

“Sr Feijóo, cando vai empezar a defender os intereses de Galiza, abandonando a súa submisión a Rajoy?”

Santiago de Compostela, 30 de xaneiro de 2017

Asdo.: **Ana Belén Pontón Mondelo**
Portavoz do Grupo Parlamentar do BNG

Asinado dixitalmente por:

Ana Pontón Mondelo na data 30/01/2017 16:26:41

Reunión do Pleno do Parlamento
Día: 07.02.2017 Hora: 10:00
Orde do día

6.2 4273(10/POPX-000014)

Grupo Parlamentario dos Socialistas de Galicia

Fernández Leiceaga, Xoaquín María

Sobre a opinión do Goberno galego respecto da recente
evolución das implantacións da industria auxiliar do
automóbil en Galicia



PARLAMENTO DE GALICIA
REXISTRO XERAL ENTRADA
Data asento: 30/01/2017 18:23
Nº Rexistro: 4273
Data envío: 30/01/2017 18:23:21.104



 Grupo Parlamentario

Á Mesa do Parlamento

Partido dos
Socialistas
de Galicia

Xoaquín Fernández Leiceaga, portavoz do Grupo Parlamentario dos Socialistas de Galicia, ao abeiro do disposto no artigo 152.2, presenta ante esa Mesa a seguinte **pregunta** para a súa resposta **oral en Pleno**, dirixida ao **Sr. presidente da Xunta de Galicia**.

Sr. presidente, esta vostede satisfeito coa evolución recente das implantacións da industria auxiliar do automóbil en Galicia?

Pazo do Parlamento, 30 de xaneiro de 2017

Asdo.: **Xoaquín Fernández Leiceaga**
Portavoz G.P. dos Socialistas de Galicia

Asinado dixitalmente por:

Xoaquín María Fernández Leiceaga na data 30/01/2017 18:16:26

Reunión do Pleno do Parlamento
Día: 07.02.2017 Hora: 10:00
Orde do día

6.3 4277(10/POPX-000015)

Grupo Parlamentario de En Marea

Villares Naveira, Luis

Sobre a actuación que vai levar a cabo o Goberno galego en relación co incumprimento dos prazos e trazados dos novos accesos ferroviarios a Ourense

Á MESA DO PARLAMENTO

Luís Villares Naveira, Voceiro do **Grupo Parlamentar de En Marea**, ao abeiro do disposto no artigo 152.2 do Regulamento da Cámara, presenta a seguinte **PREGUNTA**, para a súa resposta **oral en Pleno**, dirixida ao **Presidente da Xunta de Galicia**.

Ten pensado o Goberno galego seguir consentindo que se incumpran os prazos e trazados dos novos accesos ferroviarios a Ourense?

Santiago de Compostela, 30 de xaneiro de 2017.

Asdo.: Luís Villares Naveira

Voceiro do G.P. de En Marea.

Asinado dixitalmente por:

Luis Villares Naveira na data 30/01/2017 18:08:25

Reunión do Pleno do Parlamento
Día: 07.02.2017 Hora: 10:00
Orde do día

7. Preguntas ao Goberno

Reunión do Pleno do Parlamento
Día: 07.02.2017 Hora: 10:00
Orde do día

7.1 3467(10/POP-000408)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre a valoración do Goberno galego respecto das medidas
baralladas polo Goberno central en relación coa situación das
persoas afectadas pola comercialización de préstamos
hipotecarios coa inclusión de cláusulas chan

Publicación da iniciativa, 53, 26.01.2017



PARLAMENTO DE GALICIA
REGISTRO XERAL ENTRADA
Data asento: 16/01/2017 17:17
Nº Rexistro: 3467
Data envío: 16/01/2017 17:17:09.595

Á Mesa do Parlamento

Noa Presas Bergantiños, Ana Belén Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Xosé Luis Bará Torres, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para a súa resposta oral en Pleno**.

Nos últimos anos coñecemos un número crecente de sentenzas relacionadas coa colocación de produtos financeiros enganosos ou a aplicación de procedementos abusivos por parte das entidades financeiras. De feito, no noso país está aínda recente a conmoción social que supuxo a estafa das preferentes. Máis recentemente, o 21 de decembro de 2016 o Tribunal de Xustiza da Unión Europea nunha nova sentenza ratificaba o abuso que supuxeron as coñecidas como cláusulas chan nos créditos hipotecarios e modificaba o criterio establecido polo Tribunal Supremo a respecto dos efectos retroactivos da incorporación destas. Deste xeito, pronunciábase a favor da retroactividade dos efectos das cláusulas, que xa foran declaradas nulas nun anterior pronunciamento por mor da súa falla de transparencia. Así mesmo, o Tribunal de Contas do Estado español recolle no seu informe feito público nas primeiras semanas xaneiro de 2017 o que levabamos tempo denunciando: o rescate estatal das caixas de aforro fíxose sen criterio e sen o control necesario para asegurar a utilización eficiente dos recursos públicos.

A sucesión destes feitos acompáñase, como é lóxico, dunha fonda inseguridade e preocupación por parte dos e das clientes das entidades bancarias e máis concretamente por parte de todas aquelas que teñen algún tipo de hipoteca acordada con elas. Estímase que en Galiza habería arredor de 200.000 persoas afectadas. Porén, a gravidade e



PARLAMENTO DE GALICIA
REXISTRO XERAL ENTRADA
Data asento: 16/01/2017 17:17
Nº Rexistro: 3467
Data envío: 16/01/2017 17:17:09.595

importancia destes feitos non está a ter unha resposta esixente por parte das administracións, senón todo o contrario. Por iso, desde o grupo parlamentar do Bloque Nacionalista Galego observamos con preocupación como o goberno central rende pleitesía aos intereses da banca en lugar de fiscalizar a súa labor e como a Xunta de Galiza non dedica esforzos suficientes para espremer ao máximo as súas competencias en consumo.

A final de ano, o goberno do Estado prometía un decreto lei para sacar á luz Código de Boas Prácticas a respecto das cláusulas chan. Este novo anuncio ficou en papel mollado. Posteriormente, na primeiras semana de xaneiro anunciouse a inminencia dun Real Decreto que buscaba unha vía extraxudicial. Na segunda semana de xaneiro anunciouse que a demora remataría cun Real Decreto con saída nun Consello de Ministros que se celebraría o 13 de xaneiro. Finalmente, isto ficou en papel mollado e ese día non coñecemos a proposta do goberno estatal para solucionar un problema que afecta a millóns de persoas no Estado e a miles de persoas no noso país, sen recibir tampouco crítica ou presión por parte do goberno galego.

Máis aínda, as diversas cuestións que se foron filtrando nos medios de comunicación indicaban que o decreto continuaría a ser a todas luces insuficiente para os e as consumidoras e vantaxoso para as entidades bancarias que cometeron o abuso no canto de instar ao cumprimento da lei e á axilización dos trámites. Todo parece indicar como o Estado propicia, co silencio da Xunta, unha saída cómoda para a banca, non blinda os dereitos do consumidor e ningunha administración parece disposta a opinar ou investigar o feito de que as entidades bancarias se estiveran beneficiando todos estes anos dunhas contías cobradas indebidamente.

Ante as necesidades dos bancos desde os sucesivos gobernos sempre houbo prioridade nas para dar solucións rápidas e inxeccións urxentes e inxentes de diñeiro público. Porén, cando a necesidade e a urxencia vén por parte das persoas usuarias,



OFICINA PARLAMENTAR
Parlamento de Galicia
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 16/01/2017 17:17
Nº Rexistro: 3467
Data envío: 16/01/2017 17:17:09.595

incluso coa constancia de que sufriron abusos, ocultacións e enganos nas negociacións,
as prásas parecen ser outras, e interesa máis demorar as solucións.

Por todo isto, formúlase a seguinte pregunta para a súa resposta oral en Pleno:

Que valoración fai o goberno galego de que as medidas baralladas favorezan os
intereses da banca por riba dos intereses das persoas usuarias?

Santiago de Compostela, 16 de xaneiro de 2017

Asdo.: **Noa Presas Bergantiños**

Olalla Rodil Fernández

Xosé Luis Rivas Cruz

Montserrat Prado Cores

Xosé Luis Bará Torres

Ana Belén Pontón Mondelo

Deputadas e deputados do G.P. do BNG

Asinado dixitalmente por:

Noa Presas Bergantiños na data 16/01/2017 17:16:20

Olalla Rodil Fernández na data 16/01/2017 17:16:27



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 16/01/2017 17:17
Nº Rexistro: 3467
Data envío: 16/01/2017 17:17:09.595

Xosé Luis Rivas Cruz na data 16/01/2017 17:16:36

María Montserrat Prado Cores na data 16/01/2017 17:16:39

Xosé Luis Bará Torres na data 16/01/2017 17:16:41

Ana Pontón Mondelo na data 16/01/2017 17:16:45

Reunión do Pleno do Parlamento
Día: 07.02.2017 Hora: 10:00
Orde do día

7.2 3602(10/POP-000422)

Grupo Parlamentario dos Socialistas de Galicia

Vilán Lorenzo, Patricia e 3 máis

Sobre o coñecemento polo Goberno galego dos problemas detectados no funcionamento da estación depuradora de augas residuais en probas de Ribeira

Publicación da iniciativa, 53, 26.01.2017

Á Mesa do Parlamento

Partido dos
Socialistas
de Galicia

Patricia Vilán Lorenzo, María Dolores Toja Suárez, Raúl Fernández Fernández e María Luisa Pierres López, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **oral en Pleno**.

En febreiro de 2013, varios eurodeputados do Parlamento europeo viñan a Galicia para controlar a depuración das rías galegas e concluían que as zonas nas nosas rías que aínda son moi produtivas están en grave perigo se non se toman medidas; máis en concreto, con relación á ría de O Burgo, quedaron impactados polos lodos, que chegaban a uns dous metros de profundidade e que case “tragan” a un traballador que baixou o día da visita.

A vixente Lei de augas de Galicia, do 4 de novembro de 2010, e o seu Regulamento, do 22 de xuño de 2012, foron propostas polo Goberno de Feijóo e aprobadas polo Parlamento de Galicia so cos votos favorables do Partido Popular. As dúas normas recollen preceptos relativos ao saneamento, incluídos novos tributos para saneamento.

A ría de Arousa e os problemas de saneamento e depuración en Ribeira son outro punto máis nesta “carreira” do Goberno do PP: en xuño de 2009, Augas de Galicia elaboraba o anteproxecto de construción e explotación da Edar de Ribeira, presentando a solicitude de cualificación ambiental en xullo daquel ano.

Dende entón, o Goberno do PP ten feito un “plan” para o saneamento da ría; un estudo de impacto ambiental e unha promesa electoral do Conselleiro de Medio Ambiente, Territorio e Infraestruturas de executar o proxecto de pluviais e fecais en Ribeira, no borde marítimo, cun importe de 3.000.0000 de euros.

Non obstante, ademais dos problemas co emisario submarino (xulgados incluídos), do mal funcionamento dos tanques de tormenta e dos sifóns e

Grupo Parlamentario

dos vertidos ao mar de lixo e de augas non debidamente depuradas (non se pode esquecer que desembocan nunha zona sita entre os parques naturais de Corrubedo e das Illas Atlánticas), hoxe hai 475 denuncias por problemas de salubridade derivados do mal funcionamento da Edar en probas. Informes técnicos sobre a EDAR din que se observan medicións moi altas de sulfhídrico nas estacións de bombeo e que, nalgúns casos, se sitúan fóra de rango.

É importante dicir que, dende o ano 2014, a sociedade estatal ACUAES iniciaba a obra da depuradora, no marco dun convenio entre os gobernos do Estado e a Xunta, financiada con fondos Feder.

Por todo o exposto, as deputadas e o deputado que asinan formulan a seguinte pregunta para o seu debate en Pleno:

Ten coñecemento a Xunta de Galicia de todos estes problemas coa Edar de Ribeira?

Pazo do Parlamento, 17 de xaneiro de 2017

Asdo.: Patricia Vilán Lorenzo
María Dolores Toja Suárez
Raúl Fernández Fernández
María Luisa Pierres López
Deputadas e deputado do G.P. dos Socialistas de Galicia

Asinado dixitalmente por:

Patricia Vilán Lorenzo na data 17/01/2017 17:33:39

María Dolores Toja Suárez na data 17/01/2017 17:33:45

Raúl Fernández Fernández na data 17/01/2017 17:33:54

María Luisa Pierres López na data 17/01/2017 17:34:00

Reunión do Pleno do Parlamento
Día: 07.02.2017 Hora: 10:00
Orde do día

7.3 2891(10/POP-000304)

Grupo Parlamentario dos Socialistas de Galicia

Fernández Fernández, Raúl e 3 máis

Sobre as consecuencias da anulación da licenza de obras de
uso hoteleiro no castelo de Monterrei no contrato de
explotación con Paradores de España

Publicación da iniciativa, 43, 12.01.2017



PARLAMENTO DE GALICIA
REXISTRO XERAL ENTRADA
Data asento: 03/01/2017 13:39
Nº Rexistro: 2891
Data envío: 03/01/2017 13:39:36.561



Grupo Parlamentario

Á Mesa do Parlamento

Partido dos
Socialistas
de Galicia

Raúl Fernández Fernández, Noela Blanco Rodríguez, Abel Losada Alvarez e José Manuel Pérez Seco, deputados e deputada pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **oral en Pleno**.

A Fortaleza – Pazo da Acrópole de Monterrei é unha das máis grandes e máis significativas de Galicia. Foi declarada monumento nacional en 1931 e, na actualidade é un Ben de Interese Cultural coa categoría de monumento.

En Monterrei imprimiuse o primeiro incunable de Galicia, o coñecido Misal que leva o seu nome, e aconteceron feitos moi relevantes da historia de Galicia.

En 2010, a Xunta de Galicia aceptou a súa cesión, polo estado, a título gratuito coas condicións de uso público e visitas culturais, ademais de comprometerse a súa conservación e restauración.

No ano 2014, o Goberno galego decide, unilateralmente, vulnerar as condicións de uso provocando, con ilo, o incumprimento das condicións de cesión, a perda do financiamento comprometido e unha perda real de espazos públicos.

Cambio de uso e licenza de instalación hoteleira foron, e son, motivo de controversia e confrontación social e xudicial.

Así, o cambio de uso está pendente de resolución polo Tribunal Supremo e a licenza de obras vén de ser anulada polo Tribunal Superior de Xustiza de Galicia.

Ante esta nova situación, os deputados e a deputada que asinan formulan a seguinte pregunta para o seu debate en Pleno:

Que consecuencias ten para a Xunta de Galicia a anulación da licenza de obras de uso hoteleiro no Castelo de Monterrei no contrato de explotación con Paradores de España?

Pazo do Parlamento, 3 de xaneiro de 2017

Asdo.: Raúl Fernández Fernández
Noela Blanco Rodríguez
Abel Losada Alvarez
José Manuel Pérez Seco
Deputados e deputada do G.P. dos Socialistas de Galicia

Asinado dixitalmente por:

Raúl Fernández Fernández na data 03/01/2017 13:32:30

Noela Blanco Rodríguez na data 03/01/2017 13:32:36

Abel Fermín Losada Álvarez na data 03/01/2017 13:32:41

Jóse Manuel Pérez Seco na data 03/01/2017 13:32:46

Reunión do Pleno do Parlamento
Día: 07.02.2017 Hora: 10:00
Orde do día

7.4 3674(10/POP-000433)

Grupo Parlamentario de En Marea

Chao Pérez, Luca e 2 máis

Sobre as razóns do Goberno galego para non realizar en
período non lectivo as obras que se están a levar a cabo no
CEIP Ramón de la Sagra da Coruña

Publicación da iniciativa, 53, 26.01.2017

Á MESA DO PARLAMENTO

Luca Chao Pérez, Ánxeles Cuña e Francisco Casal, deputados pertencentes ao **Grupo Parlamentar de En Marea**, ao abeiro do recollido no artigo 155 do Regulamento da Cámara, presentan a seguinte **PREGUNTA**, para a súa resposta **oral en Pleno**, sobre a situación das obras no CEIP Ramón de la Sagra.

Dende que se iniciaron as obras no colexio Ramón de la Sagra o dous de novembro as familias afectadas veñen manifestando o seu malestar por unhas obras que semella non reúnen as condicións mínimas de Seguridade e Salubridade e que están sendo acometidas meses despois do debido, afrontando unhas condicións meteorolóxicas adversas.

Cómpre ter presente que que a licitación das obras foi publicada o 15 de xuño, e adxudicadas o 2 de setembro malia que na ficha descritiva da operación no programa operativo Feder Galicia 2014-2010 se especificaba a “urxente necesidade de acometer as obras en verán antes do inicio do curso escolar 2016-2017”

Por culpa deste retraso as obras están ocasionando un profundo malestar e preocupación entre as familias que veñen alzando queixas referidas ó acceso dos materiais en camións polo espazo de xogos dos nenos, ruídos intensos polos traballos con radiais mentres os nenos estaban nas aulas, problemáticas respiratorias a causa da gran cantidade de polvo levantado, materiais almacenados sen ningún control en espazos infantís e a retirada do amianto, un material que se ten demostrado canceríxeno, de xeito simultáneo ás clases. Solicitando, reiteradamente, e por acordo maioritario da ANPA, que se paralicen as obras e se realicen en período non lectivo.



PARLAMENTO DE GALICIA
REXISTRO XERAL ENTRADA
Data asento: 18/01/2017 13:55
Nº Rexistro: 3674
Data envío: 18/01/2017 13:55:27.620



Sen embargo, ignorando o sentir maioritario as obras continúan, ata o punto de que varias familias decidiron non levar ós seus fillos a clase cando se estea manipulando o fibrocemento como única forma de garantir a non exposición dos mesmos.

Por todo isto, o Grupo Parlamentar de En Marea, presenta a seguinte Pregunta para a súa resposta **oral en Pleno**:

Como pode explicar o Goberno galego que se realicen as obras de retirada do amianto en período lectivo?

Santiago de Compostela, 17 de xaneiro de 2017.

Asinado dixitalmente por:

Luca Chao Pérez na data 18/01/2017 13:19:21

María de los Ángeles Cuña Bóveda na data 18/01/2017 13:19:28

Francisco Casal Vidal na data 18/01/2017 13:19:36

Reunión do Pleno do Parlamento
Día: 07.02.2017 Hora: 10:00
Orde do día

- 7.5 3478(10/POP-000425)
Grupo Parlamentario Popular de Galicia
Núñez Centeno, Aurelio Alfonso e 5 máis
Sobre evolución dos datos da enfermidade gripal no inverno
2016-2017 en Galicia



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 16/01/2017 18:09
Nº Rexistro: 3478
Data envío: 16/01/2017 18:09:15.110

A Mesa do Parlamento

Aurelio Núñez Centeno, Encarna Amigo Díaz, Marián García Míguez, Marta Rodríguez Arias, Marta Rodríguez-Vispo Rodríguez e Miguel Tellado Filgueira, deputados e deputadas do **Grupo Parlamentario Popular de Galicia**, ao abeiro do disposto no artigo 155.5 e concordantes do Regulamento da Cámara, presentan ante esa Mesa, a seguinte **pregunta para a súa resposta oral en Pleno**, polo trámite de **urxencia**.

Xustificación da urxencia

A urxencia ven motivada, polo elevado número de casos que se están a presentar nestas datas, e a alarma social que se pode producir pola falla de información da poboación.

Como todos os anos, aproximadamente nestas datas, estase a constatar o incremento de persoas afectadas pola gripe na nosa Comunidade.

Todos sabemos que a gripe é unha enfermidade infecciosa, de etiología vírica, que na gran maioría dos casos cursa cun cadro clínico benigno, pero que en persoas maiores ou con factores de risco pode complicarse.

A atención desta enfermidade é, basicamente, competencia da atención primaria, ben nas consultas do médico de familia ou nas urxencias dos Puntos de Atención Continuada, aínda que moitas persoas continúan acudindo aos servizos de urxencia hospitalaria, en moitos casos con procesos gripais que se poderían tratar en primaria.

O tratamento e sintomático, resolvéndose habitualmente o proceso nuns días.

Pero hai unha pequena porcentaxe da cidadanía que precisa atención hospitalaria, pola gravidade do seu cadro clínico, en base á súa idade ou á presenza previa de enfermidades crónicas, o que provoca en algúns casos episodios puntuais de saturación nos servizos de urxencias dos nosos hospitais.

Dado que nestas datas estamos a observar un incremento notable dos casos rexistrados na nosa Comunidade Autónoma, os deputados asinantes, gustaríanos que nos respondera a esta pregunta en Pleno:

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 16/01/2017 18:09
Nº Rexistro: 3478
Data envío: 16/01/2017 18:09:15.110

Cómo está a ser a evolución dos datos da enfermidade gripal, neste inverno 2016-17 en Galicia?

Santiago de Compostela, 16 de xaneiro de 2017

Asinado dixitalmente por:

Aurelio Alfonso Núñez Centeno na data 16/01/2017 18:06:36

María Encarnación Amigo Díaz na data 16/01/2017 18:06:45

María Ángeles García Míguez na data 16/01/2017 18:06:52

Marta Rodríguez Arias na data 16/01/2017 18:06:59

Marta María Rodríguez-Vispo Rodríguez na data 16/01/2017 18:07:13

Miguel Ángel Tellado Filgueira na data 16/01/2017 18:07:25

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión do Pleno do Parlamento
Día: 07.02.2017 Hora: 10:00
Orde do día

7.6 4247(10/PUP-000048)

Grupo Parlamentario do Bloque Nacionalista Galego

Prado Cores, María Montserrat

Sobre as razóns da demora do Goberno galego na substitución das agullas facilitadas polo Sergas para a administración de insulina aos doentes afectados pola diabetes



PARLAMENTO DE GALICIA
REXISTRO XERAL ENTRADA
Data asento: 30/01/2017 16:37
Nº Rexistro: 4247
Data envío: 30/01/2017 16:37:38.557

Á Mesa do Parlamento

Montserrat Prado Cores, deputada do **Grupo Parlamentar do Bloque Nacionalista Galego (BNG)**, ao abeiro do disposto no artigo 155.5 do Regulamento da Cámara, presenta a seguinte **Pregunta para resposta oral en Pleno**, polo trámite **de urxencia**, relativa á necesidade de substituír de inmediato as agullas para a subministración de insulina aos doentes diabéticos insulino dependentes.

Xustificación da urxencia

A urxencia ven motivada pola demora inxustificada do Sergas en atender ás demandas do colectivo de doentes insulino dependentes, de substituír as agullas de baixa calidade que lles está a subministrar, por outras que non produzan efectos negativos sobre os doentes que teñen que usalas.

Diante disto, e do motivo exposto, o Grupo Parlamentar do Bloque Nacionalista Galego, a través da deputada asinante, formula a seguinte **pregunta** para a súa resposta **oral ante o Pleno**, polo trámite **de urxencia**:

Cal é a razón de que aínda non teña substituído as agullas Insuren, para a administración de insulina, que grande cantidade de doentes teñen denunciado que lle producen diversos efectos negativos?



BLOQUE NACIONALISTA GALEGO
OFICINA PARLAMENTAR

Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.es
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 30/01/2017 16:37
Nº Rexistro: 4247

Data envío: 30/01/2017 16:37:38.557

Santiago de Compostela, 30 de xaneiro de 2017

Asdo.: **Montserrat Prado Cores**

Deputada do G.P. do BNG

Asinado dixitalmente por:

María Montserrat Prado Cores na data 30/01/2017 16:34:56

Reunión do Pleno do Parlamento
Día: 07.02.2017 Hora: 10:00
Orde do día

7.7 2790(10/POP-000283)

Grupo Parlamentario Popular de Galicia

Rodríguez Arias, Marta e 5 máis

Sobre as medidas adoptadas pola Xunta de Galicia para atender
as familias obxecto dun desafiuzamento

Publicación da iniciativa, 43, 12.01.2017



**GRUPO PARLAMENTARIO
POPULAR DE GALICIA**



PARLAMENTO DE GALICIA
REGISTRO XERAL ENTRADA
Data asento: 30/12/2016 13:44
Nº Rexistro: 2790
Data envío: 30/12/2016 13:44:14.940

Á Mesa do Parlamento

Marta Rodríguez Arias, Aurelio Núñez Centeno, Miguel Tellado Filgueira, Encarnación Amigo Díaz, Marián García Míguez e Marta Rodríguez-Vispo Rodríguez, deputadas e deputados do **Grupo Parlamentario Popular de Galicia**, ao abeiro do disposto no artigo 152 e concordantes do Regulamento da Cámara, presentan ante esa Mesa, a seguinte **pregunta para a súa resposta oral en Pleno**.

Unha das consecuencias máis graves da actual crise económica son os desafiuzamentos. Co obxectivo de apoiar ás persoas que se atopan nesta situación a Xunta de Galicia asinou un convenio co Consejo General del Poder Judicial e a FEGAMP para a adopción rápida e coordinada de medidas para atender ás familias obxecto dun desafiuzamento.

Asemade, púxose en marcha o Programa Reconduce, que actúa nos casos nos que se detecte risco de desafiuzamento, a través dunha oficina central de asesoramento, integrada por técnicos especializados en dereito, economía financeira, traballo social e psicoloxía.

Polo exposto, os deputados asinantes formulan a seguinte pregunta en Pleno:

Cal é o balance que fai a Xunta de Galicia do Programa Reconduce desde a súa posta en marcha?

Santiago de Compostela 30 de decembro de 2016

Asinado dixitalmente por:

Marta Rodríguez Arias na data 30/12/2016 13:38:26

Aurelio Alfonso Núñez Centeno na data 30/12/2016 13:38:37

Miguel Ángel Tellado Filgueira na data 30/12/2016 13:38:47

María Encarnación Amigo Díaz na data 30/12/2016 13:38:54

María Ángeles García Míguez na data 30/12/2016 13:39:01

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdeg Galicia.com



PARLAMENTO DE GALICIA
REXISTRO XERAL ENTRADA
Data asento: 30/12/2016 13:44
Nº Rexistro: 2790
Data envío: 30/12/2016 13:44:14.940

Marta María Rodríguez-Vispo Rodríguez na data 30/12/2016 13:39:09

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión do Pleno do Parlamento
Día: 07.02.2017 Hora: 10:00
Orde do día

7.8 3531(10/POP-000413)

Grupo Parlamentario dos Socialistas de Galicia

Burgo López, María de la Concepción e 4 máis

Sobre as intencións da Xunta de Galicia respecto da
concertación de prazas na Rede pública de residencias e
centros de día creada pola Deputación Provincial de Lugo

Publicación da iniciativa, 53, 26.01.2017



PARLAMENTO DE GALICIA
REXISTRO XERAL ENTRADA
Data asento: 17/01/2017 12:26
Nº Rexistro: 3531
Data envío: 17/01/2017 12:26:03.911



 Grupo Parlamentario

Á Mesa do Parlamento

Partido dos
Socialistas
de Galicia

Concepción Burgo López, Luis Álvarez Martínez, José Antonio Quiroga Díaz, Noela Blanco Rodríguez e Julio Torrado Quintela, deputadas e deputados pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **Pregunta para a súa resposta oral en Pleno**.

Un dos retos colectivos máis urxentes que temos na Provincia de Lugo, é o despoboamento do territorio e o crecente envellecemento poboacional. Segundo os datos oficiais de Eurostat, oficina de estatística da Comisión Europea, Lugo é a novena provincia con maior porcentaxe de Europa de maiores de 65 anos, e a terceira provincia española en envellecemento poboacional.

O despoboamento é un problema transversal á Provincia, que non só incide no abandono do territorio, senón que é orixe de problemas derivados que van dende a falta de competitividade económica, ata a mingua de servizos sociais. O binomio de redución de poboación e servizos públicos operan como un círculo vicioso onde a menor poboación, resulta máis custoso cubrir os servizos para as administracións; e a menores servizos, menor fixación da poboación. A isto hai que engadir que o envellecemento da poboación é un problema moi grave por canto o colectivo de maiores de 65 anos é o que demanda unha maior cantidade de recursos públicos polas súas especiais necesidades.

Todos os indicadores que podemos analizar poñen en evidencia que a provincia de Lugo ten unha especial carencia dos servizos e equipamentos sociais necesarios para atender con garantías e calidade a esta poboación envellecida. Así, estudos como o Mapa Galego de Equipamentos Sociais, elaborado pola propia Xunta de Galicia, indican que Lugo precisa de, polo menos, 1.228 prazas residenciais e 1.040 prazas en centros de día máis, que lle permitan alcanzar os ratios mínimos de cobertura asistencial.

Ante esta realidade, a Deputación de Lugo apostou pola creación dunha Rede Pública de residencias e de centros de día con un investimento de quince millóns de euros, que asegure asistencia de calidade ás persoas maiores da provincia e que favoreza a conciliación da vida persoal e laboral. Ademais de paliar a carencia de servizos sociais, este investimento realizado pola Deputación, favorecerá o desenvolvemento económico dos concellos onde se sitúen as residencias e se calcula que creará máis de 140 empregos directos.

Non obstante, é un obxectivo prioritario para a Deputación de Lugo que a rede de residencias conte con criterios de acceso universal, abaratando ao máximo o custo da praza para facilitar o acceso das persoas con rendas máis reducidas, sobre todo nunha provincia como a de Lugo, que conta con pensións das máis baixas do Estado.

Para que isto sexa posible, e realmente se poñan en marcha mellores servizos para os maiores da provincia de Lugo é imprescindible a colaboración da Xunta de Galicia, a través dun sistema continuamente utilizado como é a concertación de prazas, neste caso cas residencias e centros de día construídos pola Deputación de Lugo.

A concertación de prazas para ofertar un servizo necesario aos maiores é posta en marcha pola Xunta continuamente con empresas privadas, polo tanto entendemos que con maior razón ten que facelo con unha institución pública como a Deputación, xa que damos por certo que o interese de ambas institucións é o beneficio dos e das cidadáns da provincia, e que a Xunta non pode máis que aplaudir que unha Deputación inverta nestes momentos 15 millóns de euros para ampliar os equipamentos sociais da provincia. Nestes momentos están a piques de abrir as residencias de Castroverde e A Fonsagrada polo que é urxente empezar a tomar decisións para garantir a atencións aos maiores destes concellos.

Polo exposto, as deputadas e deputados asinantes formulan a seguinte pregunta:



PARLAMENTO DE GALICIA
REXISTRO XERAL ENTRADA
Data asento: 17/01/2017 12:26
Nº Rexistro: 3531
Data envío: 17/01/2017 12:26:03.911



 Grupo Parlamentario

Partido dos
Socialistas
de Galicia

Ten intención a Xunta de Galicia de concertar prazas nas residencias e centros de día públicos que forman parte da Rede creada pola Deputación de Lugo?

Pazo do Parlamento, 17 de xaneiro de 2017

Asdo.: Concepción Burgo López
Luis Álvarez Martínez
Jose Antonio Quiroga Díaz
Noela Blanco Rodríguez
Julio Torrado Quintela
Deputadas e deputados do G.P. dos Socialistas de Galicia

Asinado dixitalmente por:

Maria de la Concepción Burgo López na data 17/01/2017 12:20:33

Luis Manuel Álvarez Matínez na data 17/01/2017 12:20:40

José Antonio Quiroga Díaz na data 17/01/2017 12:20:47

Noela Blanco Rodríguez na data 17/01/2017 12:21:19

Julio Torrado Quintela na data 17/01/2017 12:21:38

Reunión do Pleno do Parlamento
Día: 07.02.2017 Hora: 10:00
Orde do día

7.9 4276(10/PUP-000050)

Grupo Parlamentario de En Marea

Villares Naveira, Luis e 13 máis

Sobre as previsións do Goberno galego respecto da ampliación, ata os doce meses, do período de contratación subvencionable, nas subvencións dirixidas ás entidades locais para a contratación temporal de persoas en situación ou risco de exclusión social preceptoras da Risga

Á MESA DO PARLAMENTO

Luís Villares Naveira, Antón Sánchez García, Carmen Santos Queiruga, Magdalena Barahona Martín, Marcos Cal Ogando, Francisco Casal Vidal, Luca Chao Pérez, Paula Vázquez Verao, Ánxeles Cuña Bóveda, Juan José Merlo Lorenzo, Paula Quinteiro Araujo, Davide Rodríguez Estévez, Eva Solla Fernández e Jose Manuel Lago Peñas, deputadas e deputados pertencentes ao **Grupo Parlamentar de En Marea**, ao abeiro do disposto no artigo 155.5 do Regulamento da Cámara presentan a seguinte **Pregunta urxente para a súa resposta oral en Pleno**, relativa á mellora das subvencións aos concellos para a contratación de persoas perceptoras da renda de inclusión.

Xustificación da Urxencia.

A Xunta vén desenvolvendo un programa de achegas aos concellos para a contratación de persoas perceptoras da renda de integración social.

Este programa consiste, fundamentalmente, na achega por parte do Goberno galego dos gastos laborais das persoas contratadas, pero este programa é insuficiente.

Dado a duración dos contratos, as persoas, en moitos casos, non poden recibir as axudas, contributivas ou non, para persoas desempregadas por non ter cotizado os mínimos necesarios, ademais de supor unha dificultade para a reactivación da RISGA que cobraban con anterioridade, podendo provocar efectos adversos aos pretendidos e, dende logo, a imposibilidade de acadar o obxectivo perseguido de reinserción laboral das persoas perceptoras.

Polo anteriormente sinalado, o Grupo Parlamentar de En Marea formula a seguinte **Pregunta urxente para a súa resposta oral en Pleno:**

Ten pensado a Xunta aumentar, nas subvencións dirixidas a entidades locais para a contratación temporal de persoas en situación ou risco de exclusión social perceptoras da RISGA, o período de contratación subvencionable pola Consellería de Emprego e Industria ata os 12 meses, para favorecer a inclusión activa dos colectivos máis vulnerables?

Santiago de Compostela, 30 de xaneiro de 2017.

Asinado dixitalmente por:

Luis Villares Naveira na data 30/01/2017 17:48:58

Paula Vázquez Verao na data 30/01/2017 17:49:02

María de los Ángeles Cuña Bóveda na data 30/01/2017 17:49:06

Juan José Merlo Lorenzo na data 30/01/2017 17:49:14

Carmen Santos Queiruga na data 30/01/2017 17:49:19

Antón Sánchez García na data 30/01/2017 17:49:22

Eva Solla Fernández na data 30/01/2017 17:49:25

Luca Chao Pérez na data 30/01/2017 17:49:28

Paula Quinteiro Araújo na data 30/01/2017 17:49:32

Magdalena Barahona Martín na data 30/01/2017 17:49:35

José Manuel Lago Peñas na data 30/01/2017 17:49:38

Francisco Casal Vidal na data 30/01/2017 17:49:41

David Rodríguez Estévez na data 30/01/2017 17:49:44

Marcos Cal Ogando na data 30/01/2017 17:49:48

Reunión do Pleno do Parlamento
Día: 07.02.2017 Hora: 10:00
Orde do día

7.10 4233(10/PUP-000047)

Grupo Parlamentario Popular de Galicia

González Vázquez, José e 5 máis

Sobre as medidas e as axudas que está a impulsar o Goberno galego para a vertebración do sector lácteo



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 30/01/2017 13:48
Nº Rexistro: 4233
Data envío: 30/01/2017 13:48:09.873

A Mesa do Parlamento

José González Vázquez, Raquel Arias Rodríguez, Moisés Blanco Paradelo, Carlos Gómez Salgado, Carlos E. López Crespo e Daniel Vega Pérez, deputados e deputada do **Grupo Parlamentario Popular de Galicia**, ao abeiro do disposto no artigo 155.5 e concordantes do Regulamento da Cámara, presenta ante esa Mesa, a seguinte **pregunta para a súa resposta oral en Pleno**, polo trámite de **urxencia**.

Xustificación da urxencia

A urxencia ven motivada pola necesidade de que o Goberno galego explique canto antes a súa posición sobre un tema de gran interese na nosa Comunidade Autónoma.

Fronte o posicionamento dos Grupos Parlamentarios da oposición que nos trasladan unha visión catastrofista do lácteo galego, o certo é que o traballo da Xunta de Galicia a prol dunha solución integral para o sector está a dar os seus froitos na consecución de explotacións de vacún rendibles tanto polo incremento dos prezos de venda dos seus produtos coma pola maior eficiencia na xestión das súas explotacións.

Observamos así unha serie de actuacións que contribúen a vertebración do lácteo galego, de xeito que fronte a posición de facer plans de choque ou de emerxencia, coma piden os grupos da oposición, o que hai na actuación da consellería é unha atención constante o sector lácteo que se traduce nunha importante presenza das explotacións de ganado vacún nas liñas de axudas que se están convocando dentro do PDR 2014-2020.

Preocupación e atención constante o lácteo que se ve no seu protagonismo nas medidas de remuda xeracional, nos plans de mellora das explotacións, nos programas de incremento da base territorial, no fomento do asociacionismo entre os gandeiros, na potenciación das organizacións de produtores lácteos, nos últimos exemplos de agrupacións de gandeiros que se teñen observado no sector ou nas importantes iniciativas empresariais que pretenden impulsar a transformación e posta en valor do leite producido na nosa Comunidade.

En relación con este asunto, os deputados asinantes, formulan a seguinte pregunta en Pleno:

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdgalicia.com



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 30/01/2017 13:48
Nº Rexistro: 4233
Data envío: 30/01/2017 13:48:09.873

Qué medidas e axudas está a impulsar o Goberno galego para a vertebración do sector lácteo?

Santiago de Compostela, 30 de xaneiro de 2017

Asinado dixitalmente por:

José González Vázquez na data 30/01/2017 13:45:52

Raquel Arias Rodríguez na data 30/01/2017 13:46:16

Moisés Blanco Paradelo na data 30/01/2017 13:46:24

Carlos Gómez Salgado na data 30/01/2017 13:46:32

Carlos Enrique López Crespo na data 30/01/2017 13:46:58

Daniel Vega Pérez na data 30/01/2017 13:47:07

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com